



Teol. 3849.

f 2to 2

X. g. 49.

Oxiii
19

Delivered, & sold, by the said John, for the said
the said Anne, first wife of the said John, for the said

8 6

1725. 10. 11. 11.

ORATIONVM ECCLESIASTICA- RVM

Dominicalium TOMI PRIMI Pars Prima.

*Authore R. P. STANISLAO ZAKRZEWSKI, Canon. Reg.
Monas. Czernen. B. V. M. Professo. Sacrae Theolo. Lectore
Ordinario Praedicatoris, ad sedes S. Georg. Warsaviae.*



*Ex Libris
Gammascia*

CALISSII.

In Officina Alberti Gedelii Illust. Archiepiscopi Typogra-
phi. Anno Dni. 1620.

Cum licentia Superiorum.

*Admodum Reverendissimo Patri Dni Dni x. Archiepiscopi Illust. Dni Dni Episcopi Cracov. Illust. au-
rati, in f. g. m. b. i. t. a. k. et doct. na. ex illust. d. n. p. o. Dni sui libentis Auth. off. b.
est. M. C. K. P. D. P. C. x.*

APPROBATIO SUPERIORVM.

LAVRENTIVS GEMBICKI

DEI ET APOSTOLICÆ SEDIS GRATIA,
ARCHIEPISCOPVS GNESNENSIS, LEGATVS NA-
tus, Regni Poloniæ Primas, & primus Princeps.

Dilecto Nobis in Christo, Alberto Gedelio Typographo nostro Calis sien. Salu-
tem in Dño. Pro parte Venerabilis ac Religiosi Stanislai Zakrzewski, Ordinis
S. Augustini, Canonici Regularis S. T. L. exhibita sunt Nobis certæ Orationes Ec-
clesiæ Dominicales. Quas de nostro mandato Theologi nostri legerunt, & accuratè e-
xaminarunt, nihilq; in ipsis S. fidei Catholica contrarium reperiri Nobis retulerunt.
Tibi itaq; , cuius fidem & diligentiam in similibus experti sumus; autoritate nostra
ordinaria Orationes prædictas imprimendas permittimus, & facultatem damus, per
Nostras presentes literas. Quas Sigillo Nostro communiri mandauimus. Datum Loui-
cii, die decima octaua Mensis Ianuarii. Anno Dni. Millesimo Sexcentesimo Vigesimo.

Ioannes Lugowski sua Illmæ. & Rmæ. Cel.
Aft. Not. PM.

36.641

GEORGIUS ZAMOYSKI

A ZAMOSCIE, DEI ET APOSTOLICÆ SEDIS
GRATIA EPISCOPVS CHELMENSIS ABBATIÆ
Cernuenen. Administrator perpetuus.

Venerabili in Christo Patri Stanislao Zakrzewski, Canonico Regulari Ordinis S.
Augustini, Monasterii nostri Cernuenen. Professo, Nobis in Christo dilecto, Sa-
ludem in Dño. Orationes tuas Ecclesiasticas Dominicales, quas ad Nos in Rusiam
transmitti curasti, & ipsi legimus, & Reuerendo Dño. Nicolao Kislijsio Decano
Zamoscen. Vicario in Spiritualibus & Officiali Nostro Generali legends & exami-
nandas mandauimus: in quibus quoniam nihil inesse contra fidem Catholicam, &
probos mores intelleximus, illas prælo mandandi facultatem & licentiam authorita-
te Nostra Ordinaria tibi impartimur. In quorum fidem presentes manu Nostra sub-
scriptas, Sigillo Nostro muniri mandauimus. Skierbieſouia. Die Vigesima Mensis
Nonembris. Anno Dni. Millesimo Sexcentesimo Decimo nono.

Georgius Zamoyski Episcop. Chelmenſis.



Serenissimo Regi
SIGISMUNDO
III.
DEI GRATIA REGI
POLONIÆ SVVECIÆ &c.
Magno Duci Lithuaniae,
Prussiae, Mazouiae. &c.

Regis Regum gratiam.

Author humiliter in Dnō. precatur.

ORationes Ecclesiasticas Warsaviae, in Ecclesia
S. Georgii Canonicoꝝ Regularium, toto triē-
nio ad populum habitas, & cum licentia Illmi.
Dni Archiepiscopi Gnesnensis, typis excussas. Serenissi-
mæ Maiestati V. Regiæ, humilis in Christo seruus, &
subditus, Dnō meo Regi offero. Eo enim zelo S. M. V.
in Ecclesia Dei, eaq̃ pietate & obseruantia, cæteris præ-
eminet, quam in augendis eius bonis, in defendendis li-
(?) 2 bertati-

PRÆFATIO.

bertatibus, & immunitatibus, in dilatandis, longè lateq;
 propagandis eius finibus S. R. M. manifestat, ut omnes
 qui aliquo modo ad Ecclesiam Dei pertinemus, tantam
 pietatis magnitudinem, laudum encomiis extollere, gra-
 tiarumque submissa actione, & omni gratitudinis gene-
 re, persolvere teneamur. Ex quorum numero cum me
 esse unum etsi inter reliquos minimum agnoscam, ne ta-
 men officio Vinci animadvertar, opus hoc Ecclesiasticū,
 acerrimo Ecclesie Dei propugnatori, diuinig. honoris Pro-
 motori, Serenissimæ inquam M. V. confecro, obnixè pre-
 cibus obsecrans Serenissimam M. V. ut gratum recipien-
 tis experiatur animum. Vuat Serenissima Maiestas V.
 in multos annos, felix beata, salua, & incolumis, una
 cum Serenissima Consorte Matre Christianissima. Quā
 beatitudinis sortem Serenissimo Wladislao Principi no-
 stro S. M. V. Filio, ceterisq; bonæ indolis, & magnæ ex-
 pectationis Filiis. Dominis meis & Principibus ex animo
 precor. Datum in Conuentu nostro Wars. ad S. Geor.
 20 Feb. Anno Dni. 1620.

Illustrissimo & Reuerendo Domino,

**D. LAVRENTIO
GEMBICKI ARCHIE-
PISCOPO GNESNENSI,
LEGATO NATO, PRIMATI PRIMO.
QUE PRINCIPI, REGNI POLONIÆ.
Domino suo elementissimo.**

*Author vtramq; felicitatem. Longitudinem dierum
& salutare Dei precatur.*

IN principio creauit Deus cœlum & terram,
terra autem erat inanis & vacua, & tene-
bræ erant super faciem abyssi: certè digna
omni admiratione narratio Illustrissime Do-
mine. Si enim Deus creauit cœlum & terram, cur ina-
nis & vacua, tenebrisque inuoluta? Nonne Dei perfe-
cta sunt opera? Imo perfectissima, omnibusque numeris
absoluta, quare ergo terra inanis? quia nondum creati
luminis splendore illustrata fuerat, sed cum fecisset De-
us duo Luminaria magna, luminare maius & luminare
minus, vidit quod omnia essent bona, luminis quippe
splendor, tenebrarum caligine dissoluta, terram ferti-

PRÆFATIO.

litate producendi flores odoriferos, variiq. generis plantas adiuvit. Non aberro cum Deum rerum omnium Opificem sequor. Illustrissime Domine, diuina enim a-
ctio nostra est instructio. Composui diuina gratia ad id mihi opitulante opus hoc nouum Orationum Ecclesia-
sticarum multorum virorum iudicio comprobatum. Quod ne vacuum sine fructu & domesticis tenebris inuolu-
tum remaneret, illud presentandum oculis omnium placuit, utque gratiam in conspectu omnium inueniat, ti-
tuloque bonitatis potiatur, duo luminaria magna. Lu-
minare maius, Serenissimum Regem nostrum de Ec-
clesia supra quam cuiquam credibile est optime meritum;
& luminare minus Te Illustrissime Domine, qui Sere-
nissimo Regi nostro in dignitate Regni nostri secundus
felicibus auspiciis haberis, in fronte huius operis exhibui,
ut tantæ lucis splendore aquilarum subtilium oculi facile
ad opus hoc meum hilari fronte & recto aspectu legendi
alliciantur. Lumen etenim splendidissimum es Illustrissi-
me Domine, quippe in Ecclesia Dei summa pietate, mo-
rum grauitate, vitæ sanctitate, in Senatu eximia eru-
ditione & doctrinarum omnium facultate, & in negoti-
is arduis ingenii dexteritate, in subditos humanitate
Illm Cm Vm. adeo fortiter lucentem oculis nostris specta-

mus,

PRÆFATIO.

mus, ut omnes I. C. V. dicta & facta omnibus ne-
gotiis lucem addere fateamur. Omnium vox audi-
tur. I. D. L. G. A. G. esse lumen Regni fulgen-
tissimum. Ecclesie columnam fortissimam, Patrem
pauperum. Decus & ornamentum Senatus. Cuius
splendore opus meum magnam ubique locorum autho-
ritatis praerogativam habiturum confido. Fœlix
vivat in annis Nestoreos. I. C. V.

Ex Libris Joannis Guzeo. *thi*
expt. est qd
1578. may.

AD LE-

AD LECTOREM.

Opus nouum Orationum Ecclesiasticarum benigno vultu & hilari fronte sumito Lector candido, & si quod alimentum animo tuo, gratum sapore & iucundum dulcedine inuenire poteris, eo feliciter vtere. Deoque Omnipotenti qui etiam linguas infantum facit esse disertas gratias age; memor autorem amphoræ esse similem, quæ si vinum in eam infusum fuerit, vinum reddit, si aqua repletum fuerit, eandem bibentibus exhibet: non dissimili ratione authoris cor illud eructat verbum, quod descendit de fursu à patre luminum. Quod si aliquid tuo clarissimo animo displicuerit, boni & æqui consule, voluisse me doctis conceptu, minus peritis facilitate styli placere. Si verò gratum & acceptum intellexero, manum reliquo operi in lucem edendo, haud impigrè admouebo. Vnicum à te postulo Lector candido, vt cum opus legeris, & probaueris, Deo gratiarum actione reddita, pro authore pauperculo, vt non deficiat, vnum Aue Maria, B. V. M. consecra: Si reprehenderis, me bonum omnibus voluisse contentus esto. Vale & fælix labore isto vtere.



ORATIO ECCLESIASTICA

In Dominica I. Aduentus.

Adiudicia in terris ab hominibus ordine debito celebranda, quinque requiri quotidiano usu, & consuetudine edocemur, nempe citationem rei, Accusationem Instigatoris, Iudicis Personam, sententiæ definitivæ notitiam, eiusque executionem. Simili ratione hæc omnia in extremo Iudicio seruanda fore ostenditur.

*Summa
Concionis.*

Et tunc videbunt filium hominis, venientem in nube cum potestate magna & maiestate. Luc. I.

Dominus quasi vir pugnator Omnipotens nomen eius decreuerat olim currus Pharaonis, & exercitum eius prolicere in mare, sed antequam euaginouit gladium suum, vt interficeret eos manus eius, multa posuit in Aegypto signa sua, & prodigia sua in campo Taneos. Quæ omnia admodum egregiè Psalmista enumerat. Et conuertit in sanguinem flumina eorum: & imbres eorum ne biberent. Misit in eos cenomyiam, & comedit eos: & ranam, & disperdidit eos. Et dedit ærugini fructus eorum: & labores eorum locusta. Et occidit in grandine vineas eorum, & mortuos eorum in pruina &c. Addit tandem enumeratis sufficienter omnium calamitatum signis. Et inimicos eorum operuit mare, submersi sunt quasi plumbum in aquis uehementibus.

*Semper ante
insignem aliquam
calamitatem à Deo,
irato in homines immit-
tendam signa
precedunt.
Psal: 77.*

A

Atten-

*Ante extre-
mum iudiciū
et varia si-
gna præce-
dant iustum
esse.*

Attendite. Compertum habemus sancta Euangelii le-
ctione id nobis inculcante, eundem Dominum qui e-
quum & ascensorem deiecit in mare, peccatores &
omnes impios, quorum via Ægyptiacis tenebris in-
uoluta est, in profundissimo inferni lacu submersu-
rum. Quam calamitatem, omnium, quæ vnquam vi-
sæ sunt maximam, ut multa eaq; terribilia signa præ-
cedere agnoscantur æquum & dignum esse. S. Gre-
gorius affirmat. *Necesse est, inquit, ut alia è calo, alia è terra,
alia ab elementis, alia ab hominibus patiamur, ultima tribulatio*
*multis tribulationibus præuenietur, quia multa debent mala præcur-
re, ut malum valeant sine fine nunciare.* Quibus malis ego
pro nunc dimissis iudicium extremum, ad similitudi-
nem iudiciorum nostrorum celebrandum docebo.
Vos beneuolas præbete aures,

*Homil: 35.
in Euangel.*

AVE MARIA

*Vox nouissi-
ma tuba Ci-
tatio mortu-
orū ad Tri-
bunal Dei.*

Primum est, quod in iudiciis celebrandis maxima
in obseruatione haberi nouimus. Citatio rei. Quam
citationem non esse defuturam in extremo Dei iu-
dicio sancta canit Ecclesia.

*Tuba mirum spargens sonum
Per sepulchra regionum,
Coget omnes ante thronum.*

*Testimonia
facta Scrip-
tura de tuba
nouissima.*

Placet etiam de hac citatione, quædam de fontibus
diuinarum literarum deprompta proferre
testimonia Mat. 24. *Mittet Angelos suos cum tuba, & vocē
magna, & congregabunt electos eius à quatuor ventis à summis cœ-
lorum, usq; ad terminos eorum.* & 1. Cor. 15. *Omnes quidem resur-
gemus in nouissima tuba, & Isai. 21. Et erit in die illa clangetur in*
tuba

tuba magna. Clausa olim erat atque munita ciuitas Iericho, & nullus ingredi audebat aut egredi, sed vox tubæ vox in magnificentia confregit mœnia eius, dicit enim Dominus ad Iosue. *Cumq; insonuerit vox tubæ, longior atq; concisior, & in auribus vestris increpuerit, conclamabit omnis populus, vociferatione maxima, & muri funditus corruent ciuitatis, ingredienturq; singuli per locum contra quem steterint.* Rectè Iericho dicitur denotare Lunam, Lunam verò quis ignorat significare mutationem. At sepulchra corpora nostra mutant in puluerem, quæ clausa desuper spectamus, nullus autem ea ingreditur aut egreditur, ad suscitanda de puluere corporis nostri membra. Sed erit tempus cum vox tubæ insonuerit, & mortui resurgent, conclamabitq; omnis populus vociferatione maxima. Sancti siquidem lætabuntur in mense, & sicut victores capta præda. Peccatores vero videbunt & irascentur, dentibus suis fient, & tabescent, desiderium peccatorum peribit. Tunc animæ illæ interfectorum propter verbum Dei, visæ subtus altare, clamantes voce magna & dicentes: vsquequo Domine non vindicas sanguinem nostrum. lætabuntur læticia ineffabili, eo quod dabuntur illis singulæ stolæ albæ, (id est corpora glorificata) videbuntq; completos conseruos suos, & fratres suos qui interficiendierant sicut & illi. Tunc videre licebit turbam magnam iustorum, quam dinumerare nemo poterit, ex omnibus gentibus, & tribubus & populis, & linguis, stantes ante thronum, & in conspectu agni, amicti stolis albis, & palmæ in manibus eorum: & conclamabunt vociferatione magna dicentes: Salus Deo nostro qui sedet super thronum & agno. Quidam cantantes vociferabuntur. Benedicite De-

A 2

us qui

*Vox tubarū
mœnia ciui-
tatis Iericho
confregit.*

*Magnasimili-
tudo sepulto-
rum cum Ie-
richo.*

*Diuersa fors
beatorum &
damnatorū.*

*Lætabuntur
Sancti m. rē
in modum.*

*Corporū post
resurrectionē
renouatio &
glorificatio
causa non po-
tēma lēti-
tia Sancto-
rum.*

*Quatuor do-
tes corporis
glorificati.*

*Impiorum
deploranda
conditio.*

us qui tempus illud aduenire passus est, quo corpora nostra animabus nostris, in æternum coniungenda maximo nostro bono agnoscimus. Nonnulli dicent, scimus quia redemptor noster viuit, & rursum circumdabimur pelle nostra, & videbimus Deum Saluatorem nostrum. hodie de terra surrecturi sumus, hodie cum apparuerit similes illi erimus. hodie carnem nostram æternæ gloriæ participem videbimus. Alii cantabunt & dicent: Aduenit tempus desiderabile, & renouabitur vt aquilæ iuuentus nostra, in momento in ictu oculi, in nouissima tuba, resurgemus incorrupti, & immutabimur, rapiemurq; in æra obuiam Christo, & sic semper cum Domino erimus. Hodie corruptibile corpus nostrum induet incorruptionem, mortale induet immortalitatem, Alii verò canticum hoc Domino cantabunt. Hodie corpus nostrum seminatum in corruptione surget in incorruptione, seminatum in ignobilitate surget in gloria, seminatum in infirmitate surget in virtute, seminatum animale surget spirituale. Hodie fiet sermo qui scriptus est absorpta est mors in victoria, vbi est mors victoria tua! vbi est mors stimulus tuus? Pleriq; dicent. Hodie absterget Deus omnem lachrymam ab oculis nostris, & mors ultra non erit, neq; luctus, neq; clamor, neq; dolor erit ultra, hodie cælum nouum & terram nouam videbimus, hodie qui sedet in throno noua faciet omnia. Tales cantus audita nouissima tuba ex ore resonabunt sanctorum. At impii percepto illius tubæ sonitu vehementi, concutientur terrore, conclamabuntq; vociferatione maxima & dicent. Eheu nos miseros, terq; quaterq; infelices. En audiuntur tonitrua, micant fulgura, & sonitus

ADVENTVS.

sonitus buccinæ crescit in maius, & prolixius tenditur. Heu quis nostram poterit abiectionem deplo-
rare sortem? Clangor buccinæ auditur, per quem De-
us ad iudicium venturus, & nos in æternum damna-
tus indicatur. Citamur (proh dolor) ad tribunal
Dei, ut recipiat unusquisque nostrum prout gessit in
corpore suo, siue bonum siue malum. Citamur, infœ-
lices, ad quid. Ad confusionem nostram maximam,
quippe reuelabuntur pudenda nostra. Citamur, ad
quid? Ad intuendum Deum, ardentissimo in nos fu-
roris igne excandescentem. Citamur, ad quid? Ut
maiora tormenta diuino decreto in corporibus re-
sumptis patiamur. Heu nos infœlices. Montes cadi-
te super nos, & colles operite nos, ab ira ventura iu-
dicis. O quanta nostra (dicent) confusio in conspe-
ctu omnium hominum & Angelorum de occultissi-
mis quibusque sceleribus iudicari? O quantus terror
Deum, ex oculis ignem spirantem, & verba in nos si-
cut tonitrua fulminantem videre? O quantus dolor
in corpore & in anima, æternos subire cruciatus?
Posthæc maledicet diei suo, & loquentur. *Pereat dies in*
qua nati sumus, & nox in qua distitit est. Cœptus est homo. Dies ille Iob 3.
vertatur in tenebras non requirat eam Deus desuper & non illius retur
lumine, obscuri cœli tenebræ & umbræ mortis & occupet cœli caligo &
inuoluatur amritudine, &c. Quia non cœclufit ostia vērīs qui porta-
uit nos, nec abstulit mala ab oculis nostris. Missæ sunt literæ, ad Ab exemplo
omnes Iudices Prouinciarum a Rege Assuero, ut oc- ostēduntur vo-
ciderēt atque dederēt omnes Iudæos. Quæ cū audisset Mardo- cem tubæ ter-
chæus scidit vestimenta sua, & indutus est sacco spargēs cinerē capiti: ribilem pec-
& in platea mediæ ciuitatis voce magna clamabat, ostēdens amaritu- dinem animi sui. &c. In omnibus quoque prouinciis, oppidis ac locis, ad re-
quæ crudele Regis dogma peruenerat, plūculus ingēns erat. Nō dispari Act : 4.
ratione

*Omni ex par-
te infelices
erunt da-
monati.*

*Mirabilia
quæq; de tu-
bis refert S.
Ioannes E-
uangel:*

Apoc: 8.

*Præclarè per
arbores Prin-
cipes mundi
designantur.*

*Cum potentes
primi debent
esse ad pænā.*

ratione, audientes impii nouissimæ tubæ terribilem clangorem, quo eos vna hora æternis cremandos ignibus significabitur, in magnas dolorum angustias proiicientur. Facies eorum commutabitur, & cogitationes eorum conturbabunt eos, vox in excelsis audietur lamentationis, luctus, & fletus, damnatorum deplorantium sortem suam, & nolentium consolari, quia in inferno nulla est redemptio. Non quiescet vox eorum à ploratu, & oculi eorum à lacrymis, quia mercedem corporibus suis comparatam, ignem videlicet, & vermes adesse spectabunt. Non erit spes nouissimis eorum, sed confusi, & erubescentes lacrymabiles eructabunt voces. Sed vt magis magisq; id animis vestris illucescat, in medium afferam quæ S. Ioanni Apostolo, & Euangelistæ, de tubis cœlestibus reuelata in libro Apocalypsis, magno cum terrore inimicorum Dei leguntur. Verba sunt Sacræ scripturæ. *Primus Angelus tuba cecinit, & facta est grādo & ignis, mista in sanguine, & missum est in terram, & tertia pars terræ combusta est, & tertia pars arborum concremata est, & omne fœnum viride combustum est.* Percepistis auribus vestris, Angelum tuba canentem, vidistis & grandinem ignitam arbores, & fœnum viride comburentem, sed quale hic contineatur mysterium si ignoratis, ego vos docebo. Mittet Dominus Angelos suos cum tuba, cuius vox cum in sonuerit. Magnates & Principes huius sæculi, qui per arbores rectè designantur potentissimo terroris ictu concutientur, quippe potentes potenter tormenta patiētur, & quemadmodum vitam mortalem in terris ducentes primas quærebant cathedras, nitebanturq; summa ope cæteris eminere, ita iusto Dei iudicio primi erunt, qui illo tubæ sonitu mirandum.

in mo-

In modum cruciabuntur. Quibus adiungitur fœnum viride, homines videlicet carnis suæ desideria perficientes, quæ in diuinis literis fœnum perquam optime nuncupatur. Vtriq; verò qualia sint verba facturi in illa hora, mox auribus vestris accipietis, vbi primum per arbores. Principes, & magnates, & per fœnum viride homines secundum carnem viuentes declarauero. *Arborem quam vidisti sublimem, atq; robustam* &c. (ait Daniel ad Regem Nabuchodonosor) *tu es Rex qui magnificatus es, & inualuisti*, Isaias verò de fœno, quid loquatur audiamus. *Omnis caro fœnum, & omnis gloria eius quasi flos agri, exsecatum est fœnum, & cecidit flos. Cadet autem in eos grando igni permixta, nam tribulabitur ibi fortis, & tradentur grandini iumenta eorum, Carnalis quippe homo est sicut equus, & mulus quibus non est intellectus, quiq; cum in honore esset non intellexit, idcirco comparatus est iumentis insipientibus, & similis factus est illis. Non abs re me facturum existimo, si aliqua de grandine instituto nostro accomodata inferre auribus vestris voluero, nullam autem maiorem fuisse, quæq; terribiliorem incuteret timorem hac, de qua nobis sermo est liquido patebit. *Extendit Moyses virgam in cœlem, & Dominus dedit tonitrua, & grandinem, & discurrentia fulgura super terram, pluitque Dominus grandinem super terram Aegypti, & grando, & ignis mixta pariter ferebantur, tantaq; magnitudinis fuit, quanta ante nunquam apparuit in vniuersa terra Aegypti, ex quo gens illa condita est, & percussit grando in omni terra Aegypti cuncta quæ fuerant in agris ab homine usque ad iumentum, cunctamque herbam agri percussit grando, & omne lignum regionis confregit. Valentis Imperatoris tempore. Sexto Nonas Iulii grando magnitudine inusitata lapidibus similis Constantinopoli decedit.* lib: 4. c. 19.*

*Optime per
fœnum car-
nales intelli-
guntur.*

Dan: 4.

Isa: 40.

*Homo carna-
lis iumentum
est.*

*Trattatur de
varijs gran-
dinem specie-
bus.*

Exo: 9.

*Socrates hi-
ser: Eccle:
cidit. lib: 4. c. 19.*

Lib: 13. c. 36

*Enumeran -
tur mirabiles
grādinis spe-
cies.*

*Bonfin: De-
ca: 4. li. 2.*

*Vinc: histo.
li: 30. c. 138*

*Crantzius li:
9. cap: 3.*

cidit. Admirandam quoq; grandinē narrat Niceph: Ab Alarico vrbe capta, inter præcipua quædam prodigia, pluribus in locis grando saxis manuariis maior, & circiter octonarum librarum pondustrahens deferri visa est. Nostro quoq; sæculo eadem grandinis immanitas visa est, anno Domini, 1507. vt testatur Surius in suo Commentario. In ditione Wirtembergica Rotemburgi ad Necarum fluuium, tanta fuit grandinis rabies, vt & fenestras, & tecta ædium comminuerit. Fuit & alias sæpe visa grando memorabilis. Nam tanta magnitudine Paschali primo Pōtifice in Gallia desēuisse fertur, vt homines pecoraq; passim interemerit, & inter alia frustra visum est, quod duodecim ferme pedum longitudine esset, hac longitudine de cœlo cadens. Sed quod valde memoratu dignum videtur, in Cisalpinis ac Romæ, anno Domini 1470. Iunio Mense, visa grando est quantum struthionis ouum. Erit etiam miraculi loco habendum, quod referunt Cremonæ, intra Diui Gabrielis claustra, grandinis frustrum cecidisse, circiter annum Dni. 1240. visumq; in eo velut exsculptum crucis signum, Christi q; faciē additis literis IESVS Nazarenus, cuius aquæ stillantis contactu, cæcus tunc quoq; illuminatus est, sed & anno Dni. 1395. circiter mense Augusto in Aquilonari solo, grando visa est humanas facies præferens, tum viriles, tum muliebres, illis barba addita, his crinibus appositis. Mirabiles certē grandinum enumeratarum species in medium prolatas audiuius, verumtamen pace omnium dicam, nullam mirabiliorem esse iudico illa, quæ ad tubæ nouissimæ clangorem concitata, summo cum impetu in orbem terrarum cadet. Nec mirum, quippe

ADVENTVS.

9

quippe nulla grando ex supra dictis Regem aliquem seu Principem confregisse legitur, at illa omnes Reges & Principes occupabit terrore, confringetq; facile Cedros Libani, & comminuet eas, vt puluerem ante faciem venti. Adhuc supradictæ grandines, aut in vna prouincia, aut in aliqua ciuitate defæuiffe referuntur, at hæc toto orbe terrarum crudeliter vagabitur. Tunc Dominus visitabit super Principes, & super filios Regis, & super omnem qui arroganter ingreditur: & erit fortitudo eorum in direptionem, & domus eorum in desertum. Cadet autem illa grando cum sanguine, quia tunc tribulabuntur potentes, & ambulabunt, vt cæci quia Domino peccauerunt, & effundetur sanguis eorum sicut fumus, & corpora eorum sicut stercorea. Et quemadmodum orto incendio, clamor ab omnibus in cælum tollitur, omnesq; vehementer trepidant, discurrent, vociferantur, stare loco nesciunt, sed modo huc modo illuc vagantur, sic illi grandine ignita cadente. Principes cæteri q; omnes homines quorum venter Deus erat, maxima trepidatione circumdabuntur. Dies ira dies illa, dies tribulationis & angustia, dies calamitatis & miseria, dies tenebrarum, & caliginis, dies nebulæ & turbinis, dies tubæ & clangoris, super ciuitates munitas, & super angulos excelsos. O grandinem admirabilem. O diem terribilem. O Ignem inextinguibilem. O vocem tubæ horribilem. Hinc illi miseri summo timore perculsi in hos prorumpent clamores. Quid nobis profuit superbia, aut diuitiarum iactantia quid contulit nobis? Quomodo sedemus soli olim circumdati pleno populo, quasi vidua Domini Gentium. Principes Prouinciarum facti sumus sub tributo. Omnes amici nostri, aulici nostri, consiliarii nostri spreuerunt nos, non est qui consoletur nos ex omnibus charis nostris,

*Rationes
cur grando
per sonitum
tubæ excita-
ta sit cæteris
mirabilior.*
Soph. 1.

*Dantur ra-
tiones cur
ignita & san-
guinolenta
sit futura il-
la grando.*

Soph: 1.

Sap: 5.

*Magnatum
& Principum
lamentatio.*

B

stris, quomodo obscuratum est aurum, mutatus est color optimus, olim fuimus in Regnis nostris Filii inclyti: & amicti auro optimo, nunc quomodo reputati sumus in vasa testea, opus manuum figuli. Abiit nos omnes magnificos, Dominus de medio terræ, vocauit aduersum nos tempus vt cōtereret nos. Palatia nostra amplissima, vasa aurea & argentea, numerosa familia, greges virginum, cohortes militum, theu modo non comparent. *Transferunt omnia tanquam umbra, & tanquam nuntius præcurrens, & tanquam navis qua pertransit fluctuantem aquam, cuius cum præterit non est vestigium inuenire.* O insperatam & subitanam mutationem. Olim timebamus, nunc ipsi timemus, olim regnabamus, nunc præ angustia cordis gemimus, olim lætā ducebamus vitam, nunc plorantes ploramus, & lacrymæ in maxillis nostris. O nos miseros & infelices, qui errauimus à via veritatis, & lumen iustitiæ non luxit nobis. Tam lugubris vox optimatum audietur. Non dissimilis cantus Epicureorum, quos fœnum illud viride designabat per aera resonabit. Magnificauimus (dicent) opera nostra, & ædificauimus nobis domos, fecimus hortos, & pomeria, & conseruimus ea cuncti generis arboribus. Possedimus seruos & ancillas, multamq; familiam habuimus, arma quoq; & magnos ouium greges, coaceruauimus nobis aurum & argentum, fecimusq; nobis cantores, & cātatrices, & delicias filiorum hominum, scyphos & vrceolos ad vina fundenda. Et omnia quæ desiderauerunt oculi nostri, non negauimus eis, nec prohibuimus cor nostrum, quin omni voluptate frueretur, & oblectaret se in his quæ præparaueramus, sed nunc videmus in omnibus vanitatem, & af-

flictionem

fictionem animi, & qui vefcebamur voluptuofe amplexabimur ftercora: vñ nobis quia peccauimus. Ergo liquido conftat, per grandinem illam, terrores, quibus concutiendos optimates, per arbores significatos diximus, debere significari. *Et fecundus Angelus tuba cecinit, & tanquam mons magnus igne ardens miffus est in mare, & facta est tertia pars maris fanguis, & mortua pars tertia creatura eorum: qua habebant animam in mari, & tertia pars nauium interijt.* Mare, communi omnium fententia, mundum denotare confirmatur. Primo quia eft multorum periculorum contentiuum, eft enim mare periculofum. Primo propter motum. Math. 8. *Motus magnus factus eft in mari,* propter quem motum mare eft tempeftuofum: procellofum, & tumultuofum. Et ita mare mundi eft tempeftuofum ex Guerra, procellofum ex infortuniis, tumultuofum ex iniquitatibus & vitiis. 2. Cor. 11. *Periculis in mari.* Secundo propter ventum. Eft enim in mari impulfio contrariorum ventorum. Dñ. 4. *Quatuor venti pugnabant in mari,* nam vt ventus Auster eft præfens prosperitas, vt Aquilo aduerfitas, orientalis, infpiratio gratiæ, Occidentalis, fuggellio malitiæ. Tertio eft periculofum propter defectum tam fcilicet nauis quam nauæ, id eft gubernantis. Nauis enim fiue lignum, cum quo habemus transire hoc mare: eft noftrum corpus, quod eft vas fragile propter paffibilitatem: graue propter peccati onerofitatem, & multis foraminibus penetrabile propter fenfum fufceptibilitatem. Sunt enim fenfus vt foramina quædam per quæ multa mala ingrediuntur. Itē eft frequenter defectus nauæ periti, id eft rationis prudenter regentis. Omnia hæc pericula fentiunt homines periti, in mari huius mundi. *Qui nauigant mare* Eccl: 14.

Secundo Angelus tuba canit.

Ex Summa Magiftri Ioannis de S. Geminiano Ordinis Fra. Prædicator: de Similitudinibus rerū.

Magnā habet mundus fimilitudinem cum mari.

Corpus noftrum periculofum nauis eſt.

narrant periculi eius. Secundo mare est animantium, & multiplicitum monstrorum productiuum. *Hoc mare magnum & spaciosum manibus, illic reptilia quorum non est numerus.* Ita in mari mundi, sunt animantia diuersa, & mon-
struosa multa, non tantum corporaliter, sed etiam spiritualiter. Sunt enim in mundo homines anima-
les, id est sensuales, ad modum piscium, secundum il-
lud. Facies hominis sicut pisces maris, & dicuntur
animales; id est sensuales, non sapientes illa quæ Dei
sunt, quia animalis homo non percepit ea, quæ sunt
Spiritus Dei. Item sunt monstruosi velut illæ belluæ,
de quibus dicitur Dan: 4. quæ surgebant de mari. Næ
prima quæ erat similis Leoni: signat superbiam vitæ.
Altera, quæ erat similis vrsæ, signat voluptatem car-
nalis concupiscentiæ. Tertia quæ erat similis Pardo,
signat cupiditatem auaritiæ. Quarta, quæ habebat
dentes ferreos, & terribiles, signat crudelitatem ma-
litie. Tertiò, quia mare est nubium, & nebula, &
ventorum generatiuum. Et similiter etiam mundus
generat nebulas errorum, nubes vitiorum, ventos
persecutionum, siue tentationum, propter quas præ-
cipitantur, & suffocantur multi, Mar: 5. Grex præcipitatus
est in mare, & fuit grex porcorum, id est hominum car-
naliter viuentium. Quartò, quia mare est Lunæ imi-
tatiuum, dicit enim Philosophus in libro de proprie-
tatibus elementorum, quod mare imitatur naturam
lunæ, nam sicut Adamantem sequitur ferrum, sic ma-
re sequitur lunæ cursum, vnde semper est mare in
summo augmento, & vigore, quando luna est plena
lumine: siue versus cælum, vt in nouilunio siue
versus terram, vt in plenilunio. Et sicut luna in suo
lumine plus proficit vel deficit, sic mare crescit am-
plius.

Mare semper
plenum peri-
culis. Ps:

Varia in mû
do monstra
inter homi-
nes videre
licet.

Mirabilis
Danielis Pro
pheta v'sio.

Qui carnal-
ter viuunt,
porci recte
vocantur.

Sicut luna in
suo cursu mu-
tabilis sic for-
tuna in suo
statu insta-
bilis.

plius vel decrefcit. Sed ficut mare imitatur lunam,
 ita mundus fequitur fortunam, vnde ficut crefcit vel
 minuitur fortuna alicuius, ita multum vel parum ei
 applaudit mundus, vnde merito dicitur. Cum fueris
 felix, multos numerabis amicos. Tempora fi fuerint
 tribula folus eris. In hoc igitur mari animam habere
 dicuntur, qui cor fuum omneq; ftudium operam, di-
 ligentiam, curam ad pifcanda mundi bona confe-
 runt, qui omnes ad fonitum nouiffimæ tubæ, acutiffi-
 mo doloris & terroris gladio tranfuulnerati, mori
 quodammodo videbuntur, eò quòd mons ardens de
 cœlo, in mare decidiffe, ab illis fpectabitur. Intelli-
 gite. Mons ardens quandam cœleſtem illuminatio-
 nem, qua damnati omnia mundi bona fuiſſe vana, &
 inania fuæq; damnationis certiffima inftrumenta co-
 gnofcent, fignificat. Res illuſtrior reddetur exem-
 plo, Dan: 2. Tu Rex videbas, & ecce ſtatua vna grandis, ſtatua
 illa magna, & ſtatua ſublimis, ſtabat contra te, & intuitus eius erat
 terribilis. Huius ſtatue caput ex auro optimo erat, peſtus autem &
 brachia de argento. Però venter & femora ex ære: videbas ita do-
 nec abſciſus eſt lapis de monte ſine manibus, & percuſſit ſtatuum in
 pedibus eius ferreis, & ſtillibus, & comminuit eos. Tunc contrita
 ſunt pariter, ferrum, teſta, æs argentum & aurum, & redacta quaſi
 in fauilla æſtimate areæ, quæ raptæ ſunt vento, nulluſq; locus inuentus
 eſt eis, lapis autē qui percuſſit ſtatuum, factus eſt mons magnus, & im-
 pleuit vniuerſam terram. Dum huius lucis uſura fruuntur
 homines, bona mundi magnæſtimare cōſueuerunt, in oculis ho-
 illique qui abundantia terrenarum poſſeſſionum cæ-
 teros antecedunt: terribiles tenuioris fortunæ ho-
 minibus eſſe ſolent. Sed ante iudicium pluet Domi-
 nus ignem, ſuper vniuerſum mundum, quippe ignis
 exardeſcet in conſpectu eius, & ſubuertet ciuitates
 omnes.

Tempore eade
 mitatis ab co-
 minibus de-
 ſeritur ho-
 mo.

Mons cœleſte
 quoddam lu-
 men quo da-
 mnati illu-
 ſtrabuntur
 ad cognoscen-
 dam in rebus
 à ſe dilectis
 vanitatem
 ſignificat.

Mirabile
 Regis ſom-
 nium.

Mundi bona
 in oculis ho-
 minū modo
 ſplendeſcunt.

Tempore Iudicij omnia fuisse puluerem, damnati intelligent.

Nunc homines cæci sunt in aduertenda rerum humanarum, instabilitate, tunc autem iustissimo visse cunctam in omnibus vanitatem perterritabunt.

Surius in Commentario A. D. 1537. Hecla mons ignis euomens,

Aqua ab igne consumitur stuppa vera non.

omnes, & omnem regionem, & cuncta terræ virentia, in fauillam redacta spectabuntur. Mons verò ignitus crescet, & implebit vniuersos terræ angulos. Et enim in illa hora resurrectionis hominum, quibus nunc diuitiæ, aliæq; humanarum rerum facultates, magni pretii esse videntur, minus valere inueniuntur, & pro stercore reputabuntur. Nunc hominum intellectus, exigua cognitionis scintilla de rerum terrenarum vanitate penitus cognoscenda illustrat, at in illo momento, mons totum implebit orbem, orietur quidam ignitus mons eorum intellectui, vt facili negotio quocunq; oculos coniecerint vanitatē, in omnibus insitam fuisse intueantur. O montem admirabilem, qui oculos illuminabis mortalium ad cognoscendas tenebras quas toto corde dilexerunt. Legimus montes esse admirabiles, de quibus nunc ex occasione, vt noster sermo aliquem suscipiat tractatum, rei nostræ per quam idoneum, nemini debere esse molestum existimo. In Islandia Insula, (inquit Surius) mons est occidentem versus, Hecla dictus, a quo non longè absunt fodinæ sulphuris, quod inde copiosissime plenis nauibus euahitur. Mons ille cum furit, huiusmodi secus atq; horrenda tonitrua insonat, proiicit ingentia saxa, sulphur euomit, cineribus egestis, terram circumcircatam longè operit, vt ad vigesimum lapidem vel milliare coli non possit. Sunt ibi voragines multæ, ita cineribus operatæ, vt vix euitari possint ab illis, qui vt eius incendii naturam explorent, propius montem accendunt, e quibus pleriq; vini a voraginibus absorbentur. Emergit illic ignis quidam, qui aquam absument stuppam non absument. Plinius Junior scribit, de quodam monte mirabilia,

bilia quæq; ad Cornelium Tacitum Historicum, ita se habent eius verba. Erat auunculus Plinius Miseni, Classemq; imperio præsens regebat, Calendis Nouëbris hora ferè septima, mater mea indicat ei apparere nubem inusitatam, & magnitudine & specie, surgit ille, & vt è Sole solebat, frigida gustata, poposcit soleas, ascendit locum, ex quo maximè miraculum illud conspici poterat. Nubes incertum procul inuentibus, ex quo monte (Vesuuium fuisse, postea cognitum est) oriebatur, cuius similitudinem & formam non alia magis arbor, quam pinus expresserit, Nam longissimo velut trunco efflata in altum, quibusdam ramis diffundebatur, candida interdum interdum sordida & maculosa. Magnum id prorsusq; noscendum, vt eruditissimo viro visum est. Quadriremam ascendit, omnes illius mali motus omnes figuras, vt deprehenderat oculis, dictauit enotauitq; Nam nauibus cinis inciderat, quo proprius accederet, calidior & densior. iam pumices etiam, nigriq; & ambusti, & fracti igne lapides, iam vadum subitum, ruinaq; montis littora obstantia. Interim dum apud Pompeianum Senior Plinius iam confedisset, è Vesuuio monte pluribus locis latissimè flammæ atq; incendia relucebant, quorum fulgor & claritas tenebras noctis recipiebat. Area ex qua dieta adibat, ita iam cinere mixtisq; pumicibus oppleta surrexerat, vt si lōgior in cubiculo mora esset, exitus negaretur, crebris vastisq; tremoribus tecta nutabant, & quasi emota sedibus suis nunc huc nunc illuc abire, aut ferrividebantur. Sub dio rursus quanquam leuium exesorumq; pumicum casus metuebatur, cervicalia capitibus imposita linteis constringunt, id
muni-

Nubes ignita quasi pinus.

Homo rerū causas naturaliter scire desiderat.

Mors Plinii

*Mel: lib: 1.
cap: 6.*

*Idæus mons
eiusq; flam-
ma mira-
bilis.*

*Plinius li. 2.
cap: 106.*

*Mirandum
ignem ali a-
qua, & ex-
singui feno.*

munimentum aduersus incendia fuit. tum dies ali-
bi illic nox omnibus noctibus nigrior, densioreq; quā
tamen faces multæ, variaq; lumina soluebant. De-
inde flammæ flammarumq; prænunciis odor sulphu-
ris, alios in fugam vertunt: ipse verò Plinius duobus
seruis innixus, statim concidit, crassiore caligine spi-
ritu obstructo, clausoq; stomacho interiit. Est igitur
cum his commemorandus mons Idæus, de illo Mela.
Orientem (inquit) solem Idæus aliter, quam in aliis
terris solet, aspicit, ostenduntur namq; ex summo
vertice eius spectantibus pene à media nocte, sparsi
ignes passim micare, vt lux appropinquat, ita coire,
ac se coniungere videntur, donec magis magisque
collecti pauciores subinde, & vna ad postremum flā-
ma ardeant, ea cum diu clara, & incendio similis ef-
fulsit, cogit se ac rotundat, & fit ingens globus, diu
is quoq; grandis, & terris adnexus apparet, deinde
paulatim decrescens, & quantò decrescit eò clarior,
fugat nouissime noctem, & cum die iam sol factus at-
tollitur. Flagrat etiam in Phaselide mons Chymera,
& quidem in mortali diebus ac noctibus flamma, I-
gnem eius accendi aqua, extingui verò terra aut fœ-
no Gnidijs Ctesias tradit. Eadem in Lycia Hæphæstij
montes tæda flammante tacti flagrant adeò, vt lapi-
des quoq; riuorum & arenæ, in ipsis aquis ardeant,
aliturq; ille ignis pluuiis. Baculo si quis ex iis accen-
so traxerit sulcos, riuos ignium sequi narrant. Pro-
fecto hi montes summa omnium admiratione digni.
Sed tamen mons ille de cœlo ardens, maiori admi-
ratione excipiendus, tum quia de cœlesti altissima re-
gione, magno cum impetu descensurus, (quod de nul-
lo alio monte aliquid simile refertur,) tum quia ter-

LIAM

tiam partem creaturæ, & nauium in mari existentium combuiturus sit: & quanquam hi montes suis ignibus soluant tenebras, visuq; hominum, ad inspicendas in noctibus vias adiumento sint, tamen hoc non longo locorum intervallo, nec omnium hominum oculis, sed tantum propè accedentium, illud præstant beneficium, at ille monstrum implebit orbem, adeoq; lumen effundet suum, vt omnis quanta fuerit in rebus mundanis vanitas, eò lucente intelligere poterit. Et tertius Angelus tuba cecinit, & cecidit de celo stella magna ardens tanquam facula, & cecidit in tertiam partem fluminum, & in fontes aquarum, & nomen stella dicitur absynthium, & multi hominum merui sunt de aquis, quia amara facta sunt. Fontes & fluuii in Sacra scriptura voluptatis licitæ, & illicitæ certissima semper fuisse hieroglyphica & indicia: dicitur siquidem. *Torrente voluptatis potabis eos Domine.* Et Ierem: 2. *Ne dereliquerunt fontem aquæ vineæ, & foderunt sibi cisternas, cisternas dissipatas, quæ continere non valent aquas, id est, me qui sum summa voluptas, & delicia filiorum hominum spreuerunt, & quaesierunt alios fontes, alias videlicet consolationes.* Quibus ex locis colligitur, per fluuios & fontes voluptates designari. Hæ omnes hominibus tempore iudicii vertentur in absynthium. Sed quære a Ieremia, quem exitum habeant opipara conuiuia, & respondebit in persona Domini. *Ecce ego cibabo populum istum absynthio, & potum dabo ei aquam felis.* Nunc vestiuntur mollibus; & elegantibus vestibus. Sed interroga Isaiam, quid has lautitias excipiat, & respondebit. *Pro eo quod eleuata sunt filia sion, & ambulauerunt ex alto collo, & nutibus oculorum ibant, & plaudabant, & composito gradu incedebant, decaluaabit verticem Dominus filiarum sion, & Dominus erimen earum denudabit.* In die illa auferet Dominus ornamentum, & denudabit

*Cur mirabili
et mons de
celo cadens.*

*Tertius An-
gelus tuba
canit.*

*Flumina &
fontes volu-
ptatum indi-
cia.*

*Deus summa
boni summa-
que volu-
ptas, reliqua
omnia absq;
Deo nihil
sunt.*

Hier: 9.

Isa: 3.

*Qui vesti-
tur mollibus
erimen earum
denudabit*

Eccl: 21.

*Via impiorum
speciosa, sed
terminus mi-
serimus.*

Psal. 36:

Isa: 77.

*Consolationes conuer-
tentur in tri-
bulationes
& chara in
amara.*

Prov: 5.

*Enumerant
suas volu-
ptates impii.*

erit pro suavi odore fœtor, & pro zona funiculus, & pro crispante cri-
ne calvitium. Nunc delicati & voluptuosi, per spatio-
sam & speciosam viam incedunt. Sed quære a sapi-
ente quisnam sit terminus huius viæ. *Via* inquit peccan-
tium complanata est lapidibus, & in fine illorum inferi, & tenebræ,
& pœnæ. Complanata inquit veluti lapidibus perpo-
litis, vt suauiter incedentes crura explicent, & or-
natè, & pompaticè gradientur, sed finis est præcipi-
tium sempiternum. Nunc deniq; videbis impios in
excelfo dignitatum gradu constitutos, sed interro-
ga Dauidem, & dices. *Vidi impium superexaltatum, & eleua-
tum sicut Cedrus Libani transiui, & ecce non erat, quæ fui, & non est
inuentus locus eius.* Et Isai. Descende sede in pulvere filia Babylon,
sede in terra, non est solium filia Chaldaeorum. Loquitur cum
Babylonia, quæ tanquam Regina in solio excelfo se-
debat, quæ ad puluerem vsq; deiicitur, quia tandem
filiis Babylonis omnia commutabuntur in peius, Glo-
ria scilicet in dedecus, facietas in famem, pulchri-
tudo in deformitatem, diuitiæ in paupertatem, volu-
ptates in tormentum sempiternum. Omnesq; carna-
les consolationes in aquam felis, & amaritudinem
absynthii. *Fauus distillans libia meretricis, & nitidus oleo gut-
tur eius. Nouissima autem illius amara quasi absynthium.* Tunc
audire licebit homines voluptatibus dum viuerent
indulgentes, & huius mundi bona ambabus manibus
colligentes, in hæc verba magno cum dolore pro-
rumpentes. Eheu nos miseros, qui errauimus a via
veritatis, & diximus malum bonum, & bonum ma-
lum, in labore hominum non flagellabamur, sed ge-
nio seruientes ducebamus in bonis dies nostros, te-
nentes tympanum & cytharam, gaudebamus ad so-
nitum organi. Fruebamur bonis quæ fuerunt, & vsi
sumus

sumus creatura tanquam in iuventute celeriter. Verum quid hoc nobis profuit? Laus nostra, & lætitia nostra brevis, & gaudium nostrum ad instar puncti. Ecce quomodo risus nostros dolor, & extrema gaudii occupavit luctus. Versa est in luctum Cythara nostra, & organum nostrum in vocem fletuum. Quid profuit nobis quod annis multis vixerimus, & in his omnibus læti fuimus, si quidem venerunt dies mali, & tempus tenebrosum, in quibus abstulit Dominus ornamenta nostra, & lunulas, & torques, & monilia, & armillas, & mitras, & discriminalia. En quomodo vanitatis arguuntur præterita. Vbi sunt amplissima illa palatia in quibus habitauimus delictis affluentes? Vbi horti amantissimi? vbi famuli numerosissimi? vbi virginum greges ornatissimi? Omnia transferunt sicut umbra, & sicut nuntius præcurrēs præterit figura huius mundi. Væ nobis quia peccauimus. Quartus Angelus tuba cecinit, & percussa est tertia pars solis &c. Quintus tuba cecinit, & egressæ sunt locustæ. Sextus tuba cecinit &c. & exer-

Omnia versa esse in luctum deplorat.

Nihil impiis superent eorum quæ possident.

De reliquis Angelis in hac aenantiâ suo loco dicitur.

Quibus in locis de reliquis Angelis tractabitur.

Brevis animo nuntio ad Auditores, nam in fine tractatus conclusio vehemens et fusa dabitur.

citus quidam describitur. Septimus postquam tuba cecinit proclamatum est amplius tempus non superesse, & hæc omnia suis locis tractabuntur. De Quarto & Sexto mentionem faciemus, cum Accusatores aduersus peccatorem instructos produxerimus. Quintum Angelum condigna commemoratio excipiet, cum de reis ad tribunal Iudicis producendis sermo orietur. Septimus verò nostram de extremo Iudicio conclusionem terminabit. Hactenus dicta de citatione sufficiant. Obsecro vos Auditores, sonet semper in auribus vestris hæc vox nouissimæ tubæ, fiet ut memores nouissimum non peccetis, sed in timore Domini, operabimini salutem vestram, & sic semper Domino adhærebitis. AMEN.

ALTERA ORATIO ECCLESIASTICA

De Accusatoribus.

*Persona In-
stigatoris in
iudicio ne-
cessaria est.*

*Advocabit celum de sursum, et terram discernere populum suum.
Psal: 49.*

*Gaudet bre-
vitate mo-
derni.*

Apo: 9.

*Locustæ ho-
mines ven-
tri serviētes
significant.*

Absoluta Reorum ad Tribunal Dei citatione o-
peræ pretium esset, ut de ipsis reis sermonem
sequentem institueremus, sed quoniam copi-
osi fuimus in eorum describendo statu, cum illos la-
mentantes & deplorantes suam abiectissimam for-
tem produxerimus, super sedendum huic labori (ne-
dum brevitati studemus, nimia longitudine dicendi
lectorem deterreamus) censeo. Quinti nihilominus
Angeli tuba canentis, hoc loco faciendam mentio-
nem sicut verbo promissimus, ita effectu ipso osten-
dere volumus. Et quintus Angelus tuba cecinit, et vidi stellam
de caelo cecidisse in terram. Et data est ei clavis putei Abyssi. Et a-
peruit puteum Abyssi, et ascendit fumus putei. Et de fumo putei
exierunt locustæ in terram. Quid aliud locustæ nisi homi-
nes, quorum Deus venter est significant, quippe no-
tum uniuersis est, has bestiolas, cetera membra par-
ua, solum ventrem maximum habere: per eumq; il-
los quia ventrem variis ciborum ferculis, diuersisq;
voluptatum oblectamentis nutriunt, designare. Qui
omnes.

omnes egressi ad sonitum tubæ, quærent mortem, & non inuenient eam, & desiderabunt mori, & fugiet mors ab eis. Sed nos dirigamus cursum Orationis nostræ, ad eos describendos qui Instigatoris officio functuri sunt.

A V E M A R I A.

Aderunt quàm plurimi in illa hora contra peccatorem Instigatores, Auditores in Christo dilecti. Quidam de cœlesti Patria, Alii de terrestri regione, Alii etiam de Subterranea Plutonis Monarchia. Etenim: Aduocabit Dominus cælum desursum, & terram discernere populum suum. Canet Sextus Angelus tuba. Et numerus eius: sexus exercitus vicies millies dena millia, desuper contra iniquos aduolabunt. Et videbuntur, equi in visione, & qui se debunt super eos, habebunt loricas igneas, & hyacinthinæ & sulphureas, & capita eorum erunt sicut capita Leonum, & de ore eorum procedet ignis, & fumus & sulphur. O terribilem exercitum aduersus iniquorum legiones instructum. Et Angeli quidem cœlestes illi Spiritus ab omni labe peccati semper liberi, primam in hoc officio Instigatoris prouinciam assument. Venerunt duo Angeli Sodomam vespere sedente Lot in foribus ciuitatis. Dixerunt autem ad Lot. Habes hic quempiam tuorum generum, aut filios, aut filias. Omnes qui tui sunt, educ de urbe hac, delebimus enim locum istum, eo quod increuit clamor coram Domino, qui misit nos, ut perdamus illos. Cum Deus Omnipotens igne æterno puniturus adueniet peccatores; exhibunt Angeli, & segregabunt iustos de medio impiorum, sicut eduxerunt Lot à Sodomitis, & posuerunt extra ciuitatem. Et tunc ignem lucidissimum mittent super iniquorum sinistras cohortes. Nam sicut igne accensa candela omnibus qui in

Varij in iudicio Accusatores.

Apo: 9.

Exercitus ac-
cusatorum,
videbit cum
sexus Ange-
lus canet tu-
ba.

Gen: 19.

Angeli pri-
mi in accu-
sando erunt.
Segregabunt
bonos à me-
dio impiorum
ad dextram
Iudicii.

Per ignem ab-
Angelis de-
missum quid
domo intelligitur.

*Gabriel In-
chino Can:
Regul: de Iu-
dicio extre-
mo.*

*Similitudo
pulchra.*

*Cognoscere
vere iustū,
& vere im-
piū in mū-
do difficile
nescit homo
an odio, an
gratia sit di-
gnus.*

domo sunt lucet, sic accusatione Angelica in medi-
um prolata, occultissima quæq; iniquorum scelera
sicut in lucidissimo speculo cunctis visibilia appare-
bunt. Quomodo in futurum sit breui, & luculenta
ostendam similitudine. Quemadmodum si duo folia
chartæ candidæ assumantur, atq; in vno eorum suc-
co limonum, in altero verò aqua characteres ali-
quot describantur, neutrius scriptura conspici, vel
legi poterit: at si eadem folia igni admoueantur, v-
nius quidem in quo characteres aqua exarati fue-
runt, scriptura euanesceat, chartaq; nullam omnino
maculam aut literulam præteritæ scripturæ osten-
det, sed tota reddetur candida, alterius vero in quo
characteres succo limonum descripti fuerunt, scri-
ptura non aliter ac si atramento scripta fuisset con-
spici, & legi poterit. His foliis, auditores iustorum
& improborum conscientia similes sunt. Conscien-
tiæ iustorum aqua tribulationum, & lacrymarum e-
corde contrito & humiliato profusarum inscriptæ
sunt. Peccatorum verò succo sensualitatis, & volu-
ptatum huius mundi. Singula peccata singulæ sunt
literæ, quos improbi homines in conscientia suæ
charta exarant. Cæterum interea temporis, dum ho-
mines iusti & peccatores in hoc mundo viuunt, hæc
scriptura conspici nequit. Multi enim existimantur
iusti, qui sceleribus variis implicati sunt: Multi con-
tra peccatores, qui occulta iustitia, & sanctitate cla-
rent. Iudicii verò die omnia manifestabuntur. Tunc
enim folia conscientiarum nostrarum, igni, id est,
verissimæ & lucidissimæ Angelorum relationi, admo-
uebuntur quæ aqua ut dictum est inscriptæ sunt,
nullæ conspicientur labe, & maculæ, sed prorsus
candidæ

candidæ & speciosæ erunt. In eorum verò conscientiiis quæ succo limonum, id est sensualitatis & voluptatum, terrenarum inscriptæ sunt, tot scelera & flagitia exarata cernentur, vt omnino nigræ, deformes, & aspectu fædæ futuræ sint. Omnia quippe & singula eorum peccata, ita ab Angelis accusantibus reuelabuntur, vt quilibet ea discernere & videre possit. Dicent ergo. Domine plusquam Balaam hi, qui profectus maledicere populo Israel, cum aperuisses oculos eius, & vidisset Angelum stantem euaginato gladio, adorauit eum pronus in terram: dixitq; Peccaui etsi placet tibi vt vadam, reuertar. Multi sunt Domine de numero horum impiorum, qui viam nequitiae dum ingredi studerent, occurrebamus nos cum gladio adiutorii, paratos nos esse ostēdentes ad congregiendum cum eorum hostibus modo cōsensum præbere nō recusarēt, occurrebamus, cum gladio terroris, manifestantes illis venturam iram tuam, quam sceleribus suis essent prouocaturi, sed illi petra duriores, reuerti à viis suis pessimis noluerunt. Toties eos alloquebamur. Reuertere, reuertere sinamitis, vt intueamur te, & illi audire cōtempserunt. Ergo æquissime Iudex, euagina gladium tuum, & interficiat eos manus tua. Vbi o iniqui pro nostris beneficiis gratitudo? Vbi amor nostro erga vos amor correspondens? Vbi honor nobis debitus? Portabamus nos in manibus vestris, ne forte offenderetis ad lapidem pedem vestrum, vos verò quam gratiam pro tam insigni custodia retulistis? Quæ coram vilissimo homine perpetrare non audebatis, hæc in oculis nostris facere non erubesceratis. Vestro vos volumus ferire gladio. Nunquid non

Omnia scelera in iudicio patebunt.

Num: 22.

Qui Angelis non obeant peiores sunt quam Balaam.

Angeli sicut paedagogi monēt, suadent terrent.

Summa peccatorū ingratitudo erga Angelos.

Benefactor semper colendus.

verum

*Magnū sce-
dus, nec De-
us nec Ange-
li à peccato-
ribus honorā-
ntur.*

*Apostrophe
ad Angelos,*

*Mutatio in
Angelo ad-
uersus ini-
quos.*

*Sancti accen-
santur pec-
catores.*

verum est, & à vobis ipsis semper obseruatum, beneficia deuinctum illum tenere, cui conferuntur, igitur tot tantaque à nobis erga vos beneficia profecta, an non merebantur aliquam gratiarum actionem, & gratitudinem? Æquissime Iudex, nec tu propter hanc insignem gratiam digna, & competentis satisfactio ab illis præuentus es, nec nos famuli tui vllò in honore apud illos habiti, imò quasi abiecti fuimus. Tu quoque in nostra iniuria despectus es, vlciscere Domine, & quem agnoscere noluerunt benefactorem agnoscant seuerissimum vltorem. Sed o Angeli Dei, liceat obsecro mihi indignissimo peccatori vos beatas mentes alloqui. Quis credet auditui nostro? aut quis erit, qui tam subitanèam in vobis aduersus nos mutationem summa admiratione non excipiet. Vos ex amicis nostris fidelissimis nostros futuros implacabiles accusatores? ex tutoribus instigatores? ex custodibus accerrimos aduersarios, quis non mirabitur. O admirabilem methamorphosim. O boni Angeli. Vos ne contra peccatores causam agetis: utique vos Patroni nostri, amici nostri, benefactores nostri estis? Misere mini nobis in illa hora saltem vos amici nostri. Sed vix nobis, quia nolumus audire admonentes, audituri sumus Instigantes, ne igitur audiamus accusantes, audiamus nobis quæque salutaria persuadentes. Sancti quoque qui in carne positi certamen habuerunt, & iam merces laboris in iudicio particulari reddita est eis, accerrimos se se aduersus impios Instigatores exhibebunt. Peccauit Israeliticus populus, vitulo aureo diuinum tribuens honorem, quo illorum pessimo scelere Deus vehementer accensus, eos iam de medio tollere decreuerat, nisi S. Moyses oratio-

oratione feruenti præpeditus, & placatus fuisset. Qui Domino placato, de monte descendens ait. Si quis est Domini iungatur mihi. Congregatiq; sunt ad eum omnes filii **EXO: 32.**
Leui. Quibus dixit. Ponat vir gladium super femur suum, ite & redite de porta usq; ad portam &c. & occidat unusquisq; fratrem, amicum, & proximum suum, feceruntq; ita. Non dispari ratione sancti Dei, dextræ altissimi in vestitu deaurato insignitæ charitatis adhærentes, cōtra peccatores sunt progressuri. Nunc quidem quemadmodum & Moyses peccatorum in cœlesti curia causas agunt, diuinam iram eorum sceleribus accensam extinguunt, *Nunc Sancti in calis exi-*
gladium eius euaginatū, iterum in vaginam impo- *stet pro nobis erant in die iudicii*
nunt. Verumenimuerò postquam cum Iudice, ad *contra nos, si male egerimus confus-*
discutienda eorum opera descenderint, deposito *gent.*
mansuetudinis mollissimo vestimento, induent ferrea arma, & qui pro eis toties supplicantes ad Deum accedebant, contra eos seuerissimi accusatores consurgent. Sicq; alloquentur Iudicē pro Tribunali sedentem. Iustus es Domine, & rectum iudicium tuum, *Oratio Sanctorū ad Deū*
æquitatem vidit vultus tuus. Vidimus nos ingentes diuinæ gratiæ cumulos, erga istos pessimos peccatores à te exhibitos, quibus illi ad meliorem frugem nunquam reduci sese patiebantur, sed te derelicto, hisq; beneficiis despiciatui habitis, abierunt in consilio impiorum, & in via peccatorum steterunt, & in cathedra pestilentiæ, sederunt. Nos, dicent mundo corde, carnalibus, modum castè pieque viuendi, & ab omnibus luxuriæ inquinamentis abstinendi, exemplo nostro ostendimus, toties hæc audierunt, quidā ex illis legerunt, & admirati sunt. Cur ergo nostra tenere vestigia noluerunt. Nos in eadem naui, & in eodem mari nauigantes, feliciter ad optatum portum
D tum

Obiurgatio peccatorum.

In eadē carne Sancta virgines viderūt hostem & carnales homines cur vincuntur.

Peccatores nolunt sanctos sequi in domanda carne.

In eadem pugna Sancti victores impii victi.

tum peruenimus, illi cur naufragium passi. Nos ventos aduersos turbineſq; procellarum vehementes ſemper experti, nauem tamen mergi non permiſimus, illi vix aliqua tempeſtate tentationum impediti, clauo rationis remiſſo, veliſq; depositis ſpontaneum ſubiſcere naufragium? O manus diſſolutas ac remiſſas, laboriſq; impatientes. Conuerſiq; ad eos. Eia inquierent peiſimi homines, noluiſtis ſemitas noſtras tenere, ſed potius ſecuti eſtis deſideria cordis veſtri. Idcirco dignos vos iudicauimus æternis cremandos ignibus, & infernalibus tradendos ad cruciandum tortoribus. Pluris æſtimatiſtis carnem veſtram quam Deum, ſcientes noſ corpus noſtrum caſtigare, & in ſeruitutem redigere ſolitos fuiſſe, nec vnquam ei obedire voluiſſe. Nunc ergo o Domine, profer illam ſacroſanctam ſententiam. Quantum glorificauit ſe in deliciis, tantum illi date tormentum & luctum. Dicent etiam pauperes ſpiritu. Noſ omnia reliquimus propter te, Iudex æquiſſime, & ſecuti ſumus te, ſciuerunt hæc, ſed intelligere ſcientes noluerunt, totoque pectore incubuerunt, in res mundi colligendas: quarum poſſeſſio dulcior atq; iucundior illis fuit, quam tua gratia & benedictio. In eadem acie & cum iſdem hoſtibus dimicauimus, noſ ex hoſte victoriam reportauimus, illi cur victi hoſtibus manus dederunt? In eodem ſtadio quo & ipſi currebamus, noſ accepimus brauium, quia currentes ab omnibus abſtinebamus, illi apparent in conſpectu tuo vacuis manibus. Ergo profer illud iuſtiſſimum decretum. Qui plus dilexit agros &c. non eſt me dignus. Tandem ad auaros. Quid vobis profuit coniungere domum domui, & agrum agro. dormiuiſtis ſomnum

veſtrum

vestrum & nihil inuenistis in manibus vestris. Nunquid illam salutarem doctrinam, toties in Ecclesiis celebratam, & prolatam non audiuitis. Thesaurizate vobis thesauros in cælo, ibi nec fur aufert nec tineam demolitur, cur vobis non fecistis amicos de mamonâ iniquitatis, vt nunc vos quando defecistis reciperent in tabernacula sua. Vbi nunc bona illa quæ cum a. dentissimo affectu, congregastis? Vbi ditissima prædia? vbi iuga bouum? vbi filia vestra compositæ, circumornatæ, vt similitudo templi? Vbi proutuaria vestra plena, eructantia ex hoc in illud? Vbi oves factosæ abundantes in egressibus suis? vbi boves crassæ? En quomodo præterit figura, illius mundi. Ergo æquissime Iudex sepeliantur in inferno, mēdicentq; guttam aquæ, & non tribuatur eis. Ad erit & teterrimus dæmō cum suis numerosis cohortibus, & expediet aduersus peccatores potentissima querelarum iacula iuxta verba S. Ioannis Euangelistæ. Apo: 12. *Diabolus accusator est fratrum, qui accusabit eos ante conspectum Domini Dei nostri.* Eia dicet Iudex æquissime, hi vilissimi terræ vermiculi, a te gratuito, & immenso amore tantæ maiestatis Domino præuenti, tot tantisque beneficiis a te affecti, vt pote a te creati, conseruati, redempti, illuminati, nutriti, vocati, iustificati, electi, dotati. Ad hæc intelligentes te omni reuerentia, laude, amore, & obsequio superdignissimum: scientesq; voluntatem tuam, & quæ præparata sint tibi obtemperantibus præmia. Nec ignorantes quæ reseruata sint inobedientibus supplicia, post receptam a te toties peccatorum veniam, post gustatam tui spiritus dulcedinem, habentes multas occasionēs peccata euitandi, & bona operandi. Faci-

D 2

*Apostrophe
Sanctorū ad
aueros & di
mies.*

*In cælo the-
sauri ptiles*

Psal: 143.

*Malus dæmō
accusator
peccatorū a-
cerimus.*

*Apo: 12.
Beneficiama
lis a D. Deo
collata eos
damnabunt.*

*Seruus sciēs
velitatem
Dni. et non
faciens nul-
lus plag. va-
le absq; pulabit.*

*Deo spreto se
qui dāmonē
& carnē sce-
lus pessimū.
Maiestas di-
uina peccā-
do contemni-
tur.*

*Præsentia in
honoratur.*

*Bonitas de-
spiciunt.
Magnum ne-
fas Deū qui
nos prior di-
lexit non di-
ligere.*

le absque graui tentatione, pro vilissima & breuissi-
ma delectatione, impudenter, absque diuinæ tuæ
præsentia respectu, reuerentia & timore, non semel
atque iterum, sed supra numerum, in te & coram te
peccauerunt seseq; a te summo, & vnico bono spon-
te auerterunt, & ad vanissimam creaturam se con-
uerterunt, voluntatem suam peruersam & iniquam,
ac noxiam, tuæ sanctissimæ, æquissimæ, & salutiferæ
voluntati prætulerunt. Tua præcepta & consilia,
proposita etiam sancta, mature tecum & pro tuo ho-
nore facta neglexerunt, & transgressi sunt: vt meas
aut immundissimæ carnis, & sensualitatis suggestio-
nes sequerentur. Quæ omnia faciendo infinitam tu-
am *Maiestatem*, dignitatem, & excellentiam (quam su-
per omnia adorare, colere, & obseruare debuerāt)
toties offenderunt. Tuam præsentiam & sapientiam
eos semper, & vbiq; intuentem & considerantem,
(in cuius conspectu debuerant cum omni reuerentia
& humilitate, in omni sanctitate, & iustitia ambula-
re, & stare) toties inhonorauerunt: coram te pecca-
re non erubescences, quod ad maximam tui irreue-
rentiam & contemptum fuit. Tuam inæstimabile
bonitatem, & omnimodam perfectionem, omnium
creaturarum bonitates & perfectiones, causantem,
conseruantem, in se continentem, & infinite super-
excedentem (quam supra omnia appretiare præeli-
gere, & appetere debuerant) toties docti fecerunt,
eamq; postposuerunt vilissime & vanissimæ creaturæ
& delectationi, in quo summam tibi iniuriam irro-
gauerunt. Tuam charitatem, erga eos æternam, gra-
tuitam, nimiam, & prorsus immensam (cui per re-
ciprocum amorem respondere debuerant) toties
con-

contempserunt, & suum amorem ad mundi delectationes, & vanas creaturas quam ad te conuertere maluerunt, in quo grauissimum erga te contemptum commiserunt. Tuum sanguinem pretiosissimum, pro eorum reconciliatione cum tantis cruciatibus effusum toties conculcauerunt, teque Deum, & redemptorem suum toties rursus vendiderunt, illuserunt, flagellauerunt, spinis coronauerunt, crucifixerunt, & occiderunt, dum post acceptam in baptismo remissionem peccatorum, pro quibus ista sustinueras, toties rursus peccata committere non timuerunt. Tuum zelum & studium feruentissimum, & strenuissimum, & constantissimum, quo eorum salutem semper procurasti, & tot tantaq; pro ea fecisti, & per tulisti (cui per feruentem & continuum tui honoris zelum, & implendæ tuæ voluntatis studium efficacius respondere debuerant) toties neglexerunt, & erga tuum honorem & obsequium promouendum tepidi, remissi, & negligentes fuerunt. Tuæ munificentiae & liberalitati prorsus immensæ, qua gratis & absque ullo illorum merito, aut commodo, tot & tanta naturæ, fortunæ, & gratiæ bona illis indignissimis contulisti, (cui per deuotam gratitudinem respondere debuerant) toties ingrati fuerunt: dona tua aut in terra, vel sudario inutiliter abscondentes, aut ea dilapidantes & destruentes aut (quod est ingratitude detestandæ,) iisdem contra tuum honorem, & beneplacitum abutentes. Tuæ fidelitatis, erga eos constantissimæ & certissimæ, qua illis semper, etiam quando à te auersi, tibi que rebelles erant, fideliter astitisti, & benefacere non cessasti: tuaq; promissa seruasti, per debitam fidelitatem erga te non responderunt.

D 3

runt.

*Peccatores
iterum cruci
figunt Chri
stum.*

*Non vult
impii meritū
Deus, sed pre
ditio eius ex
corde ipsius.*

*Ad Deo quem
peccator effe
dit omnia ha
bet, in eo
quippe vini
mus moue
mur, & su
mus.*

*Sicut semen
sine humore,
ita homo tē-
pore tentati-
onis à Deo
recedens.*

*Affinitas no-
stra cū Chri-
sto.*

*Omnia ele-
menta con-
tra peccato-
rem consur-
gent.*

runt, sed ad tempus in te credentes, tentationis tem-
pore à te recesserunt, & in fide erga te pusillanimes,
& dubii, atque in propositis propter te factis insta-
biles ac imperseuerantes fuerunt. Te omni genere
affinitatis & officii sibi proximum, & cōiunctissimum
omnibusq; titulis obligatoriis ab ipsis colendissimum,
& obseruandissimum, (utpote Patrem suum & fra-
trem. Iudicem & Aduocatū. Præceptorem & Ma-
gistrum. Pastorem & Ducem. Creditorem & fide-
iussorem. Protectorem & medicū. Liberatorem &
sponsū. Deum & beatitudinem suam) tota affecti-
one, & sincera pietate, sicut debuerant non dilexe-
runt: nec obseruarunt & coluerunt, sed toties erga
te impii, indeuoti, imo etiam iniuriosi fuerunt. Er-
go iustum est, ut te supremum, infinitum, æternum
bonum, tuamq; amicitiam & gratiam æternis tempo-
ribus amittant, & à tua paterna prouidentia & cu-
ra, proiecti & repulsi deficiantur in profundum in-
ferni. Insuper quemadmodum Hugo de S. Victore,
inquit. *Contra peccatorem in Iudicio cælum dicet. Ego lucem sibi*
ministravi ad solacium. Aer dicet. Ego omne genus Avium sibi dedi,
ad obsequium. Aqua dicet, ego diversa genera piscium sibi dedi
ad esum. Terra dicet, ego panem & vinum sibi dedi ad nutrimentum?
Ignis dicet, in me comburatur. Aqua dicet in me demergatur. Terra
dicet à me absorbeat. Infernus dicet à me deglutatur. O deplo-
randam in illa hora peccatorum sortem. Omnes con-
tra illos cōsurgent, nullus pro illis pugnabit. Omnes
institigabunt, nullus defendet. Omnes accusabunt,
nullus pro illis respondebit. Omnes clamabunt oc-
cide, macta, interfice. Nullus dicet indulge, expe-
cta, faucto. Omnes vociferabuntur condemna, nul-
lus dicet, salva. Omnes terrorem incutient, nullus
conso-

consolationem afferet. Omnes minabuntur, nullus auxiliabitur. Omnes erunt inimici, nullus amicus erit. Omnes vindictam erga impios exposcent, nullus misericordiam postulabit. O peccator dum tempus habes, ne tardes conuerti ad Dominum Deum tuum? ne tempore iudicii, omnium in te experiaris indignationem, quod a vobis auertere dignetur, qui sine fine regnat, & viuunt. Pater & Filius, & spiritus sanctus.

AMEN.

TERTIA ORATIO ECCLESIASTICA

In eadem Dominica.

DE PERSONA IUDICIS.

Tunc videbunt filium hominis venientem in nube, cum potestate magna, & maiestate. Luc. 23.

ANno Domini quadringentesimo, decimo Nono sub consulibus. Monaxio & Plinta, multæ Palæstinæ ciuitates, villæq; terræ motu collapsæ sunt. Dominus noster IESVS Christus semper & *Christus mirifice apparet in monte Oliveti.* vbique totus, super montem Oliueti, Hierosolymæ vicinum sese de nube manifestauit. Multæ & tunc *in monte Oliveti.* vtriusque sexus, vicinarum gentium nationes, tam visu

Dan: 7.
Zach: 14.

visu quam auditu perterritæ atque credulæ, sacro Christi fonte ablutæ sunt, omniumq; baptizatorum in tunicis, Crux Christi Salvatoris, diuinitatis nutu extemplo pressa refulsit. Hæc Marcellinus in Chron. apud Baro. Tom. 5. Anno. 419. Cuius rei adeo admirabilis occasione cæpti sunt vbique misceri sermones de aduentu Domini ad iudicandum, quod ex Danielis Prophetæ vaticinio iam prænuntiatus esset, aduentus filii hominis in nubibus. Et Zacharias de ipso loco eius aduentus, super monte oliueti, prædixerat. Accedebat quod memoria retinerentur verba ab Angelis dicta, ab Euangelista descripta, de eodem monte vbi Christus ascendisset in cælum. Quemadmodum vidistis eum ascendentem in cælum, ita veniet. O terribilem visionem quæ multas ciuitates solo æquauit, & hiatu terræ quasdam absorpsit. O seuerissimam Personam Christi, quæ in nube visa omnes vehementi concussit terrore. Quod si nondum iudicaturus adeo terribilis agnitus est, qualis obsecro erit cum viuos & mortuos iudicare aduenerit? Placet venientis in extremum illud iudicium veram effigiem in Sacra scriptura elegatissime expressam in medium afferre, modo solitum reddamus B. M. V. deuotionis nostræ officium.

A V E M A R I A.

Iudicis effigies in Sacra scriptura depicta.

Satis condigne debitisq; colorum speciebus Iudicis nostri personam, à S. Ioanne Diuinorum mysteriorum acutissimo speculatore, expressam & depictam Apo. 19. capite intuemur. *Vidi inquit cælum apertum, & ecce equus albus, & qui sedebat super eum, vocabatur fidelis,*

*fidelis, & verax: oculi autem eius sicut flamma ignis, & vestitus erat veste aspersa sanguine, & vocabatur nomen eius verbum Dei, &c. De ore eius procedebat gladius viraq; parte acutus, ut in ipso percutiat gentes &c. O effigiem spectantium oculis horribilem. Bone IESV, ad te meam conuerto orationē. Quis crederet ex mansuetissimis tuis oculis, ardentissimas aliquando egressuras flammās? Quis veritatem rem esse consentaneam existimaret, te, illos benignissimos oculos, quorum intuitu sicut hamo pisces, sic tu homines peccatores attrahebas, in die iudicii igne accensos aduersus peccatores deterrendos, ostensurum? Bone Domine. Ergone verum est, illos oculos propter peccatores lacrymarum vi, riuisque sanguinis, ex sacratissimo capite suffusos flammās contra peccatores ardentissimas edituros? O admirabilem mutationem: Tu Domine IESV, videns hominem sedentem in telonio Matthæum nomine, utique peccatis multis obnoxium, ad te misericorditer traxisti, traxisti quia prius vidisti. Tu idem cur non eadem oculorum benignitate consolaturus es, peccatores panem doloris manducatu-
 ros? Olim videns ciuitatem Hierusalem, fleuisti super eam, eo quod multorum malorum calamitatibus subiiciendam cognosceres. At in die Iudicii animaduertent peccatores, vallo angustiarum circumdatos, & ab hostibus suis ad interuersionem prostratos, cur misericordia non moueberis? Olim iam foetidum Lazarum ē sepulchro ad vitam reuocans, largissimos ex oculis benignissimis emisisti imbres, cur in die iudicii ex oculis tuis mortuos ē monumentis suscitans, non lacrymas, sed flammās emissurus legeris? Respondet iustissimus Iudex, fuisse illud tempus acceptabile*

*Asirophe
ad Iudicem.*

*Olim Christo
benigne in-
tuebatur pec-
catores, in
primo aduen-
tu in secun-
do nimis se-
uere.*

*In primo fle-
uit, videns
mala pecca-
torum, in se-
cundo ride-
bit in interi-
tu eorum.*

*Narratio de
Caladrio aue
admirabilis.*

ptabile, & dies salutis illud verò futurum, tempus iustitiæ, diesq; perditionis. Fertur quædam avis esse, sic dicta Caladrius, cuius natura est talis, quod quando aliquis graui detinetur infirmitate, si ægritudo fuerit ad mortem, Caladrius auertit faciem suam, à sic ægrotante, & sine dubio tunc moritur homo, si autem infirmus, debet conualescere, Caladrius figit visum in ipsum, & intendit in eum quasi applaudens ei. Simili ratione Christus Dominus, volens omnium oculis notum facere, peccatores in extremo iudicio amplius ad vitam resurgere non posse, sed morte æterna mori debere, iuxta verba Psalmistæ?

Psal.

Non resurgent impii in iudicio, neque peccatores in concilio iustorum, auertet benignitatem oculorum suorum ab eis, & intuebitur eos intuitu seuerissimo, & terribilissimo. Væ in illa hora genti peccatrici. De ore eius egrediebatur

*Gladius atque
terribilis
iudicis vo-
cem designat*

gladius acutus, Ex verbis his in quantum mentis oculis licet perspicere. Iudicem terribili voce peccatores allocuturum colligo. Erit enim vox Domini, con- fringentis Cedros, & vox concutientis desertum. Sapientissimus omnium Regum Salomon, liti durarum meretricum, suo iudicio finem impositurus inquit. Afferte mihi gladium, & discidite infantem, viuum in duas partes, & date dimidiam partem uni, & dimidiam partem alteri, & statim

*Iudicium Sa-
lomonis ti-
moris reus-
sit subditis.*

*subiicitur. Audiuit itaque omnis Israel iudicium, quod indicasset Rex, & timuerunt Regem. Aduenies in iudicium verus Salomon Christus IESVS, & gladius de ore eius egredietur, erit enim eius sermo ancipiti gladio penetrabilior, transuerberans renes, & viscera sceleratorum: quo segregabit eos, qui ventri obediens vitam brutis similem duxerunt, à parte Iustorum, & subiiciet eos potestati, & tormentis malorum dæmo-
num,*

num, & sicut Salomon Israelitico populo, sic Christus Dominus vniuersis impiorum cohortibus, cum suo gladio terribilis, & metuendus erit. Amos 3. *Leo rugiet quis non timebit.* Alluisse videtur.) Propheta ad naturam Leonis; qui vt omnibus notum est, existens animal ex omnibus quadrupedibus generosissimum, & audacissimum cum fame exagitur, altissimam conscendit rupem, & prædam inde ipsulatur. Vbi verò aliqua animalia in vnum congregata conspexerit, terribilem edit rugitum, quo animalia percepto, semimortua, ac si ea spiritus deficeret in terrā prona cadunt, & ille celeri cursu aduolans, quod sibi placuerit arripit, & in cibum conuertit. Rugiet Christus Dominus in iudicio, Leo de Tribu Iuda, & animalis homo vehementissime pauebit. Cum Christus Dominus armatam cohortem contra se concitatam videret dixit. *Quem queritis!* Ipsi autem dicentibus, *IESVM Nazarenum*, continuo ipse respondens. *Ego sum*, se illis manifestauit. Audito autem verbo illo. *Ego sum*. statim retrorsum conciderunt omnes in terram, poterātq; non immeritò vsurpare illud Iob. *Cum vix paruum stillicam sermonis eius audierimus, quis poterit magnitudinem tonitruus eius intueri.* En quantam in vocis tonitruo efficaciam Christus ostendit, vt continuo inimici perterriti supini ceciderint. O milites Hierusalē, vbi nam fortitudo vestra? vbi armorum præsidium? vbi tempus quo ducebamini in IESVM? O Iuda, vbi sunt promissa tua, ego vobis eum tradam: Sed quid hæc altius perpendens D. Augustinus dixerit audiamus. *Vbi nunc militum cohors, & ministri Principum, & Phariseorum? vbi terror & munimen armorum? nempe vna vox dicentis, ego sum, tantam turbam odiis ferocem, telisq; terribilem, nullo telo percussit,*

Decreto Christi sicut gladio infans in iustis a patre se gregabunt.
Amos 3.
Leo rugiens terret omnia animalia

Vnico verbo Christus cohortē prosternit.

Iob: 26.

August: 174
Erat. 112. in Ioan.

Gen: 3.

Act: 9.

*Terribilis
Christus sal-
uando quid
erit damna-
do.*

Hest. 7.
Regina Prin-
cipem voce
terrui multo
magis Deus
peccatorem
suam voce
terrebit.
Regina vox
terribilis
Principi.

perculsit, repulit, stravit, &c. Ego sum inquit, & impios deiecit, quid indicaturus faciet, qui indicandus hoc fecit? quid regnaturus poterit, qui moriturus hoc fecit, vocauit Dominus Adam, ubi es? Qui ait vocem tuam Domine, audiui & timui. Audient peccatores vocem Domini, & vehementissime timebunt. Cum iter faceret Saulus Damascum subito, circumfulsit eum lux de cœlo, & cadens in terram, audiuit vocem dicentem sibi, Saule Saule quid me persequeris. Erat S. Paulus futurus vas electionis, & tamen sic voce Domini concussus in terram prosternitur: vasa perditionis o quam horribili vocis diuinæ tonitruo concutientur? Si Saulum in excelsissimo gratiæ suæ gradu collocandum, voce in terram deiecit, o quam in infimum damnationis barathrum, impios demersurus terribiles edet rugitus? si sic seuerus saluando, quid erit damnando? si sic durè & seuerè alloquitur operarium in suam vineam vocando, quomodo seuerus erit vineæ fures à se repellendo. O sermonem diuinum omni gladio penetrabiliorem. Dixit Hester. Hostis & inimicus noster pessimus est iste Aman, quod ille audiens illico obstupuit, vultum Regis ac Reginæ, ferre non sustinens. Reginæ accusantis vox, cum, cuius solium posuerat Rex super omnes Principes, quos habebat adeò terruit, vt præ timore obstupescens vix loco stare posset. O quam terribilis vox Regis Regum erit iudicantis eos, quos Pater Omnipotens damnandos, & in æternum humiliandos decreuit, Obstupuit ille ad vocem Reginæ conquerentis, cui cuncti serui Regis qui in foribus Palatii versabantur, flectebant genua, o quomodo obstupescant impii, ad rugitum seuerissimi iudicis, contra quorum perniciem augendam omnis consurget creatura armata. Tandem subiicitur.

tus. Nec dum verbum de ore Regis exierat, & statim operuerunt faciem eius, iussusque est suspendi in patibulo. Sic Christo Domino aduersus peccatores vociferante, & eos terribiliter alloquente, vbi primum obiurgandi eos finem fecerit, ex templo à malis dæmonibus arrepti, in profundissimam inferni abyssum immergentur. Daturus olim legem populo Israelitico Deus Omnipotens, paratos iubet esse in diem tertium, & ne appropinquent vxoribus suis, lauentq; vestimenta sua, & sanctificati adsint ad montem Sinai. Postquam vero aduenerat dies tertius, & ecce caperunt audiri tonitrua, ac micare fulgura, & nubes densissima operire montem, clangorq; buccinae vehementius perirepebat, & timuit populus qui erat in castris, & perterriti, & pauore percussi steterunt procul, dicentes Moysi, loquere tu nobis, & audiamus, non loquatur nobis Dominus, ne forte moriamur. O rem admiratione maxima dignissimam. Legem populo suo Deus ad obseruandum exhibiturus, tam terribili apparatu audiendum se præbuit, o quam terribilis transgressoribus legum suarum in extremo Iudicio aderit. Populo sanctificato sermo diuinus adeo intolerabilis, vt mortem afferre videretur, quid gentis celeratæ & peruersæ? Populo bene disposito, & vestimentis lotis induto dure loquitur Deus, at populo peruerso & iniquo, sordibusque peccatorum maculato, o quam dure tonantia verborum eructabit fulmina. Væ illis, non enim aderit Moyses, pro illis loquens ad Dominum. Testatur Curtius, rerum ab Alexandro Magno gestarum scriptor celeberrimus, milites eius contra Regem rebellionem mouisse, sed eius vehementi oratione, verbisque minacibus adeo fuisse perterritos, vt cum eos manu sua apprehenderet, & quæstionibus ex-

Exo: 19.

*Vox Domini
dantis legem
terribilis
multo magis
terribilis eris
iudicantis.*

*Curtius lib.
10. De rebus
gestis Alexan-
dri*

*Lib: 10.
Militum re-
bellio atrox.*

*Magna au-
dacia Regis.*

*Rebelles pu-
niuntur.*

*Peccatores
Deo rebelles
sunt.*

cruciandos traderet, starent attoniti, nihil contra Regem ausi. Verba sunt Authoris, Milites disciplinae militaris immemores, seditiosis vocibus castra complent, Regemq; ferocius, quam alias adorti, omnes simul missionem postulare caperunt, deformia ora cicatricibus, caniciemq; capitum ostentantes. Nec aut Praefectorum castigatione, aut verecundia Regis deterritum multuoso clamore, & militari violentia volentem loqui inhibebant, palam professi nusquam inde nisi in Patriam vestigium esse moturos. Posthac recitat Author eius vehementissimam orationem, & subiicit. Desiliuit deinde Rex, frendens de Tribunali, & in medium armatorum agmen se immisit, notans quoque qui ferocissime oblocuti erant, singulos manu corripuit, nec ausos repugnare XIII, asseruandos custodibus corporis tradidit. Quis crederet suam paulo ante concionem obtorpuisse subito metu, cum ad supplicium videret trahi, nihil ausos grauiora quam ceteros? &c. adeoq; non sunt accensi supplicio commilitonum, cum sub noctem interfectos esse cognoscent, vt nihil omiserint, quo singuli magis obedienter ac pie facerent, lugubremque totis castris edidere clamorem, denuntiantes protinus esse morituros, si Rex perseueraret irasci: haec Curtius. Multi profecto sunt, qui diuinis posthabitis praecipis, contra ipsum Deum, maxima in eum scelera perpetrando bellum mouent, salutare admonitionum medicinas respicientes. Medicorum spiritualium consilia vtilia flocci pendentes, verbi diuini praeconiis oblatrantes, sese Deo rebelles, & inobedientes exhibere non verentur. Sed exiit tempus, cum supremus iudex pro Tribunali sederet.

rit, suasque voces aduersus eos emiseric, trepidabunt timore horribili: & tribulabitur ibi fortis. Dixit S. Petrus ad Ananiam. *Cur tentauit Satanas cor tuum, mentiri te Spiritui Sancto, & fraudare de pretio agri &c.* Audiens verba hæc Ananias, cecidit & expirauit. Et factus est timor magnus in omnes qui audierunt &c. Si discipuli Christi tam vehemens vox fuit, vt hominem mori compelleret, quid existimandum de voce ipsius Christi? Clamauit Ionas Propheta & dixit. *Adhuc quadraginta dies & Ninive subuertetur.* Timuerunt omnes, & crediderunt in Deum, & Rex ipse surrexit de solio suo, & indutus est sacco, omnesque ieiunio, & fletu, & planctu præterita diluere mala decreuerunt. Clamabit Christus Dominus, hodie non post quadraginta dies perdetur peccator, hodie iniquus maledictione inductur, hodie tradetur excruciadus tortoribus. O quātus terror, ô quanta trepidatio implebit corda hæc audientium. Tunc Reges & Principes omnes, optimates sicut vermiculi in cinere sedebunt. Sed video vos ardere desiderio, sciendi quonam sermone vsurus sit Iudex aduersus peccatores, & quibus verbis eos allocuturus sit. Igitur hoc ipsum me tractaturum audite. Allocuetur eos seuerissime, sua erga illos collata beneficia commemorando, eorum scelera, & ingratitude ostendendo, stultitiam coarguendo, & vehementer increpando. Quoties enim Deus aliquē propter scelera eius punire decreuerat, prius beneficia sibi per se exhibita ob oculos ei ponere solitus est.

1. Reg. 15. *Dixit Samuel ad Saul. Nonne cum paruulus esses in oculis tuis, caput in Tribubus Israel factus es, unxitque te Dominus in Regem super Israel &c.* Quare ergo non audisti vocem Domini &c.

2. Reg: ca. 12. *Dixit Nathan ad Dauid, Hæc dicit Dominus. Ego te vixi*

Act: 5.

Ion: 12.

Multa beneficia peccatoribus à Deo collata enumerantur.

Homines sunt Reges sub certo tributo Deo reddendo constituti.

te unxi in Regem super Israel, & ego erui te de manu Saul, & dedi tibi domum Domini tui, & uxores Domini tui in sinu tuo, dedique tibi domum Israel, & Iuda, &c. Quare ergo contempsisti verbum Domini, ut faceres malum in conspectu meo. Dicit Christus Dominus. O impii, & peruersi peccatores, Creauī vos ad imaginem & similitudinem nostram, certissimum per hoc amoris mei erga vos indicium, & testimonium euidens, demonstrans, siquidem magni amoris argumentum, velle amatum sibi esse similem. Minui vos paulominus ab Angelis, gloria & honore coronaui vos, & constitui vos super opera manuum mearum. Omnia subieci sub pedibus vestris, oues & boues vniuersas, insuper & pecora campi, volucres cœli, & pisces maris. Vbi igitur pro tam insigni beneficio gratitudo vestra. Quare ergo me Patrem vestrum cui feci vos, & creauī vos, contempsistis, & inimicum meum secuti estis? Arguam vos, & statuem contra faciem vestram. Vos estis filii verè prodigi, & proterui, qui mihi tanto tamque amantissimo Patri, toties inobedientes fuistis, à me vos auertistis, meque relicto in regionem longinquam profecti estis, vbi cum meretricibus propriis videlicet concupiscentiis & voluptatibus, totam vestram substantiam consumpsistis, Diabolo adhæsisistis, porcosque pascentes misera fame attenuati estis, ad me tamen redire nolulistis. O vos exules miserrimos, regni mei Proditores, & Maiestatis meæ Regiæ læsæ reos, quia à me in Reges vincti fuistis, & omnia animæ & corporis ac fortunæ bonâ, à me tãquam quoddam regnum regenda accepistis, sed onere certi tributi & seruitiū mihi exoluendi, vos verò in mei contumeliam præsumpsistis pessimum inimicum meum Diabolum, constituere

stitueret huius regni Dominum, & tributum ac seruitium, quod mihi summo Regi vestro soluere debueratis, illi impendistis. Vos serui nequam pigri, infideles & inobedientes fuistis, quia mihi supremo & superamandissimo Domino, & Redemptori vestro, nunquam digne fideliter, & ex puro amore seruiuitis, sed cum propria sui quæstione negligenter, ac infideliter: imò etiam voluntatem vestram peruersam, meæ sanctissimæ prætulistis, & quæ mihi displicebat fecistis. O vos discipulos indociles, rebelles, vagos, & inobedientes: quia mihi Præceptori superdignissimo, Magistrorum optimo, & legislatori sanctissimo semper restitistis, verbaq; mea & mandata, atq; consilia audire & intelligere neglexistis: aut audita retinere, & opere complere noluitis. O vos oves perditas & errantes, militesq; ignauos, profugos, & proditores: quia à me Pastore bono & summo, toties aberrauistis, lupiq; crudelissimi vocem potius quam meam audiuitis, & secuti estis: quia etiam à me Imperatore summo & inuictissimo duce, meæ militiæ ascripti fuistis, & donatium militare ad præliandum contra hostes meos accepistis, atque insuper constituti fuistis custodes vestrorum corporum, & animarum tanquam meorum castrorum, non tamen studuistis mihi militare, & hostibus meis ac vestris, Diabolo, carni, & mundo, viriliter & constanter resistere, sed toties tamq; facile absq; graui impugnatione illis celsistis & consensistis: imò etiam clauem Castri vobis committi (quæ est cogitatio cordis & consensus) Diabolo hosti pessimo voluntarie tradidistis: vitiosas eius suggestiones ascultando, eiq; per consensum aut delectationem adhærendo, &

F

ipsum

*Peccatores
vocantur o
ues errantes
& discipuli
Magistro in
obedientes.*

*Corpora no-
stra sunt ca-
stra Dei.*

*Militia est
vita homi-
nis super ter-
ram.*

*Multa debi-
ta in humeris
suis portant
peccatores.*

*Villicus ini-
quitatis.*

*Peccatores
toties à Chri-
sto sumati in
grati fuerūt.*

*Anima nō-
stra est Chri-
sti sponsa,
cum Christo
surripientes,
& demoni
prostituentes
in ore adulte-
ri vocatur.*

ipsum in vestrum introducendo, & me expellendo.
O vos debitores, erga me plusquam deceni millium
talentorum, non habentes, unde quicquam possitis
mihi creditori exactissimo restituere, pro amissis gra-
tiarum & donorum meorum talentis, a me vobis ad
usuram concessis. O vos villicos iniquitatis, & dilapi-
datores ac destructores bonorum meorum, qui non
possitis villicationis vestræ, rationem iustam mihi
reddere: præsertim cum bona mea aut in terra ab-
scondendo, vel in sudario ligando, infructuosa
detinueritis: aut etiam illis contra meum honorem,
& beneplacitum abutētes ea dilapidaueritis. O vos
ægros & infirmos, multis morbis gravissimis vexa-
tos, fortissimisq; & crudelissimis hostibus obsessos &
circumdatos, qui mihi medico optimo, & protecto-
ri, ac custodi potentissimo, semper ingrati, infideles
ac inobedientes fuistis, oblataq; vestræ salutis reme-
dia, & securæ protectionis subsidia repulistis, & a-
biecistis. O vos adulteros, & sacrilegii horrendi re-
os nefandissimos, quia, cum ego Regis æterni filius,
& Princeps Regum terræ, animas vestras nudas, pau-
peres, immundas, abiectas, & miseris omnibus ple-
nas tam dignanter in sponsas meas elegerim, in san-
guine meo lauerim, meis virtutibus & gratiis orna-
uerim, & ditauerim, easdemq; meæ mensæ, thalami,
& regni participes fecerim: non tamen erubui-
stis nec timuistis, de me tanto & tali sponso prorsus no-
bilissimo, pulcherrimo, amatissimo, suauissimo, opti-
mo, & perfectissimo, derelicto & spreto, in mea præ-
sentia, & me in spectante, toties vos sponte prostitu-
ere turpissimo, nequissimo, crudelissimo & miserrimo
hosti meo Diabolo, per consensum ei adhærendo,
cui

cui etiam ornamenta & dona, quæ vobis ad placendum mihi dederam sacrificastis, & in obsequium eius conuertistis. O detestandum prorsus & æternis pœnis puniendum facinus, & adulterium ac sacrilegium horrendum. O vos fures & sacrilegos, quia cum totum id, quod fuistis & habuistis, meum fuerit, mihiq; multiplici iure deberetur, vos tamen omnia illa bona contra meam voluntatem vsurpastis, expeditis, mihiq; abstulistis, & prophanis vsibus applicastis. O vos Idololatrias, quia creaturis & propriis voluntatibus, & voluptatibus potius quam mihi adherentes, idololatriam commisistis. O vos homicidas, quia animas vestras vita gratiæ & gloriæ priuantes occidistis. O vos stultissimos & insipientissimos: quia pro vilissima & breuissima delectatione, infinita & æterna bona, sponte perdidistis: & æternæ damnationi vos exposuistis: vitiorum sarcinam quam deponere debueratis quotidie nouis peccatis auxistis: antiqua vulnera renouastis: nec timuistis me offendere & irritare, cuius misericordia, & beneficiis indigebatis, viuere & sustentabamini: cuius etiam solo nutu peteratis occidi, & corpore, & anima in gehennam mitti: meque spreto voluntariè adherastis pessimo & crudelissimo, salutis vestræ aduersario Diabolo, quærenti vos deuorare, qui vt vos in æternam damnationem secum pertrahat, sic volo & cenfeo. O exhortationem plenam horrore & terrore. O verba corda peccatorum vehementer concutientia. O sermonem gladio acutiorē. *Cum maiestate magna & potestate* Iudex noster venturus prænuntiatur, quæ maiestas peccatoribus maximam afferet trepidationem dicente S. Ioanne Euangelista. *Vidi*

Anima adhærens diabolo perdit ornamenta sua. Qui donis Dei abutitur fur est.

Et qui adhæret creature idololatra est.

Stultitia peccatorum redarguitur.

Luc: 23.

Apo: 20.

Maiestas Iudicis erit terro-
rori peccato-
ribus.

Hest. 15.

Sponsa metu
& multo ma-
gis ancilla.

Iudith. 10

S. Iohannes
uiso Domi-
no uchemē-
ter exauit.

thronum magnum & candidum, & sedentem super eum, a cuius con-
spectu fugit cælum & terra &c. Et de throno procedebant fulgura:
& voces, & tonitrua, id est a maiestate Iudicis, terrores
quidam egredientur, qui iudicandis peccatoribus,
magni timoris materiam sunt præbituri, quod olim
fuisse præfiguratum in Regina Hester conicimus.
Quæ ingressa cuncta per crinem ostii, stetit contra Regem, ubi ille
residebat super solium regni sui, in latus vestibus regis, auroq; fulgēs
& pretiosis lapidibus, eratq; terribilis aspectu. Cumq; eleuasset faciem,
& ardentibus oculis furorem peccatoris indicasset, regina corruit, & in
pallorem colore mutato, lissum super ancillam reclinavit caput &c.
Res certe stupenda Reginā viso Rege corruisse, quod
si timuit Regina, quomodo i metu libera & immunis
erit ancilla. Iustus vix saluabitur, peccator & impi-
us ubi erunt, videbunt omnes Dominum, & contur-
babitur cor eorum, præ timore gloriæ eius. Valde e-
nim mirabilis erit Dominus, & facies eius plena in-
dignationis. Iudith quoq; videns Holofernem sedentē in Co-
nopeo, quod erat ex purpura & byss, & auro, & smaragdo, & la-
pidibus pretiosis intextum, & cum in faciem eius intendisset, adora-
uit eum, prosternens se super terram. Non dispari ratione pec-
catores videntes Christum aduentem in iudici-
um, cum potestate & maiestate magna, turbabuntur
timore horribili, & præ angusta cordis gementes
prosternentur ad terram. Non possum me contine-
re, quin illud auribus vestris inferam, quod sibi S.
Iohannes Euangelista diuinitus reuelatum fuisse re-
statatur. Apo: 1. In medio septem candelabrorum arretrorum, simi-
lem filio hominis vidi, vestitum podere, &c. &c. Oculi eius tanquam
flamma ignis &c. Et cum vidissem eum, cecidi ad pedes eius tanquā
mortuus. Et posuit dextram suam super me dicens, noli timere. Ti-
ter exauit. mit dilectus filius, seruus maledictus, quomodo a
timore

timore longē alienus erit: Ille metuit, qui in pectore Domini requieuit, quid putas quali metu concutietur, qui a Domino per vitia varia peregrinatur? Ille trepidauit, qui lateri Domini sui semper adhæsit, & ab eo in morte & in vita ne transuersum quidem vnguem discessit; o quali trepidatione exagitabitur, qui post greges meretricum, & voluptatum sensuallitates vagatur? Ille præ timore viso Domino, a quo diligebatur in terram veluti mortuus cecidit, quam ingenti pauore ille opprimetur, qui a Domino odio habetur? Ille trepidationis molestia vexatus est, super quem posuit Christus Dominus dextram suam, o quam terribiliter exagitabitur super quem virga Domini ferrea ponetur. O miracula. O Prodigia. O terrores terribiles. Quid causæ est bone IESV, cur aduentus tuus in mundum secundus, valde priori dissimilis prædicitur? In primo ad nos aduentu, mundi intrans otium, ex ore tuo vocem similem nobis emisisti, participem te nostrarum calamitatum insinuās, at in secundo tonitrua quædam & fulmina ex eodem ore emitturus es. Tu olim cum filiis hominum mundi huius vsus hospitio, nulla minarum aduersus peccatorem fulmina, sed mira dulcedine & suauitate abundantia proferebas verba. An non iucundus vocis tuæ sonus in ore peccatorum resonabat, cum diceres. Non veni iustos vocare, sed peccatores, & Non est opus bene valentibus medico, sed male habentibus, Pater ignosce illis, quia nesciunt quid faciunt. At secundo in mundum venturus, nulla verba consolatoria, sed durissimas increpationes aduersus peccatores prolaturus es? O dissimilem & terribilem aduentum tuum, veneras olim, vt hominibus diuinæ

*Dilectus filius
us timet quo
modo male-
dictus non ti-
mebit?*

*Dissimilis
Christi se-
cundus Ad-
uentus a Pri-
ori.*

*Christus ma-
nens in mun-
do, fuit pec-
catorū patro-
nus, & defē-
sor, veniens
in iudicium
eorum erit se-
uerus Index.*

*Cir dissimi-
lis secundus
Aduentus
Christi.*

Conclusio.

*Currendum
ad Christum
dum infans
est.*

sapientia thesauros ex ore tuo depromptos exponeres, illisq; Deum Patrem placatum redderes, at secundo venturus es, vt ex ore tuo prolata illa terribili sententia impios aeternae ignorantiae tenebris, includendos abiicias. Respondēbit æquissimus Iudex, vocaui & renuistis, iustum est, vt quem benignè loquentem & humiliter ad se vocantem audire, nec ad me venire voluistis, audiat tunc fulminantem, tonantem, vociferantem, æternisq; temporibus à mea societate & amicitia repulsam passi discedatis. Quapropter auditores, ne in secundo aduentu Iudicem agnoscatis implacabilem, in hoc primo cum dies natiuitatis eius aduenerit, currite ad Bethleem, & ibi lacrymantem animaduertentes, lacrymarum imbres effundite. Osculamini praepe, & adorete infantem in fœno iacentem, humiliter precibus cum obsecrantes, vt misericordiae suae memor culpas abluat, & gratiae diuinæ fontem in animas suas fluere patiatur. Eia igitur absq; mora currite ad infantem, nam à puero omnia facile obtinere poteritis, cum autem creuerit in virum, & ad iudicandum venerit, difficilem & inexorabilem agnoscetis. Nunc manus paruas ad puniendum omnino inhabiles videtis, venite & deosculamini eas, nam postea horrendum erit incidere in manus Dei iudicantis. O bone

IESV, noli nos in secundo aduentu damnare, quos in primo venisti saluare. Cui laus & honor cum Deo Patre, & sancto spiritu, in sæcula sæculorum,

AMEN,

QVAR-

Q V A R T A O R A T I O ECCLESIASTICA

De sentētia Iudicis, & eius executione.

Venite benedicti. &c.

Ite maledicti. &c.

Refert Holcoth, quod cum duo Milites peregrinationis gratia Ierosolimam peterent, cum in vallem Iozaphat peruenissent, eorum alter lapidem quendam tollens, dixit animi gratia socio: cum hic futurum sit vniuersale iudicium, æquum erit, vt modo locum mihi assignem, quo tunc sedens iudicio Dei adsim. Sedit ergo super lapidem illum, quasi dicēs, hic tunc sedebo, & ex nunc possessionem capio, eleuauit tunc in cœlum oculos, quid autem viderit, vel audierit nescimus: refert tamen author hic, tali ac tanto tremore & timore, affectum fuisse illum, vt in terram tremens ac pauens, ceciderit semimortuus, tandem ad se reuersus abiit in viam suam, qui postea pauide asserebat, nunquam diem iudicii in mentem illi venisse sine ingenti patiore. O stupendum factum rarumq; miraculum. Non audiuit terribilem tubæ clangorem; nec tonitrua & fulmina sonuerunt in auribus eius: Non vidit maledictorum cohortes, gementes & flentes: non iudicem

*Exemplum
satis mirabile.*

*Mirū in modum timens
iudiciū Dei.*

Propositio.

cem in aere cunctis visibiliter apparentem, & in veste sanguine aspersa, flamam ex oculis emittentem. Non aure perceperat in impios prolatam sententiam, sed visione quadam vel potius mediocri figura extremi Iudici perterritus, sic expauit: O quam ingens pavor viscera damnatorum cruciabit, cum hæc omnia mala super eorum capita aduenerint? verumenimvero vt aliquis salutaris timor mentes penetret vestras, conciones meas de iudicio, breuissima sententiæ extremæ prolatione terminabo, solitum à vobis expeto audiendi fauorem.

A V E M A R I A.

Iudex benigne alloquitur iustos.

*Pauperes ad diuitias vocabuntur,
Mites ad terram promissionis.
Tristes ad consolationem.*

Trepidantibus & vehementer metuentibus, propter durissimas Iudicis increpationes, peccatoribus, conuertet sermonem suum benignissimus Dominus IESVS, ad dilectissimos seruos suos, ad dextram suam collocatos, eosq; suauissima oratione compellabit. O vos omnes qui secuti estis me, gaudete, quia sedebitis manducantes panem suauitatis, & lætitiæ, volo enim, vt vbi ego sum, illic sit & minister meus. O vos pauperes spiritu lætaminini, quoniam hodie maximis bonorum omnium facultatibus ditabimini, regnum cœlorum quippe vestrum est. O vos mites, nullos vnquam tumultus aut discordias seminantes, exultate, quia hodie possidebitis terram promissionis. O vos beatos, qui lugebatis, nullam vnquam mundanæ lætitiæ dulcedinem cordi applicantes, præ nimia lætitia plaudite, quoniam hodie consolabimini, & secundum multitudinem dolorum vestrorum, lætificabunt consolationes animas vestras. O vos be-

tos

tos qui esuriebatis & sitiebatis iustitiam, agite dies
 lætitiæ, quia hodie saturabimini. O vos beatos misericordes, lætos sumite spiritus, quia hodie misericordiam consequemini. O vos beatos mundo corde, & qui fuistis pacifici, & vos omnes quos persequerentur impii gaudete, quia hodie dabitur vobis merces copiosa in cœlis. Ergo venite pauperes, & possidete regnum vobis à constitutione mundi paratum. O diuitias. Venite plorantes & lacrymantes, & abstergam omnem lacrymam ab oculis vestris, & non erit amplius neq; luctus, neq; clamor, neq; æstus. O desideratissimam consolationem. Venite esurientes, & torrente voluptatis meæ potabo vos. O delicias copiosissimas. Venite operibus misericordiæ intenti, centuplum accipietis, & vitam æternam possidebitis. O mercedem plenissimam. Venite oppressi, accipite gladios ancipites in manibus vestris, ad faciendam vindictam in nationibus, & increpationes in populis. O remunerationem excellentissimam. Venite sancti mei. In paucis vexati, in multis bene dispensabimini, quia tentavi vos, & inveni vos dignos me. Tanquam aurum in fornace probavi vos, & quasi holocausti hostiam accepi vos, & in tempore hoc erit respectus vestri. Fulgebitis, & tanquam scintillæ in arundinetis discurretis, nunc mecum iudicate gentes, & nationes, & dominamini populis, & regnate mecum in perpetuum. Vos enim propter me ludibria, & verbera experti, insuper & vincula & carceres, lapidati estis, secti estis, tentati estis, in occisione gladii mortui estis. &c. & egentes, angustiiati, afflicti fuistis, & quoniam compassi estis, iustum est, ut mecum conglorificati felicissime regnetis. O prami-

*Esurientes
 saturabimini*

*Misericordes habetis
 misericordiam*

Sap: 5.

*Vita Sancto-
 rum in mundo
 afflicta in iudicio glori-
 cata.*

Ad Heb II

*Venite ver-
bum pulchre
explicatur.*

um optatissimum, verè copiosa apud Dominum re-
tributio. Venite filii ad me Patrem vestrum clemen-
tissimum. Venite subditi ad me Regem vestrum libe-
ralissimum. Venite serui mei ad me Dominum beni-
gnissimum. Venite ab exilio in Patriam, à morte in
vitam, à seruitute in libertatem. Venite è terra in
cælum, è paupertate ad diuitias, è miseria ad delici-
as. Venite ex terra vbi hyems erat, ad terram vbi
ver semper floridum manet. Venite è regno, vbi bel-
la & seditiones vigeant, ad regnum cuius fines po-
sui pacem: Venite è Prouincia fami, tempestatibus,
pesti, & aliis malis subiecta, ad regionem, vbi nulla
mors, nulli morbi, nulla calamitas dominatur. Ve-
nite ad regnum, cuius finis non erit, ad delicias sine
fastidio, ad lætitiā, sine tristitia, ad abundantiam,
sine defectu. Venite à metu ad securitatem, è tene-
bris ad lucem, è nocte ad diem. Venite ab æstu in re-
frigerium, à mærore in solatium, à terrenis in Pala-
tium diuinum. Venite ad me cuius visione exulta-
bitis, præsentia gaudebitis, benedictione regnabitis.
Venite nunquam amplius morituri, nunquam gra-
tiam meam perdituri, nunquam statum felicissimum
mutaturi. Venite semper in gaudio victuri, nihil
trepidaturi, felicissime regnaturi. Venite à labore
in requiem, ab æstu in temperiem, à fletu in solati-
um. O verbum breue, venite, sed delectabile. Utinā
Domine Iesu mereamur illud audire in dextera tua
collocati. Venite benedicti. Quid enim hoc verbo
dulcius suauius? Venite, ad quid? Vt ostendam vo-
bis omne bonum. Venite? ad quid? vt nullum am-
plius experiamini malum. Venite, ad quid? vt om-
ne æternitatis capiatis donum. Venite, ad quid?
ad ter-

ad terram promissionis, è terra maledictionis? Venite ad quid? ad rosas & lilia colligenda, qui tribulos & spinas in terra vestra colligebatis. Venite vbi nullum malum, sed omne bonum conspicitur. Venite in regnum, vbi non est ignis qui exurat, aer qui turbet, aqua quæ submergat, terra quæ contremiscat, Cometa qui malum prænunciet, fax cœlestis quæ oculos perstringat, tonitrua quæ exterreant; fulmina quæ prosteruant, fulgura quæ consumant. Venite in regnum, in quo sanitas est sine infirmitate, satietas absq; fame, abundantia sine penuria, gloria absq; ignominia, honor sine vituperio, pax sine bello, insuper omnia bona sunt sine omni malo. Venite in regnum, vbi est lætitia sine tristitia, sanitas sine languore, salus sine dolore, iuuentus sine senectute, vita sine morte, perpetuitas sine corruptione, beatitudo sine calamitate. Vbi pulchritudo non euaneſcit, sanitas non infirmatur, agilitas non pigrescit, lux non obſcuratur, lætitia non minuitur. Venite in regnum, quod caret discordia, inimicitia, malitia, violentia, vbi nulla paupertas, nulla necessitas, nullus dolor, sed sempiterna lætitia inhabitat. His dictis ad dilectos seruos suos: facie terribili, & oculis ignitis, ad peccatores conuersus dicet illis. Ite maledicti in ignem æternum. O sententiam terribilem, o sententiam irreuocabilem. O sententiam peccatoribus terribilem. Ite à me Patre ad Tyrannum, à Domino ad hostem, à Conseruatore ad Perditorem. Ite à mea Prouidentia, ad Dæmonum malitiam, à mea cura ad inopiam, à mea gratia ad æternam calamitatem. Ite à cœlo in infernum, à benedictione ad maledictionem, ad abundantia ad æternam famem. Ite

*Bona mundi
respectu cœ-
lestium sunt
spinæ.*

*Gabriel In-
chino in fine
Concionis de
regno cælo-
rum.*

*Sententia In-
dicis in im-
pios.*

*Quælis sit i-
gnis inferna-
lis.*

*Miseræ fors
impiorum.*

*Re: pō. lebi-
tur damnatis
sentibus.*

Apo: 12.

amplius faciem meam non visuri, misericordiam
haud agniture, lætitiā vllam nunquā habituri. Ite,
ad me nunquam reuersuri, semper in igne arsurī, fru-
stra gratiam meam expectaturi. Ite semper plora-
turi. Omne malum passuri, nunquam finem malo-
rum visuri. Ite a societate Angelorum, ad tenebro-
sa antra dæmonum. Ite in ignem æternum, in quo
nullum refrigerium, sed ardor sempiternus, nulla
lux sed horror, nulla claritas, sed tenebrosus fætor,
& fætidus fumus apparebit, Ite & quantum glorifi-
castis vos in deliciis, tantum habete luctum & tor-
mentum. Ite cum malis dæmonibus, a quibus tor-
menta omnia subeatis, vermes & bufones comeda-
tis, eorum vi & malitiæ subiaceatis. Ite & nullo vn-
quam tempore, auxilium, subsidium, aut leuamen
agnoscetis. Vos o dæmones, hos omnes arripite, li-
gate, percutite, cruciate, & quidquid vobis placu-
erit, in hos impios exercete. O sortem miseram da-
mnatorum. Audita hac sententia, impii eleuabunt
voces suas, sicut voces aquarum multarum, & in ex-
trema necessitate positi, gementes & flentes, misere-
re nostri iudex, clamabunt. Vtiq; creatura tua su-
mus, opus manuum tuarum: quos condidisti ne per-
das obsecramus. Sed respondebitur, non esse tem-
pus gratiæ nec misericordiæ, at adesse diem Domini,
diem tribulationis & angustię: iureq; illis hoc eue-
nisse, qui cum noluisse recipere benedictionem,
nunc induant maledictionem. Et nihilominus illis
lamentantibus, & dilectis olim corporibus suis, pa-
rentibus, amicis, dei & vitæ suæ maledicentibus, a-
derunt terribili Dæmones ad exequendam iudicis
sententiam. Tunc videre licebit meretricem, pur-
pura

pura & bysso indutam, lapidibusq; pretiosis redimitam, delitiisq; affluentem, prope flumina & fontes commorantem, cui Reges Principesq; terræ inferuebant, omni suo ornatu spoliari, & nudam a dæmonibus in infernum trahi: ipsam verò agni sacco & cilicio exutam, bysso & purpura exornatam in pulcherrimam urbem deferri. Igitur o Auditores, per viscera misericordiæ obtestor vos, memineritis extremi iudicii & non peccetis, nam in illa hora vā peccatoribus. Siue comeditis siue bibitis, semper sonet vox nouissimæ tubæ in auribus vestris. O quam terribilis vox illa erit, qua citabimur ad Tribunal Dei, etiam de otioso verbo rationem strictissimam reddituri. Timetis citati in conspectu Regis terreni apparere, & quodam pudore suffusi erubescitis, o quomodo timendum vobis peccatoribus erit, cum ad Tribunal supremi iudicis vocati steteritis. Tunc enim omnis creatura contra vos armata vociferabitur. Interfice, occide, damna, percutere, mortifica, & in æternum perdas gentem peccatricem. Omnes vos accusabunt, nullus se aduocatum & patronum opponet. Omnes perditionem vestram postulabunt, nullus salutem procurabit. Omnes in interitu vestro gaudebunt: nullus condolare nec compati volet. Ipsa terra quæ vos portat, cælum quod lucem subministrat, aer qui vos reficit, aqua quæ vos refrigerat, contra vos querelas proferent. Angeli qui vos custodiunt, Sancti qui vos protegunt. Vulnera Christi quæ vos ira Dei Patris abscondunt, damnari vos flagitabunt. Insuper respicite personam iudicis. Nunc cum oculi eius lacrymas effundunt, currite ad eum & benignè vos intuebitur, tunc oculi eius flammam

*Delicati don-
dabuntur
audi induen-
tur.*

ignis spirantes vehementer vos cruciabunt. Nunc dum ex ore eius procedit mel dulce, & verba consolationis plena, currite ad eum, nam cum fulminare cæperit, eius tonitrua sustinere non poteritis. Nunc cum manus eius cruci affixas, & ad vos amplexandos extensas cernitis, currite ad eum, tunc manus eius gladios tenentes, & vos vulnerantes videbitis. Nunc est peccatorem paratus recipere, tunc perdere. Nunc vult saluare, tunc volet damnare. Nunc viuificare, tunc mortificare, nunc ab inferis reducere, tunc ad Inferos detrudere.

Quod a vobis auertere dignetur,

Christus Iesus regnans cum

Patre & sancto spiritu,

AMEN.

ORATIO ECCLESIASTICA.

In Dominica II. Aduentus.

Qui mollibus vestiuntur in domibus Regum sunt.

Matth: 11

*Summa
Cō-
cionis,*

Non conuenire homini Christiano mollibus vesti-
ri, & pretiosa veste indui, pulcherrimis rationi-
bus & ad legendum incundissimis ostenditur.

Cum Elizabeth Regis Hungariæ filia, & Lātgra-
uii Thuringiæ vxor, die quodam solenni, pre-
tiosis ornata vestibus, aureamq; capite ge-
stans

stans coronam, ac familia frequenti stipata, de more Christiano, rem diuinam aditura esset, primo statim conuitu crux Dominica, atque ex ea pendens imago Saluatoris, eam penitissimè compunxit, compunctæ lacrymas excussit, & lacrymanti huiusmodi cogitationes ingessit. En creator & redemptor meus nudo corpore, mea causa ignominiosissimam in cruce oppetit mortem: ego verò misera, gemmis auro, byllo, & purpura cinctas vitam cœlestibus indignam beneficiis, perdo magis quam ago. Illud caput intra Pilati ædes spinea corona depunxit, Iudeorum vallarunt opprobria, me numerosa circumdata familia, aurea corona redimitam, cuncti mirantur, suspiciunt, honorant. Me miseram, me infelicem, sic illius obedio præceptis, beneficia reuoluo, vestigia sequor, qui me cum non essem creauit, perditamq; suo sanguine redemit. Tam intensæ autem hæc cogitationes fuerunt, vt destituito viribus corpusculo, ac facie tota in pallorem versa repente regia mulier humi velut exanimis prolaberetur, omnibus qui eam stipabant, vehementi pauore percussis, elatamq; foras tantisper sacris vndis, aspergere perseverantibus, dum stupore cessate cōpos mētis redderetur. Id ex sincero cordis affectu, vt in vobis mea efficiat oratio desidero, vt videlicet perceptis euidentissimis rationum argumentis alicum esse, à Professione Christiana, luxu vestium gloriari, abiciatis omnem mundum muliebrem, & induatis nuditatem Christi. Fauorem ad audiendum me, solitum, à vobis expostulo.

*In eius vita
apud Surium
tom. 6. c. 7.*

*Passionis
Dominica
memoria do-
mum vni-
tatis.*

AVE MARIA.

*Anima di-
gnior corpo-
re.*

*Nemo duo-
bus Domi-
nis potest ser-
uire.*

Hom. 37.

Simile.

Abac. 2.

Prima ratio evidentissime demonstrans hominem Christianum, iure merito debere, a luxu vestium abstinere hæc est. Homo Christianus maiorem diligentiam, studium, & curam ad ornandam animam, quam corpus conferre tenetur, & ratio in promptu est, quod enim dignius, illud maiori honore, reuerentia, & apparatu excipiendum, at anima dignior est corpore, quippe ad Dei imaginem facta est, caro verò ad similitudinem bestię, ergo &c: Sed qui multus diligensq; in ornanda carne est, parcus & negligens, in procurando animæ ornatu sit, necesse est: duobus enim Dominis inuicem sibi aduersantibus, nemo vnquam seruire potest, sed vnum diligit, & alterum odio habet. Caro nostra concupiscit aduersus spiritum spiritus autem aduersus carnem hæc enim inuicem sibi aduersantur, ergo qui ornat corpus deturpat animā, & eam odio persequitur. Chryso, in Gen. *Hæc stultum in ornando corpore internam indicat deformitatem, & huius deliciae illius manifestam faciunt famem, & huius vestium sumptus, illius indicat inutilitatem.* Isidorus dicit de Scitali serpente, qui tanta præfulget dorsi varietate, vt in sui admirationem inducat intuentes, & quanto magis est discolor tantò in veneno deterior, sic quanto magis Christianus ornator, tantò in veneno peccati mortalis pestilentiior. Ait quidā. Quando pannus sericus ponitur super feretrum, signum est cadaueris mortui, & quod ibi iacet mortuus, sic in corpore ornato, signum est quod ibi sit anima mortua. *Ecce coopertus est aurum & argentum, & spiritus non est in visceribus*

ribus eius. Erat aliquando magnus quidam & illustris Rex, qui in aureo curru, satellitum manu regia maiestate digna, cinctus iter faceret: contigit, vt duos viros laceris, & sordidis vestibus, atq; ore macie confecto, ac maiorem in modum pallido, obuios haberet Regi porro exploratum erat, eos corporis afflictatione, ac vitæ Deo consecratæ laboribus carnes suas ita confecisse. Vt igitur eos vidit, e curru statim desiliens, atque humi prostratus eos adorauit, ac deinde surgens amicissime complexus est, & salutauit. Proceres autem ipsius ac Præfeti hoc moleste tulerunt, cum facinus regis gloria indignum admisisse existimantes. Verum cum coram ipsum reprehendere, minime auderent: cum germano ipsius fratre agebant: vt Regem admoneret, ne diadematis amplitudinem, & sublimitatem, ad hunc modum contumelia ac dedecore afficeret. Cum itaque ipse hæc fratri dixisset, atque intempestiuam, & præposteram ipsius humilitatem accusasset, responsum ipsi Rex dedit, quod a fratre minime intellectum est. Mos enim Regi erat, cum aliquem mortem mulctaret, præconem cum tuba, qui quidem mortis idcirco dicebatur, ad ipsius fores mitteret, atque ex tubæ illius clangore, omnes ei moriendum esse intelligebat. Itaq; cum aduesperasceret, lætalem tubam ad fratris sui fores clangorem edituram Rex misit. Vt igitur ille hanc tubam audiuit, desperata salute per totam noctem domesticis rebus consuluit. Mane autem atra ac lugubri veste indutus, cum vxore ac liberis ad palatii fores flens ac lamentans profectus est. Cum autem Rex ipsum ad se admisisset, atque ita eiulantem vidisset, his verbis vsus est. O stulte ac demens,

H

si fra-

*S. Ioan. De
ma. in vita
SS. Barlaam,
& Iozaphat
cap. 6.*

*Regis in
pauperculos
& mundo de
spectos bonos*

Mortis tuba.

*Frater fra-
trem tentat.*

*Sapiens ad-
monitio &
corruptio.*

*Stultus ab
externa fa-
cie indicat.*

si fratris tui, cum quo idem tibi genus, & par honor est, in quem nullius omnino sceleris tibi conscius es, preconem ita ex imitisti: quonam modo mihi reprehensionis notam idcirco inuisti, quia Dei mei precones, qui mortem, ac Domini, in quem me multa & grauius scelera perpetrasse scio, pertimescendum aduentum, mihi quauis tuba vocalius altiusq; denuntiant, humiliter ac demille salutauit? En igitur, ut tuam dementiam coarguerem, hac ratione usus sum: quemadmodum etiam eos, qui tibi ut me reprehenderes in animum induxerunt, statim stolidos & amentes esse demonstrabo. Atque ita curatum & humiliter instructum fratrem suum domum remisit. Iussit autem e ligno quatuor arcas effici, quarum eum duas vndiq; auro contexisset, fætidaq; cadauerum ossa in eas iniecisset, aureis seris eas obfirmavit: reliquis autem duabus, pice ac bitumine oblitis, pretiosisq; lapidibus, & exquisitis vnionibus, omniq; vnguentaria fragrantia impletis, asperisq; funibus constrictis, Proceres eos, a quibus ob virorum illorum occursum reprehensus fuerat, ad se acciuit, ipsisque quatuor has arcas proposuit, uti quanti hæ quanti q; illæ pretii essent, æstimarent. Illi autem duas eas quæ inauratæ erant maximi pretii esse asserabant, neque enim aliter fieri posse inquebant, quin in ipsis regis coronæ ac monilia recondita essent. Eas contra quæ pice ac bitumine oblitæ erant, viles omnino ac nullius pretii esse aiebant. Rex autem ipsis dixit. Nec me quidem fugiebat vos hoc dicturos esse. Nam sensibilibus oculis ea quæ in sensum cadunt perspicitis, atqui non ita faciendum est: verum interioribus oculis, siue pretium siue vtilitatem & fæditatem, quæ

intus

intus condita sunt spectare oportet. Ac protinus inauratas arcas aperiri iussit. Quibus patefactis grauis quidam ac teter odor exhalauit: atque iniucundissimum spectaculum oculis obiectum est. *Altera ratio talis est.* Ea conditione, homines ad fruendum huius lucis vsura nascuntur, vt otio nuntium remittentes manus assiduus applicent laboribus, idque testimoniis Sacrae scripturae in promptu esse docetur. Gen: 3. *In sulcore vultus tui, vesceris pane tuo, & Iob. 5. Homo nascitur ad laborem, & avis ad volandum, & 2. Timot. 2. Labera sicut bonus miles Christi.* Igitur contemptui habendus & risu explodendus est ille, qui ad laborem missus, induit se pretiosis vestimentis, & manus labori admouendas manicis auro intextis contegit. Talis absq; dubio nullam a Patrefamilias obtinebit mercedem, & illud vulgo vsurpatum prouerbum sibi dictum audiet, qui pulchre vestitus dabat operam cantilenis in aestate cum cicadis, hyemis tempore choreis duccendis occupetur. Imò ipsa experientia quotidiana discimus, omnes artifices dum labori incumbunt, vestes suas precipuas de corpore deponere, & sic ablato vestimentorum impedimento strenue laborare. O quam igitur inconueniens est Christianum hominem mollibus & pretiosis vestibus indui. *Tertia ratio hac est.* Ad bellum cum hostibus fortiter gerendum si quis tenetur, arma ferrea, aliaq; bellica instrumenta, si boni militis cognomen obtinere desiderat, procurare debet, & qui hoc modo militiae dat operam, laude omnium dignus censetur: qui verò sacramento militiae obstrictus, & ad pugnam quauis hora obligatus existens, si se, in aciem progressurus, mollibus & pretiosis vestibus non ferreis armis induat, an nō

*Et sepulchra
exterius sūt
dealbata in-
tus plena
vermibus.*

*Inconueniens
est ad laborā
dum molli-
bus indui.
Vestes ad la-
borandum
deponendae.*

Iob. 7.

*Militibus ar-
ma non mol-
lia vestimen-
ta conueni-
unt.*

*Quarta ratio
hæc est.*

*S. Cypria-
nus de habi-
tu virginū.*

*Quinta ratio
hæc est.*

omnium risu exploditur? Neminem fugit vitam ho-
minis, nihil aliud esse nisi bellum assiduum, sancto Iob
dicente: *Militia est vita hominis super terram.* Ergo sicut il-
le qui cum hoste pugnaturus armat se sericis vesti-
mentis vnguentorum fragrantias spirantibus, ab o-
mnibus irridetur. Pari ratione Christiani assiduis bel-
lis gerendis i Deo obligati, cum mollibus induuntur,
& non potius duris ieiuniis, sordidique cilicis arma-
tur omnium explosione digni sunt. Propterea o Chri-
stiani, accipite armaturam Dei, ut possitis resistere
in die malo, & in omnibus perfecti stare. O quam i-
gitur inconueniens est, hominem Christianum mol-
libus indui, & pretiosis indumentis vestiri. *Quarta ra-
tio hæc est.* Non est seruus supra Dominum, nec disci-
pulus supra magistrum. S. Cyprianus de habitu. Virg.
Si non est maior Domino seruus, & liberatori debet
obsequium liberatus, qui esse cupimus Christiani,
debemus quod Christus fecit, & docuit imitari. Scri-
ptum est enim, & legitur, & auditur, & in exemplum
nostræ Ecclesiæ ore celebratur. Qui dicit se in Chri-
sto manere, debet quomodo ille ambulauit, & ipse
ambulare. Ambulandum est vestigiis paribus æmula
ingressione nitendum est. Luc. 2. Dixit Angelus Pa-
storibus. *Hoc vobis signum, inuenietis infantem pannis inuolu-
tum, & positum in præsepio.* En ornatum & apparatus
Christi pannis & præsepium. Quis igitur non con-
cludet eum, qui luxu vestium delectatur facere con-
tra exemplum Christi? *Quinta ratio hæc est.* Homo sa-
piens debet illud evitare quod suam repræsentat i-
gnominiam, nam stultus iudicaretur, qui funem in
quo ad supplicium ducebatur, portaret, & gemmis
ornare curaret, & qui notam, qua in foro insignitus
fuit,

fuit omnibus ostenderet. Vestitus est signum, & monumentum inobedientiæ, & præuaricationis nostræ in Adamo, nullus ergo iure gloriari potest in vestitu, sicut nullus certè tur gloriatur, de stigmate obfutum fronti iniusto. *Sexta ratio hæc est.* Si aliquis pulcherrimis vestibus ornatus, peteret subleuamen à prætereuntibus, quæro ego haberet ne petitio eius locum apud transeuntes? impetraretne aliquid? consequerentur ne suæ preces effectum? Minime verò. Imò durum responsum acciperet, omniumq; in hunc modum oburgatione reprehenderetur. Diuitius flores, ornatuq; splendido fulges, discede hinc, nihil lucraberis, nam nobis insultare videris: sed cum aliquis miseria oppressus desiderat aliquid accipere, sumit vestem laceratam, & membra liuida tabeque infecta denudat, in terram se prosternit, & sic multam elemosynam obtinet. Nemo est in mundo tam felix, qui non eget diuina gratia, & auxilio, & requie æterna, qui igitur petitum hæc beneficia venit, pulchre ornatus, auro & gemmis conspicuus, despicitur tanquam superbus, & audit contra se prolatam sententiam. *Deus superbis resistit, humilibus autem dat gratiam suam.* *Septima ratio est hæc.* Mirabile esset, si mulier veniret ad missam in morte mariti sui vel patris, ornata floribus, sic existimandum de illis, qui ad audiendam Missam veniunt, insigni ornatu splendidi, cum Missa quælibet fiat in commemorationem Christi crucifixi. O demens mulier moritur tibi vir, portare eius corpus curas ad templum, quomodo audiens Missam representantem mortem Christi, audes lætus in vestibus splendidis apparere. *Ostaua ratio hæc est.* An non ille maximo ludibrio dignus habetur, qui hostem suum

Vestitus ignominia nota.

Omnes indigemus gratia Dei.

suum capitalem vitæ suæ insidiantem fouet, nutrit, delicatis induit vestibus, exornat monilibus, exquisitis reficit ciborum generibus? Caro nostra hostis est animæ. 1. Pet. 2. *Chrissimi obsecro vos tanquam aduenas, abstinere vos à carnalibus desideriis, quæ militant aduersus animam.* Igitur qui carnem suam ornât, hostem nutriunt, suntq; extremæ dementiæ participes iudicandi. *Non ratio hæc est.* Qui sterces inuoluit, nonne contra rationem facit. Quid aliud est corpus nostrum, nisi saccus stercoreum, cloaca sordium, cibus vermium, nisi stagnum infra supraq; fœtores exhalans? Quare Andreas S. Bernardi frater, cum aliquando amborum soror exquisito culta ornatu ad fores monasterii Clauallensis venire ausa fuisset, eam sterces inuolutum appellauit, quo conuitio illa perculsa, tandem & cultui, & mundo sanctimonialis facta renuntiavit. *Decima ratio hæc est.* Non conuenit Christianos illud peccatum committere, quod homines Ethnici solo lumine rationis illustrati, summo odio persecuti sunt. Atqui multos viros errorum caligine obuolutos, quamuis splendore generis, & facultatibus diuitiarum clarissimi haberentur, luxum vestium sicut pestem abominatos fuisse, legimus, multo magis Christianis, in id incumbendum est, ne hanc pestem animæ suæ illabi patiantur. Epaminondam Thebanum, tot victoriis clarum Imperatorem, legimus adeo exactæ fuisse continentiae, vt vnica veste contentus fuerit, & si quando vetustate detritam refarcire opus foret, domi clausum se teneret: & quod mirandum, eo redactum inopiæ, vt Thebani publica impensa, & ære collato eum exulerint. Cyrus quoque Persarum Rex, cui cum quidam ad eum misisset,

orna.

*Athena 1.
Eront, 4.*

ornamenta multa, eaque amicis distribuisset, quæ-
rentique ab eo cur nihil sibi reliquisset. *Quoniam inquit*
corpus meum his ornari non potest. superest ut amicis largiar, quibus
sic ornatis, maximum mihi ipsum ornamentum esse putabo. Diony-
sius adeo usque exosam habuit in vestitu luxuriam,
ut furciferis ignosceret, si pretiosarum vestium fu-
res essent: quo facilius Syracusani ab huiusmodi lu-
xu abstinerent. Romanos rerum dominos adeamus,
atque in his magnam illum potentissimumq; Monar-
cham Augustum, de quo sic Trāquillus Suetonius. *In-*
strumenti eius & suppellectilis parsimonia apparet etiam nunc (tem-
pore Hadriani Cæsaris, cuius Magister Epistolarum
fuit Suetonius,) *residuis lectis atque mensis, quorum pleraq; vix*
private elegantie sint. Non thoro quidem cubuisse aiunt, nisi humili
& modice insiratos vestie non temere alia quam domestica usus est,
ab uxore, & filijs neptibusq; confecta. Nec dissimilis mode-
ratio in C. Caligula, qui eodem tegmine, & vestitu,
quo cæteri inducitur, idque ad concilianda vulgi
studia, ait Tacitus. Sic Germanicus Imperator sine
milite incedere, pedibus intectis, & pari cum Græ-
cis amictu. Vespasianum etiam constat, veste & ha-
bitu neglecto fuisse, & vix a gregario milite diffe-
rente. Compar istis septimus Seuerus, quem scribunt
vili amiculo, & exigua veste adopertum, & a vul-
gari nihil differentem. Nescio an restrictior Aureli-
anus qui non modo vestem holericam in vestiario
non habuit, sed nec alteri utendam dedit. Quidni e-
tiam celebrem Alexandrum Seuerum, quem quoq;
scimus vestes holericas nunquam induisse, subse-
ricam nunquam donasse. Immo gemmarum quod fu-
it vendidisse, aurum autem in ærarium contulisse,
dicere gemmas, viris vsui non esse, matronas autem
regi-

Lib. 2.
Cyr.

Plutarchus.

Alex: ab A-
lex. lib. 4.
cap. 8.

Lib. 1.
Annalium.
Idem 2. An.

Sueton.

regias contentas esse debere vno reticulo, atque in auribus & baccato monili, & vnico pallio auro sparso, & cyclade, quæ sex vnciis auri plus non haberet. Carolus Quintus Imperator vestium incuriosus admodum fuit: adeo vt non temere aliter visus sit, quàm in amiculo lanceo, plebeoq; , vt scriptum reliquit Guil. Zenocatus cōsiliorum illius administer. Secundum hunc, alterius Caroli Alberti Neapolitanorum Regis Patris, modestia valde eminuit. Namque hactenus restricta, & subducta virili tunica utebatur vt haud ferme tegenda contegeret, eoque spectantibus risum tolleret, cum alioquin à virtutibus esset admirandus. Deniq; Ludouicus XI. Gallia. Matthias Pannonia, & Alphonsus Neapol. & Sicilia Reges, nihilo fuere à vulgo elegantiores. Itaq; hic quondam reprehensus, quod parum regaliter incederet respondit, *Malle se moribus, & auctoritate Regem videri, quam diademate & purpura.* Magnifica profecto, & idonea tali Rege sententia. Colligitur ex his exemplis in medium allatis, eise inconueniens hominem Christianum pretiosis indui vestimentis. Ait Vrias ad Dauid Regem. *Arca Dei & Israel, & Iuda habitant in papilionibus, & dominus meus Ioab, & serui domini mei super faciem terræ manent, & ego ingrediar domum meam, vt comedam & bibam, & dormiam cum uxore mea. Per salutem tuam, & per salutem animæ tuæ, non faciam rem hanc.* Si aliquando suggestio dæmonis vobis persuadere studuerit, vt corpora vestra pretiosis induatis vestibus, huius exempli memores, conuersisq; oculis ad Christum Dominum, in cruce nudum pendentem, in has prorumpite voces, Domini mei IESV Christi, caput spinis compunctum video, & ego qui vermis sum, caput meum corona gemmis, & auro ful-

2. Reg. 11.
cap.

Conclusio.

ro fulgente ornare tentabo? &c. Dominus meus totus nudus, & a planta pedis, vsque ad verticem capitis, non est in eo sanitas, sed omnia membra liuore, & sanguine coniecta aspicio, ego qui seruus sum, quomodo corpus meum splendido contegam apparatu? Domini mei manus & pedes clauis transfixos intueor. Ego nudus, cæcus & pauper, quomodo manus meas monilibus, pedesque pretiosis calceamentis induere curabo? Quod vt facias, gratia eius, qui in cruce nudus mori voluit, vobis auxilietur.

Fiat, fiat.

AMEN.

SECUNDA ORATIO ECCLESIASTICA

In eadem Dominica.

Qui mollibus vestiuntur, in domibus Regum sunt.

Matth. II.

Difficile esse mollibus vestitum, & pretiosa veste indutum, intrare in domum Dei, pulcherrimis conceptibus demonstratur. *Summa Concionis.*

Fuit mulier nobilissima Maria, Campaniæ Comitissa, hæc nupta nobilissimo Henrico Campaniæ Comiti, filia fuit Ludouici pii Regis Francorum

Thomas Can
tipratanus
li. 1. Apiarii
cap. 7.

corum: Hæc multis annis mortuo marito cum pom-
posissima ambitione circuiens, & moriens talem fi-
nem sortita est. Laborans hæc in extremis. Abbatem
Persaniæ sanctissimum ac eloquentissimum virum, mi-
gratura venire mandauit. Qui vt venit intromissus
non est, & præ foribus expectauit. Iam enim Comi-
tissa decesserat, & distrahebantur à militibus & mi-
nistris, & suis omnibus vtenilia, vasa aurea & ar-
gentea, vestes pretiosæ, culcitraeq; purpureæ, & tã-
dem lintheamina ipsa cum peplis. Extremo quidam
ex garlionibus mora nimia retardatus, lectum per
cornua comprehendit, & resupinatum corpus emor-
tuum, eminus in stramenta deuoluit. Moras autem
Abbate cum tædio sustinente, quidam nobilis ex cir-
cumstantibus indignatus ostium violenter infre-
git, & virum venerabilem intromisit. Qui cum in-
troisset, & nobile illud corpus in stramine reperisset,
Abbas exempli prouidus non sinebat, sed libera vo-
ce clamabat. O vos omnes, venite, cernite pompam
nobilissimæ Comitissæ Mariæ. Videte illud delica-
tissimum corpus, quanto dedecore pudoris deuolu-
tume est: videte quid ei pro multiplici honore & glo-
ria, mundus finaliter exsoluit. Ecce quam stulta illi
mundus computatione conclusit. O terribile exem-
plum, cunctis qui vestitu molli & pompa mundi glo-
riantur, tremendum metuendumq; Cæterum, vt a-
liquo salutarit timore ob vestium luxuriam, corda ve-
stra compungantur, decreui apud animum meum,
in hac concione ostendere, neminem quem luxus ve-
stium delectat, in domum Dei admittendum.

AVE

AVE MARIA.

PRima ratio, manifestans aditum in domum Dei, præclusum esse vestes pretiosas diligentibus, hæc est. Qui in regionem longinquam suscipit peregrinationem, non ignarus eundem sibi perdenissimas nemorum sylvas, per altissima montium cacumina, & per ea loca quæ atrociniis infestissima esse proclamantur, talis nullos vestium pretiosarum apparatus, non torques aureos, non monialia pretiosis lapidibus gemmisq; vermiculata secum defert: sed aggressi indutus tunica, si quid pro rebus ad victum, & amictum necessariis habet, illud totum occultissime abscondit, & summam in seipso præferet paupertatem. Qui enim in illa loca auro fulgens ingrederetur, absque dubio pateret insidiis hostium, essetque præda latronum, qui ducti avaritia & cupiditate, eius pretiosarum vestium, & monilium, haud sibi temperarent, quin illi necem inferrent, & sic ille ad terminum susceptæ peregrinationis nequaquam perveniret. Omnes Christiani peregrinorum gaudent conditione, nec diuersa fors eorum esse à peregrinantibus, Sancti Pauli doctrina cōprobat. 2. Cor. 5. *Scientes quoniam dum sumus in hoc corpore peregrinamur à Domino, scimus enim, quoniam si terrestris domus nostra huius habitationis dissolvatur, quod ædificationem ex Deo habeamus, domum non factam, sed æternam in cælis, ecce quo peregrinamur. In via autem huius peregrinationis sunt asperæ sylvæ tribulationum, per multas enim tribulationes oportet nos intrare in regnum cœlorum. Sunt altissimi virtutum montes, quos per gradus perfectionis ascendere, &*

Nemo peregrinus induit vestimenta pretiosa

in suprema sanctitatis sede, animas nostras collocare tenemur, si peregrinationis nostræ optatum terminum assequi voluerimus, sunt præterea multi hostes, animabus nostris technas, & insidias fruantes, videlicet teterrimi dæmones, concupiscentiæ, voluptates, elationes, aliaque omnia vitiorum genera. Qui igitur veste contempta indutus, accingit se huic peregrinationi, facile ab hostibus contemnitur, qui verò mollibus & pretiosis vestimentis splendens viam huius peregrinationis ingreditur, subito ab hostibus inuaditur, & facile prostratus fines peregrinationis non intuebitur. Aduolat superbia, & ut se homo cæteris præferat suggerit, cui cum homo cōsensum præbuerit, (quod facile euenit) vulnus lethale in anima accipit. Aduolat inanis gloria, & ut homo omni prædicatione ad sidera vsque extolli cupiat, persuadet, hoc ubi homo acceptauerit, anima eius manifesto mortis periculo subiicitur. Aduolat voluptas, & ut homo mollitiæ illarum vestium delectetur, admonet, ille ubi acquiescit hest manus ligandas, animamq; gladio mortis æternæ interficendam tradit. Rectè S. Gregorius. hom. 32. in Euāg.

*Latrones in
via peregrinationis hu-
mana.*

Hom. 32.

Nihil maligni spiritus in hoc mundo possident: nudi ergo cum nudis luctari debemus. Nam si vestitus quisquam cum nudo luctatur, citius ad terram delicitur, quia habet unde teneatur &c. Qui ergo contra diabolum ad certamen properat, vestimenta abiiciat ne succumbat. O verba in marmore sculpēda. Altera ratio hæc est. Dictum est a Domino IESU, Regnum cælorum vim patitur, & violenti rapiunt illud. Vidit olim S. Ioannes Apostolus, cœlestem Ierusalem muris altissimis, centum scilicet, & quadraginta quatuor cubitorum altitudinē habentibus, ad quid quæso, muri in cœlesti Ierusalem. In terris quidem

quidem ciuitates nostræ muris egent, quia sunt plures & infestissimi hostes, qui nos impugnant, vt ab iis tueamur muris indigemus, at cœlum quod à nullo potest hostium expugnari quid muris opus habet? Inlinuatur hac visione, cœlum non posse nisi vi obtineri, vt quando aliquis ciuitatem expugnare vult, non otiaur, non conuiuia celebrat, sed indutus armis ferreis, omni vi ciuitatem capere nititur, instat, tormenta explodit, arietes admouet, & muros quatit, hostes perimit, per scalas ascendit, omni ope portiri ciuitate nititur: simili ratione qui desiderat cœlestem regionem obtinere, necesse est, vt otiositati vale dicto in obsidionem eius toto incumbat pectore, instet, ciuitatem circumeat, hostes trucidet, victoriam assequi omni cura & diligentia studeat. Sed quemadmodum ille difficile caperet mœnia ciuitatis, qui mollibus indutus vestimentis, serico & auro, gemmisque splendens eam expugnaret, imò facile lapide, pice, igni, ferro, aut ligno aliquo e manibus detrusus occumberet; ita existimandum est, & de illis, qui cum cœlestem Ierusalem habere desiderant, molliter vestiti ad eam expugnandam progrediuntur. Vidit idem Apostolus turbam illam magnam, quam dinumerare nemo poterat, ex omnibus gentibus, & populis stantes ante Deum, habentes in manibus palmas, & amictos stolis albis, & interrogauit Ioannem quidam ex habitatoribus cœli: *Hi qui amicti sunt stolis albis, qui sunt & vnde venerunt.* Se id ignorare confessus fuit S. Ioannes, tunc ille. *Hi (inquit) sunt qui venerunt de tribulatione magna, & lauerunt stolas suas, & dealbauerunt eas, in sanguine agni, id est, quibus armis sancti Dei cœlestem Ierusalem expugnarunt,*

*Vi regnum
cœlestis & di-
ligenti labo-
re acquiren-
dum.*

Cap. 7.

*Quibus ar-
mis Sancti
Dei cœleste
regnum occu-
parunt doce-
tur.*

non deliciis, non voluptatibus, non diuitiis, non splendido ornatu, non pretiosis vestibus, non auro neque argento, sed felle tribulationum pro nomine Dei amaro, quas longè abesse ab his qui mollibus vestiuntur liquide conitat, tum quia in domibus Regum sunt, inhærentes acquirendis bonis regalibus, parum de gloria Dei promouenda solliciti, tum quia tribulatio, non sinit hominem molliter vestiri, sed potius puluere asperso, capite lugubri, vestimento induit hominem vehementer afflictum. Nunc igitur manum in sinum proprium mitte, & attende quosnam labores, cruces, & pœnitentias amplecteris, vt ad cœlestem peruenias gloriam? quænam ieiunia? quas nam vigilias? quæ flagra? quas lacrymas fundis? quod si molliter vestitus, solas delicias quæris, non cœlum, sed gehennam petis. *Tertiaratio hæc est. Legitur 2. Tim. 2. Nemo coronabitur, nisi qui legitime certauerit.* Hoc asseruit Apostolus, pro his qui cupiunt saluari. hi enim non coronabuntur, nisi legitime certauerint, Metaphora sumpta ex his, qui olim in agone certabant, qui si vincebant coronabantur, aliter verò nequaquam, sic Christianus nisi carnem vicerit, eam spiritui subiiciendo, & mundum eius occasiones vitando, & dæmonem eius tentationibus resistendo, non coronabitur in cœlo. Victoria autem potiri nequaquam poterit, nisi armis bello spirituali idoneis abundauerit, qualia sunt, contra carnem ieiunia, cilicia, corporis assidua maceratio, vigilæ, flagellationes &c. Contra tumentem mundum, profunda animi submissio, exterior & interior humilitas, vestes abiectæ, & vetustate detritæ, ædificia exigua, nulla amplitudine decorata, familia non numero-

me
ma
cat
no
ue
tu
hi
ho
ne
mi
su
bla
co
co
me
Bo
re
dex
p
u
se
ro
Qu
p
Et
in
tes
glo
glo
lam
Deo

merosa, contra dæmonem feruens in Deum charitas, maxima pietas, ignita deuotio, summum odium peccati. At qui mollibus vestitur, hosti suo contrarius non esse conuincitur, imo carni adulatur, hostem fouet, nutrit inimicum, & quem vincere, & in seruitutem redigere tenetur, superari se ab eo patitur, hic mundo gestit placere, dæmonibus applaudere, hominibus magnus apparere, & ideo male certat, neque coronabitur. Tertullianus ait, fuisse quosdā milites Romanos soli dicatos, qui cum professionem suam emitterent, coronam interposito gladio sibi oblata recipiebant, quo significare illi volebant, coronam suam non nisi cuspide & acumine gladii, consequi posse. Gloria cœlestis ab Apostolo Paulo corona vocatur, & hæc quidem non mollibus vestimentis, sed gladio est acquirenda, vnde de se ait. *Bonum certamen certauimus, cursum consummaui, fidem seruaui, de reliquo reposita est mihi corona iustitiæ, quam reddet mihi in die illa iustus iudex.* Apud eosdem Romanos consuetudo erat, vt Imperator daret coronam auream illi, qui primus ciuitatis expugnatae mania ascenderet, qui miles tali se subiiciens periculo, non veste molli, sed ferro duro armatus sine dubio mania ascendere nitebatur. *Quarta ratio hæc est.* Ait Christus Dominus. *Qui vult venire post me, abneget semetipsum, & tollat crucem suam, & sequatur me.* Et in alio loco legitur. *Oportuit Christum pati, & ita intrare in gloriam suam,* tibi o Christiane per delicias, voluptates, mollemq; ornatum, quomodo aperta ianua in gloriam alienam patebit cum Christo Domino, in gloria suæ possessionem aditus, non aliter nisi per solam crucem pateret? Si filius dilectus in quo bene Deo complacuit, proprium patrimonium labore, acquirere te-

*Bene & mol-
liter vesti-
tus male cer-
tat.*

*Libro de co-
rona militiæ
cap. 12.*

*Filius Dei
cruce cœlesti
acquisiuit ex
go & Chri-
stianus hoc
modo illud
acquirere te-
netur.*

*Pium & san-
ctum opus
saris in feren-
da cruce Do-
mini.*

*Consuetudo
militis in
bella expedie-
di certe pul-
cherrima.*

cruce, passione, in super morte crudelissima sibi com-
parauit, tu qui es seruus inutilis, quomodo splendi-
de epulans, & bysso, & purpura indutus credis te de-
portandum in sinum Abrahamæ? Nemo cœlestis gloriæ
obtinebit facultates, nisi qui cruce, tribulationibus
variisq; infortuniis circumdatus illuc progredi cu-
rauerit. Atqui pulchre ornatus incedit, non crucem
Christi, sed retia Diaboli portat, talisque e loco in
quo steterit in cœlum pedem mouere non poterit.
Rediens Heraclius, Ierosolimam, solemnī celebra-
te suis humeris crucem Domini referre, in eum mō-
tem apud animum suum decreuerat, quo eam Sal-
uator tulerat. Sed vt erat auro & gemmis ornatus,
insistere coactus est in porta, quæ ad Caluariæ mon-
tem ducebat. Quo enim magis progredi conabatur,
eo magis retineri videbatur. Cumq; ea re & ipse He-
raclius, & reliqui omnes obstupescerent: Zacharias
Ierosolymorum Antistes. Vide inquit Imperator, ne
isto triumphali ornatu, in cruce ferenda parum IESV
Christi paupertatem, & humilitatem imitere. Tum
Heraclius abiecto amplissimo vestitu, detractisque
calceis, ac plebeio amictu indutus, reliquum viæ fa-
cile confecit, & in eodem Caluariæ loco crucem sta-
tuit, vnde fuerat à Persis asportata. O quam congru-
um atque egregie accommodatum rei nostræ exem-
plum. Nequaquam dilecti in Christo Auditores, in
montem Regni cœlestis peruenire poteritis, si in cor-
poribus vestris mundum muliebrem eumq; splendi-
dum gestaueritis, hoc abiecto viam in cœlum faci-
lem, nec aliqua ex parte asperam inuenietis. Fui-
se hunc morem quibusdam memini me legisse audi-
tores nobilissimi, vt cum milites suos ab bella forti-

ter gerenda expedirent, scuta illis alba, splendidaq; tribuerent, inculcantes, eos suæ fortitudinis certissimum ad se allaturos argumentum, si quæ scuta alba acciperent, sanguine hostium conspersa, & gladiis hinc inde confossa, domum reuertentes sibi præsentarent. Simili modo, nos cum sacro baptismatis fonte abluimur, à Deo, scuto albo mundissimæ innocentiae muniti, animaque, ab omni labe peccati purgata. Sanctiq; Spiritus donis splendescente, in aciem cum hoste fortiter dimicaturi mittimur, tunc nostræ fortitudinis magnum specimen edituri, si morientes corpus & animam, variis tribulationum molestiis, difficultatum angustiis: variisq; afflictionum speciebus vulneratam, oppressam, excruciatam, non verò pulchre indutam Deo nostro, è mundo discedemus. præsentaturi. *Quinta ratio hæc est.* Luce meridiana clarius esse, neminem qui carnalibus obedit desideriis, in cælum vnquam admittendum, nullus est quem fugiat Auditoris quod euidentissimis è fontibus Sacræ scripturæ depromptis rationibus comprobatur. 1. Cor. 15. *Caro & sanguis, regnum Dei non possidebunt,* & Rom. 8. *Qui in carne sunt, Deo placere non possunt, si secundum carnem vixeritis moriemini, si autem spiritu, carnis facta mortificaueritis uiuetis.* At qui splendido induuntur vestimentorum apparatu, carnem summo persequuntur amore, & eius perficiunt desideria, nam signum amoris est amatum ornare, si enim odis, cur amas? si non libenter carnem demulces, cur mollibus ornas? ergo &c. *Sexta ratio hæc est.* Homicida quilibet non habet vitam æternam in se, & qui tali pollutus est scelere, diuino iure à Sanctorum æterno consortio semper excluditur. At pulchre vestitus multa-

K

rum

*Consuetudo
milites in
bella expedi
endi certe
pulcherrima*

*Cum baptis
mur in bellū
mittimur.*

*Cypria. de
habitu Vir,
ginum.*

rum animarum (quod maius homicidium quam corporum est,) sæpe crudelis interfector euadit, quomodo igitur (testor fidem vestram) tam immani infectus scelere cælum conscensurus crederetur? Attendite quid Sanctus Cyprianus dicat. Si tu te sumptuosius comas, & per publicum notabiliter incedas, oculos in te inuentus illicias, suspiria adolescentum post te trahas, concupiscendi libidinem nutrias, peccandi fomenta succendas, ut & si ipsa non pereas, alios tamen perdas, & velut gladium & venenum, videntibus te præbeas, excusari non potes, quasi mente casta sis, & pudica. An non homicida quem luxus delectat vestium? Non sic acutus vulnerat gladius, sicut vulnerat splendide ornatus &c. Septima & ultima ratio hæc est. Non omnis qui dicit mihi Domine Domine, intrabit in regnum celorum, sed qui facit voluntatem Patris mei, qui est in cælis, id est illi soli serui mei, qui

Serui Principum dignoscuntur vestitu.

scientes voluntatem Patris mei faciunt eam, audient meam pro seipsis hanc ad Deum Patrem supplicationem. Volo Pater, ubi ego sum, illic sit & minister meus. Sed quali differentia dignoscuntur, ab aliis serui Christi? eadem qua solent dignosci serui Principum. Videlicet vestitu, ut vulgo Poloni nostri loquuntur, *po bårwie*. Nam quidam Princeps, dat vestes coloris rubei, quidam violacei, quidam holosericas, quidam auro & argento splendescentes, &c. Christus verò quali vestitu suos induit famulos? eodem quo & ipse usus est, nam qui se dicit in Christo manere, debet ita sicut ipse ambulauit, ambulare. Vultis autem scire, qualia fuere Christi Domini vestimenta? Paupertas, nuditas, fames, dolor, & labor ipso Domino, de se dicente. Ego sum pauper & dolens, & in laboribus à inuenture mea.

*Qualia sunt
vestimenta
Christi.*

Qui igitur splendet vestitu, & non potius languet dolore & labore, non est seruus Christi, & consequenter si

ter si in suo statu perseverauerit, sciat se nequaquam regnum cœlorum acquisiturum. Recte S. Hieronymus in vita S Pauli Primi Eremitæ. *Vos in tunicis aurum texitis, ille Paulus ne vilissimum quidem vestimentum habuit mancipii vestri, sed è contrario illi quidem pauperculo paradysus patet, vos auratos gehenna suscipiet. Ille vestem Christi nudus licet, tamen servavit, vos vestiti sericis indumentum Christi perdidistis: Sed iam tempus est, vt oratio nostra, ad portum dirigat cursum suum. Memineritis o Auditores, quanta damna* *Conclusio.*
afferat vestimentorum luxus, (cheu) nostra ætate ab omnibus vtriusq; manibus & pedibus amplexus. Vestitus splendidus animam deturpat, conscientiam vulnerat, regni cœlestis beatitudinem è manibus hominum eripit. Vestitus splendidus, nos peregrinationi dedito tradit in manus hostium, iter ad cœlum præcludit, & ne victoriam de hostibus nostris consequamur, vehementer impedit. Præstat ergo, vt nudi nudum sequamur Christum, vt postea in regno eius recipiamus, vestimenta claritatis, & æternitatis, quam vt modo molliter induti, postea denudati, in tenebras inferi proiciamur. Quod à nobis auertat. Qui
sine fine viuit, & regnat.

AMEN.



ORATIO ECCLESIASTICA

In Dominica III. Aduentus.

Tu quis es? quid dicis de te ipso? Ioan. I.

*Summa Con-
cionis.*

SVnt multi homines, qui nesciunt quid sint, nec se-
ipfos cognoscunt, quæsitique quid sint, aliter re-
spondent, quam se res habeat. Imo multi sapientes
in sui cognitione turpiter errant, existimant enim se
aliquid esse cum nihil sint, aut quid aliud esse præter
id quod sunt, & his omnibus speculum quoddam per-
lucidum proponitur.

*Basiliscus
quomodo spe-
culis interfi-
ciatur.*

Commemoratum dignum refertur, quod ad vi-
tri speculorumque encomium pertinet, non
modicum, eius vi venenosissimum animal, Ba-
siliscum perimi. Sicut enim pestilens illud animal,
visu hominem necat, ita se sua quoque vi imprudens
perimit, suorum ex oculis manantium radiorum re-
flexu: hac enim industria utuntur, qui Basiliscum ve-
lint perimere, sine sui periculo: se se totos undique
speculis contegunt, atque propius ad bestiam acce-
dunt, quæ cum seipsam introspeciat, reflexa radio-
rum venenatorum vi in seipsa mox perimitur. Igno-
rantia suipsius in homine, est perniciosior Basilisco,
ille enim corpus, hæc animam interimit, quæ ut co-
moriatur in vobis, inspicatis speculum naturæ ve-
stræ cognitionem repræsentans, & hoc summo pe-
re cu-

re curetis, vt possitis nosse quid sitis. Ego aliqua ex parte, hoc vobis speculum intuendum proponam, quod introsipientes formas vestras, & imagines perbellè intueri poteritis. Et sicut speculum vim habet, ad præsentandas rerum variarum formas, sic concio mea conceptibus variis, multorum effigiem quam ipsi ignorant, eis ad oculum repræsentabit.

A V E M A R I A.

QUare ex Catholico operibus fidem negante, & vitiis variis seruiente, *Tu quies, & quid dicis de te?* Nonne respondebit? Sum Catholicus, verus Ecclesiæ Romanæ filius, Christi famulus, homo fidelis, futurus coheres Christi. En quomodo oculos habet, & non videt, nec cognoscit seipsum, alium se existimat, & in re ipsa alius est. Nam si es & peruerse Christiane seruus Christi, cur non facis voluntatem eius? cur præceptis repugnas diuinis? quare ad nutum eius non vis præsto adesse? Serui officium hoc est, vt sicut oculi ancillæ in manibus dominæ suæ, ita oculi eius ad Dominum Deum suum, seruorum Dei, illud certissimum indicium est, si eos Dominus cum pulsauerit ianuam, inuenerit vigilantes. O quoties Deus pulsat cor tuum? quoties ad meliorem vitæ frugem reducere te satagit? quoties te vt viam mandatorum eius curras admonet? aperis ne pulsanti? Minime, quomodo ergo te seruum Dei appellare non erubescis? Site seruum Dei, & Deum Omnipotentem Dominum tuum vocas, si ille Dominus, vbi est honor eius? si tu seruus, vbi fidelitas serui erga Dominum. Quid ad hæc loquens! Muta fiant labia dolosa.

*Christianus
peccatis inuolutus non se
cognoscit.*

*Peccator nō
est seruus
Dei.*

1. Ioan. 3.

Psal. 43.

Psal. 75.

Iosa. Et quoniam ignoras quis sis, ego dicam tibi. Non es tu seruus Christi, sed seruus diaboli, & mancipium eius? *Qui peccatum facit ex diabolo est*, & 2. Petr. 2. *A quo quis superatus est, eius & seruus est.* Mat. 21. duo illa iumenta ad quæ soluenda, & ad se adducenda, Dominus duos discipulos misit peccatores significabant, nec immerito. *Homo enim cum in honore esset peccando comparatus est iumentis insipientibus, & similis factus est illis.* lumen enim, ea, quæ sensibus delectabilia sunt quærunt, peccatores vero quid aliud quærunt? *Ite ergo Christus ait discipulis, in castellum quod contra vos est, & inuenietis asinam alligatam,* Talis est anima in peccato, alligata inquam est, & captiua vinculis stoliditatis, & affectionum suarum. Quid ni captiuum dixeris auarum? qui non quæ decent, sed quæ in lucrum pecuniarum fuerint, per fas vel nefas exquirat, diu noctuq; auaritiæ deseruiens, & quo duxerit cupiditas vadens, licet ad inferna ducat. Vnde Dauid viros diuitiarum vocat, *dormierunt somnum suum omnes viri diuitiarum &c.* non diuitias virorum, sed viros diuitiarum dixit. Sic de mancipiis loqui solemus, hic seruus illius Domini est, ille vero illius, sic virum diuitiarum Prophetæ auarum dicit. Item Apost. 1. Tim. 6. *Qui volunt diuites fieri, incidunt in tentationem, & in laqueum diaboli, in laqueum* (inquit) ergo ligantur, ergo captiuantur, Conspexit aliquando S. Anselmus Archiepiscopus Cantuariensis, puerum auiacula in via ludentem, quæ auis pedem filo annexum habens, sæpe cum laxius ire permittebatur, fuga sibi consulere cupiens, auolare nitebatur. At puer filum manu tenens, retractam, vsque ad se deciciebat, & hoc ingens gaudium illi erat. Factum est id frequentius. Quod pater aspiciens

spiciens miseræ condoluit aui, ac vt rupto filo liber-
tati redderetur, optauit. Et ecce filum rumpitur, a-
uis auolat, puer plorat, pater exultat. Et vocatis no-
bis considerastis (inquit) iocum pueri? & confessis
considerasse, ait, simili consideratione iocatur dia-
bolus cum multis hominibus, quos suis laqueis irre-
titos, pro sua voluntate in diuersa vitia pertrahit,
sunt enim quidam, vt verbi gratia dicam, aut auari-
tiæ, aut luxuriæ, & similium flammis succensi, & ex
magna consuetudine illis addicti. His contingit ali-
quando vt sua facta considerent, defleant, seque à
modo, à talibus cessaturos sibi promittant. Et more
auis se volare liberos autumnat, sed frequētius sicut
auis capta filo, sic illi funibus peccatorum circum-
plexi in seruitute detinētur. Ergo cum seruus sis
peccati, & mācipium Diaboli, frustra te seruum Chri-
sti Domini appellas. Adhæc dicis te esse Catholicum?
Sed reuera videris esse hæreticus, & manifestè cōtra
fidē peccando militās, hæreticus enim est, qui quos-
da fidei articulos cum pertinacia negat, at tu ipsum
Deum negas, id S. Paulo affirmante, ergo te Catholi-
cum iniuste nominas, ad Tim. I. *Confitētur se nosse Deū fa-
ctis autē negant, cum sint abominati & incredibiles, & ad omne opus
reprobri.* Pulchre quidā, manifeste cōstat peccatum a-
deo animā deprauare, vt fidei receptionē impediat,
& receptā sæpe eam perdat, requirit enim fides piam
affectionē in voluntate, quā peccatum sæpe tollit. San-
ctus Chrysostomus hom. 7. in Ioan. Refert Paulum
Samosatensem, amore cuiusdam fæminæ captum à
fide nostra apostatasse, quod permultis hæreticis po-
stea euenit, qui ob carnis indulgentiam, & vt deli-
ciis liberius vacarent, à fide Christiana, quæ illos ab

*In eius vita
apud Suriū
21. April.
lib. 2.*

*Multi Catho-
lici peccantes
facti sunt
illis hæretici.*

Mali Christiani, sunt ethnici & publicani.

3. Reg. cap. II.

Dan. 5.

Multi Catholici sunt idolatra.

illis cohibeat, recesserunt. Insuper Christiane for-
dibus peccatorum deturpate, dicis te esse filium Ec-
clesiæ Catholicæ, & ego dico te esse ethnicum & pu-
blicanum. Mat. 18. *Qui ecclesiam non audierit, sit tibi sicut ethnicus & publicanus.* Ecclesia præcipit, vt diebus festis
Sacro Sancto officio Missæ deuotus & attentus adsis,
aliisq; piis, & ad Dei honorem spectantibus actioni-
bus occuperis, tu verò venationibus. deambulationi-
bus, commestrationibus, choreis, conuiujs, aleis,
hisque similibus vitijs incumbis: & idcirco, quoni-
am iugum ecclesiæ excutis, illiusq; præceptis rebel-
lis, & inobediens existis, ethnicum & Publicanum,
non verò filium Ecclesiæ te esse est necesse. Adhæc
duobus Dominis nemo seruire potest, tu cum sis ser-
uus Diaboli quomodo potes esse seruus Christi? *Ada-*
manit Rex Salomon mulieres &c. Vt sequeretur deos alienos, quid
inde? Nec erat cor eius perfectum cum Domino Deo suo, id est
implicatus cultui idolorum. Dei seruus esse desit.
Præcepit Rex Balthasar iam temulentus, vt afferrentur vasa aurea,
& argentea, quæ asportauerat Nabuchodonosor pater eius de templo
&c. bibebant vinum, & laudabant Deos suos, aureos, & argenteos
ferreos. &c. Tenebat in manibus vasa, Deo consecra-
ta, & cultum diuinum falsis dijs deferbat, & ecce
qui fuit exaltatus sicut Cedrus libani, interfectus
est, nec inuentus est amplius locus eius, & Medus
successit in regnum. Multi sunt è numero Catholico-
rum: qui videntur in manibus suis aliquid de di-
uinis rebus tenere. In conuiujs enim suis verba
aurea, quæ in Ecclesia à Prædicatoribus diuino-
rum eloquiorum audierunt, cum quadam pia af-
fectione referunt, & quam ædificatorie concio fue-
rit prolata, profundos ducentes gemitus inter se ce-
lebrant,

lebrant, vt sic fideles serui Dei appareant, sed reuera laudant Deos alienos, cum vasa aurea & argentea, plena vino exhauriunt, adhærentes lateri suo meretrices deosculantur, seque eo quod abundant auro & argento, nummis aureis & argenteis, prædiis, &c. studio iactant inani. Ducunt in bonis dies suos, & gaudent ad sonitum organi, futuros se nihilominus regni cœlestis incolas confidentes, sed inveniuntur minus valere, & in puncto ad infernum descendunt. Omnes igitur Christiani, ventri obedientes, & vitam sicut pecora traduentes, seipso non cognoscunt, & alios se, quam sunt nominare non erubescunt, sed introspiciant hoc à me illis prolatum speculum, & facile quid sint, & quo nomine appellandi, intelligere poterunt. *Quare ex diuite. Tu quid es, & quid dicis de te ipso?* Respondebit plenis buccis sum alter Cræsus, homo fælix & beatus, induor purpura & bysso, & epulor quotidie splendide, non me fames torquet, non frigus yrget, non calor vrit, non paupertas molestat, habet anima mea in multos annos multa bona. Filia mea composita, circumornata, vt similitudo templi. Oves mea fætosæ, & abundantes in egressibus suis, boues mea crassæ, non est clamor in domo mea, neque ruina maceria. At falluntur miseri, dicunt quia sumus diuites, & nullius egemus, illi autem sunt nudi, cæci, pauperes, & inopes, dicunt diuitias esse bona sua, o crassam ignorantiam. Nunquid non omnia Dominus illis dedit, & idem omnia auferre potest: id affirmante S. Iob. *Dominus dedit, Iob. cap. 1. Dominus abstulit, sicut Domino placuit, ita factum est.* Ne igitur tam turpiter errent, speculum quod illis nunc proferam introspiciant & videbunt se sicut nudi egressi

gressi sunt de utero matris suæ, ita nudos reuerfuros, nec quidquam de labore suo sumpturos; quoniam verò iactant se ventis sua vela dare secundis, in hoc speculo maximis turbationum procellis nauē suam hinc inde iactari intuebuntur. Quò ad primum manifeste sacra clamat scriptura, bona omnia mundi ex manu Dei pendere, nec hominum, sed hæc omnia Dei propria esse, Psal. 19. Si esurio non dicam tibi, meus est enim orbis terræ, & plenitudo eius, quoniam mea sunt omnes fere sylvarum. iumenta in montibus, & boues. Cognoui omnia volatilia cali, & pulchritudo agri mecum est, & Ag. 2. Meum est argentum, meum est aurum, dicit Dominus exercituum, & Psal. 23. Domini est terra, & plenitudo eius, orbis terrarum, & vniuersi qui habitant in ea. Certe Tertulianus in libro de patientia. Quod nostrum inquit videtur, alienum est: nihil enim nostrum, quoniam

Docetur di-
ctis Sanctorū
Doctorum ni-
hil diuibus es-
se quod pro-
priū vocare
possint.

Dei omnia, cuius i si quod, nos. Et S. Basilii Oratione in verba illa. Desiruiam horrea mea, sic scribit. Tu nonne spoliator es qui quæ dispensanda accepisti propria reputas? est panis famelici, quem tu tenes, nudi tunica, quam in conclauis conseruas: discalceati calce- us qui apud te marcescit, & S. Ambrosius. Sed ais quod iniustum est, si cum aliena non inuadam, propria diligentius seruem. O impudens dictum, propria dicis? quæ? ex quibus reconditis in hunc mundum detulisti. Idcirco concluditur etiam ditissimum quemq; esse pauperem, & egenum, licet enim multa bona habeat, abundetq; immensis opibus, tamen illa omnia sunt dona Dei, non hominum propria bona. Intuemini ergo mentis oculis, o diuites speculum hoc, & videte paupertatem, & nuditatem vestram, & cum aliquis ex vobis interrogatus fuerit, quis es? & quid dicis de te? Responde nulla interposita mora sic. Ego sum pauper & mendicus, nudus natus, nudus moriturus. Quod verò longè sit a vobis, omnis

foelici-

felicitatis beatitudo, sed potius diuexet vos varia-
 rum tribulationum amaritudo, duabus similitudi-
 nibus, quibus diuitiæ vestræ comparantur vos docebo.
 Inprimis diuitiæ huius mundi, assimilantur monti-
 bus hyperboreis, hi montes sunt in Scythia multum
 locupletes, auro abundantes, & gemmis. In eis enim
 sunt Smaragdi optimi, & crystalli purissimi &c. Sed
 circa illos montes, vbi tales diuitiæ sunt, videntur
 asperrimæ syluæ, per quas ad dictas diuitias difficilis
 est accessus. In quo intelligitur, quod licet diuitiæ
 sint ad appetendum & ad possidendum, & ideo ho-
 mines, vt eas lucrentur, & tueantur, maximos labo-
 res assument. Eccl. 31. *Laborauit diues in congregatione sub-*
stantia, quam ne amittat aut diminueat, ô bone Deus,
 quot opprimitur turbationibus. Merito Dominus ap-
 pud B. Matthæum, (inquit idem author) diuitias ap-
 pellat spinas, sunt enim spinæ sub flore se carpenti-
 um pungitiuæ, & similiter diuitiæ in flore mundanæ
 gloriæ, se assequentes pungunt, punctiōe laboris in
 acquirendo; timoris in possidendo, doloris in amit-
 tendo iuxta illud B. Bernardi in sermone de cōuer-
 satione ad Clericos. *Diuitiarum amor longe amplius desiderio*
torquet animam, quam refrigerat usu, vt pote quarum acquisitio
quidem laboris, possessio vero timoris, amissio plena doloris inueni-
tur. Secundo, quia spinæ sunt vestium laceratiuæ, sic
 diuitiæ lacerant interiores vestes virtutum, vnde
 Greg. hom. 20. super illud, *exiit qui seminat* inquit. *Diui-*
tia spinæ sunt: quia cogitationum suarum punctiōibus mentem hu-
manam lacerant, & cum usq; ad peccatum pertrahunt, quasi insilio
vulnere cruentant. Tertio, quia sunt serpentum occultati-
 uæ, propter quod Eccles. 10. dicit. *Qui dissipat sepe mor-*
debit eum coluber, scilicet qui latitat inter spinas. Sic di-
 uitia

Magister Io-
annis de S.
Geminiano,
de exemplis
& similitu-
dinibus re-
rum.

Diuitia re-
ste vocan-
tur spinæ quæ
purgunt cor
da humana.

nitia latibulum sunt serpentium infernalium, 1. Tim. 6. Qui volunt diuites fieri incidunt in tentationem, & in laqueum diaboli: & in desideria multa, & inutilia, quæ mergunt hominem in interitum. Quarto, quia spinæ sunt ignis succensuæ, diuitiæ enim sunt materia ignis, cupiditatis in præsentī, & ignis infernalis in futuro. Isai. 33. Spinæ congregatæ igni comburentur. Quinto, quia spinæ sunt seminum suffocatiuæ, nam propter suam densitatem radios solis intercipiunt, & confluas cœli guttas ad ea, quæ sub eis sunt descendere non permittunt, & ideo quæ iuxta spinas vel infra seminantur, non de facili conualescunt, Vnde Luc. 7. dicitur. Aliud semen cecidit inter spinas, & simul exortæ spinæ suffocauerunt illud. Similiter diuitiæ suffocant sua sollicitudine fructum seminis verbum Dei, & ideo dicitur ibidem. Quod autem in spinis cecidit, hi sunt qui audierunt. & a sollicitudinibus, diuitiis, & voluptatibus vitæ suffocantur, & non referunt fructum. Igitur sicut spinæ & dolorem creat, cum infigitur, & cum infixæ manet, & cum extrahitur, sic diuitiæ magno labore acquiruntur, maiore timore conseruantur, & maximo dolore amittuntur, & quoniam multis & grauibus curis multæ opes mentem pungant, & discrucient, ideo diuites nunquam fœlices & beatos, sed potius terque quaterq; miseros appellabo. Narrat Plinius Simiarum solertiam ipsis perniciosam esse, viscoq; inungi, laqueisque calceari imitatione venantium, sed hoc apertius explicat Solinus in verbis. In Lybia Egypto ac Ethiopia, plebs simiarum in iis est, quas passim videmus non sine ingenio æmulandi, quo facilius in manus veniunt: nam dum auide venantium gestus affectant, relictæ consulo visci vnguilla, quod mendacio factum vident, oculos suos obliniunt, ita visu obducto pronum, est eas corripī. Simili ratione cum homines

Plin. lib. 8.

cap. 96.

Solinus.

cap. 29.

cor

cor suum apponunt diuitiis, & eis colligendis, & conseruandis attentum applicant animum, aduolat venator ille, de quo S. Petrus ait, qui circuit quærens quem deuoret, & terrenorum bonorum facultatibus impeditos facile in suam trahit seruitutem. Hoc ergo speculum intropicite diuites, & discite vos esse infelices multisque calamitatibus subiectos. *Quære ex homine scientiis perdiscendis dedito. Tu quis es? & quid dicis de te?* Statim ille cum summa ostentatione respondebit. Sum Philosophus, sum Theologus, sum homo scientificus. Cui ego. Recte vir doctissime ait S. Bernardus. *Multi multa sciunt, & seipsos nesciunt.* Frustra ut video extenderis in alia te neglecto. Quid tibi prodest si vniuersum mundum lucreris, te vnum perdens: si sapiens sis deest tibi ad sapientiam, si tibi non fueris sapiens, noueris licet mysteria omnia, noueris lata terræ & profunda maris, si te nescieris eris similis ædificanti, sine fundamento ruinam, non structuram faciens. Video te nescire quid sis? Visne scire quali definitione Sacræ literæ humanam sapientiam circumscribant? Iacob. 3. *Quis est sapiens. & disciplinatus inter vos, ostendat ex bona conuersatione, operationem suam, in mansuetudine sapientiæ. Quod si zelum amarum habetis. & contentiones sint in cordibus vestris, nolite gloriari, & mendaces esse aduersus veritatem, non est enim ista sapientia desursum descendens à patre luminum, sed terrena. animalis, diabolica, & Rom. 8. Sapientia carnis mors est, & Isaïæ 33. Perdam sapientiam sapientum, & prudentiam prudentum reprobabo. Vbi sapiens? Vbi scriba? Vbi inquisitor huius sæculi? Nonne stultam fecit Deus sapientiam huius mundi?* Vno verbo dicis te esse Domine Philosophe rerum variarum cognitione conspicuum, non te bene cognouisti, si enim te recte cognouisses, sine dubio cum

*Similis recte
comparatur
homines di-
uites.*

*Vers. Bas. in
Exam. hom
10.*

*Ber. lib. 2.
de Consid.*

*Sapientia hu-
ius mundi
stultitia est
apud Deum.*

Cor. I.

Apostolo dixisses. Nihil me inter vos scire arbitratum sum, præter IESUM, eumq; crucifixum, ego verò respondeo, te esse stultum, quippe sapientia huius mundi stultitia est apud Deum, quod ita esse unicum probabit exemplum, 2. Reg. ca. 6. *Consilium autem Architophel, quod dabat in diebus illis, quasi si quis consuleret Deum, sic erat omne consilium Architophel. &c.* sed ex fructibus eius cognoscetis sapientiam mundi, 17. ca. 2. Reg. Porro *Architophel, videns quod non fuisset factum, consilium suum, stravit asinum suum, surrexitq;, & abiit in domum suam, & in civitatem suam, & disposita domo sua suspendio interiit.* An non sapientia mundi stultitia apud Deum, suspendio vitam sibi adimere? O dementiam extremam, sibi ipsi inferre violentas manus? Ergo quid vobis prodest, qui vtriusque iuris volumina euoluitis, liberales & ingenuas artes assequimini, historiarum ac fabularum recordamini, quæq; in diversis locis gerantur, mente, & cogitatione perquirere enitimini, nihil non scientes, vos ipsos nescitis, instar oculorum, qui cum omnia videant se ipsos non vident. *Quare ex homine in supremo dignitatis gradu collocato. Tu quis es? & quid dicis de te ipso?* Respondebit tibi. Sum supra cæteros gubernator, & Rector, Princeps, Rex, Imperator, sed & hoc vanitas & afflictio spiritus, taliumq; conditio, vilior & perniciosior est, quam illorum quos nullus dignitatis decorat splendor. Qui enim habet officium, habet simul & negotium, nullaq; dignitas sine onere, & gravamine. Et sicut ille qui cursu contendit ad metam sine villo onere, & pondere, citius ad terminum assignatum pervenit; quàm ille qui multis onustus sarcinis cursui se comittit. Qui dignitate præfulget onus graue in humeris portat, qui ab ea lōge abest, nullo de-

*In dignitate
collocati nō
cognoscunt
se.*

lo desuper pondere grauatur, vterque autem ad accipiendum in terris brauium currunt, ambo quidem in via currunt, sed qui pondere non deprimitur citius terminum aggreditur. Recte Magister Ioan. de S. Gemiano inquit. Dignitatis status quanto altior, tanto aduersitatibus, & molestiis plenior. Vnde in dignitatibus positi, assimilantur arbori. Flagella enim (vt dicit Isidorus) dicuntur arborum summitates: eo quod sæpe ventis, & turbinibus flagellantur. Sunt autem quasi summitates arborum, altitudines dignitatum: in quibus qui sublimati sunt, multarum aduersitatum ventis, frequentium anxietatum turbinibus flagellantur. Et ideo non incongrue de statu dignitatis posset suggeri illud prouerbum, 2. Mach. 3. *Si quem habes hostem &c. mitte illum, & recipies flagellatam.* Tullius. Quo celsior es eo magis te sollicitum, & anxium esse oportet. Vnde Psal. 15. *Ab altitudine diei timebo*, id est ab altitudine temporalis dignitatis. Item ad dignitatis gradum ambitiosus homo, quandoq; paulatim exaltatur: sed subito deiicitur, sicut arbor cum difficultate eleuatur, sed subito vi ventorum deiicitur. Res patebit exemplis. Ac in primis numerandus est Belisarius, ad quantum autem dignitatis, & gloriæ culmen euectus fuerit testantur historię. Vicit Persas, Vandalorum regnum in Africa trium mensium spatio, Rege eorum Guilimero capto, & in triumpho ducto euertit. Gothicum omne nomē in Italia contudit, & Romam Contra Vitigem eorum Regem tutatus est: quem postea Rauennæ obsessum cum vrbe cepit, & Constantinopolim in triumphum duxit; quod bellum varia fortuna annis 13. gestum est. Hic in toto mundo celebris euasit, & in tanto pretio fuit apud Iustinia-

Arbori altissima comparantur homines in dignitate collocati

Simon Maior de fortis na ludibris.

*Belisarius
clarus Impe-
rator in senec-
tute oculis e-
ructis mendica-
re cogitur.*

Iustinianum Imperatorem, vt is percusso nummo, in altera parte se, in altera Belisarium armatum effin-
xerit, cum hac inscriptione Belisarius Romanorum
decus, hunc tamen Belisarium tam magnanimum,
tam fortissimum Ducem, ita euertit fortuna, vt eum
in senecta omni honore, gloria, & dignitate exuerit
visu, opibus, & fortunis omnibus priuauerit, atque
in Diuæ Zophiæ templo, Constantinopoli stipem e-
mendicare coegerit. Sed & Mauricius Imperator,
qui cæteroquin pius, exilii tamen sui ipsius sibi fabri-
cator fuit. Namque 14. Imperii anno. Diacono teste,
in eam ex humana imbecillitate lapsus est auaritiā,
vt cum infinitam captiuorum hominum multitudine
Chaganus Auarum Hunnorum Rex, virum quē-
que duobus aureis nummis Mauritio redimendum
proponeret, multa millia hominum, potius ense cru-
deliter necari a tyranno, quam aliquam iacturam pe-
cuniæ, eorum redemptione fieri pateretur. Hinc &
Dei iram, & grauissima hominum subditorum odia
incurrit. Phocæque Imperatore designato, cum tota
familia securi percussus fuit. Erat Paulinus apud
Theodosium Imperatorem authoritatis non paruæ,
familiarissimeq; ob rem literariam ab Eudocia Augu-
sta excipiebatur. Hic igitur ob pomum, quod dono
dedit Eudociæ vxori, illa vero aduenienti Paulino
donauit. Ipse autem vt se in Imperatoris gratiam ma-
gis insinuaret, incautus ac rerum nescius donauit
Imperator, præferenti gratum animum. At quid
de pomo actum esset Imperator, vxorem rogat, quæ
illud se comedisse mentita est, proferens autem illud
Imperator, mendacii & perfidiæ eam quidem coar-
guit. Paulinum autem iussit occidi. Recte admodum
Poeta

Poeta. Et subito casu quæ valuerunt ruunt. Cognosce in hoc speculo sortem vestram, ô homines in sublimitate dignitatum gloriantes. *Quare ex sene, Tu quis es?* & quid dicis de te? Respondebit ille, sum homo plenus dierum antiquorum, vir magnæ experientiæ, consilio in rebus dando satis maturo præditus, & hic non se cognoscit, nam si sciret quis sit, diceret, sum homo morti proximus, & iam in finibus vitæ meæ constitutus, diem mortis cum tædio expecto. Immo si aliquando mentionem mortis eius feceris, subito senex ira aduersus te inflammatus, in durissima prorumpit verba. O perniciosissimam in senibus ignorantiam sui. Præclare Hugo de claustro animæ. Inter abusiones huius sæculi, sola maior senis obstinatio, qui morti proximus mortis non abhorret aduentum, qui quasi ad ostium huius mundi positus foris spectat, nec tamen vitæ præsentis attendit egressum, nec futura considerat. Audit nuncios mortis, & credere non vult eis. Tres sunt enim nuntii mortis, casus, infirmitas, senectus. Casus dubia, infirmitas grauias, senectus certa nuntiatur. Casus nuntiat mortem latentem, infirmitas apparentem, senectus præsentem. Alphora est vermis, qui postea in piscem transit, rursum si tabe aliqua consumatur, extra aquam se recipit, & etiam defluxa omni carne vsque ad caput ipsum, si in aquam remittatur, corpus quod fuerat absumptum, carne rursum vestitur velut renatum, immo viuacius est, nam accedit illi longæuitas cum antea breuissimæ esset vitæ. Euenit & hoc aliquando homini seni, qui cum in grauem morbum inciderit timet sibi, & iam se mortem appetiturum existimat, recipit se extra aquam, id est, de vita hac terrestri, (quæ in Sacra scriptura aquæ comparatur, si quidem omnes dilabimur, sicut aquæ super terram) parum sollicitus esse videtur.

Senes de morte nolunt cogitationes admittere.

*Conclusio.**Psal. 49.*

quod si iterum pristinae sanitati restitutus fuerit, veluti renouata iuuentute immemor lethi vitam in voluptatibus traducit. Insuper Christus Dominus, in iudicio extremo, seuerissimum & quasi ferreum contra hos omnes examen instituet, & in primis peccatori dicet Deus. *Tu quis es? & quid dicis de te ipso?* Si dixerit, Domine sum Catholicus, nulla vnquam hæresi, nec aliqua peruersa secta infectus & seductus, cui subiunget Dominus, *ô infelix homo. Quare tu enarras iustitias meas, & assumis testamentum meum per os tuum? Tu vero odisti disciplinam, proiecasti sermones meos retrorsum &c. Arguam te & statuam contra faciem tuam.* Dicet diuitibus. O vos pessimos villicos iniquitatis, & dilapidatores bonorum meorum vobis ad dispensandum concreditorum? Cur in abusus diuitias vobis à me exhibitas conuertistis, & quasi bona propria, & non aliena dilexistis. Fui nudus, & non me vestiistis. &c. Dicet doctoribus, posui vos pascere populum meum, & dedi vobis donum intellectus, & donum scientiæ, vos verò aliis prædicantes, ipsi soli improbi effecti estis, & sicut sal infatuatum ad nihil valet, nisi vt proiciatur, & ab hominibus conculcetur, ita & vos iustum est, vt sicut fatui clausam ad regnum cælorum ianuam inueniatis, & apud omnes in contemptu sitis. Sed & vos potentes, potenter tormenta sustinete, similiter & qui consenuistis in iniquitate vestra, subeatis æternæ mortis sententiam. Æquum ergo est, & summo opere necessarium, omnibus seipsos cognoscere, nam cognitio sui omnium virtutum fundamentum humilitatis mater, nutritrix pietatis, auctrix sanctitatis. Vtinam diuina ope hanc scientiâ assequi possitis.

AMEN.

SE-

SECUNDA ORATIO ECCLESIASTICA

Tu quis es? & quid dicis de te ipso?

Ioan. I.

ILle qui nescit quis & vnde sit, multa incurrit mala. *Summa Con-
sionis.*

Eclypsis solis inducit terræ motum. Est enim eclypsis solis causa, & signum terræ motus: eo quod in terra ad quam conuertitur vmbra eclypsis, intenditur frigiditas poros terræ constringens, reflectens vaporem in seipsum. Et verius signum in cauda quam in capite draconis: & tanto verius, quanto maior fuerit, & vbi spissior fuerit vmbra. Similiter quanto maior & crassior est error, & ignorantia mentem obscurans: tanto magis mouetur anima ad peccandum, maxime cum est error in fine, qui enim ignorat quam foetida caro sit futura, turpiter errat, ex eius pulchritudine delectabilem captans voluptatem, sed tamen omnis eclypsis rationis maxime vero ignorantia sui ipsius, est causa multorum malorum, nam sicut terræ motu propter eclypsim solis, (vt tempore mortis Christi accidisse legimus) ædificia dilabuntur, arbores eradicantur, virgulta difficiuntur, sic motus carnis humanæ propter ignorantiam sui ipsius exortus, omnes virtutes, *Terræ motus
malorum
multorum
se
let esse causa*

tutes, omniaq; sancti spiritus dona, e cordibus hominum, eiicit & expellit, multorumq; malorum causa existit, quod ex hac concione peroptime intelligere licebit.

AVE MARIA

EST salutaris consuetudo apud homines, vt cum rumor volat, ciuitates aliquas peste infectas esse, & idcirco multos homines in illis ciuitatibus quotidie e viuis discedere, ex templo in Primaria ciuitate, custodes ad portas adhibentur, vt ne si aditus omnibus liber pateret, tentaret quispiam pestilentia affectus intra vrbs mœnia ingredi, & cæteros mala peste infectos reddere. Qui igitur ad portam venit, a custodibus interrogatur, quis sit, & quibus ab oris veniat, si se id ignorare dixerit, vel aliter quam se res habeat narrauerit, arcetur ab ingressu ciuitatis, & aliquando condigna pœna castigatus dimittitur. Postquam primum generis humani parentem pestis peccati infecit, statim e cœlo voluptatis in vallem lacrymarum expulsus est, & ne locum illum peste abominanda, iterum inficere præsumeret, custodia ad portam paradisi subito adhibita est, quippe Dominus collocauit ante paradisum voluptatis Cherubin, & flammæ gladium, atq; versatilem, ad custodiendam vitam ligni vite, De regno quoque cœlorum dicitur Apoc. 21. Non intrabit in eam aliquod coinquinatum, aut abominationem, & mendacium. Qui igitur orando ianuam regni cœlestis pulsât, adest custos, & quis sit, vel quid velit interrogat, si ille dixerit. Ego sum homo, natus de muliere, breui viuens tempore, repletus multis miseriis, ego sum, quasi flos qui egreditur & conteritur, ego sum, tanquam fœnum quod velociter arescit. Ego sum

*Homo ubi
primum pec-
cauit nos pe-
ste infecit.*

Gen. 3.

Iob. vt

Psal. 36.

Ose. 6.

Sap. 5.

fur
cella
to
ta
qu
do
&
xe
Se
ho
uin
po
ser
nar
illa
nin
nu
se n
ma
becu
imag
bis
ribi
ec
sed p
Du
lest
cog
cul
um
mod
gred

sum quasi ros mane pertransiens. Ego sum quasi puma qua à pro-
cella dispergitur. Ego stipula sicca, ego folium quod ven-
to rapitur, ego sum sicut pulvis ante faciem terræ,
talis sine dubio apertam cœli ianuam ingreditur,
quippe *Oratio humiliantis se nubes penetrabit &c. & non discedet*
donec altissimus aspiciat, Qui vero interrogatus quis sit, &
& unde veniat, si se non ex terræ limo formatum di-
xerit, nec se figmentum & pulverem appellauerit.
Sed prætermittit & neglecta suæ originis narratione
hominem se doctrina & auctoritate excellentem, di-
uini cultus promotorem præstantem, multa bona
possidentem vocauerit, omni postposito dubietatis
scrupulo, aditu in regnum cœlorum prohibebitur,
nam faciens mendacium, non intrabit in supremam
illam ciuitatem, talis vero mendax est, existimat e-
nim se aliquid esse, & ita se iactat cum sit nihil, domi-
num se nominat, & ille pauper & egenus est, virum
se magnæ auctoritatis appellat, ille vero est postre-
mæ conditionis. Recte Aristoteles inquit. *Homo est im-*
becillitatis exemplum, temporis spoliū, fortuna lusus, inconstantia
imago, inuidia, & calamitatis trutina, reliquum vero pituita & bi-
lis. Luc. 18. *Phariseus stans hæc apud se orabat, Deus gratias ago*
tibi, quia non sum sicut cæteri hominum, raptores, iniusti, adulteri
&c. Et publicanus à longe stans, nolebat nec oculos ad cœlum leuare,
sed percutiebat pectus suum dicens, *Deus propitius esto mihi peccatori.*
Duo homines vt vidistis mente in cœlum eleuata cœ-
lestem ciuitatem petebant, sed quoniam alter eorum
cognitione sui carebat, cor eius exaltatum erat, o-
culi elati, & in mirabilibus supra se ambulabat, ali-
um se quam in re erat confidendo, ideo nullum com-
modum retulit, nec in portam ciuitatis excelsæ in-
gredi permissus est: qui vero suam conditionem vi-

Iob. 13.

Psal. 74.

Eccl. 33.

Luc. 13.

Homo con-
ceptus & na-
tus in sordi-
bus.

Dan. 4.

lissimam quā bene nouerat exprimere non erubuit, descendit iustificatus in domum suam ab illo, quia omnis qui se humiliat suam agnoscendo naturam, exaltabitur: diuinam accipiendo gratiam, & qui se supra id quod est exaltat, humiliabitur ad ima. O quam igitur pestilens malum est ignorantia sui ipsius. Talis homo qui ignorat natiuitatis suæ modum & locum, & unde sit vel quo patre procreatus, si interrogatus respondere nescierit, ab omnibus præsumitur esse illegitime natus, hoc modo Christianus qui scire non vult, quod sit conceptus in sordibus, natus in doloribus nutritus in stercoreibus, talis apud Deum præsumitur, non de honesto hominum genere, sed de abiectissima infernalia bestiarum stirpe progenitus, nam qui peccatum facit, ex diabolo est, quoniam ab initio diabolus peccat. Omnis autem peccati initium superbia, & certe qui suam vilem conditionem negat, & aliter quam in re ipsa est, se ab aliis æstimandum proponit, quis illum a vitio superbiæ alienum esse affirmabit? Dicam plura, qui scire non vult se, nec cognoscit, se sicut puluis est in puluerem reuersurum, talis videtur esse non de gente humana, sed de numero brutorum animalium suam trahere originem, & non hominibus, sed bestiis talem esse comparandum. Gloriabatur Nabuchodonosor dicens. Nonne hæc est Ciuitas magna Babylon, quam ego ædificauim in magnitudine roboris mei, & sic se quodammodo Deum reputantem, continuo Deus in bestiam mutat. Eze. 29. ad Ægypti Regem loquitur. Ecce ego ad te & Pharao Draco magne qui culas in medio fluminum tuorum, & dicis ego feci memetipsum, ponam circulum in auribus tuis. Præterea qui suæ originis notitiam non habet, ad consequendam dignitatem Ecclesiasticam, & ad perdiscendas artes

artes Mechanicas non admittitur. Sic homo Christi-
 anus qui cognitione sui ipsius caret, ad nullam vir-
 tutem consequendam aptus & idoneus est. Veniat
 ad humilitatem, & ab ea supplex petat, vt cum in
 suum Gymnasium recipiat, & omnem animi submis-
 sionem doceat. Quæret ex illo humilitas, *Tu quis es?*
 & quid dicis de te ipso? Si se ignorare dixerit, illa subiun-
 get, discede hinc, tales ad meam palæstrā non admit-
 to, hoc enim ingressuris scholam meam, primum
 proponitur alphabetum, *nosce te ipsum*, nam cognitio
 sui, est fundamentum omnis humilitatis iuxta verba
 S. Basilii. *Memor inquit natura nunquam superbies, memor autem*
eris ipsius si te ipsum observes. Veniat ad sapientiam diui-
 nam, & vt eius salutaribus instruatur documentis,
 postulet, sed & hæc quæret ex illo. *Tu quis es?* Si inter-
 rogationi congruam non afferet responsionem, pro-
 feret illi verba B. Gregorii Nazianzeni. *Sapientiæ genus*
est seipsum nosse. Demonax interrogatus, quando cæpi-
 set Philosophari respondit, tum cum cognoscere me
 ipsum incæpi. Veniat ad pietatem, & vt zelo deuo-
 tionis & igne charitatis diuinæ, illa adiutrice inflā-
 metur roget, sed audiet ab illa S. Cypriani verba. *Hic*
est primus religionis introitus, sicut in mundum primus Christi ingres-
sus, vt quicumq; pie vult viuere, humiliter de se sentiat, neq; supra se de nativita-
te Christi.
 in mirabilibus ambulare præsumat, at hoc fieri non potest,
 absque cognitione sui ipsius. Veniat ad scientiam de
 Deo subtiliter tractantem & concludentem; nec ibi
 aliquod reportabit emolumentum. Sed subito incul-
 cabuntur illi, hæc verba Christi. *Confiteor tibi Domine,*
Pater cæli & terræ, quia abscondisti hæc a sapientibus, & pruden-
tibus, & reuelasti ea paruulis, & sic de reliquis virtutibus
dicendum est, nullius virtutis possessione homo Chri-
stianus

Ignotus honestam uxorem et diuitem ducere nequit.

Civitas celestis est sponsa, quæ solis humilibus dabitur.

stianus gaudebit, si cognitione sui ipsius carebit. Ad hæc cui notitia originis deest, iste tanquam homo ignotus, non potest ex nobilissima familia habere sponsam, sed aliquam abiectissimam faminarum, ducit in uxorem. Civitatem cœlestem sacra scriptura vocat sponsam. Apoc. 21. *Et ego Ioannes vidi sanctam civitatem Ierusalem novam descendentem de cœlo, à Deo paratam, sicut sponsam ornata viro suo.* Per meretricem intelligit infernalem illam bestiam sensuali voluptate homines seducentem. *Veni, et ostendam tibi damnationem meretricis magnæ, quæ sedet super aquas multas, cum qua fornicati sunt Reges terræ.* Qui igitur seipsum nescit, suâq; originem ignorat, quod est fundamentum humilitatis sponsam cœlestem habere nequit, quæ solis humilibus desponsanda promittitur his verbis. Mat. 18. *Nisi efficiamini sicut parvuli, non intrabitis in regnum cœlorum.* Sed qui se exaltat humiliabitur, & cum turpissima meretrice detrudetur ad profundum inferni, ubi regnum & dominium eius est, qui Rex supra omnes filios superbix nominatur, quod à vobis auertat, qui sine fine vivit & regnat,

AMEN.

ORATIO ECCLESIASTICA

In Dominica IIII. Adventus.

Parate viam Domini, rectas facite semitas eius. Luc. 4.

*Summa Con-
tionis.*

Qui desiderio ardet habendi Christum, tempore natiuitatis eius in corde suo, idque summopere optat,

optat vt ibi fit, & ibi maneat, prouidendum illi est, id, ne aliud palatium nisi stabulum, Christo aduenienti ædificet, nam hic infans in stabulo nasciturus, à Prophetis prædicatur.

CVM Rex Artaxerxes, ad supremum Regiæ dignitatis gradum euectus, in solio excelso cõsedisset. Magnates turmatim cum donis ad Regem properare cæperunt, alii vasa aurea, & argentea, quidam vestes auro intextas, & gemmis lapidibusque pretiosis splendescentes, pleriq; equos generosos, aliaque his similia munera, libenti animo, & magno cum affectu offerebant. Persa quidam nomine Sineta, ne officio vinceretur, munere pro loci faculcatisq; ratione satis apto, aqua videlicet e præterfluente fluuio Cyro hausta regiam venerabatur maiestatem, & adeo quidem hoc munus Regigratum erat, vt illud inter præcipua dona numerandum, & collocandum iusserit. Venturus est in hunc mundum Christus IESVS Rex Regum, & Dominus dominantium. Varii igitur eum variis excepturi sunt modis. Quidam vt audio vestimenta noua, & forma quadam hætenus inusitata confuta pro hac solennitate sunt induturi, alii conuiuia oppipara, venientibus in domum suam amicis, sunt exhibituri, quidam & hi pauci Sacra confessione peccata sua expiaturi. At illi Christo Domino rem gratissimam sunt facturi, qui ad eum excipiendum stabulum in cordibus suis ædificare studebunt. Attendite,

Varia munera Regi dantur, à Primatibus.

Regi pro munere offertur calix frigida aqua.

Christo aduenienti stabulum ædificandum.

Ave Maria.

*Stabulum est
iudicium hu-
militatis.*

*Palatium fi-
gni superbia*

*Libro de
Noe & arca
cap. 16.*

Stabulum designat profundam cordis humilitatē, amplissima verò palatia superbiam, qui igitur hanc virtutem in corde suo collocare studuerit, Christo nascituro stabulum ædificabit. Nam & Beatissima Virgo Maria, ideo filium Dei in cordis sui hospitium declinasse testata est, quia venturo stabulum in pectore suo a fundamentis erexit, dicit enim. *Quia respexit humilitatem ancille sue &c. & Deposuit potentes de sede, & exaltauit humiles.* Arces vero amplissimas, domosq; splendidissimas & ornatissimas iste vêturus Dominus summo odio prosequitur. prou. 3. *Arrogantiam & superbiam, ego detestor, & 16. Abominatio est Domini, omnis arrogans & Iac. 4. Deus superbis resistit, humilibus autem dat gratiam suam.* Qui igitur Christum in suo corde vult habitare, superbiam nunquam in suo sensu, aut in suo verbo dominari permittat, in ipsa enim initium sumplit, omnis perditio. Afferam autem aliquot rationes, propter quas corda superborum Christus respuit, quarum Prima hæc est, Christus Dominus, vult nasci in terra, vt perditam ouem inueniat, & suis humeris impositam, ad montem Caluariæ, & inde in cælum Empyreum deferat, at homo elatos assumens spiritus existimat se, nec in terra esse, nec ex terra formatum, sed supra id aliquid aliud de sua peruersa natura opinatur, hoc ipsum affirmante S. Ambrosio. *Superbia se extollit in hac terrena, fragiliq; substantia &c. sunt enim huiusmodi erigentes supercilia, inflato corde, elato pectore, ceruice resupina, qui solum quod vestigijs pedum persiringant, toto autem se librant corpore, & inani suspendant examine, cælum spectent, terram autem fastidiunt,*

tanquam

tanquam dolore cervicis suffixi, ut eam inclinare non possint. Altera ratio hæc est, id cuiuslibet à natura tributum esse non ambigitur, ut iuxta naturæ suæ proclivitatem, eligat hospitium, homo enim mansuetus pacis & quietis amans, discordiarum & litium osor, quærit hospitium quietum & pacificum, & quoniam Christus dominus de se ipso testatur dicens. *Discite à me, quia mitis sum & humilis corde*, eligere non vult domum, aliam ad manendum in ea, præter eam quæ nullis peruersorum hominumurbationibus, clamoribus, & insolentis subiaceret, quod de superbis dici nequaquam potest S. Gregorio id affirmante. *Cunctis superba apud se cogitatione rumentibus inest clamor in locutione, amaritudo in silentio, dissolutio in hilaritate, furor in tristitia, inhonestas in actione, erectio in incessu, rancor in responsione*. O turbulentissimum, hospitium. Tertia ratio hæc est. De hoc nascituro puero dictum, erat ab Angelo, quia sciet reprobare malum, & eligere bonum. Eligit ergo stabulum, ut ostendat humilitatem, quam homines flocci faciunt esse bonam, & humano generi ad omnia bona consequenda utilissimam: Respuit palatium ut demonstret arrogantiam quam affectant, & magni æstimant homines esse malam hominibusq; perniciosissimam. Vnde rectè S. Bernardus. *In stabulo nascitur Christus, & in præsepio reclinatur. Nonne ipse est qui dicit. Meus est orbis terræ, & plenitudo eius. Quid ergo stabulum elegit. Plane ut reprobet gloriam mundi, damnet seculari vanitatem, &c. Quemadmodum verò illud stabulum, non intra mœnia ciuitatis fuisse, sed extra muros ad portam situm monumentis literarum docemur. Similiter corda hominum, non sunt retinenda in medio bonorum temporalium, & in gremio occupationum sæcularium, sed potius ab omnibus oblectamen-*

In meralibus ca. 20.

Elegit Christus stabulum ut pompam damnet hominum. Serm. 3. in nativitate Christi.

*Stabulum ex
tra mœnia si-
tum quid ve-
lit.*

*Homines so-
lū Dñi qua-
rentes capris
sylvestribus
pulchre assi-
milantur.*

tis sæcularibus procul elonganda dicente S. Paulo. 2. Tim. 2. *Nemo militans Deo implicat se negotiis sæcularibus, ut ei placeat cui se probauit.* Origen: homil: 8. *Quam diu quis permixtus est turbis, & in multitudine fluctuantium volutatur, non vacat soli Deo, nec segregatus est à vulgo, nec potest esse sanctus, & S. Ioannes Chrysost. super Matthæum. Sicut difficile est arborem iuxta viam positam fructus usq; ad maturitatem seruare, sic difficile est virum iuxta hunc mundum vinentem, id est in actibus mundi, iustitiam immaculatam, usq; ad finem tenere. Recede ergo de via, & planta te in loco secreto, ut nec mundus tecum habeat aliquid nec tu cum mundo. Non abs re quidam homines ex hoc sæculo ad recipiendum Christum egressos capris sylvestribus comparat. Primò quia talis capra est asperima in victu, vnde capra à carpendo est dicta, eò quòd carpat aspera loca, sic & solitarii homines, qui se ad recipiendum Christum præparant, debent carnem suam ponere extra prata deliciarum, in asperis rupibus afflictionum. Secundò, talis capra est altissima in situ, vnde hæ capræ vocantur Ibices, quia ad modum illarum auium quæ Ibices dicuntur ardua loca scandunt, & sic homines egressi è voluptatibus sæcularibus, debent ad summa & inuisibilia per contemplationem eleuari. Tertiò, quia talis capra est acutissima in aspectu, nam in altissimis montibus videns venatores, de altissimis petris se præcipitem dat, & cadens in suis cornibus suscipitur illæsa sic solitarii in altissimis contemplationibus illuminati debent providere tentationes futuras, quas dum in vicino in stare sentiunt, se se de petris altissimæ contemplationis ad ima, profundæ humilitatis de mittant. Quartò, quia talis capra est velocissima in cursu. Et similiter serui Christi debent esse in operibus sanctis, non tardi*

sed

sed
Qu
Sic
cib
stu
cta
sta
min
nis
in te
stab
dan
quo
inde
cum
tem
totu
bun
igne
ms
temp
qui v
gnu
lud
max
ban
Dom
SI/S
cenab
nolie
pecc
virtu

sed velociter procedentes, ex virtute in virtutem. *Quinto*, est sagacissima in pastu, visu, gustu, & olfactu. Sic serui Christi debent esse sagaces, in conquirendo cibo spuali, quod est verbum Dei, visu legendo, gustu contemplando, olfactu imitando exempla sanctarum virtutum. Igitur sic egressi videbitis scalam stantem super terram, id est, B. V. Mariam, & do- *Scala Iacob*
 minum innixum scalæ, infantem inter vbera virgi- *B. V. M.*
 nis. Angelos quoque cantantes. *Gloria in excelsis Deo, &* *Gen. 28.*
in terra pax hominibus bonæ voluntatis. Sic igitur ædificate
 stabulum venturo Domino. Carbunculus lapis qui-
 dam est pretiosus, quem quidam referunt, animal
 quoddam in frôte pelle coopertum gestare, qui pro-
 inde tunc non emicat, verum cum in eminentem lo-
 cum, aut montis alicuius verticem conscendit, par- *Animal car-*
 tem illam pellis qua tegebatur eleuat, & confestim *bunculum in*
 totus mons singulari quadam luce perfunditur. Car- *fronte ge-*
 bunculus hic orationem ardentem diuinæ charitatis *stans.*
 igne significat, clauso ergo ostio, omnibusq; munda-
 nis cogitationibus exclusis ascende altissimum con-
 templationis montem, & ora Patrem tuum, & ille
 qui videt in abscondito reddet tibi, & efficiet te di-
 gnum, ad recipiendum filium suum. Adhæc sicut il-
 lud stabulum, fuit omnium commune receptaculum,
 maxime tamen pauperum, qui aditu hospitii arce-
 bantur, ita corda vestra debent esse aperta Christo.
 Domino, ad vos pulsanti sicut de se testatur. *Ego IES-*
VS, stō ad ostium, & pulso si quis aperuerit mihi, intrabo ad eum, &
cenabo cum eo. Quapropter, si hodie vocem Domini audieritis, *Christus pul-*
nolite obdurare corda vestra. Sed statim corde aperto, & a sat ad cor no- *strum.*
 peccatis pulchrè mundato, floribusque variarum
 virtutum consperso, tam gratum excipite hospitem.

N3

Debet

Gen. 18.

Iob. 31.

Ex Speculo
tristium Io.
Durgnii Hi
spa, ca. 1.

Debet etiam cor vestrum esse apertum, ad clamorem pauperum, & velox ad subleuandum eos. Sedebat in ostio tabernaculi sui Abraham, in ipso feruore diei, vt peregrinum aliquem si forte adellet, humanitatis beneuolentia exciperet, & ecce adfunt tres Angeli, Sanctam & indiuiduam Trinitatem repræsentantes, & suo aduentu, eius illam in pauperes humanitatem compensantes. Igitur o Christiane, non sit clausum ostium domus tuæ peregrinis, & pauperibus, pupillis, & viduis, hoc modo promereberis, quem Deus in hunc mundum venturus visitare dignabitur. Audite Iob, virum sanctum ac simplicem, timentemq; Deum, verba plane aurea, de misericordia erga pauperes exhibenda facientem. *Si negavi quod volebant pauperibus, & oculos viduæ expectare feci, si comeli buccellam meam solus, & non comedit pupillus ex ea. Quia ab infantia creuit mecum miseratio, & de utero matris meæ, egressa est mecum. Si despexi prætereuntem eo quod non habuerit indumentum, & absq; operimento pauperem. &c.* Hæc omnia qui erga pauperes exhibuerit, ipsi Christo illa se exhibuisse nouerit, qui verò pauperes in nomine Christi, ad se venientes recipere noluerit, nunquam ad recipiendum Dei filium dignus, & idoneus erit. Placet vnicum asferre exemplum rei nostræ accommodatissimum. Legimus quadam in vrbe, hominem cætera bonum, castum, humilem, modestum, nullique obnoxium in Deum blasphemix, adeo tamen asperum, vt ne horum quidam emendicantium vocem ferre posset, remotius ab ædium ianua nouum struxisse domicilium, vnde nullos vel maximos pauperum clamores perciperet. Verum vbi extremum ille diem obiit, ac elato in templum funere, sacris Episcopus operari capit:

cccc

ecce huic nouum & admirabile quidpiam obliicitur, quoties enim ad populum hæc Episcopus verba protulit. Dominus vobiscum, toties imago Christi Domini, in crucem suffixi visa est illi manus clauis eximere, ac in aures conicere, ne preces pro illo defuncto, factas exciperet. Tali monstro attonitus, peracto demum sacrificio tantæ rei causam rimari statuit: nihil tamen a demortui vicinis, aliud expromere potuit, quam præclarum vitæ laudabilis testimonium. Et creuit non parua inde admiratio, donec tandem certis authoribus accepit, quam asper ille & immitis in egenos extiterit, quos ne audire quidem ne dum adiuuare vellet, tum enim ille certo animaduertit, Christum Dominum pro mortuo respuisse preces, qui pauperum clamoribus aures occluderet, cuius iudicium fecerit imago Redemptoris, aures manibus obstruens iuxta illud, sap. in Prouerbiis. *Qui obstruat aurem suam, ad clamorem pauperis, & ipse clamabit, & non exaudietur.* Qui pauperi ostium domus suæ claudit, ipsi Christo hanc iniuriam infert, qui eum in domum suam recipit, ipsi Christo hoc beneficium præstat. Sint ergo corda vestra sicut illud stabulum omnium pauperum commune refugium. Insuper bos & asinus in hoc stabulo debet ad præsepe ligatus adesse, hæc duo animalia designant corpora humana, ad carnis concupiscentias explendas prona, vt capite 7. Prouerbiorum legitur. *Ecce occurrit illi mulier ornatu meretricio &c. & procaci vultu blanditur dicens. Veni fruamur cupitis amplexibus &c.* subiicitur, statim eam sequitur quasi bos, ductus ad viltissimam, hic ergo bos caro hæc pessima alligandus est in hoc stabulo, abstrahendum videlicet corpus a prauis consuetudinibus. Qui fornicationi indulgebat, amplius

Prouerbiorum
cap: 21.

In hoc stabulo
debet adesse
bos & asinus.

*In India mi-
rabiles boues
sunt.*

amplius non indulgeat, qui verò furabatur iam non
furetur, qui aliena rapiebat, satisfactione præmis-
sa iam non rapiat. Ad Orientales Indos, boues es-
se exiguos prægrandibus rectis cornibus, sed præter
oneris ferendi industriam, etiam sub fræno currere,
& equitare, dociles esse equorum more. Sic pessima
ista caro nutrienda est, ut ad mandatum Dei sciat cur-
rere, fræno si opus fuerit, semper domanda. Iam iste
asinus paleis non tritico nutriendus, iam in stabulo
ad Christi præsepe alligandus, non in pratis o-
doriferis floribus ascendus est. Tale stabu-
lum si filio Dei ædificaueritis, venit Ma-
ter Iesv prægnans, & pariet vnige-
tum filium suum, in cordibus ve-
stris. Cui laus & honor, cum

Deo Patre.

AMEN.

SECUNDA ORATIO ECCLESIASTICA

In eadem Dominica:

*Parate viam Domini, rectas facite semitas eius. Omnis vallis imple-
bitur, & omnis mons humiliabitur, & erunt praua in directa, & aspe-
ra in vias planas, & videbit omnis caro salutare Dei. Luc. 4.*

*Summa Con-
cionis.*

IN hac Concione, verba hæc pulchrè explicantur,
& quid vallis, quid verò mons, praua, & aspera si-
gnificent,

gnificent, iucundis ad legendum conceptibus aperitur.

FRequenter transibat per Sunam Ciuitatem Elisæus Propheta Domini, quem videns mulier quædam dixit ad virum suum. *Animaduerto quod vir Dei sanctus est ille. &c. faciamus ergo ei cænaculum paruum, & ponamus ei in eo lectulum, & mensam, & sellam, & candelabrum, ut cum venerit ad nos maneat ibi.* O vtinam vos auditores, in hæc hodie prorumpatis verba. Adest breui in mundum sanctus Sanctorum Christus Iesus venturus, præparemus corda nostra ad recipiendum eum, ut cum venerit, maneat nobiscum. Vtinam hæc omnia pro excipiendo tam grato hospite parata habere velitis. videlicet. *Cænaculum paruum.* Cænaculum designat locum cænæ, cæna animæ nostra nulla alia salubrior, & Domino Iesu iucundior, quam vespertinum conscientia examen. Erit enim operæ pretium, si hoc toto tempore, non ante cubitum concedatis, quam conscientiam vestram excusseritis. *Lectulus,* designat quietem conscientia, nam per examen discussis operibus, & si quæ mala agnoscuntur contritione sublatis, subito post nubila oritur phœbus, moritur vermis conscientia, & in pace in idipsum, dormitis & requiescitis. *Mensa,* cibum animæ (qui est corpus Christi,) denotat, quem semper desiderare, & supra omnia fercula appretiare tenemini. *Sella,* sedentis constantiam significat, ut iam sedeat qui peccando manducauit panem doloris, nec arundini vento agitatae similes retro tenentes aratrum Domini respiciatis. *Candelabrum,* insinuat, ut luceat modestia vestra, & pietas omnibus hominibus, ut videntes opera

4. Reg. 4.

*Cænaculum
examen signi-
ficat consci-
entia.*

*Lectulus pe-
cem & quie-
tem consci-
entia.*

*Mensa cilii
spiritualem.*

*Sella constan-
tiam.*

*Candelabrum
odorem bono-
rum operum.*

pera vestra bona glorificent Patrem vestrum, qui est in cœlis. Hæc omnia longiorem fortassis explicationem exigebant, sed proposito meo satisfacere desiderans, ad explicanda sancti Evangelii verba me confero.

AVE MARIA.

*Vallis quid
significet.*

Omnis vallis implebitur. Vallis designat locum profundum, in quo via recta ad discedendum per eam esse nequit, tum quia de monte in profundum declinare, res est plena periculis, tum quia talia loca, plerumque sunt paludosa, humida & aquosa, quæ omnia illis qui in via sunt, certissima sunt impedimenta.

*Profundum
significat im-
mersionem in
peccatis.*

Profundum autem in sacris literis immersionem in peccatis significare, nemo est quem fugiat. Psal. 63. Saluum me fac Deus quoniam intrauerunt aquæ; & usque ad animam meam, infixus sum in limo profundi, & non est sublatitia, & prou. 13. Impius cum in profundum peccatorum peruenit contemnit, & Ose. 9. Profunde peccauerunt. Iuxta Babylonem lacus est bituminosus, proximum illi est antrum, vnde grauis

*Antrum ma-
xime pesti-
lens.*

& pestilens halitus erumpit, quem neque terrestria animalia, neque aves ferunt, olfactu enim exanimantur, desertus ab omnibus locus. Hoc modo etiam si ornata auro cubicula sint, cum in illis stupra, fornicationes, adulteria, incestus, conspirationes, hæreses ac alia huius modi scelera committuntur, appellari alio nomine non possunt, quam pestiferi, & lethales specus, non ab ipso loco ducta Metaphora,

*Cor hominis
est spelunca
fœtida.*

sed ab ipsius hominis corde, quod verticosi & latebrosi antri modo se habet. Hier. 17. Præuam enim & in-scrutabile est cor hominis. Propterea ab ipso, vt in ab im-mundissi-

mundissimo, latebrosissimo, pestilentissimoq; exhalationes mortifer æmanant, vti apertissimis verbis explicauit Dominus Mat. 15. *Quæ procedunt de ore, de corde exeunt, & ea coinquinant hominem, de corde enim exeunt cogitationes mala, homicidia, adulteria, fornicationes, falsa testimonia, blasphemia, quæ coinquinat animam.* Implenda igitur hæc est fouea, & exsicccandum in ea lutum ad præparandam viam Domino, implenda est puluere humilitatis, exsicccandus vero paludosus humor ariditate ieiunii. Hæserant olim in profundo peccatorum Niniuitæ.

Et caput Ionas introire in ciuitatem, itinere vnius diei, & clamauit, Ion. 4.

& dixit. Adhuc quadraginta dies sunt, & Ninive subuertetur. &c. Surrexit ipse Rex de solio suo, & abiicit vestimentum suum à se, & indutus est sacco, & sedit in cinere. &c. En quomodo implet foueam, & locum profundum peccatorum, sacco & cinere, exsiccat vero humorem lutosum inedia.

Et omnis mons & collis humiliabitur. Per montes & colles, *Mons significat superbos*

intelliguntur homines superbi. Primo, montes enim sunt tumidi. Mons quippe secundum Isidorum est, tumor terræ. Deut. 1. *Tumentes superbia ascendistis in montem.* Secundo, quia montes sunt elati, nam montes se in altum erigunt vnde dicuntur montes, quasi eminentes, sic superbi per elationem exurgunt in altum. Iob. 11. *Vir vanus in superbiam erigitur.* Tertiò. Quia montes sunt terreni, mons etiam pede terram tangit, sic superbi affectum suum solum in terrenis ponunt, sunt enim velut animæ pedes ipsius affectiones. Psal. 35. *Non veniat mihi pes superbia* Hierem. 13. *Nelite eluari, quia Dominus locutus, date Domino Deo vestro gloriam, antequam offendant pedes vestri ad montes caliginosos, expectabitis lucem, & ponet eam in umbrâ mortis & caliginem, quod si hoc non audieritis in abscondito plorabit anima vestra, à facie superbia.* Quartiò. Quia mon-

tes sunt nubium generatiui, & per consequens obscuratiui. Exo. 24. *Operuit nubes montem*, quasi enim nubes in montibus, sunt terrena desideria, & appetitus dominandi in superbiorum cordibus. *Quintò.* Quia montes sunt turbinum & ventorum, & fluminum plusquā valles passiui, ita superbi turbationes, percussiones violentas, & deiectiones frequentius patiuntur. Abac. 3. *Contriti sunt montes saculi*, Exod. 19. *Ceperunt audiri tonitrua ac micare fulmina, & nubes densissima operuit montem.* Sexto, quia montes sunt nimium diutius seruatiui, sic superbi sunt, niuis, id est frigoris malitiæ & peccati diutius retentiui. Vnde legitur Paralip. 11. ubi Banaias interfecit leonem tempore niuis. Leo significat superbum; quem tempore niuis, id est tempore malitiæ diabolus extinguit. Item superbientes de fortitudine corporis sui aut pulchritudine collibus allimilantur. Nam collis est tumor terræ brevis, sic breues dies hominis sunt. Fallax enim gratia, & vana est pulchritudo, mulier timens Deum ipsa laudabitur. Ergo montes & colles humiliamini, humiliamini inquam sub potenti manu Dei, nam certum est, nasciturum Dominum ad corda superbiorum nequam venturum. Isa. 17. *Hæc dicit excelsus & sublimis, habitans æternitatem, & sanctum nomen eius, in excelsis & in sancto habitans, & cum contrito, & humili spiritu, ut viuificet spiritum humilium, & viuificet cor contritorum.* Apparuit Dominus Abraham in conualle Mambre, per conuallem intelligimus locum humilem & depressum, quo significatur corde humilibus, & inflatione animi carentibus Deum apparere, & ad eos venire solere. Et erant praua in directa. Eccl. 2. *Diuerterunt in vias prauas.* & psal. 77. *Conuersi sunt in arcum prauum, prauæ viæ sunt peccata, quæ homi-*

*Ad solos hu-
miles Chri-
stus est ven-
turus.
Gen. 18.*

homibem Christianum per angustam portam in cœlum euntem, sua planitie auocant. Igitur generatio praua & exasperans, non adhæreat tibi cor prauum. Conuertere ad Dominum Deum tuum, & conuerte praua in directa. Qui per voluptates à Domino Deo tuo discessisti, reuertere per castigationes, & macerationes carnis tuæ? Qui per ebrietatem, & crapulam à diuino consortio exclusus es, per ieiunia, & sobrietatem reuertere. Qui desideria carnis sequendo à via cœli aberrasti, reuertere per gemitus & suspiria. Qui à Domino per luxuriam & fornicationem discessisti; reuertere per puritatem & castimoniam. Conuerte praua in directa. *Et aspera in vias planas.* Aspera designat opera scandalosa, nam cum auditur quispiam magni antea nominis fæda carnalitate pollutus, aspere nimis omnes hunc rumorem excipiunt, hinc D. Paulus admonet. *Ne ponatis offendiculum fratri, vel scandalum, nemini dantes ullam offensionem,* & Christus Dominus vehementer scandalosos terret. Mat. 18. *Va mundo à scandalis. Qui scandalizauerit unum de pusillis istis minimis qui in me credunt, expedit ei vt suspendatur mola asinaria in collo eius, & demergatur in profundum maris.* Qui igitur nefandis suis operibus, cæteris scandalo fuerunt, unusquisque eorum placeat in bonum, ad ædificationem. Qui antea sordēbat pessima fama peccati, omni ope studeat, vt de illo verba hæc vsurpari possint. 2. Cor. 2. *Christi bonus odor sumus Deo, in his qui salui sunt.* Si antea aliqui vestrum accusabantur. Nunc sitis sine querela, simplices filii Dei, sine reprehensione in medio nationis prauæ inter quos luceatis, sicut luminaria in mundo. Qui verò antea iracundi fuistis, & insolescentes, nunc modestia vestra sit nota omnibus hominibus. Et qui antea variis peccatis Deum offendebatis, &

*Qui offendit
Deū delecta
tione, debet
eum placare
carnis affli
ctione.*

Rom. 14.

Rom. 15.

Phil. 2.


1. Pet. 2.

Conclusio.

multis fuistis causa perditionis. Nunc *Conuersationem* vestram habentes bonam, ut in eo quod detractant de vobis, tanquam de malefactoribus, ex bonis operibus, vos considerantes glorificent Deum, in die visitationis. Igitur Auditores appropinquauit regnum cœlorum, Christus iam in foribus stat. Eia egredimini e speluncis, & e lacu tenebroso prodite in lucem, nam lumen venit in mundum, ut illuminaret omnem hominem, egredimini, & illuminabit vos. Christus, cur in his speluncis peccatorum detineri vos patimini? in quibus nulla pulchritudo, nulla iucunditas, nulla fœlicitas, sed vermes & compunctiones conscientiæ, stercora carnalitatatis, bufones, & serpentes malignitatis? Nolite obsecro vos magis diligere tenebras, quam lucem. Et vos superbi humiliare capita vestra, quis enim prima loca & cathedras supremas quæret audiens Christum, in præsepio reclinatum, in stabulo collocatum, de propria ciuitate eiectum? Quis luxu vestitum delectabitur, videns vnigenitum Dei filium, panis inuolutum? Quis se numerosa familia aulicorum cingi patietur: videns Regem cœli & terræ, inter duo bruta animalia in fœno iacentem? Quis oppipara comparabit conuiuia, videns & ecce ille paruo lacte pastus est, per quem nec ales esurit? Egredimini ergo filiæ Syon, de vestris pessimis consuetudinibus, & videte Regem vestrum, mansuetum, benignum, & humilem, & occurrentes ei, supplices petite ut velit ad corda vestra diuertere, nam hoc Rege præsentem omnium bonorum sufficiens copia adest, omnisq; inopia deest, quod ut consequi possitis, diuina vobis opituletur gratia.

AMEN.

ORA-



ORATIO ECCLESIASTICA

In Dominica infra Octauam Natiuitatis.

IN hac Concione quinque causas reperiri docetur, propter quas Christi Natiuitas summa admiratione est excipienda, & est Concio ad mouendum amoris affectum efficacissima.

*Summa Con-
cionis.*

Erant mirantes. Luc. 2.

IN morbis grauissimis medicos non esse negligendos, sacrarum literarum testimoniis concluditur. *Honora, inquit Ecclesiasticus, Medicum propter necessitatem, etenim illum creauit altissimus. A Deo est enim omnis medicina, & ibidem. 9. Altissimus creauit de terra medicamenta, & vir prudens non abhorrebit ea. At nihilominus, & si medicina iuxta verba Sacrae scripturae soleat esse hominibus salutaris, morboq; viribus debilitatis, eos pristinae restituat sanitati, accidit tamen frequenter, medicum homini ægroto, parum prodesse, immo aliquando obesse, neque hoc mirum, cuiquam fieri potest. Nulla enim res adeo bonitatis privilegio gaudet, vt omnibus adiumento, & non aliquibus summo incommodo sit. Quid sole pulchrius, vt ille iucundiusue, at tamen oculis ægris odiosa est lux quid melle dulcius? illud tamen si quis multum comederit,*

Eccl. 38.

*Nulla res a-
deo bona vt
omnibus sit
utilis.*

mederit.

mederit, maximos dolores stomachi experietur, quid salubrius vino? sed & hoc non modice sumptum, varias morborum species generat. Medicus erat Christus, mundusque totus magnis febribus tenebatur, vt Sanctus Augustinus testatur. *Magnus de celo aduenit medicus, quia magnus in terra iacebat egrotus*, Attamen legitur in Euangelio, hunc medicum aduenisse in multorum ruinam, & perniciem. O prodigium admirabile. Vnum eundemq; difficilem, & facilem, iucundum, & acerbum, Seruatorem, & vltorem &c. Verum quas ob causas quibusue hominibus hic medicus non est auxilium, sed potius perniciem allaturus, in sequentibus duabus Orationibus docebo, in hac prima Christi natiuitatem, propter quinque causas admirabilem esse ostendam. Fauente mente vestra, & aure.

Propositio.

A V E M A R I A.

*Christus Dominus Rex & pauper sū
mū reuera
miraculum.*

Erant mirantes. Stupendum certē, & omni admiratione celebrandum opus, Christum Dominum natum esse Regem, (ō rem stupendam) & omni paupertate circumdatum. Si es Rex, quomodo pauper? Si Dominus omnium, quomodo egenus? O miraculum omni stupore excipiendum. Regem esse Christum Dominum, quis dubitat? quippe gentes hæreditas eius, & possessio eius termini terræ. Regesque intelligere iubentur, vt seruiant ei cum timore; & exultent ei cum tremore. De illo quoque à Psalmita dictum esse, nemo est qui nesciat. Psal. 71. *Et dominabitur à mari vsq; ad mare, & à flumine vsq; ad terminos orbis terrarum. &c. & adorabunt eum omnes Reges terræ, & gentes seruiant*

nient ei. Pauperem verò esse Sacra Euangelii, docet lectio. Et reclinavit eum in præsepio, quia eis locus non erat in dixerforio. Vulpes habent foveas, & aves nidos, filius autem hominis non habuit, vbi reclinaret caput. Mirandum olim erat Darium Regem Persarum, summum in terris Monarcham, diuitiis, gloria, opibus clarissimum, in vili vehiculo positum videre, torque aureo ad maius ludibrium ligatum, ab omnibus desertum, solum vulneribus defossus decumbentem, & vt sibi aquæ frigida poculum offerretur, supplicentem spectare? Cum eius tam abiectam & postremam fortunam vidisset Alexander, lacrymarum vehementem vim effudit, & in voces lugubres prorupit, plurimum conquerens de fortunæ inclementia, quòd eum qui multis millibus exercituum auro & gemmis fulgentium cinctus incedebat, ab omnibus derelictum, & contemptum mori permetteret. Sed magis admirandum te Domine IESV, in præsepio collocari, & pannis inuolui, & in fæno positum iacere.

*Miserrima
conditio mo-
rientis Darii*

Tu dominaris notestati maris, & motum fluctuum eius tu mitigas. Tui sunt cæli & tua est terra, & plenitudinem eius tu fundasti, & talis tantusque Dominus in præsepio reclinaris? Cæli & terra obstupescite tantum prodigium. O Sol vidisti aliquando Regem in præsepio. Regem stabulo, Regem in fæno iacentem, si vidisti cur non obstupuisti: sed magis tibi obstupescendum est, cum eum sic videas in stabulo requiescentem, quem omnia astra ab æterno laudabant regnantem. Rex es bone Domine IESV. Nili id tua reuelante gratia sciré, nunquam profectò crederem. Si es Rex, vbi palatium Regium? Si es Rex, vbi multitudo aulicorum præsentium? cohortesq; militum? Si es Rex, vbi Regi

P

conue-

conueniens solium? Nihil ego circa te Regia dignum maiestate bone IESV video, sed loco Palatii stabulum, loco aulicorum consortium duorum animalium, loco diuitiarum telas arancarum omnes intuemur. O stupenda miracula. Vbi es Propheta Sancte, qui olim dixisti. *Vidi Dominum super solium excelsum?* hocine excelsum solium, durum praesepium? O vilem Regis nostri apparatus. Angeli Dei videtisne Regem vestrum cuius vestimenta nuditas, cuius famuli duo bruta animalia bos & asinus, cuius palatia stabulum, cuius deliciae frigus & durum praesepium? Videmus, respondent, & vehementi admiratione detinemur, tantam Regis nostri submissionem animaduertentes, ille enim cuius domus coelum Em-pyreum, cuius scabellum orbis terrarum, cuius res omnes serui sumus, sicut nouissimus virorum in loco illo in quo pecudes clauduntur requiescit, an hoc mirandum non est? Iterum ego te alloquor bone IESV, nam tantam tuam humilitatem, tantam paupertatem, tam abiectum & tam vilem in Rege amictum satis mirari nequeo. Rex es, vbi diadema Regium? Rex es, vbi sceptrum aureum? Rex es, vbi annulus Smaragdo, aut adamante insignitus? Rex es, vbi torques aurea? Rex es, vbi pretiosa monilia. O Regem nostrum valde mirabilem. Res certe mirabiles cunctis hominibus visa est, cum Rex Nabuchodonozor ex hominibus eiectus esset, & fenum vt bos comederet, & rore coeli corpus eius infectum esset, sed qui causam, quare sic punitus fuerit, nempe superbiam eius in Deum cognouerit, iure merito hæc illi euenisse affirmabit. At tu bone IESV, quando vel vnicum comisisti peccatum? quando præcep-

Dan. 4.
Rex Nabu-
chodonozor
inter bestias
eiectus.

pris

ptis Patris tui contraire tentasti? quando voluntati paternæ resistere præsumpsisti? & tamen eiectus es ex ciuitate Bethleem, inter belluas in fæno positus, omnem æris intemperiem sustinendo. O stupendum miraculum. Miserabilis sors Cyri fuit, cum natus subito eiectus fuisse legitur, sed repertus ad vbera canis, à Pastore in domum recipitur, & lacte humano educatur. At meus Dominus IESVS, in propria venit, & sui eum non receperunt, nullus eum in domum recepit, nullus inuitauit, necessaria nullus præbuit. Mirabilis igitur res est Christum Regem esse, eumque pauperem? Altera res, cuius ergo Christi Natiuitas admirabilis fuisse concluditur, nempe Christum natum esse diuitem, & nudum: si diues quomodo nudus? si abundans, quare vilibus pannis non tunicis auro intextis inuolutus? si omnium rerum abundantia repletus, quomodo in fæno & non in lecto, molliter strato iacet? Quod verò diuitiis abundet quis ignorat. Nam Domini est orbis terræ, & plenitudo eius, eius est aurum & argentum, vniuersique Reges & Principes eius esse subditi agnoscuntur. Ille est homo diues, qui habebat villicum. Ille est homo diues, qui fecit cænam magnam, & vocauit multos. Rex Saladinus iam iam, vitam cum morte commutaturus, vocatis ad se suis familiaribus præcepit eis, vt sine mora indusium quo ille indytus sepulchro esset includendus, per omnes Ciuitatis plateas portarent, voceque clara cunctis inculcarent, Regem Saladinum nihil aliud, præter illud vile indusium secum asportaturum. Simile quid Christum Dominum, his diebus fecisse in manifesto est. Adsunt enim Angeli, & Regem cœli in terra natum

*Cyrus post
natiuitatem
suam in syl-
uis expositus.*

*Altera causa
propter quã
Christi Na-
tiuitas est
mirabilis.*

annuntiantes inquit. *Hoc vobis erit signum, inuenietis infantem pannis inuolutum, ac si dicerent nuntiamus vobis Regem Regum, in carne humana apparuisse, sed nihil aliud secum, nisi viles pannos, & nuditatem attulisse.* Cum Iehu veniret in Israel, *Iezabel introitu eius audito, depinxit oculos eius stibio, & ornavit caput suum, & respexit per fenestram ingredientem Iehu, sed sine mora ad mandatum noui Regis præcipitata est deorsum, & equorum vngulæ conculcauerunt eam, dixerunt ergo prætereuntes, cum non inuenerunt nisi Caluariam, & pedes, & summas manus.* *Hiccine est ista Iezabel?* Non me abs re facturum existimo, si historiam hanc Christo Domino in mundum nato applicare voluero. Ille enim dum in sinu DEI Patris quiesceret, o quam iucundus, pulcher, & diues erat, hodie cœli fenestra in terram demissus, inter bruta animalia collocatus est. *Quē nos aspicientes magno cum affectu in hæc prorumpamus verba.* Hiccine est ille filius Dei vnigenitus? Hiccine est ille cuius regni non est finis? Hiccine est ille, in cuius regno sanitas est, sine infirmitate in regno mundi subiaccens infirmitate? Hiccine est ille, in cuius regno satietas est sine fame, in regno mundi paruo contentus lacte? Hiccine est, in cuius regno abundātia sine penuria, in regno mundi omni subiectus calamitati & miseriæ. &c. Gilimer Rex in Africa Vādalorum, diu fælix fuerat, opes terrasq; victoriis quæsierat: vertit se fortuna, & Belisarius a Iustiniano Imperatore missus cum exigua manu hominē euertit. Acie igitur victus fugit in Numidiæ excelsum mōtē Papum, atq; illic obsidone aliquādiu tolerata, desperās ad Pharā misit, qui mādato Belisarii obsidebat, actum super deditioe simulq; petitem, pa-

ncm

nem sibi mitti, spongiam & Cytharam. Panem fami-
 reuelandæ, spongiam siccandis oculis, cytharam le-
 niendo animo. Certè miserabilis huius Regis condi-
 tio erat, & omni compassione excipienda, sed tamen
 magis compatiendum Christo, qui sponte cœlestibus
 derelictis bonis nostro ductus amore, cum esset di-
 nes, factus est omnium miserrimus. Apud Cræsum e-
 rat Lydiæ diuitem illum Regem, qui Solonem comi-
 ter, vt peregrinum excipiens, & gazam omnem at-
 que opes ostentans. *Et quid vides ne? Habes hominem di-
 cere me hominem beatiorum?* Habeo inquit Solon, & Te-
 lum quendam hominem modicæ fortis, sed in ea qui-
 etum, nominauit: tum & duos alios qui vita bene a-
 cta essent defuncti. Risit Cræsus, & nos quo loco sumus?
*haud dixerim inquit Solon, nec fas beatum etiam censere, qui in his
 vitæ fluctibus iactatur.* Nonne tempestas interuenire potest, & turbo
 qui euerat? Nec sic hominem docuit, sed fecit mox
 Cyrus, nam ille acie victum, & vinctum rogo impo-
 suit exurendum, cum Cræsus clamare incapit. O So-
 lon. Miratus Cyrus rogari iubet. *Quem in extrema illa
 sorte hominum deorumue inuocaret?* dixit Solonem sibi in mente ef-
 se, qui sapienter monuisset, non fidere præsentî fortunæ, nec beatitu-
 dinem ante finem vindicare. *Risi inquit nunc probo.* Probauit
 & Cyrus, statimq; ad modestiam etiam ipse flexus,
 liberari Cræsum iussit, & in amicos transcripsit. Cy-
 rus Rex fortissimus, videns in rogo Cræsum combu-
 rendum, & audiens lugubrem vocem eius, miseri-
 cordia ductus, crudelem in eum animum mutat in
 benignum, & quem igne de medio tollere decreue-
 rat, eum libere dimissum in numerum amicorum re-
 cipit. Nos videntes Christum in præsepio duro ia-
 centem, & præ frigoris molestia lacrymantem, quo-
 modo

modo poterimus lacrymas continere? quomodo animaduertentes maximam eius egestatem siccis eum intuebimur oculis? quomodo scientes omnia incommoda omnesque calamitates eum amore nostro pati, non curabimus ei in cordibus nostris condignum præparare hospitium? Verè enim exinanivit seipsum formam serui accipiens, & in similitudinem hominum factus. Venit in mundum Dominus IESVS nudus, vt cunctis manifestum, & notum faceret se paratum proflire ad flagella, pro amore hominum subeunda, & ad cruciatus etiam maximos tolerandos. Venit nudus, vt eum indueret humanum genus, & redderet illi summum illud beneficium, quod tum exhibere dignatus est, cum primum Parentem nostrum, ex paradiso eiectum, pelliceis tunicis indutum dimitteret. Sed ò bone IESV, nulla tibi exhibebitur gratitudo, peccando in te homo, promeruerat, vt a dehiscente absorberetur terra, & tu tamen vestitum dimisit. Tu venisti nudus, vt saluetur perditus homo. Omnis spes in matre tua benignissima quam rogo, vt contegat nuda membra tua. Verè ergo res mirabilis, Christum Dominum diuitem esse & pauperem. *Tercia* Christi Domini Natiuitatis circumstantia animos nostros in maximam inducens admirationem hæc est. Christum Dominum esse magnum, & paruum, si magnus quomodo paruus? si paruus quomodo magnus? vtique *Magnus Dominus & laudabilis nimis, in ciuitate Dei nostri in monte sancto eius.* & Iob II. *Excelsior cælo est, quid facies? profundior inferno unde cognosces? longior terra mensura eius, & latior mari.* Tantus igitur tamque magnus Dominus, qui cælum & terram implet quomodo in sua Natiuitate paruus esse

Tercia causa propter quã Christi Natiuitas est admirabilis.

Psal. 47.

esse agnoscitur? & reclinavit eum in præsepium, quia illis locus non erat in duersorio, en cuius sedes cœlum erat, in mundo nascenti durum præsepium pro throno offertur? An non igitur parvus quem cum cœli & terra capere non possent, continuit præsepium? O quam dissimilis est iste thronus tuus Domine IESV, ab illo, quem se vidisse dilectus discipulus tuus profitetur. Et de throno procedebant fulgura, & voces, & tonitrua, & septem lampades ardentes ante thronum &c. Ad hæc quatuor animalia requiem non habebant, die ac nocte dicentia, Sanctus, Sanctus, &c. Adfuerunt & viginti quatuor senes circumamicti vestimentis albis, & in capitibus eorum coronæ aureæ. Sed ad hoc præsepium nulla audiuntur tonitrua, nulla conspiciuntur micare fulgura, nulla tremendæ Maiestatis tuæ Regiæ videntur indicia? nulla congregatio venerabilium Senum (vnico S. Ioseph excepto) ad thronum tuum procedit, sunt quidem ad præsepe duo animalia, sed & illa profundum tenent silentium. O admirabilem natiuitatem tuam bone IESV. Vbi primum Rex Salomon successionem hæreditaria regnum paternum obtinuit, fecit thronum de ebore grandem, & vestiuit eum auro fuluo nimis, qui habebat sex gradus & summus throni rotunda erat, in parte posteriore, & duæ manus hinc atq; inde tenentes sedile, & duo leones stabant iuxta manus singulas, & duodecim leuiculi stantes super sex gradus hinc atque inde. Non est factum tale opus in vniuersis regnis. Tu verò plusquam Salomon bone IESV, quare ergo ad regnum mundi veniens, pro palatio stabulum, pro throno præsepium eligis? hac in parte minor es, vt video Rege Salomone, talis enim sedes in vniuersis regnis, nulli vnquam ad sedendum posita fuisse legitur. Video bone Domine, te minoratum esse, paulo minus non solum ab Angelis, sed etiam ab hominibus.

Apoc. 4.

3. Reg. 10.

Christus paulo minoratus etiam ab hominibus.

*Christus etsi
puer sit natus
est tamē for-
tissimus dux
& hoc est mi-
rabile.*

etiam à filiis hominum? Valde igitur mirabilis es in hac stupenda natiuitate tua bone Domine. *Quarta*, circumstantia natiuitatem Christi, nobis admirandam faciens hæc est. Christum Dominum fortissimum esse zelotem, confringentem Cedros, & dæmones superantem, & puerilibus contectum membris in præsepio lachrymantem, si puer est, quomodo fortissimus Athleta nuncupabitur? si fortissimus Dux, quomodo in puero tanta fortitudo inesse credetur? Attendite. Nicephorus, Callistus, Suidas, Cedrenus referunt, tempore natiuitatis Christi, Apollinem Delphicum, qui sæpius oracula reddere solebat, tunc ab his responsis cessasse. Augustus Cæsar, qui tunc temporis Imperii Romani clauem tenebat, interrogauit ab ipso Apolline causam, cur ita à solitis abstineret responsis? Cui dæmon.

*Me puer Hebraus, diuos Deus ipse gubernans,
Cedere sede iubet, tristemq; redire sub orbem
Arx ergo dehinc tacitus abscedito nostris.*

*Dies Can. de
Plantis.*

Inquit Simon Maiolus. Memorant arborem esse, quæ Persis dicitur Hermopoli, quod est oppidum Thebaidis, cuius fructus, aut folium, aut particula aliqua corticis, ægrotis admota, morbos à compluribus depulerit. Nam traditum est Ioseph, cum propter Herodem assumptis secum Christo & Maria Sancta Deipara fugisset, venisse Hermopolim, atque simul vt portæ appropinquauit, istam arborem, licet plane maximam, aduentu Christi turbatam esse, atque ad solum vsque se inflexisse, & Christum adorasse, & subiicit. Verisimile est arborem illam quam incolæ propter magnitudinem & pulchritudinem vel potius in ea malum dæmonem lege gentilitia venerabantur,

bantur, ob Christum talium rerum euerforem qui eo in loco comparebat, dæmone perhorrescente, sua sponte commotam fuisse. Omnes etiam Ægyptiorum statuas adueniente tum Christo iuxta Prophetiam Esaia concussas legimus. O quam igitur puer hic fortis erat, ad cuius in mundo præsentiam omnis hostium multitudo terga vertere compulsæ est. Post nuptias Philippus per quietem visus est, coniugis alio insignem affixisse bullam, cuius sculptura quemadmodum is existimauerat, Leonis haberet imaginem. Quod vates ita sunt interpretati, ipsam quidem esse gravidam, animosum quoque, & Leonis naturæ præditum infantem parituram. Sed reuera, magis hoc Duci nostro ex V. B. M. genito conuenire quis non videt? quippe, *Vicit Leo de tribu Iuda. Quinta* Circumstantia admirabilem Christi natiuitatem reddens hæc est. Mirum certè est, Christum Dominum multorum beneficiorum generi humano collatorem ab omnibus contemptum. O summam ingratitude- nem? O scelus nefandissimum, mala pro bonis reddere. O qualis tuus Christe Iesv in hominem amor, ut homo patriæ cœlestis ingrederetur palatium, tu voluisti egredi in exilium, & pro tam insigni beneficio en quomodo tibi pessimus homo obtulit stabulum. O qualis erga nos æterni tui Patris bone Iesv dilectio, qua, ut seruos pristina libertate, & sanitate donaret, te filium suum vnigenitum tradidit, & homo ingratus pro tanta gratia, tibi durum præsepium dedit. Tu ut hominem diuitiis cœlestibus locupletem redderes in hanc lacrymarum, & miseriarum vallem descendisti: sed ab ingrato homine, non gratiam aliquam, sed barbaram in humanita-

Curtius li. v.

tem in te exhibitam vidisti? O admirabile natiuitatem tuam. Graue est Dominum à seruo & domo propria eici, grauius Patrem à filio, grauius Regē a subdito. Eiectus est Christus Dominus à seruis, Pater à filiis, Rex à subditis. O rem grauius. Molestum est peregrinum in hospitium non recipi, molestius Conciuem vel vicinum, molestissimum ipsum Patrem familias, à proprio arceri limine. Non est receptus Dominus Iesus, o rem molestissimam. Res est plena dolore, Regem à Palacio deturbari, quid ab omnibus contemni? sed hoc detestandum in stabulum relegari, relegatus Christus. O rem dolore plenissimam. Tu bone Domine, videns hominem cum hostibus immanissimis, & crudelissimis pugnantem, & in magno periculo periclitantem, in arenam descendis, & pro homine pugnans breue post tempus, es interficiendus, at homo ingratus te suum defensorem, protectorem, Ducem & Imperatorem contemnit, & domo expellit, nec debito honore praeuenit. O grauius scelus. Tu sciens ad salutem aegroti hominis necessarium esse, ut sanguinis tui lauacro recreetur, aduenisti de cœlo medicus, ut è tuis visceribus elicitem sanguinem, illi liberaliter offerres, at ingratus homo ad contegendam nuditatem tuam nihil benignissimæ Matri tuæ vult offerre. O rem molestissimam. Quid tibi tum animi fuit B.V.M. cum à ciuitate illa in stabulo filium paritura discederes? Credo ego benigna Domina, lacrymas vberrimas te profudisse, & tantam hominum ingratitudinem, & barbariem admiratam fuisse. Et te Domine mi alloquor, quid tum cogitasti, cum te in propria venientem, à seruis eiectum agnouisti? O miracula.

cula. O prodigia. Generationem tuam Domine, quis enarrabit? Mirabilis enim es in omnibus operibus tuis. Sed iam finis sit dicendi. Obsecramus te piissima Domina, intercede pro nobis, ne pro hac insigni ingratitude nostra, aliquod superucniens experiamur malum, sed ut potius lucente eius nobis gratia, quem tuis lactasti vberibus, cognoscentes hæc in nos collata beneficia, eum ex toto corde diligamus, nostramq; malitiam perspicientes, dolore vehementi compuncti doleamus, quod nobis prestare dignetur, filius tuus, cum Patre & Sancto spiritu, sine fine regnans.

A MEN.

SECUNDA ORATIO ECCLESIASTICA

In eadem Dominica.

Ecce hic posuit est in ruinam, & in resurrectionem multorum.

Lucæ 2.

*Summa Con-
cionis.*

Quibusnam Christus natus sit ad resurrectionem, singulari conceptuum varietate aperitur.

In regno Delii fertur esse arbor Baxana, adeo venenosis radicibus, ut statim perimant tangentes; verum illius fructus, cui nomen Nirabix, adeo salubris

Q2

bris est, vt huic veneno ac reliquis omnibus præsentaneum remedium sit. Mirum certe vnam eandemque arborem causam mortis salutisque materiã præbere. Hoc modo mirandum est Christum Dominum summam, & essentialẽ bonitatem, natum esse, quibusdam ad salutem consequendam, reliquis verò ad æternam damnationem incurrendam, quis enim credet ex vno eodemq; fonte riuos salubres alios, alios autem perniciosos fluere? sed antequam veniam ad demonstrandum, quibusnam Christus Dominus natus sit in resurrectionem, placet de quadam arbore, Lotos nuncupata mentionem facere. Est enim in Euphrate flumine hæc arbor huius proprietatis, vt vespere cum flore mergatur, vsque in medias noctes, totaque abeat in altum, vt ne demissa quidem manu possit inueniri: vertitur deinde paulatimque submergitur, & ad exortum solis emergit, exera aquam, ac florem patefacit, & adeo exurgit, vt plane ab aqua absit alte, similiter Christus Dominus cum venerint ad eum homines in tenebris ambulantes. *Via enim impiorum tenebrosa est?* subito florem bonitatis suæ claudit, & elongat se Dominus ab impiis. Qui verò in luce ambulant, & ad Dominum venientes afferunt in cordibus suis exortum sanctitatis lumen, his adest Dominus in solatium, in auxilium & in præmium. Sed hoc fusius in hac oratione audire licebit, cum illi quorum summo commodo Christi Natiuitas stetit à nobis in medium producti fuerint.

*Dies Can. de
Plan.*

*Plinius li. 13
cap. 18.*

A V E M A R I A .

Omibus illis qui Christum nascentem in hospitium cordis sui omni cum honore & reuerentia

rece-

receperunt lux orta est, magnaue ex natiuitate eius prolluxit natiuitas, idque ita esse S. Ioanne Evangelista affirmante discimus. Ioan. 1. *In propria venit, & suum non receperunt, quotquot autem receperunt eum dedit eis potestatem filios Dei fieri.* Ecce quam ingens Natiuitatis Christi commodum. In Ombrio Insula, quam e ferro nuncupant nouo nomine, nullum prorsus aquæ genus existeret, cum nec scaturigines, puteiue ulli sint, neque vnquam ibi pluere, sic nec in Ægypto multi referunt at Dei beneficentia, ab arbore aquarum scaturiginem excitat quotidie summo crepusculo. Exsudat enim plurimo quasi rore arbor illa, a stipite, tum a ramis ac foliis non aliter atque si nebula in aquas solueretur: ubi sol irradiauerit, soluta prorsus circa arborem nebula desinit aquarum distillatio: profluit tamen illo modico crepusculi interuallo, tanta aquarum copia, quæ incolis & iumentis superfit, estque vehementer salubris. Per integrum Aduentus Domini spatium supplices in cælum clamabamus. *Reate cæli desuper, & nubes pluant iustum, &c.* & ecce descendit Dominus in carne humana, sicut pluuia in vellus, rupti sunt omnes fontes abyssi diuinæ misericordiæ, & cataractæ cæli apertæ sunt, & facta est pluuia diuinarum gratiarum super terram vberima, sed quemadmodum illa arbor in Ombrio Insula, illis solis refrigerium afferebat, qui ad aquam ex frondibus eius manantem hauriendam confluebant, sic qui ad hunc cœlestem rorem colligendum, & in cordib⁹ suis conseruandum Christum, inquam natum concurrunt, summam inde capiunt vtilitatem, secus si non adsunt, steriles manent, pluit quidem cælum, sed terra illa non germinabit Salvatore, nec dabit

*Qui Christum
Domini re-
ceperunt, eis
natus est in
salutem.*

Q

fructum

3. Reg. ca.
17.

4. Reg. c. 4

Martinus
Cromerus de
rebus Polo-
norum lib. 3.

fructum suum, etsi Dominus nascendo dederit benignitatem. Fælix qui Christum natum in pectore tenet. Suscepit olim pauper vidua in domum suam. Eliam virum sanctum Prophetam Domini, & ex illa die *hydria farina non defecit, & lecythus olei non est imminutus*, agro tauit quoque filius mulieris illius, & erat languor fortissimus, ita vt non remaneret in eo halitus, sed ad orationem Eliæ, reuersa est anima pueri intra eum, & reuixit. Elizeo etiam in domo sua mulier Sunamitis cum viro suo fecerat cænaculum paruum, vt cum venisset ad illam ciuitatem maneret ibi, & ecce cum esset sterilis dicit illi vir Dei. *In tempore isto in hac eadem hora, si vita comes fuerit habebis in vtero filium*, qui postea cum mortuus esset, & anima matris summa amaritudine opprimeretur, ad vitam reuocatum puerum reddidit matri suæ. Quod si serui Domini nostri tam liberales erga eos, à quibus recepti in domum fuerant exstiterent, quid de ipso loquar Domino? si talia beneficia conferre potuerunt serui, qualia ipse poterit exhibere Dominus? iterum atque iterum fælix terque quaterque beatus, qui Dominum nascentem recipere in domum cordis sui studuit, nā hæc eius erga Christum humanitas, tanquam erga liberalissimum exhibita Dominum sine dubio multa illi peperit bona. Consuetudo enim est, dum aliquis in domum benigne recipitur, gratitudinis gratia, Paterfamilias ab illo muneribus cumulatur. Otto Rufus tertius eius nominis Imperator Romanorum, cum permagno & splendido comitatu pacatus in Poloniam ad sepulchrum S. Adalberti venit. Acceptus est à Boleslao Principe Polonorum, habitusque vna cum suis omnibus plusquam regali magnificentia, &

tia, & liberalitate, & cum aliis amplissimis donis, tum abaco & instrumento mensæ omni aureo, & argenteo, quod triduo novum semper promebatur, aulæisque & vestibis pretiosis donatus. Volens autem tam splendido hospiti, & amico Principi parem referre gratiam, collocutus cum consilio, quod secum in comitatu habebat, Regem appellat, sociumque & amicum Romanorum Imperii: à tributo & omni Iurisdictione Imperatorum immunem. Ac diadema suum Gaudentio Archiepiscopo solemnes caeremonias peragente ipsi imponit: eumque honorem sempiternum, ipsi & posteris ipsius in Polonia regnaturis esse iubet. His adiungit hospitale munus: vnum de clavis quibus Christus Dominus & Deus noster cruci affixus esse dicitur: & lanceam D. Mauricii, quæ in Basilica Cracoviensi, ubi sedes est Episcopi, adhuc visuntur. Certè Imperator terrenus maxima gratitudinis benevolentia omnem humanitatem Principi nostro reddidit, quid de Imperatore cœlesti, qui & benignior, liberalior, munificentior, ditior, omnibus terrenis Monarchis prædicatur, existimandum est? an non ille maiora dona illis qui eum recipiunt exhibet? & ita rem se habere omnidubietatis scrupulo postposito credendum est. Placet ex eodem authore aliud rei nostræ conveniens proferre exemplum. Extincto Popielo vel potius à muribus deuorato, cum vxore & liberis, convenit magna Procerum multitudo Crusuiciam, ad creandum novum Principem. Erat autem Crusuiciæ oppidanus Piaustus nomine, statura infra mediocrem, crassis atque robustis artubus, mediam ætatem supergressus, agello modico colendo, & mellificio vitam

*Idem author
lib. 2.*

*Piaſti genus
humile & cō-
ditio poſtre-
ma.*

*Beneficentia
& humani-
tatis remune-
ratio.*

tam ſuſtentans, homo ſimplex & iuſtus, & beneficus tamen in egenos, atque hoſpitalis pro modo facultatum ſuarum. Is ex vxore à ſuis moribus non aliena, vnicum filium ſuſceperat, cui primam comam gentili ritu tonſurus, & nomen impoſiturus, amicos ad eam cæremoniam atque conuiuium, porco mactato, & aquæ mulſæ vaſe infuſo inuitarat. Priuſquā ſtata dies adeſſet, fortē obtulerunt ſeſe ignoti duo homines habitu peregrino: quos ille cum regia excluderentur, comiter inuitatos, hilare domum ſuam introduxit: inſtruxit menſam, appoſuit affatim ex his quæ ad futurum conuiuium præparauerat. Ibi res mira & ſtupenda accidit. Accreuit porcina, redundauit ex vaſe mulſa: excepit Piaſtus vaſis, admonitu hoſpitum conquiſitis. Iiſdemque authoribus non ciues modo, verum etiam Procereſ ipſos cum omni comitatu deſtinato conuiuium accepit. Eiſdem igitur hoſpitibus ſub tempus comitiorum venientibus, & iubentibus, Piaſtus ex tenui pœnu cellaque ſua conuentum illum omnem penuria laborātem, augeſcente rerum earum quæ promebantur copia refecit. Quo miraculo animaduerſo vulgatoq; , vna voce omnes Piaſtum non humanis ſuffragiis, ſed diuino iudicio Principem ſibi dari conclamant. Fit domum eius concurſus orantium, & obſecrantium, labenti Reipub. vt ſuccurrat. Recuſat ille. Tandem hoſpitibus illis ſuis authoribus aſſenſus, ita vt erat veſte & peronibus ex tilia cortice textis indutus in regiam à Primoribus deducitur. Hoſpites illi perfuncti officio ſuo diſparuerunt. Exiſtimantur autem hi fuiſſe Angeli Dei, beneficentiam & hoſpitalitatem etiam in alieno à vera religione remunerantis. Neq;

id ma-

id magnopere mirabitur quisquis de Abimelech Rege in Genesi, ac de Cornelio Centurione in actis Apostolorum, non omnino dissimilia legerit. Alii volunt eos Ioannem & Paulum, quos Iulianus Imperator ob Christi nomen, & magnas facultates, in usus egentium expensas, antea necauerat, fuisse: itaque percontanti Piaſto nomina sua edidiſſe. Haſtenus Cromerus. Semper Deus liberalis beneficentiae & humanitatis remunerator fuit, ac proinde qui erga ipſum aliquod humanitatis genus, recipiendo eum in cor ſuum, exhibuit, multis beneficiis ab illo ditatus & beatificatus remanſit. Fuere etiam Paſtores, quibus natiuitas Chriſti magno ſolatio & ingenti gaudio, immo etiam maximo commodo fuit. Luc. 2. Et Paſtores erant in regione eadem vigilantes, &c. & ecce Angelus Domini ſtetit iuxta illos, & claritas Dei circumfulſit illos, & timuerunt timore magno. Et dixit illis Angelus, nolite timere, ecce enim euangelizo vobis gaudium magnum, quod erit omni populo, quia natus eſt vobis Saluator, qui eſt Chriſtus Dominus in ciuitate David. Et hoc vobis ſignum, inuenietis infantem pannis inuolutum, & poſitum in praſepio. Paſtorum genus vt omnibus compertum eſt, eſt genus hominum abiectum & humile: ſuperbis enim & qui alta ſupra ſe ſapiunt nequaquam Chriſti natiuitas fructuoſa & vtilis erit, ſed illis tantum qui ſe humilitatis ergo etiam pecoribus comparare non audent. Qui igitur æſtuant deſiderio percipiendi aliquos ex natiuitate Chriſti fructus, ſint de ſorte paſtorum, neq; in mirabilibus ſupra ſe ambulare præſumant. Hinc Ioseph Patriarcha, totius Aegypti magnus Gubernator, Regi Pharaoni Patre ſuum iam ſenectute bona præditum & fratres ſuos præſentaturus ſic illos allocutus eſt. Cumque vocauerit vos Rex: & dixerit

R

quod

Paſtoribus
& non Principibus Chriſti natiuitas
fuit reuelata

Gen. 57.
Terra Gessen
fertur esse
fertilissima.

quod est opus vestrum : respondebitis. Viri pastores sumus serui tui, ab infantia nostra usque in præsens, & nos & Patres nostri. Hac autem dicetis ut habitare possitis in terra Gessen, quæ fuit omnium fertilissima. Hoc modo si quis vestrum ardeat cupiditate, copiosissimas diuinæ gratiæ ex natiuitate Christi, profluentes consequendi facultates, veniat in conspectum Domini abiecto humilitatis amictu indutus, nam & dauid de post fatantes acceptus est, pascere Israel gregem Dei, & Moyses dum pasceret oues, eligitur in ducem magnum, & legislatorem clarissimum. Natus est igitur Christus Dominus ea intentione ut deponat potentes de sede, & exaltet humiles. Plane memoratu dignum est, quod de Rege Bohemiæ Pribislao Krantzio scriptor fide dignus refert, quomodo ignobili & obscuro homini Principatum detulerit Deus. Bohemis imperabat Libussa vnica Regis filia, quæ moriente Patre, virgo cepit administrare paternam ditionem, tam prudenter, ut Rex diu nullus desideraretur in ea gente. Ita circumspexit omnia, ita iustitia insignis erat, ut nemo sub illa quereretur se suo destitutum : adeo scelerum vltrix, ut impune nemo peccaret. Mansissent Proceres sub fæmina longius : sed mortalem prospicientes, semen Regium ex illa desiderare videbantur. Dum taménemo audet interpellare super ea re fæminam, sumpsere audaciam nonnulli ex maioribus, ut voluntatem Procerum, & totius populi consensum atque desiderium explicarent. Illa toruo primum vultu intuea referentes. Quid est inquit, quod vobis desit in hoc rerum statu, ut Regem desideretis ? At illi. Nihil si te immortalem haberemus, nunc quoniam communi omnes sorte sumus destituri, cum te carere iam debeamus, semen ex te Regium mitigaret populi

puli desiderium, & ingentem nominis tui affectum. Dissimulabat aliquandiu casta mulier populi de se desiderium, tam illam delectabat thorus sine socio, tam cœlibatus illi inhærebat. Sed cum illi finem non facerent, illa oraculo communita, iussit ornari candidum gradarium equum, cui proficiscens insidere solebat. Illum sequi præcuntem Proceres iubet, & apud quæ is consisteret quiescens, qui de ferrea mensa cibum caperet, Regem mox consalutarent, nam illum dignaretur thoro maritum, quem fata iumento imperantia monstrarent. Sedulo implent quod iusserat Regina, sternunt iumentum, & permissio illi fræno liberum sinunt præire. Illi porro sequuntur, observantes quo vadat. Abibat in agros viam non parvam, nec per solita gradiebatur itinera: sed compedia quærere visum, ibat in directum per nemora, per dumeta, per agros, donec ipsa iam meridie deprehenderet hominem labore fessum, se ad refectiorem in agro quem arauerat reponentem, Verterat aratrum, & ferrum ex sulco attrito splendescens in planiciem positum pro mensa habebat. Cum hominem cerneret iumentum, ecce stetit immobile, nusquam diuertens aut circumspiciens. Aderant dicti Primores qui id observabant, ubi vident hominem aratri ferro vti prodisco, recolunt quid de ferrea mensa illis Regina mandasset observandum. Voto se positos interpretantur, & gaudent. Mox sciscitantur de nomine. Pribislao inquit *nomen mihi est.* Illi vero. *Surge protinus, & conscende stratum tibi iumentum,* pertrahuntque ad Reginam insinuantes quid repererint. Illa facto monstratum virum complectitur, & pro regia dignitate suis nudatum vestibus ornat, & thoro digna

*Iumentum
procedit Re-
gem monstra-
turum.*

tur. Sic sic o auditores, ab aratro & pecoribus euehit, ad solium Regiæ dignitatis humiles Deus. *Præterea* Regibus illoge venientibus magno cum illorum gaudio Christi natiuitas reuelata fuit. Reges hi à longe venientes, designant homines illos, qui tumetes superbia, & propria excellentia sicut diademate regio insigniti, per varia crimina in regionem longinquam à Deo alienati miseram ducunt vitam Apo. 18. *Cecidit Babylon magna cum qua fornicati sunt Reges terræ, recte per hos Reges peccatores, & omnes qui inique agunt intelligendos esse censeo, reges enim sunt, nam legibus diuinis subiacerere nolunt, reges sunt, nam erecta ceruice, & elatis superciliis, pomposo gressu & splendido vestitu, cæteris antecellere nituntur, Reges sunt, quippe Dei vicariis obloquuntur, resistunt, nec illos debito honore præuenire dignantur. Præclare de his Psalmista. Astiterunt Reges terræ, & Principes conuerunt in unum aduersus Dominum, & aduersus Christum eius. Dirumpamus vincula eorum, & proiciamus à nobis iugum ipsorum. Sunt autem omnes peccatores à Domino Deo, immenso locorum interuallo disiuncti, quippe. Longe*

Psal. 2. *Dominus ab impiis, & Isai. 46. Audite me duro corde, qui longe estis à iustitia.* Hi omnes si ad Christum natum submissa humilitate induti, aurum ignitæ charitatis erga illum toties à se offensum, & myrrham, castigationes videlicet & macerationes luxuriosæ carnis, Orationesq; feruētissimas sicut incensum in conspectu Domini offerentes venerint, magnam ex natiuitate Domini percipient vtilitatem, & reuertentur per aliam viam in regionem proximam Deo, miserebiturque eorum Deus, & in gratiam suam receptis magna donorum cælestium bona conferre illis dignabitur, est enim

enim hoc cunctis notum ipsa experientia magistra,
 vidum aliquis supplex cum lacrymis, (qui antea
 magnus esse ferebatur) ad pedes etiam maximi &
 potentissimi Monarchæ procidit, mirum in modum
 commoueantur viscera Principis, hinc facile etiam
 hosti condonat veniam, subitoque in terra iacentem
 erigere mandat, & quid velit benigne interrogat.
Videns Iudith Holofernem, sedentem in Conopeo, quod erat ex purpu-
ra & bysso, & auro & Smaragdo, & lapidibus pretiosis intextum,
& cum in faciem eius intendisset, adoravit eum prosternens se super
terram, & eleuauerunt eam serui Holofernii iubente Domino suo.
 Simile quid de Ester Regina legitur, quæ vehemen-
 ter territa terribili aspectu Regis Asueri corruit in
 terram, & Rex exiliuit de solio, & sustentans eam voluit suis
 donec rediret ad se, his verbis blandiebatur. *Ego sum frater tuus noli*
timere Ester. Venite peccatores adorate Regem na-
tum, & procidentes ingenua plorate ante eum, quo-
niam ipse fecit nos, & ipse est Deus noster, & nos o-
mnnes oues pascuæ eius, quod cum feceritis hac ve-
stra submissione vehementer commotus, sua dextera
vos à terra eleuans benignissimis verbis alloquetur
Nolite timere. Ego sum frater vester. En ego caro
de carne vestra, & os de ossibus vestris. Sisygambis
mater Darii captiua in castris Alexandri, aduoluta
est pedibus regis, &c. quam manu alleuans Rex.
 Non errasti inquit mater. *Insuper hominibus quibus-*
dam in senili ætate constitutis Christi natiuitatem,
magno commodo, & solatio fuisse docet S. Lucas de
Simeone sene hæc subnectens verba. Homo iste iustus
& timoratus, & spiritus sanctus erat in eo. Et erat Anna Prophetissa,
hæc processerat in diebus multis, & vixerat cum viro suo annis se-
ptem, & hæc vidua usque ad annos octoginta quatuor, quæ non di-
scedebat

Iudith 10

Ester 15.

Curtius li. 3.

Luc. 2.

*Nulla femi-
na vaga, a-
liquam ex
natiuitate
Christi capit
utilitatem.*

sedebat de templo, ieiuniis & obsecrationibus seruans nocte ac die. Simeon dicitur fuisse iustus & timoratus, & propterea viso nato Christo magna S. Spiritus dulcedine & consolatione repletus, ergo iniquus, peccator, seditiosus, gulosus, inuidus, auarus, pertinax, ebriosus nullam recipient à Christo Domino utilitatem. Anna quoque in templo orationibus ad Deum fundendis semper addicta, diuinisque officiis intenta manebat, ergo illa quæ per plateas vagatur, & de fenestris otiosa, iuuenes & aulicos nequissimo oculo speculatur, nihil in natiuitate Christi lucratur. Clamat Isaias. 56. Custodite iudicium & facite iustitiam, quia iuxta est salus mea vt veniat. Ioann. 2. Omnis qui facit iustitiam ex Deo est. Qui caste & pie viuunt, sunt tabernaculum Spiritus Sancti. Omnem ergo mouete lapidem, vt recipiatis Christum natum in corda vestra, expulsa inde omni superbia, nequitia, & auaritia, & introducta humilitate, sanctitate & castitate, & cum tale tabernaculum Christo in cordibus vestris feceritis veniet ille, & mansionem apud vos faciet, & cum defeceritis recipiet vos in tabernacula sua. Fiat fiat.

AMEN.



ORA.



ORATIO ECCLESIASTICA

In Dominica I. post Epiphaniam.

Christum remansisti in templo, multas ob causas, *Summa Con-*
maxime tamen propter hanc, vt homines à bac- *cionis.*
chanaliis reuocaret, & exemplo suo ad templa vi-
sitanda adduceret.

Remansit puer Iesus in Hierusalem, & cognouerunt parentes eius.
Lucæ 2.

REX Antiochus superbia supra modum elatus,
decreuerat in animo suo, gentem Iudaicā ad
cultum Idololatriæ, omni via, & modo indu- *Machab. 10*
cere, inuenti sunt multi qui illi manus vltra dede- *cap. 2.*
runt impiis eius conatibus resistere recusantes, &
fortassis omnes illius erroris caligo facile obumbras-
set, si Dominus non excisset ad defendendum hono-
rem suum, quendam virum nomine Mathathiam, qui
virum quem Rex miserat, vt cogeret immolare, oc-
cidit, & aram destruxit. *Et exclamauit voce magna in ci-*
uitate dicens. Omnis qui zelum habet legis, statuens testamentum e-
xeat post me &c. Tunc descenderunt multi quærentes iudicium, &
iustitiam in desertum &c. Hoc toto tempore Bacchanali-
orum impius Rex supra omnes filios superbiæ, omnes *Diabolus est*
hominum status ad illicita quæque nititur inducere, *Rex supra o*
& (proh dolor) inueniuntur multi, qui eius peruer- *mnes filios*
læ & superbia.

*Christus in
templo ma-
net, ut om-
nes ad templū
conuocet.*

sa & iniqua voluntati morem gerunt, omnibus quæ persuadet assentientes. Ne igitur omnes semitas e- iusteneatis, & omni luxuriæ habenas laxetis pro- ponitur vobis exemplum, Christi Domini, in tem- plo remanentis, vt sequamini vestigia eius. Olim A- lexander cum milites eius asperum montis verticē, eò quod difficilis ad eum aditus esset, conscendere recusarent, ipse solus montem conscendit, & cum a- mici Regem iam ad verticem montis appropinquā- tem intuerentur, viam eandem arripuere, quos o- mnis exercitus secutus montem facili negotio supe- rauerunt. Multi hoc tempore templa adire, diuinis officiis attendere, concioni audiendæ adesse, graue existimant, & suis humeris onus intolerabile por- tandum conqueruntur, idcirco Christus in templo proponitur imitandus, vt exemplo eius, ab omni- bus illicitis abstineatis. Sed potius Baccho contem- pto diuinis officiis attendatis.

A V E M A R I A.

*Ducis mili-
res tenentur
obedire & e-
ius exemplū
sequi.*

NEminem id præterire existimo Christum Domi- num, Ducis officio functum fuisse, cum inter ho- mines mortali subiaceret vitæ. Id enim manifeste di- uinarum literarum monumenta testantur. Isa. 55. *Ec- ce testem in populis dedi eum, Ducem ac præceptorem gentibus.* Mat. 2. *Et tu Bethleem terra Iuda, nequaquam minima es in principibus Iuda, ex te enim exiet dux, qui regat populum meum Israel.* Igi- tur quidquid Dux militibus suis obseruandum exem- plo, seu etiam verbo inculcat, illud exercitus stre- nue absq; mora executioni mandare tenetur. Chri- stus Dominus Dux noster, in ipso iuuentutis flore. cum po-

cum potissimum otiositati iuuentus indulget, tēplum Dei ingreditur, omnibusque postpositis toto pectore diuinis officiis incumbit. Nos igitur qui sub eius vexillo, & eius auspiciis militamus, sequamur Duce[m] nostrum. Dux noster in Ecclesia diuinis officiis occupatur, vos in tabernis poculis exhauriendis & choreis ducendis detineri vos patiemini? *Arca Dei* inquit *Præas, & Israel & Iuda, habitant in papilionibus, & dominus meus Ioab, & serui Domini super faciem terræ manent, & ego ingrediar domum meam, ut comedam, & bibam, & dormiam cum uxore mea, per salutem tuam, & per salutem animæ meæ, non faciam rem hanc.* Hoc modo vobis circuienti diabolo, & persuadenti, vt hoc tempore in domibus vestris maneat, genio indulgeatis, voluptatibus diffuatis, respondendum est. Dux noster Christus Iē[s]us in Ecclesia remanet, nos milites eius per tabernas discurrere, non esse rationi consentaneum, nemo ignorat. Dux noster diuinis attentum animum implicat officiis, ergo iustum est, vt iisdē, & nos corda nostra consecrare studeamus. Dux noster imbuendis salutari doctrina, hominum ingeniis inuigilat. Nos iocis, comestationibus, epulis exemplo eius prorsus renunciamus. *Dixit Rex David ad Ethai Geihæum. Cur venis nobiscum reuertere, & habita cum Rege. &c. Et respondit Ethai Regi*

2. Reg. II.

2. Reg. c.

15.

*Virtus, etiā a
pud hostes
barbaros in
admiratione
est.*

consilium nosset, descendens de equo, mox iussit apparari mensam, promi vasa, cibum & potum, & allicere reliquos ad mensam. Equitibus propius accedentibus interpretem indicare iussit, videri illos sibi homines militares, se quoque esse militem, eaque de causa suscepisse hanc profectionem, ut qualenam genus militiæ in terris illis esset, cognoscere posset, rogat præterea, ut de equis descendant, & secum prandeant. Equidem isti admiratione humanitatis, & virtutis capti, morem gerunt Sanseuerino, prandent, colloquuntur de rebus militaribus, & formis stratagematum & bellorum. A prandio iubet Princeps promi munera, bombardas, gladios & pocula, quæ inter eos distribuit, atque ita incolumis discedit. Arabes illi cum maiori turba reuertuntur, & Sanseuerinum captiuum cum suis abducunt, & in arce quadam honorifice & liberaliter excipiunt, & tractant, & post aliquot dies saluum & incolumem, cum toto comitatu deducunt, præbentque se defensores, & monstratores viæ. Multi hoc tempore morum relatorum, & quasi effuso cursu, ad omnia vitiorum genera perpetranda properare videntur, quibus ut aliqua impedimenta obiciat Christus, proponit in Ecclesia mensam ferculis diuinæ sapientiæ, & subtilissimæ disputationis refertam, rogatque ut potius secum in Ecclesia diuini verbi solido cibo repleari, quam more malorum per tabernas vagari, & panem mendacii desiderare velint, utinam omnes descendant de equis, nolintque esse, sicut mulus & equus, quibus non est intellectus, & mensæ Christi potius quam mensæ dæmoniorum accumbant. Olim duces variis stratagematum generibus milites ad
forti-

fortiter pugnandum inducere conati sunt, at nullus efficacius quam ille qui primus in hostem irruit. Non erit auribus vestris, ut opinor molestum, si id quod dixi exemplis pulcherrimis illustrare voluero. Annibal cum Romanis ad cannas congressurus, paulo ante pugnam, cum ascendisset tumulum paulo editiorem, e quo & multitudinem intuerentur Romanorum & ordines, quippe illi astant Gisco, qui quasi obstupefactus, cum dixisset, mirari tantam se multitudinem: tum ipse, qui obstupefactum illum de numero intelligeret, ne qui adessent simili terrore caperentur, conuersus ad eum, contracta admodum fronte: quanto magis inquit mirum tibi videatur Gisco, illud si cogitaueris, in tanta illa hominum multitudine, qui Gisco appellatur omnino esse neminem. Quod dictum cum statim inter acies emanasset, ad risumque conuerterentur omnes, eam vim habuit, ut singuli existimarent iis dictis propterea iocari Annibalem, quod de Romano exercitu putaret iam actum. Effecit igitur maxime cautus Imperator ac prudens ex hoc dicto, milites ad capeffendam pugnam, tum promptiores detractato metu, tum de victoria pene certos, qui viderent tanto in discrimine Imperatorem suum iocari. Sunt alia quam plurima Ducum stratagemata, quibus illi ad concitandos in pugnam milites vsi fuisse memorantur, quæ de industria ne aliquod fastidium legentibus pariam prætermittenda duxi. Hoc ut dixi plurimum valet, ad confortandos in bello milites, dum ipse Imperator, hostem in acie fortiter impugnat, quemadmodum refertur de Sylla, qui copias suas à Mithridate repressas, à fuga reuocauit his verbis, omni memoria di-

*Maiolus de
bellorum e-
uentibus.*

*Vide Curtiū
lib. 9. pag.
315.*

*Ad exemplū
Regis totus
componitur
orbis.*

gnissimis. Eia inquit, abite mei milites, ego quidem maneo, vt honeste vitam profundam: macti virtute estis, abite quo placet. At rogati dehinc, vbi Dux vester hæreat. Mementote quæso respondere, ab ipso Orcomeni relicto vos decessisse. Tantos autem stimulos omnium animis his verbis iniecit, vt à fuga pede reuocato, audentius in hostem nonnisi parta victoria irent. Non dissimilem de magno Alexandro totius orbis victore subnectam narrationem. Rex Alexander ad oppidum Oxydracarum ad moueri iubet scalas, cunctantibusq; cæteris euadit in murum, ibi rem ausus incredibilem atque inauditam, multoque magis ad famam temeritatis, quam gloriam insignem. Namque in urbem hostium plenam præcipiti saltu semetipsum immisit &c. Inter hæc ad Macedones Regem cecidisse perlata est fama, qui periculi omnis immemores, dolabris perfregere murum, & quam moliti erant aditum irrupere in urbem. Indosque plures fugientes, quam congregi ausos ceciderunt, non senibus, non fæminis, non infantibus parcitur. Causa tantæ fortitudinis militum, non alia nisi fortissimi Regis exemplum, qui illis cunctantibus primus mœnia conscendit. nam author subiicit. Nec subire milites poterant, quia superne vi telorum obuebantur. Tandem magnitudinem periculi pudor vicit, quippe cernebant cunctatione sua dedi hostibus Regem; Igitur Alexander, volens milites intra mœnia ciuitatis inducere, primus de mœnibus saltu se demisit, quem cum iam in ciuitate hostium esse fama diuulgaret, absque mora milites Regem se qui conabantur. Rex noster Christus Dominus, volens Christianos in Ecclesia diuino cultui incumbere, re,

re, remansit ipse in templo, ne vos milites eius maneat in tabernis, remansit inter doctores, ne vos sedeatis inter latrones, remansit ad instituendas disputationes, vt afferatis de ore vestro vanas, obtrectatorias, lasciuas colloctiones, remansit immemor materni doloris, vt vos exemplo eius, etiam cum offensa sociorum ad templum veniatis, remansit in paupertate, vt vos auocaret à voluptate. Non igitur decet sub capite afflicto, molliter & delicatè viuere membra, nec Duce posito in angustiis, milites vano gaudio diffuere, & hæc est prima causa propter quam remansit in templo puer Iesus. *Aliera causa hæc est.* Vt exemplo suo insinuaret, à teneris annis diuino cultui mancipandos esse homines, iuxta doctrinam Eccl: 11. *In bono sit cor tuum in diebus iuuentutis tue.* & 12. *Memento creatoris tui in diebus iuuentutis tue.* Iustum autem est, & æquitati correspondens, florem iuuentutis, nulli alteri, nisi Domino Deo consecrandum, decet enim iure diuino id hominibus inculcāte, primitias soli Deo, offerendas. Exo. 22. *Decimas & primitias tuas non tardabis reldere, primogenitum filiorum tuorum dabis mihi.* Hier. 2. *Sanctus Israel Domino, primitia frugum eius.* Quemadmodum vernum tempus hominibus periuicundum est, illudque adueniens magna omnes cum lætitia excipiunt, & eo durante in campos, & viri-

*A iuuentute
Deo seruien-
dum.*

*Eccl. 11.
& 12.*

*Vernum tem-
pus per quā
iucundum
cunctis.*

*Iuuentus
quasi ver.*

*Paterfam-
lias operari-
os eligit iu-
venes ad labo-
randum pro-
ptos.*

*Milites senio-
confecti raro
visi in ca-
stris fortiter
pugnantes.*

rima induunt folia, at in æstate propter nimium so-
lis ardorem vmbrosas quærunt homines latebras, in
autumno verò propter molestiam aduenientis frigo-
ris, clauduntur in domibus. Simili ratione iuuentus
Deo Omnipotenti gratissima, tunc enim ad viridan-
tes virtutum flores sæliciter producendos anima est
flexibilis, tunc ad plantandos cœlestium bonorum
palmites, tempus aptum & idoneum, sed in virili æ-
tate, ardor libidinis feruescit, in senectute, omne ad
bonum, desiderium tepescit, & quasi euanesceit. Can-
2. dicit sponsa. *En dilectus meus loquitur mihi. Surge propera
amica mea, columba mea, formosa mea, & veni, iam enim hyems
transiit imber abiit, & recessit. Flores apparuerunt in terra nostra,
tempus putationis aduenit, vox tururis audita est in terra nostra, fi-
cus protulit grossos suos, vineæ florentes dederunt odorem suum.* Sed
& hoc cunctis in aperto est Patremfamilias ad labo-
res in vinea sua subeundos, quærere operarios impi-
gros, ætate tenera & viribus fortissimis abundantes,
illos vero quos senectus languidos & debiles reddi-
dit, tanquam ad laborandum minus idoneos omni-
no respuere. Quod si etiam quæsieris ex virgine ad
matrimonium contrahendum, per ætatem idonea se-
nem ne, an virum ætate iuuenili florentem, eligen-
dum velis, cui nubat, absque mora, senectute abiecto, iu-
ueni se in matrimonium dandam poposcit. Impera-
tor quoque militem in flore ætatis, & in virtute ma-
gnarum virum, sese gloriantem, in castra euocat, de-
crepitum verò, sub vexillo militantem raro spectam-
mus. Sic & Deus Omnipotens, in sua castra à teneris
annis conuocat milites, ut ab infantia spirituali asue-
scant militiæ, quos ille maximis gratiarum suarum
stipendiis cumulare non desinit. Anna adduxit Sa-
muele

muelem postquam ablaetauerat eum ad domum Domini in Silo: gratum Deo sacrificium, nam puer Samuel proficiebat, & crescebat, placebatq; tam Deo quam hominibus, & cognouit Israel, quod Samuel fidelis Propheta Domini esset. Ioseph quoque Patriarcha in ætate iuuenili acerrimus diuinorum mandatorum custos, & abhorrens ab omni malitia, prorex totius Ægypti constituitur. Sed & Daniel adhuc puer proposuit in corde suo, ne pollueretur de mensa Regis, neque de vino potus eius, creuit igitur in magnum Prophetam Domini, & in reuelatorem mysteriorum Dei. O quam ergo bonum est viro, cum à iuuentute sua portauerit iugum Domini. *Tertia ratio hæc est.* Remansit puer Iesus in templo, nescia matre sua, haud ignarus matrem dilectissimam, magnam inde tristitiam habituram, nobis utiq; exemplo præluces, ut dum vocem Domini nos in vineam suam pertrahentem audimus, non obduremus corda nostra, sed ex templo surgentes vocantem sequamur, non obstante matris ploratu, nec afflicti Patris fletu, nec propinquorum mærore ac dolore, sed si aliquando opus fuerit, etiam per calcatum Patrem & matrem transeundum. Id enim à nobis exquirat Christus Dominus. Luc. 14. *Si quis venit ad me, & non odit Patrem suum, & matrem, & uxorem, & filios, & fratres, & sorores, adhuc autem & animam suam non potest esse meus discipulus.* Legitur exemplum. 2. Mach. 2. nostræ rei fauentissimum in hæc verba. Eleazarus unus de Primoribus scribarum vir ætate pronectus, & de vultu decerus aperto ore hians compellebatur carnem porcinam manducare &c. Hi autem qui astabant iniqua commiseratione commoti propter antiquam viri amicitiam, tollentes eum secreto rogabant, afferri carnes quibus ei vesci licebat, ut simularetur man-

1. Reg. c.

Dan. 1.

Auasse.

ducasſe, &c. Reſpondit eſſe in præſenti tempore ſuppliciiſ hominum eripiar, ſed manum Omnipotentis, nec vitius, nec moriuus effugiam. Simile reſponſum dandum eſt illis, qui vocatis in vineam Domini ſe ſe impedimento opponunt, & ne iugo Domini portando collum ſubiiciant vehementer diſſuadent, parentibus quidem inde dolorem, familiæ ignominiam, propinquis maximam triftitiam exorturâ crocitant. Iuſtum enim eſt, vt à Deo vocati, nullum non abiiciamus lapidem nobis in via Domini currentibus, ad offendendum pedem noſtrum poſitum, quippe nemo coronabitur, niſi qui legitime certauerit, at parentibus inuitis, & propinquis reclamantibus, Chriſtum ſequi, bellum eſſe fortiffimum victoriamque diſſicilem verbis Chriſti Domini ſic dicentis docemur. Matth. 10. Nolite arbitrari quia pacem venerim mittere in terram, non veni pacem mittere, ſed gladium. Veni enim ſe parare hominem aduerſus Patrem ſuum, & filiam aduerſus matrem ſuam, & nurum aduerſus ſocrum ſuam, & inimici hominis domeſtici eius. Adhæc qui pluris æſtimat pannum quam ſericum, plumbum quam aurum, facile conuincitur indignus eſſe ſerico & auro. Pari modo, cui magis cordi eſt, Pater carnalis, quam Pater noſter, qui eſt in cœlis, talis indignus iure merito cenſetur, vt vocetur, & ſit, filius Dei. Nam, qui amat Patrem, aut

Matt. 10. matrem, plusquam me, non eſt me dignus, & qui amat filium aut filiam ſuper me, non eſt me dignus. Præterea Dei præceptum eſt. Diliges Dominum Deum totum, ex toto corde tuo, & ex tota mente tua, ille verò qui propinquos diligendo auocatur à diuino officio, partem præcipuam cordis offert amicis, ſine dubio præuaricator diuini præcepti non intrabit in vitam æternam. Eccl. 2. Vt his qui perdiderunt ſuſtinentiam, & qui dereliquerunt

vias rectas, & diuerterunt in vias prauas. Quid facietis cum inspicere cœperit Deus. Quarta causa hæc est. Vt insinuaret hominibus si aliquando peccando Christum perdiderint, omni studio in Ecclesia requirendum studeant. Can. 3. In lectulo meo per noctem quasiui quem diligit anima mea, quasiui illum & non inueni. nam non in lectulo molli, sed in templo quærendus est perditus à nobis Dominus IESUS. Quinta ab ipso Christo Domino prolata est. In his inquit quæ sunt Patris mei, oportet me esse. Docet te Christiane, vt occuperis in his quæ sunt Patris tui, illis omnibus abiectis quæ sunt mundi, carnis, & Diaboli: si vis appellari seruus Dei, & à Deo laboris tui mercedem tibi exhibendam desideras, fac ea quæ Dei sunt, nam verus Dei seruus iure merito appellaberis, si in procuratione negotiorum diuinorum versaberis. Quæ conuentio lucis ad tenebras? Si te Dei seruum nominas, cur nō in luce sanctitatis ambulas, sed in tenebroso peccatorum lacu habitas? Si es seruus Dei, cur in spiritualibus castris nō militas, sed te potius retibus Diaboli ad infernum trahi pateris? Si es seruus Christi, quare ad mensam Domini tui non ades. Sed mauis micæ voluptatum carnalium sub mensa dæmonis colligere? Si es seruus Christi, fac in omnibus voluntatem eius, prodeas in aciem sub vexillo eius, induc armaturam eius, si es seruus Christi, mane in domo eius, labora in vinea eius, esto fortis miles in arce eius. Si es seruus Christi, ambula sicut Christus, orationibus incumbere sicut Christus, esto misericors sicut Christus. Si es seruus Christi, sequere Christum, audi Christum, dilige Christum. Si es seruus Christi Regis supremi, non te permittas trahi in seruitutem diaboli. Si es seruus Christi, sis ad e-

*Christus in
templo inter
Doctores
quærendus.*

T

xemplum

xemplum eius patiens in persecutione, feruens in deuotione, humilis in actione, celer & velox in assequenda perfectione. Si es seruus Christi: sis pulcher & iucundus in castitate, assiduus & vigilans in pietate, feruens in charitate. Si es seruus Christi, habeas in corde Christum, loquere in ore Christum, ostende in operibus Christum. Si es seruus Christi, fac opera Christi. Humilitas est opus Christi, superbia opus diaboli. Disce ergo à Christo, quia mitis est & humilis corde, fuge Diabolum, cuius arrogantia est detestabilis Deo, Christi est opus pietas & vitæ sanctitas, Diaboli malitia, & iniquitas. Disce in Christo pie & sancte viuere, & caueas aliquando in conspectu Dei viuientis peccare. Christi opus est in Ecclesiis diuinis officiis attédere, Diaboli in tabernis, poculis exsiccandis incumbere. Disce bonum esse Domino in Ecclesia adhærere, quàm inter pocula insanire. Quod si feceris, verba Christi illa audies. Volo Pater, vt vbi ego sum, illic sit & minister meus. Cui sit laus, honor, gloria sine fine.

A M E N.

SECUNDA ORATIO ECCLESIASTICA

In eadem Dominica.

Et ibant parentes eius per omnes annos in Ierusalem, in die solenni Paschæ. Luc. 2.

Homo

Homo Christianus ita debet procedere cum anima sua, sicut mater cum filio procedere consuevit: idq; pulcherrimis antiquitatibus illustratur.

*Summa Con-
cionis.*

Sapiens postquam ea, quæ ad sapientiam & moderationem comparandam pertinent describit, peregrinationem non in postremis adiungit.

In terram inquit alienarum gentium pertransiet, bona enim et mala in omnibus tentabit. Hinc summo laudis genere decoratur Mithridates Rex Ponti. Is etenim Asiam cum nonnullis amicis tacitus à regno profectus, nemine sciente, peruagatus est, omniumque urbium situs ac regiones cognouit. Quo quidem peregrinandi studio effecit, ut omnium pene linguarum peritiam affecutus sit, adeo ut duabus & viginti nationibus, quibus imperabat, sua cuique lingua ius dicere solitus fuerit, & pro concione singulas sine interprete affari: quod quidem nisi omnes in eo Historici consentirent, alienum à verò videretur. Addo ego. Omnes peregrinationes esse quidem perutiles iuuenibus magnamq; prudentiam atque rerum experientiam afferre potissimum illis, qui aliis præfuturi sint, maximè tamen ad loca diuinis miraculis illustrata, in quibus summa in diuinis laudibus celebrandis diligentia viget, hæc enim hominem ad Deo firmiter adhærendum, (quæ est summa sapientia) vehementer accendit. Quod ut Christus Dominus exemplo suo comprobaret, peregrinationem ad templum Salomonis suscepit, effectus peregrinationis in se ipso demonstrans, quorum alter fuit; spretis omnibus, & parentibus derelictis solius Dei laudibus incumbere, alter verò cum Doctoribus de rebus diuino cul-

Eccle. 39.

*Plutarchus
lib. 10.*

tui seruiantibus sermonem instituere, quod vtrumque Christum fecisse in aperto est. Et fortassis iustum esset pro nunc de his peregrinationibus verba facere at diuersi flauere venti, & ad hunc portum nauem directam alio diuertendam coegere. Concionis igitur huius scopus iste est. Christiano cum anima sicut matri cum filio procedendum esse.

A V E M A R I A.

*Alexander ab
Alex. harr
antiquitatu
author.*

*Multi Ethni
ci pueros se-
vero cultue-
ducabant, et
ita oportet
fieri.*

Matris illud esse officium, filium quem ex se genuit competenti educatione nutriendum esse. Olim Hyberni cultu indomito, & fero pueros ita alere & educare assuescebant, vt inter arma & cades versarentur assidue, matresque natura immites, ingenio barbaro, primos cibos edito infanti gladio ad-mouerent. Hic modus Christianis tenendus, animæque eorum non ad delicias & voluptates, sed ad bella cum hostibus spiritualibus fortiter gerenda assuescendæ, non suauibus ferculis, nec mollibus vestimentis fouendæ, sed duris ciliciis, & ieiuniis nutriendæ, quippe militia est vita hominis super terram, ad quam fortiter ineundam, vt animæ nostræ summo impetu ferantur, sunt homini dura educatione tractandæ. Hinc Spartani Lycurgilegibus infantes primum editos, vt labore firmentur, ridigissima aqua fouere, nudosque in patientia laboris enutrire, nihilque somni causa sternere proditum est. A Cratensibus etiam v-surpatum fuit, vt pueri ab ineunte adolescentia, calores & frigora pati assuescerent, vtque vilibus tecti amiculis, hyeme pariter atque æstu, eodem cultu in-cederent, & postquam satis virium allecuti videbatur,

tur, vt militiæ patientes per ætatem forent, non in munditiis ne langueret animus, sed in laboriosis exercitationibus currendo, iaculando, equitando occupabantur. Similiter. *Qui edidit animam suam in hoc mundo, in vitam æternam custodit eam.* Angusta est porta, quæ ducit ad cælum? non illuc peruenitur per delicias nõ per voluptates, sed per multas tribulationes oportet nos intrare in regnum cœlorum. Manifesta enim sũt opera carnis, quæ sunt fornicatio, immũdicitia, impudicitia, luxuria, veneficia, &c. ebrietates, cõmessationes, & his similia quæ prædico vobis, sicut prædixi, quoniã qui talia agunt regnũ Dei non consequentur. sed potius dicetur illis, quantum glorificastis vos, & in deliciis fuistis, tantum habete luctum & tormentum. Igitur exhibeat̃ vos metipsos, sicut Dei ministros in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis, in castitate, in scientia, in longanimitate: &c. Nam iuxta est Dominus, his qui tribulato sunt corde, & secundum multitudinem dolorum vestrorum, latificabunt consolationes Dei animas vestras. Fuit Lacedæmoniorum mos solennis, vt aggresses quàm maximè possent vino ingurgitent, ad potumque & crapulam appellent, illosque vino madidos & distentos in cætum adolescentum iuuenum introducant, vt temulentia turpitudinem intuentes, à vino & luxu promptius abstineant. Idem Christiano homini faciendum, qui si à peccato animam auocare voluerit. ponat sibi ob oculos conditionem malorum, & intueatur eos esse sordidos Deo & hominibus molestos, timidos, infælices, miseros, seruos & mancipia diaboli, vasa iræ æternis conterenda malleis: quod si etiam ex virtute in virtutem procedere studuerit, e-

Gal. 5.

2. Cor. 6.

*Lacedæmonien-
ses ebri-
osum homi-
nem induce-
bant inter iu-
venes.*

*Cur. lib. 3.
De orat.*

*De proprie-
tatib. Apū.
lib. 2. 30.*

xemplis bonorum ad id efficiendum subnixus pro-
grediatur. Nam vt ait Cicero duo nos maxime mo-
uent. Similitudo & exemplum. Cur autem plus e-
xemplis quam verbis homines, siue ad bonum, siue
ad malum moueatur. causam hanc reddit Seneca,
quia homines plus oculis credunt, quam auribus.
Scribit Thom. Cantipr. fuisse quendam Presbyterum
Guidonem nuncupatum, de quo certissime fereba-
tur, quod cum in Schonegio Hannoniæ oppido scho-
las regeret adolescens, incaute semel fæminam con-
templatus per annos tres, etiam ipsa mortua, in tan-
tum tentatus est, vt excepto eo quod vigilans susti-
nebat, omni nocte in somnis crederet esse præsentē.
Sentiens ergo diabolus circa se non cessare, de no-
cte clam tumultum mortuæ mulieris aperuit, naresq;
& faciem in cæno putrefacti corporis tam diu tenu-
it, vt prorsus fœtore nimio suffocatus, quasi mortu-
us caderet resupinus. Quæ res intantum valuit san-
cto viro, vt nullum postea stimulum in carne senti-
ret. Vis esse Christiane immunis & liber (exempli
gratia) à vitio luxuriæ fac quod iste Presbyter san-
ctus fecit, pone tibi ob oculos hominem huic vitio
addictum. Vides ne illum sordibus infamiæ & igno-
minia apud homines notatum, fædissima libidine pol-
lutum, morbo gallico deturpatum? Videsne vermē
in eius conscientia latitantem? aliosque pessimos
bufones, & serpentes venenosos turpissimarum co-
gitationum à capite in pectus, à pectore ad caput a-
scendere? Hoc si cognoueris, subito tanto malo per-
territus facile, ab hoc scelere abhorrebis. Camby-
ses Rex in sede vbi iudex per scelus iniuste iudicarat
ipsum detractum corium in lora concidit, filiumque
eius

eius iudicem constituit. vt memor poenæ paternæ a peruersis & iniustis iudiciis abstineret. Non solum autem ad mala euitanda, sed etiam ad bona appetenda, exempla plurimum prodesse neminem præterire existimo, & hoc duobus tantum exemplis, vt cætera omittam doceri poteritis. Vnum habes in Augustino ex relatione Potitiani de duobus Imperatoris aulicis, qui cum extra urbem Treuirorum, forte incidissent in casam quandam eremiticam, ibique codicem, in quo scripta erat vita S. Antonii, perlegissent, sic ambo accensi sunt, sectandæ illius vitæ desiderio, vt relicta militia sæculari se extemplo diuino seruitio consecrarint. Et ambo inquit Augustinus habebant sponsas, quæ posteaquam hoc audierunt, dicauerunt etiam ipsæ virginitatem Deo. Alterum est B. P. Ignatii Societatis IESV Fundatoris, qui olim cum militiæ sæculari deditus, lectoque oblæsum grauius pedem affixus, codicem sibi aliquem porrigi, fallendi temporis ergo, postulasset, nec alius ad manum esset, nisi qui vitam Christi & Sanctorum contingeret, lectione illa sensim ita immutatus est, vt abiectis armis, mundoque contempto totum se Diuino cultui manciparit, ac tandem viros doctissimos propositi sui sectatores sibi adiunxerit, ac religionem Societatis IESV condiderit. Augustinus sane disertè fatetur in octauo confessionum libro, se conuersione Victorini doctissimi senis, & omnium doctrinarum liberalium peritissimi, quam illi narrauerat Simplicianus, ad suam conuersionem permotum. Vbi inquit homo tuus Simplicianus de Victorino ista narrauit exarsi ad imitandum. Ad hoc enim et ille narrauerat. Et cum postea graui luctu carnis & spiritus excrucietur, dubitaretq; num castita-

*S. Augustinus
lib: 8. Con-
fess: cap: 6.*

*Duo milites
lectione sa-
cra conuersi
sunt.*

*B. Ignatius
exemplis San-
ctorum ma-
gnâ sancti-
tatem ade-
ptus est.*

*S. Augustinus
ad vir-
tutem exem-
plis incita-
tus.*

*Augustinus lib: 8
Conf: cap: 2.
& 5.*

castita-

Pulchra antiquitas.

castitatem seruare posset, rursus exemplorum præsidio hanc tentationem discussit. *Aperiebantur inquam ab ea parte qua intenderam faciem casta dignitas continentia, serena & non dissolutè hilaris, honeste blandiens ut venirem: neque dubitarem, & extendens ad me suscipiendum & amplectendum piæ manus, plenas gregibus bonorum exemplorum. Ibi tot pueri, & puellæ, ibi inuentus multa & omnis ætas, & graues viduæ & virginæ Anus, & in omnibus ipsa continentia nequaquam sterilis, sed fecunda mater filiorum. Et irridebat me irrisione exhortatoria, quasi diceret. Tu non poteris quod isti & istæ? Magnus igitur fructus vel ex vnius hominis pii & sancti exemplo in hominum corda profluit. Apud Gallos & Iberos Zonæ mensuram habent magistratus, quam si capere non posset mulier succi plena aut puer obesus magno afficitur probro. Attendite. Isa: II. *Iustitia cingulū lumborum eius.* Iustitiæ autem est, reddere vnicuique quod suum est, cui honor; honor; cui tributum, tributum; cui vestigal, vestigal; qui igitur animam suam quolibet tempore vespertino vocauerit in iudicium, & viderit se, terminum bonorum Propositorum mane sibi præfixum, transgressum esse, confundatur in conspectu Domini, doleat de præteritis & caueat de futuris, si peccauit gula, compenset parsimonia & inedia, si luxuria castitate, si auaritia liberalitate. &c. Tenet fama apud Baleares, matres suos infantes, ab ipsis in cunabulis his disciplinis assuefacere, ut nisi oblatum cibum baculo aut fundam petierint prius, cibo vesci prohibeant. Sic & tu o Christiane cum anima procede tua, nisi illa prius in cælum proiecerit fundam orationis, & non primum quæsierit regnum Dei, ab omni cibo & potu arceatur. Prius enim semper iacula orationum, & sagittæ suspi-*

et aspirantium in cœlum emittendæ. quam manus
 labori, & os cibis sumendis admouendum esse, do-
 cemur. Egyptii filios apud se alitos & educatos, his
 disciplinis exercere solebant, vt nisi centum octo-
 ginta stadia prius confecerint cursu, vesci cibo nul-
 lo modo sinerent, quos a pueritia nudis pedibus in-
 gredi iuebant, ne delicatior cultus corpora emol-
 liret. I. Cor: 9. *Nescitis quod hi qui in stadio currunt, omnes*
quidem currunt, sed vnus accipit præmiũ. sic currite vt compre-
hendatis, omnis enim qui in agone contendit, ab omnibus se abstinere,
et illi quidem vt corruptibilem coronam accipiant, nos autem incor-
ruptam. Tandem produnt, Æthiopes, editos pueros
 cum paululum potest, super aues quas diuersi ge-
 neris educant, sublimes imponere. Quod si volantes
 intrepidi manent, velut generosos & se dignos ma-
 gna educant cura, si verò consternantur animo, &
 intrepidi manent tanquam degeneres, in loca deserta
 exponunt & abiiciunt. Aues quibus animæ Christi-
 anorum ad volandum imponendæ sunt, diuinas con-
 templationes voco, quarum vi ad altissima siderum
 cacumina mens nostra eleuatur. Contemplatio enim
 nihil aliud est, nisi diuinitatis & eorum quæ ad ean-
 dem referuntur, affectuosa, prompta, atque sincera
 cognitio & consideratio. Nec debemus existimare
 quod anima secundum substantiam deserit prop-
 rium corpus, cum in contemplatione rapitur secun-
 dum communem cursum: sed pro tunc dicitur esse,
 vbi fuerit cor & amor eius. Secundum enim B. Au-
 gustinum Anima verius est vbi amat, quam vbi ani-
 mat, id est, quam in corpore quod viuificat. Dico
 igitur quod talis animæ deuotæ eleuatio extra mun-
 dum, & supra ista corporalia vsque ad seipsam, vel

*Pueri super
 impositi aui-
 bus, volans
 per aera.*

*Contempla-
 tio est qua-
 dam celestis
 aui animæ
 a terrenis ele-
 uans, &
 multa de illa
 ex occasione
 dicuntur.*

vsque ad Angelos, vel certe vsque ad Creatorem suum, quia altius non potest ascendere, sit per fortem & sanctam meditationem, vel per ardentem amorem, sicut per aues altissime volantes. Itaque talis fortis & sancta meditatio, vel amoris ardor, virtute est tam potens, vt faciat eam obliuisci, & cessare ab aliis orationibus & phantasiis, ac si esset in perfecta quiete, & in quodam dulci sopore. Oportet quoque vt anima in tali meditatione totaliter sit occupata, & amore feruenti, neque sit ei cura pro tunc de quacunque alia re, neque ad alia respiciat, sed fortiter & in nobilis in contemplanda diuinitate permaneat. Legitur de quodam Philosopho nomine Archimede, in Geometricis peritissimo, quod decreuit imaginando facere subtilia instrumenta, ad expugnandum, defendendum & capiendum vrbes, & cum urbem quam praedictus Philosophus incolebat, ab hostibus capi contingeret, iussit Dux exercitus, ne praenominatus Philosophus necaretur: & cum casu quidam ad eum intrasset, & in illis vehementibus imaginationibus occupatum reperiret, interrogauit eum quod esset eius nomen: ille vero manens fixus & intentus in suis imaginationibus, nesciebat neque attendebat quid ab eo quaereret: nisi quod innuebat ei, ne se impediret, nihil aliud respondens, vnde & vitam perdidit. Ecce quam attenta erat istius cogitatio, vt eius virtute, neque inuasionem propriae vrbis, neque hostem qui eum occideret, agnouerit. Alius quoque Philosophus nomine Carneades saepe ad mensam sedens obliuiscetur sumere cibum, & oportebat ne inedia periret, vt quaedam eius ancilla sibi victum capiendum subministraret, de quo

Valerius

*Archimedes
Philosophus
adeo contem-
plationi in-
tentus fuisse
perhibetur,
vt cum oc-
cideretur, non
sentiret ho-
stem.*

Valerius quod prædiximus recitans dicit, eum solum propter animam vixisse, & corpore veluti re extera & inutili fuisse circumseptum, o quanto magis oportet Christianos vti spiritualibus meditationibus, & habere cogitationes altiores, & magis extraneas in solo Deo inhærentes. Aliud est quod bona mater erga filios præstare tenetur, vt eos timere Deum, cumq; summo amore prosequi, & ab omni peccato abhorrere doceat & instruat, Quod effecisse matrem illam 2. Mach. cap. 7. in manifesto est; exemplum certe cunctis matribus ad imitandum pulcherrimum, hoc modo erudienda est anima Christiana, & potius morti succumbendum quam eam peste mortalis peccati inficiendam permittere. Exemplo adest Susanna Dan. 13. *Quæ ingemuit & ait: Angustia sunt mihi vndiq; si enim hoc egero mors mihi est, si autem non egero, non effugiam manus vestras, sed melius est mihi absq; opere incidere in manus hominum, quam peccare in conspectu Domini.* Ludouicus nonus Rex Gallorum, ab incunte ætate ex institutione piæ matris Blanchæ, hoc persuasum habuit, potius mortem oppetere, quam in peccatum lethale consentire. S. Edmundi Cantuariensis Archiepiscopi hæc vox erat. Malo insilire in rogum ardentissimum, quam peccatum vllum, sciens admittere in Deum meum. S. Anselmus item dicere solebat: si hinc peccati horrorem, inde inferni dolorem corporaliter cernerem & necessario vni eorum immergi deberem, prius infernum quam peccatum appeterem. Democles inquit Plutarchus, puer formosus lauandi corporis causa ingressus erat solus priuatum balneum. Hoc vbi Rex Demetrius deprehendit forma eius captus locum clanculum adiit, vt eo abuteretur. Democles

Dan. 13.

Surius in eius vita.

Surius in eius vita.

Plutarchus in vita Demetrii.

Rom: 3.

autem horrens lapsum, cum nullum pateret effugium detracto aheni quod ibi erat operculo in aquā feruentem nudus iniliit: facinus dignum patria, dignum forma, dignum pudicitia perpetrans. Quid mirabilius quam tanti Principis promissis & blanditiis puerum nō cedere, vt pudicitiam laderet? Similiter & vos o Christiani dicatis cum Apostolo: *Quis nos separabit à charitate Christi? tribulatio, an angustia, an nuditas, an periculum, an fames, an persecutio, an gladius? Certe sunt quia neque mors, neque vita, neque Angeli, neque Principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia, poterit nos separare à charitate Dei, quæ est in Christo IESU Domino nostro.* Reliquum est, quod mater erga filium exhibere tenetur. vt si eum perdiderit summo cum dolore & labore requirat eum vbique locorum, & requisitum in domum propriam introducat. *Dolentes inquit B. V. M. querebamus te.* Mater Tobia iunioris cum longo temporis intervallo filius eius à peregrinatione suscepta non reuerteretur: *Flebat irremediabilibus lacrymis, atque dicebat: Heu, heu me fili mi, vt quid te misimus peregrinari, lumen oculorum nostrorum, baculum senectutis nostræ, solacium vitæ nostræ, spem posteritatis nostræ.* Quis digne B. V. M. dolorem ex perditione filii conceptum poterit exprimere? quo enim maior erga rem amatam dilectio, eò vehementior ex eius amissione oritur afflictio, & quoniam supra omnia B. V. M. filium suum diligebat, perditum sine dubio maximo cum dolore requirebat. Loquebatur in corde suo pia mater: Vbi es fili mi? fili mi vbi es? dilecte mi vbi es? quid tibi displicuit in me matre tua, aut in quo molesta fui tibi indica mihi? quare me fili mi deseruisti? heu me, gaudium meum, lætitiā

Tobia 10.

Virginis Be-
atissimæ do-
lorem. ex per-
ditione filii
nemo expri-
mere. valet.

lætitiā meā lumen oculorum meorum perdidī,
 quid faciā? quo me conferā? aut quibus verbis
 filii mei absentiā defleā? si domum reuerti volu-
 ero, & ibi filium meum abesse perspexero o quanti
 subito ex eius absentiā superuenient in me dolores?
 Nam cum videro mensam ad quam cibum sumebat,
 lectum in quo quiescebat, sellam in qua sedere so-
 litus erat, vehementissimus inde mihi orietur dolor.
 Ergo vadā & quāram dilectum meum rubicun-
 dum, & totum candidum. Vbi es dilecte mi mea to-
 ta voluptas, meæ deliciæ, meum vnicum solatium.
 Quare o sol cœlestis radios tuos lucentes à me auer-
 tisti? Quare o fons viuentium aquarum riuos con-
 solationis in me defluentes retinuisti? Quare flos iu-
 cundissime odorem tuum suauissimum abscondisti.
 Surgam & circuibo ciuitatem, per vicos & plateas,
 quāram quem diligit anima mea. Quis mihi hoc da-
 bit, vt inueniam dilectum meum, & introducam in
 domum meā. Hæc & alia his similia pia mens me-
 ditari potest. Simili ratione cum te Christiane per
 peccatum mortale animā tuā perdidisse cognoue-
 ris, surge diluculo, quære eam cum lacrymis, & sum-
 mo dolore, fletu, & planctu, & hos lamentationis
 threnos decēta in corde tuo vehementi dolore trāf-
 fixo. Vbi es o anima mea, .Olim fuisti in gratia Dei,
 nunc peccando ducta es in seruitutem diaboli. Olim
 fuisti sponsa agni, nunc ancilla luciperi. Olim amica
 Angelorum, nunc mancipium dæmonum, olim pul-
 cherrima, nunc turpissima, olim ditissima, nunc mi-
 ferrima, olim beatissima, nunc infelicissima, olim be-
 nedicta, nunc maledicta. O quam turpis es amica
 mea: Vbi cubas aut quale est domicilium tuum.

*Threni seu
 lamentatio-
 nes peccato-
 ris ex perdi-
 tione animæ
 eius.*

nuntia mihi, sed heu tuum cubile cum draconibus, & cum scorpionibus habitatio tua, Tuum domicilium plenum est serpentibus, & abundans vermibus turpissimisque bufonibus. O anima mea. Vbi es? quomodo cecidisti quæ mane oriebaris, è cœlo ad infernum, è benedictione ad maledictionem, è summa felicitàte in maximam miseriam. Quæram ergo animam meam itinere trium dierum, quæram inquam contritione, confessione, & satisfactione, & sic quæsitam introducam eam in domum genitricis meæ. Quod vt omnes promptius faciliusque faciatis, vnicum exemplum veræ pænitentis antequam orationi finem imponam, in medium proferre decreui. In Gallia partibus tale accidit factum. Ad illum venerabilem virum Magistrum Petrum de Corboel, Senonensem Archiepiscopum, quidam peccator, qui propriam filiam violenter oppresserat confessionis gratia venit: confessus igitur in maxima & mirabili contritione & lacrymis quæsiuit, si vnquam posset vlllo dolore vel pœna, à Domino veniam impetrare. Cui Præsul, ita inquit, indubitanter, si tanti mali pœnitentiam subire volueris: At ille vehementer exclamans. Volo inquit etiam si mille mortes me sustinere volueris. Collacrymatus infelici, imo iam felicissimo peccatori. Et ego inquit septennem tantum tibi pœnitentiæ pœnam impono. Tunc ille quid est ait, quod pœnitentiam mihi flagitiosissimo septennem tantum iniungis, quasi viuerem vsque ad finem mundi, tantum facinus pœnis innumerabilibus diluere non valerem? Cui Præsul: Vade inquit & tres dies tantum in pane & aqua ieiuna. Tum amplius ille plorans, & contundens se, rogabat vt pœnitentiam iniungeret

saluta-

Thom: Can-
tip: lib: 2.
de vniuer-
so.

salutarē. Supra modum ergo admiratus & exhilaratus Antistes, tandem definitiue præcepit homini, vt abiret & vnum tantum Pater noster diceret, sciretq; pro certo peccatum sibi esse remissum: nec mora durum ille emittens eiulatum, & in terram procidens expirauit. Nec dubia fides, sicut Deo dignus Episcopus postea prædicauit, quin idem pœnitens, sine vlla alia purgatorii pœna validissima tantum contritione purgatus ad gloriam cœlestem euolauerit. Verè iste animam perditam inuenit, & in domum creatoris sui introduxit, quia flendo & vehementer dolendo eam quæsiuit. Quærite & vos infelicissimi peccatores animas per peccata vestra mortalia perditas, dum inueniri possunt, sed vt dixi flentes & lacrymantes quærite, & procidentes in genua dicite. Peccauimus Domino, cum Patribus nostris, iniquitatem fecimus, iniuste egimus, parce Domine populo tuo. Errauit anima nostra sicut ouis quæ periit, quære eam nobiscum ô Domine, sine quo nihil possumus facere. Cui laus & gloria in sæcula seculorum.

AMEN.

ORATIO ECCLESIASTICA

In secunda Dominica post Epiphaniam.

INuitantur homines Christiani ad bonum vinum, à Christo exhibitum, & concio iucundissima, historiis variis & conceptibus plenissima.

Summa concionis.
Tu

Tu autem seruasti bonum vinum vsque adhuc. IOAN 2.

Scribit Leontius Episcopus de S. Ioanne eleemosinario in vita eius rem scitu dignissimam. Cum enim die quadam populum ad sacra mysteria sumenda tardiores de socordia corrigere vellet, solenni die cum omnes peracta concione, relicto sacrificio, otiosis vacare fabulis cerneret, ipse quoque ex templo egressus vniuersæ se multitudini iunxit. Omnibus autem factum hoc in tanto Patriarcha stupentibus. Quid inquit miramini. Nescitis probum & fidelem pastorem suis ouibus adesse debere: Nam cum propter vos sacra à nobis peraguntur mysteria, si vos foris versamini, certè constat inutiles nos labore fatigari. Quare statui vobis instar optimi pastoris semper adherere, & cum egredientibus egredi, & rursus cum ingredientibus ingredi. Simile quid fecisse Christum Dominum, pastorem verè bonum liquido patet, qui præterito die Dominico templum ingredi voluit, ut oves exemplo eius, eadem tenerent vestigia: quoniam verò tam salutare exemplum pastoris, parum profuit ouibus, imo quamplurimæ relictis in Ecclesia viridantibus præter arida conuiuiorum fercula appetuere, adest & in conuiuio Christus. Ac si diceret. Molestum vobis est, sequi me ad Ecclesiam, sed mauultis vos conferre ad celebranda conuiuia, sequor oves, & in conuiuio, optimum vobis vinum propinare paratus sum. Quo vino certe optimo, vos omnes in hac oratione tractare decreui. Fauorem tantummodo solitum expeto.

AVE

AVE MARIA.

His temporibus Bacchanaliorum, varia eaque multa vasa, plena vino abominationis, carnalitatis, fornicationis, aliarumque turpium voluptatum, deliciarumq; exhibet mundus hominibus huic sæculo seruientibus. Idem facit & Christus, exhibet vinum saluberrimum & iucundissimum, plenum omni iucunditate & lætitia. Afferor rationes vinum Christi esse præstantissimum illustrantes. Quod verò vinum Christi, sit huius mundi omnibus vinis, excellentissimum, vel inde colligere licet, quia exhibetur à supremo cœli & terræ Monarcha. Vsu enim & consuetudine quotidiana cognoscimus, quo quis superior, & ditiis locupletior, eo meliori vino abundat. Omnium supremus & ditissimus Christus IESVS, ergo eius vinum optimum præstantissimumque esse sit necesse. Placet quorundam Principum conuiuia recensere, ex quibus concludetur si Principes terrestres in suis conuiujs pretiosissima quæq; fercula, & vina optima apponebant, multo magis Rex Regum & Dominus Dominantium, hac in parte primatum obtinet. Legimus Caligulam Imperatorem Romanorum ducentis quinquaginta millibus ducatorum cænauisse vno die, qui commentus portentissima genera ciborum, atque cænarum: vnguētis calidis, frigidisque lauabatur, pretiosissimas margaritas aceto liquefactas sorbebat: conuiujs ex auro panes, & obsonia apponebat. Huius æmulator Antonius Heliogabalus, cuius tanta fuit luxuria, vt nunquam lotis linteamentis vsus sit, sed nouis, ac

*Bacchus dat
vinū, idem
facit & Chri-
stus.*

*Suetoni ca.
56.*

*Alex. ab A-
lex. Geni.
die lib. 5. c.*

Tranquillus
cap. 13.

Gregor. hō.
36. in Euan.

Barothō. 10.

recentibus semper, piscinas rosea impleret aqua, balsamum lucernis infunderet, gemmasque aceto liquefactas biberet. Iungendus est his Vitellius. Is, cum Fratris conuiuio interfuisset: in quo duo millia lectissimorum piscium, septem auium apposita erāt, quo eam cānam superaret, immensæ magnitudinis patinam dedicauit, in qua scarorum iecinora, phasianorum, & pauonum cerebella, linguas phanicopterum, murænarum lactis à Carpathio vsque fretoque Hispaniæ, per nauarchos ac triremes petitarum commiscuit. Cæterum lautius est conuiuium Christi, & melius suauiusque vinum, quippe hi omnes exhibebant vinum, & ea fercula, quæ terra profert, corpori humano & non animæ conducentia, & delectabilia: At Christus Dominus Rex cœli & terræ, vinum exhibet animæ & corpori fructuosum, datur in conuiuio Christi vinum vt magnificentia regia dignum est, vt bibat vnusquisque secundum ætatem suam. Sed quæret aliquis quale hoc est vinum Christi? vtique quod lætificat cor hominis. Consolationes nempe spirituales quas præstantiores semper esse carnalibus S. Gregorii verba testantur. *Hoc distare inter delicias corporis & cordis solet, quod corporales deliciae cum non habentur, graue in se desiderium accendunt: cum vero auide eduntur, comedentem protinus in fastidium per satietatem vertunt. At contra spirituales deliciae, cum non habentur in fastidio sunt: cum vero habentur in desiderio: tantoque à comedente amplius esuriantur, quanto ab esuriēte amplius comeduntur. Ad hæc vinum huius mudi multorum malorum causa existit. Eccl: 19. Vinum & mulieres apostatate faciunt sapientes, prouerb: 31. Fornicatio & vinum & ebrietas auferunt cor. Cum Michael Orientalis Imperator vino in cæna obrutus torperet, somno; profundissimo*

fundissimo oppressus iaceret, Basilus egressus cum coniuratis, claustra cubiculi Imperatorii confregit, ne fores à cubiculariis claudi possent, deinde cum coniuratis aduenit, iis autem qui ante cubiculum excubabant, percussores aditu prohibere conantibus, ortotumultu, Imperator somno soluitur, irruunt cum strictis gladiis coniurati, & quidam illorum manibus Imperatori ambabus resectis, ferro sibi iter aperiens discedit. At Michael cum ex vino titubans ebrietate impediēte fugere non posset, miserabiliter eiulans iacebat. In quem alius quidam ex Basilianis, viuere adhuc conspicatus, insiliit, enseque ita in eius pectus adegit, vt ventre etiam traiecto intestina elaberentur. Carolus quoque Nauarrensis Rex senio confectus neruorum dolore laborabat, medicis ita suadentibus, assui toto corpori linteum aqua (quæ vitis aut viua dicitur ex vino facta) perfusum iussit. Cum autem quilibet linteum cosuerat candelæ igne abrupte filum peracto opere vellet, & parum consideratè linteum lumine contigisset, statim totum concepto igne exarsit, neque ante ferre opem quisquam potuit, quam Carolus Rex, nimis propere sauiēte flamma combustus est. fit reuera ex vino aqua, ignem vehementem concipiens, quippe luxuriosa res est vinum. At vinum Christi nullum malum hominib⁹ infert, non etiam mentē obruit, sed potius illuminat, nam Apostoli gustato hoc vino, radio sanctæ fidei sunt illuminati, dicente S. Euangelista. Et crediderunt in eum discipuli eius. Venite ergo & bibite vinum, quod miscui vobis, clamat diuina sapientia. Præterea. Vinum mundi ad vespertum deficit. Voluptates enim & omnia huius mundi, bona morte ad-

*Simon Maior
lus 36. 3.*

*Vinum Christi
saluberrimum.*

*Mundi vinum deficit
ad vespertum.*

*Vita nostra
vento est
valde simi-
lis.*

Iob. 7.

ueniente, & fores corporis non effringente omnia pereunt, omnia dilabuntur, omnia deficiunt, peritque memoria hominum cum sonitu. Vidistis aliquādo ventum magnum exurgere, & magnum strepitum excitare, omnes mirantur, omnes ab eo cauent, omnes de eo loquuntur, & dicunt. Heu qualis quantusque ventus, sed subito, vento cessante, cessat eius mentio & memoria, & quasi non fuerit fugit, nullum post se relinquens vestigium aut signum. Vita nostra quid aliud, quam ventus est. *Memento inquit Iob, quia ventus est vita mea.* surgit in curia Princeps seu Regis familiaris, & priuatus, strepitum excitans magnum, ob potentiam scilicet & imperium suum, omnes de eo loquuntur & ab ira & odio eius cauēt, ab eo fauorem postulant, gratumque sibi conantur efficere: at morte ipsius adueniente statim eius omnes obliuiscuntur, nullus de eo cogitat, rarus qui mentionem bonam faciat. Ad vespertum mundi vinum deficit. Quo tempore vinum Christi in magna & copiosa abundantia crescere & augeri incipit. nam morientibus Christi famulis, magna oritur voluptas & lætitia, & benedicit Dominus nouissimis eorum, magis quam prioribus, fitque melior dies mortis eorum die natiuitatis. tunc enim torrente voluptatis potantur, & in memoria æterna erunt iusti, gloria & honore coronabuntur, & fulgebunt sicut sol in conspectu Domini. Corpora eorum in pace sepelientur, & viuent nomina eorum in æternum. Dabitur inquam illis vinum à Christo Domino antiquum & vetus, cum illis in hora illa dicetur: *Venite benedicti Patris mei, possidete regnum quod vobis paratum est à constitutione mundi.* Flauum & perlucidum. *Nam in lumine*

quo videbimus lumen. Salubre & iucundum. *Iam non erit amplius neque dolor, neque clamor, neque mors, neque luctus.* Attendite. Vinum mundi seu lætitia sæcularis gaudet iucundo initio, sed terminatur pernicioso exitio. Quatuor enim sunt, in quibus mundi lætitia suum dilatat dominium. 1. Nuptiæ. 2. Conuiuia. 3. Triumphi. 4. Deliciæ, & in his oritur lætitia cum tripudio, sed breui amittitur cum molestia. De Philippo Rege Macedonum Iustinus inquit. Interea dum auxilia a Græcia coeunt, nuptias Cleopatraz filiaz Alexandri quem Regem Epiri fecerat, celebrat. Dies erat pro magnitudine duorum Regum, & collocantis filiam & uxorem ducentis apparatibus insignis. Sed nec ludorum magnificentia deerat, ad quorum spectaculum Philippus cum sine custodibus medius inter duos Alexandros, filium generumque procederet, Pausonias ex Macedonibus nemini suspectus adolescens occupatum angustiis Philippum in transitu obtruncat, diemque lætitiaz destinatum, sædam luctu funeris facit? O quam cito deficit in nuptiis vinum mundi. Attila Hunnorum Rex ipsa prima nuptiarum nocte, manante e naribus sanguine, prius mortuus est, quam quisquam præsentiret. Sed & Henricus Rex Galliaz, constituta pace & inito fædere cum Philippo Rege Hispaniarum, eique data in matrimonium filia, & sorore Margareta elocata Philiberto Allobrogum Duci, regales celebrat Lutiæ nuptias. Ipse ludis equestribus toto triduo vacat. Tertio equestrium certaminum die, Rex ipse Momgomerium vel inuitum dehortantibus etiam amicis, data in manus lancea ad certamen prouocauit, sed ubi congregiuntur, fracta in regis pectus lancea,

X3

& cru-

Iustinus lib:

9.

*Philippus**Rex in nuptiis necatur.**Fulgo. lib: 1.**Attila prima nocte nuptiarum moritur.*

Rex Gallo-
rum misere
perit in festi-
uitate nupti-

ARMIN.

Tob. 8.

& crustulo per galeam non rectè clauso, perq; oculum in cranium vsque tanto impetu ingresso vt phragma omnino violaretur, oculum primo, post mentem tandem inter summos cruciatus nono die vitam amisit. Rex ætate, viribus, opibus, fortuna florentissimus, inter hostes tutus, nuptiarum festiuitate morte sua inopinata, summam lætitiā, in miserabilem luctum & mœstitiam conuertit, & Regia opere textorio splendidissimis pretiosissimisque aulæis vndequaque operta, ad tripudia saltationesque magnifice extructa, repente pullis funereisque obducta pannis, ac lugubribus nœniis nocte dieq; personans miserabilem spectantibus præbuit aspectum, & insigne vicissitudinis rerum humanarum exemplum. Tradidit Saram Raguel Tobæ in vxorem, fecitque conuiuium cum gaudio: *Sed circa pullorum canium, accersiri iussit Raguel seruos suos, & abierunt cum eo pariter, vt foderent sepulchrum.* Quid causæ tempore nuptiarum sepulchra fodere? quæ conuentio nuptiarum cum sepulchris? lætitiæ cum luctu? gaudii cum tristitia? Non mirum, breui enim deficit mundi vinum, multique reperti sunt, qui prima nuptiarum nocte subitanea morte è viuis sublati sunt. Iterum mundi vinum, seu carnalis lætitia in conuiuiis, hominibus magna cum iucunditate exhibetur, sed breui temporis spatio durat, non longo tempore lucet oriens phœbus, adsunt nebulæ æmulationum fulgura & coruscationes contentionum aliquando etiam largissimæ pluuiæ sanguinis effusionum, & sic subito casu qui conuiuiis adsunt ruunt, vertitur in luctum Cythara, & organum in vocem silentium. Iob. 1. *Et ecce alius intrauit & dixit, filiis tuis & filiabus vespertibus & bibentibus*

ribus vinum, in domo fratris sui primogeniti, repente ventus wehe-
 mens irruit à regione deserti, & concussit quatuor angulos domus,
 quæ corruens oppressit filios tuos, & mortui sunt. Videtisne
 quomodo bibentibus vinum, subito oboritur tristitia
 & extrema gaudii occupat luctus? deficit vinum
 mundi, & subito adest summa & inopinata inopia.
 Commemorat Crantzius de Ludouico Magdebur-
 gen. Episcopo, qui cum puellas & matronas in op-
 pidum Caluem non procul à Magdeburga ad ludos
 & choreas euocasset, dies aliquot in omni rerum co-
 pia atque affluentia lætus exegit. Ipse choreas cum
 puellis ducens, nulli hilaritate, leuitate, circulatio-
 nibus & clamoribus cessit, dies totos compotatio-
 nibus exegit. Tandem die Lunæ hora septima, dum
 in mediis vanitatibus versantur, ignis in camera e-
 xiguus tamen, & vel à puero extinguendus appa-
 rens, tantum timorem Episcopo cæterisque omni-
 bus iniecit, vt ad gradus subito festinarent vniuersi,
 tantaque contentione vt mole victus lapideus gra-
 dus concideret ruente Episcopo cum trecentis aliis
 illæsis omnibus præter Episcopum, & tres aulicos
 postero dies mortuos. Quibus in locum suum con-
 cedentibus lætitia in mæstitiam versa est. Vidistis a-
 liquando circa vnum cadauer mortuum feras sylue-
 stres diuersi generis cibum quærentes? nonne con-
 tra se confurgunt? nonne se dentibus & vnguibus
 lacerant & cruentant? nonne magnum inter se tu-
 multum excitant? Omnes in conuiuio sese vino in-
 gurgitantes quid aliud sunt nisi bestię rationis lumi-
 ne carentes. Eccl. 31. Vinum multum potatum irrationem,
 & iram, & ruinas multas facit, & prou. 20. Luxuriosa res est
 vinum, & tumultuosa ebrietas, hinc enim ad rixas, ad vul-
 nera, & discordes

Episcopus cō
 uiuiis chore-
 is & campo-
 tationibus
 deditus repē
 tina morte
 punitur.

Prima ratio
 ostendens in
 conuiuio nō
 posse longo
 tempore læti-
 tiam mundi
 durare, quia
 ebriosi sunt
 sicut bestię
 circa cada-
 uera, & discordes

*Altera ratio
pulchre osten-
dens conui-
uas ad om-
nia mala so-
lere cito ve-
nire, & sic
suffICIENTem
lætitiā non
posse habere.*

*Tertia ratio
incundissi-
ma demon-
strans conui-
uas inter po-
tula à serpē-
te infici, &
sic ad tristi-
tiam addu-
ci.*

nera, ad effusionem sanguinis progreditur, & sic læticia conuiualis vertitur in tristitiam funebralem. Adhæc qui per prata viridantia, & suauissimos florum odores spirantia discurrunt, nonne lætantur? nonne gaudio diffluunt? nonne Cytharas, lyras, aliaque instrumenta Musices pulsant? sed si subito in foueas plenas spinis, & serpentibus inciderint, omnis eorum læticia in maximam vertitur tristitiam. Vinum mundi & oppipara conuiuia exhibent sufficientem lætitiæ materiam: sed cum maximè lætitiæ habenas laxauerint conuiuæ, & se totos compotationibus dederint, extemplo adsunt spinosæ contentiones, odia & rixæ sicut venenosi serpentes, tandè peruenitur in foueam iracundiæ in qua omnia confluunt mala, prou: 23. *Cui vix, cuius Patri vix, cui rixæ, cui foueæ, cui sine causa vulnera, cui suffusio oculorum, nonne hi qui commorantur in vino, & student calicibus epotandis.* Est aliquis in horto arboribus vmbrosis & herbis odoriferis consito, multam inde haurit delectationem, accumbit mensæ, cæna lautissima affertur, cātus incundus auditur, vinum in abundantia apponitur, & ecce subito coluber in mensam irruit, hominemque illum veneno suo inficit, oritur clamor, cessat cātus, eiulat vulneratus, aduocatur medicus, læticia vertitur in tristitiam. Talis est sors conuiuiarum, prou. 23. *Ne intuearis vinum cum splenderit in vitro color eius, ingreditur blande, sed in nouissimo mordebit ut coluber.* In triumphis quoque (quorum magnificentiam tum exhibent Principes, cum nascitur filius Regis, hæres & Dominus, successorque paterni regni, aut cum deuictis hostibus Imperator reuertitur cum exercitu saluo & integro, signis hostium ereptis, & coronis victo-
riæ

riæ onustus, aut etiam cum quispiam altissimum dignitatis gradum consequitur) nulla perfecta lætitia, nec vinum abundans in magnificentia exhibetur. Omnia quippe vanitas & afflictio spiritus, deficit subito vinum mundi, & qui exaltatus fuerat sicut Cedrus Libani, cito transit & non inuenitur amplius locus eius, sed & hoc manifestum est, natum Regis filium magnam lætandi triumphandique lætitiā subministrare, sit tamen frequenter paucis post diebus moriendo, copiosissimam lætitiā vertit in maximam tristitiā. Rem dicam mirabilem. Bibulus Romanus cui Boni cognomento fuit, cum Romā ob deuidtos Reges ex S. C. decreto triumpho exciperetur, tegula a tecto forte fortuna delapsa perimitur & sic in ipsa festiuitate triumphi vinum mundi defecit. Hic Iulii Cæsaris & Pompeii historiæ commemorandæ sunt, qui cum fuerint præstantissimi Imperatores, fortissimi Duces, celeberrimi Triumphatores. de quibus Plinius inquit: Si quis velit cum Pompeii rebus, Cæsaris res perscensere, totum profecto terrarum orbem enumeret. Et tamen hi felicissimi omnium, qui vnquam extiterunt Imperatores, & quasi ornamenta fuere gentium, miserabilem plane & indignum sua dignitate exitum sortiti sunt. Nam inconstans fortuna Iulium Cæsarem in aureo solio Romæ collocatum, Cassio & Bruto, reliquisque coniuratis viginti tribus vulneribus trucidandum in manus nefarias tradidit: Pompeium verò virum gloriosum, summum Imperatorem, plurimisque triumphis celeberrimum, tam paruum & diminutum reddidit, vt vna pugna Pharsalica, vnaque hora omnem in vniuersum gloriam cum totius orbis im-

*Iulius Cæsar
& Pompe-
ius multo
ties trium-
pharunt. sed
cito defecit
vinum vter-
que crudeli
& misera
morte obie-
runt.*

Cap. 2.

bis imperio, & ipsa vita amiserit: Cum ipsi in Ægyptum fugienti, iussu Ptolomæi Regis, ab Achilla perfide caput amputaretur, truncus vero, marcidis scaphæ piscatoriæ reliquiis, in littore à Philippo liberto suo funeraretur, erecta Pala cum hac inscriptione. *Hic situs est Pompeius Magnus.* Nec in deliciis vinum mundi esse sufficiens verba Eccles: testantur. *Dixi in corde meo. Vadam & affluam deliciis, & fruam bonis. Et vidi quod hoc quoque esset vanitas.* Risum reputavi errorem, & gaudio dixi, quid frustra deciperis, &c. Magnificavi opera mea, & edificavi mihi domos, & plantavi vineas, feci hortos & pomeria, & consensi ea cuncti generis arboribus. Et exiruxi mihi piscinas aquarum, ut irrigarent sylvam lignorum germinantium &c. Et omnia quæ desiderauerunt oculi mei, non negavi eis, nec prohibui cor meum, quin omni voluptate frueretur, & oblectaret se in his quæ præparaveram, &c. O delicias verè regales, sed attendite quid enumeratis omnibus suis deliciis dicat. Cumque me inquit conuertissem ad uniuersa opera, quæ fecerant manus meæ, & ad labores in quibus frustra sudaueram, vidi in omnibus vanitatem & afflictionem animi. Vbique deficit vinum mundi, & in omnibus deliciarum oblectamenti aliqua admiscetur tristitia, ut ait S. Basilus. Oblectatio corporeæ voluptatis, plus doloris habet quam incunditatis. Nuptiæ enim sæpe steriles sunt, viduitates continent & stupra. Agricultura sterilitatem, doloris habet mercatura naufragia, diuitiæ insidias patiuntur: sed & deliciae, & quam delationis. satietas, & continens voluptatum fructus multos & varios secum trahunt morbos, ac affectionum varia genera. S. Chrys. ad pop. Antioch. Quid non malifaciunt deliciae? sibi ipsis contraria sunt unde nescio quomodo nomen hoc habeant: sed sicut gloria cum ignominia sit: & diuitiæ cum sit paupertas, vocatae sunt: sic & deliciae cum iniucunditas sit. Fuit in cōuiuio huius mundi, & plenis buccis vinum huius sæculi sorbebat, Ducis Venetiarum

In psal. 33.
Voluptas plus
doloris habet
quam delc-
tationis.

Diuitiæ sūt
amarae.

uetiarum vxor, sed ad vesperum defecit vinum mundi, quæ fæmina tam delicati vixisse fertur, vt etiam communibus aquis sese dedignaretur ablueres, sed eius serui rorem cœli satagebant vndique colligere, ex quo laboriosum satis sibi balneum procurarent. Cibos quoque suis manibus non tangebant, sed ab Eunuchis alimenta quæque in minuta concidebantur frustra: quæ mox illa quibusdam fuscinulis aureis, atque bidentibus ori suo liguriens adhibebat. Eius porro cubiculum tot thymiamatum, aromatumque generibus redolebat, vt & vobis narrare dedecus fatear, & auditor forte non credat. Sed omnipotenti Deo, quantum huius fæminæ exosa fuerit superbia, manifestâ docuit vlciscendo censura. Vibrato quippe super eam diuini mucrone iudicii corpus eius omne computruit, ita vt membra corporis vndique cuncta marcescerent, totumque cubiculum intolerabili prorsus fætore complerent, nec quispiam tantam perferre narium iniuriam potuit: non cosmeta, non seruulus, vix vna duntaxat ancilla non sine speciei redolentis auxilio, in eius obsequii sedulitate permansit. Eadem tamen raptim accedebat, & protinus fugiens abscedebat: diutius enim hoc languore decocta, & miserabiliter cruciata, amicis quoque lætantibus, diem clausit extremum. Recordemini ergo horrédorum inferni cruciatuum, in voluptarios a Deo decretorum iuxta illud, Apocalypseos. *Quantum in deliciis fuit, tantum illi date tormentum.* Et si enim multis annis vixerit homo, meminisse debet tenebrosi temporis & dierum malorum, qui cum venerint vanitatis arguentur præterita. Exemplo sit Epulo Euangelicus, qui epulatus quotidie splendide

Eccl. II.

Y 2

sepultus

sepultus est in inferno, & in summis cruciatibus & tormentis existens guttam aquæ impetrare non valet. Præclare S. Chrys. ad popul. Antioch. Non decipiamus nosmetipsos. Detur enim quod per totam vitam nostram voluptati vacauerimus: sed quid ad infinita sæcula? Hic enim & bona & mala finem habent, illic autem immortales pænæ. Hic si ardeat corpus, egreditur anima: illic vero incorrupto resurgente corpore semper anima comburitur, peccatores enim incorrupti resurgent, non ut honorentur, sed ut immortaliter in tormentis permaneant. Si itaque balnei vehementiorem vaporem non ferimus, quomodo feremus igneum flumen. Recordemini inquit omnia bona mundi esse momentea, vinumque eius cito deficere, sed potius venite, bibite vinum sanguinis Christi, & cōsolationum diuinarum quogustato non sitietis amplius, nisi solum IESUM, cui laus & gloria, cum Deo Patre, & S. spiritu in sæcula sæculorum.

AMEN.

SECUNDA ORATIO ECCLESIASTICA

In eadem Dominica.

Implete hydrias aqua. Ioan. 2.

*Summa Con
cionis.*

OMnis qui Christo aliquid donat, centuplum accipit, & qui in nomine eius poculum aquæ frigida tribuit, calicem plenum vino cœlesti possidet.

Libe-

Liberalitate erga omnes excellere bonum & honestum esse immo & utile, nemo est, quem prætereat Auditores in Christo dilecti, quippe talis gloriam, honorem, & amorem sibi facile apud animos hominum comparat, omniumque studia in se accensa experitur, quo quid antiquius, præstantius, utilius? Cymon Atheniensium Princeps teste Plutarcho cum pluribus in locis prædia rusticana haberet, nunquam tamen in his custodem habere sustinuit, ne quis impediretur, quo minus rebus eius quibus vellet frueretur, semperque eum nummati pedissequi sequebantur, ut si quis eius ope indigeret, haberet quod statim daret. Imperator Titus recordatus quondam super cænam, quod nihil cuiquam toto die præstitisset, vocem illam laudatam emisit. Amici perdidisti diem. Dionysius Siculorum Rex ad filium ingressus conspexit argenti cœlati magnam vim, magnificam hanc extulit vocem. Non est in te regius animus, qui his poculis & vasculis, quæ à me tam multa accepisti, neminem amicum tibi feceris. Aurelio olim Imperatori dictum est. Si rempublicam rectè administrare volueris, auro & ferro te munitum esse oportet, ferro ut hostes timeant, auro ut amici diligant. Quod si homines pro sua liberalitate erga egenos declarata tantas consequuntur utilitates, quid existimandum de illis, qui insignem liberalitatis gratiam erga Deum, & servos eius exhibent? Certe gloria & honore coronabuntur, & qui ex illis dedit Christo decem talenta, centum recipiet in futuro sæculo, multiplicabuntur bona eius non erit derelictus nec semen eius quæret panem.

AVE MARIA.

*Tenaces ho-
mines dicūt
minui sua bo-
na cum dant
eleemosynas
sed falluntur*

TRibuentem liberali dextra elemosynas, nullum vnquam in rebus suis detrimentum pati, sed potius in omnibus bonis suis augmentum capere sacram literarum monumenta testantur. Prouerb. 28. *Qui dat pauperibus nunquam egebit, qui autem auertit oculum suum in magna penuria erit.* Communis vox illorum hominum quos auaritia captiuos tenet hæc est, si omnibus egenis de bonis nostris aliquam partem tribueremus, sine dubio ad maximam egestatem deueniremus, sed ecce contrarius Sacre scripturæ sonus, liberales quidem erga pauperes in omnibus suis bonis magis magisque in dies crescere & augeri, tenaces vero & ad tribuendam eleemosynam difficiles minui, & ad summam paupertatem prolabi. 2. Cor. 10. *Qui administrat semen seminanti, & panem ad manducandum præstabit, & multiplicabit seminationem vestram, & auget incrementa frugum iustitiæ vestræ, ut in omnibus locupletemini.* Qui egenti adiumentum de bonis suis affert, bonum semen seminat, breui cum exultatione manipulos in horreum suum importaturus, quemadmodum enim agricolæ si frumenta domi clausa tenent, vermibus in escam seruant, si vero disperferint in terras, non modo custodiunt, sed etiam augent, sic opes stantes in arca, ac sub sera & vecte defollæ cito transfugiunt, si vero in eleemosynas distributæ fuerint, non solum manent custoditæ, sed maiores inde crescunt, augetque Deus incrementa iustitiæ, ut in omnibus locupletetur liberalis homo. Esai. 58. *Cum effuderis esurienti animam tuam, & animam afflictam repleueris, orietur in tenebris lux tua, & tenebræ*

tenebrae tuae erunt sicut meridies, & requiem dabit tibi Dominus Deus tuus semper, & splendor eius implebit animam tuam, & ossa tua liberabit, & eris quasi hortus irriguus, & sicut fons aquarum, cuius non deficiunt aquae. O immensas ex eleemosyna profluentes utilitates. Verum igitur est, qui dat & dispergit pauperibus, eius bona augeri & multiplicari, qui vero dedignatur subleuare egenos ad magnam miseriam deuolui. Placet idem exemplis e fontibus sacrae scripturae depromptis illustrare. Gen. cap. 18. Proles promittitur Abrahamo, propter eleemosynam. Abigail ob panes aliquot Davidis militibus prudenter distributos, ad statum regium promouetur. Vidua etiam pauper, Eliam magno cum gaudio hospitans, dignos percipit fructus. Mulier Sunamitis Eliseum transeuntem hospitio suscepit, atque ideo ei filium impetrauit, & eundem mortuum suscitauit. Cum euasisset Paulus cum sociis de confracta navi, Publius Princeps triduo eis victum benignè exhibuit. Paulus autem Patrem ipsius febris & dysenteria laborantem, oratione & manuum impositione sanauit. Manifestum ergo est liberalitatem erga egenos; nihil incommodi, sed maximos quosque fructus hominibus afferre, quod idem aliquot rationibus veritati consentaneis affirmare licet. quarum Prima haec est. Qui vnico prandio creditori exhibito grande debitum, cuius ergo carceri inclusus fuerat, sibi remittendum procurat, sine dubio iste magni lucri particeps efficitur? quod autem maius grauiusque debitum nostrorum peccatorum pondere? at omnia scelera virtus eleemosynae remittenda & delenda procurat, hac qui erga pauperes subleuandos utitur, nonne magnum reportat fructum? Luc. 11. Quod superest date eleemosynam, & ecce omnia munda sunt vobis, & Tob. cap. 4. Eleemosyna ab omni peccato & a morte liberat, & non patietur animam ire in tenebras. Fiducia magna erit coram summo Deo, omnibus faci-

Enumeran-
tur maxima
commoda ex
eleemosyna
prouenientia

1. Reg. ca.
22.

3. Reg. 17.

4. Re. c. 4.

Act. c. 21.

bus facientibus eam. Altera ratio hæc est. Qui tribuens poculum aquæ frigidæ, dolium optimo vino repletum in signum gratitudinis accipit, nonne magnam vtilitatem assequitur? qui bona temporalia quæ sicut aqua cito dilabuntur, suntque exiguæ durationis distribuit pauperibus, fit hæres bonorum cœlestium, & pro terrenis sumit æterna, an non ingenti vtilitate potitur. Mat. 20. *Quicumque potum dederit uni ex minimis istis, calicem aquæ frigidæ tantum in nomine discipuli, amen dico vobis, non perdet mercedem suam.* Tertia ratio hæc est. Qui pecuniam dat ad vsuram, nullum damnum patitur, quin imo augmentum cum pecunia mutuo data recipit, sed qui eleemosynā tribuit, soli Deo ad vsuram bona offert, ergo &c. prou. 19. *Feneratur Domino qui miseretur pauperis; & vicissitudinem suam reddit ei.* Gentilis quidam in Nisibi vrbe, Christianæ mulieri copulatus, pecuniam feneraturus, piæ vxori credens, pauperibus Christi omnē erogauit, velut apud nummularios, qui centuplum reddituri essent. Lapso tempore cum nihil reciperet, iam non parum de re sua cepit conqueri apud vxorem: illa hominem deliniebat, Christumque pro omnibus tandem erogatis & compensaturum & multiplicaturum affirmabat: at non ita hominis cupiditas exinguebatur. Tandem itaque empto ad obsonium pisce, inuenta in illo est maximi gemma pretii quæ sexies & eo amplius pecuniam pauperibus erogatam superabat, ille tanto miraculo admonitus effectus est Christianus, Deo perpetuas gratias agens. Amadeus Sabaudia Dux rogatus à quibusdam Oratoribus qui aderant, an etiam haberet canes venaticos: annuit vt postera die redirent. Cum vero iam adessent, Amadeus è pergula à latere ædium ingentem

Sophronius
præto spiritu
alica. 185.

tem mendicorum multitudinem eis ostendit, vna discumbentium. Atqui hi sunt inquit, canes mei quos alo quotidie, quibusque cœlestem gloriam me spero venaturum. Magna igitur vtilitas ex distributione eleemosynarum oritur, vt ex allatis in medium rationibus patuit. Ad maius tamen, & euidentius rei nostræ testimonium placet cursum orationis nostræ v-nico exemplo terminare, ex quo facile colligere licebit, bona pauperibus distributa non minui, sed vehementer augeri. Ferunt Tyberium Cæsarem, vtilem, strenuum atq; sapientem eleemosynarium inopumque optimum defensorem fuisse. Qui cum multa de thesauris, quos Iustinus aggregauit, pauperibus erogaret, & Augusta cum frequentius increparet, quod Rempubicam rede-gisset in paupertatem, diceretque: Quod ego multis annis congregaui, tu infra paucum tempus prodige dispergis; aiebat ille. Non deerit Deus sisco nostro, tantum pauperes eleemosynam accipiant, aut captiui redimantur. Hic est enim magnus thesaurus dicente Domino: Thesaurizate vobis thesauros in cœlo, vbi neque arugo, neque tinea corrumpit, & vbi fures non effodiunt nec furantur. Ergo de quo Deus dedit congregemus per pauperes in cœlo, vt Dominus nobis augere dignetur in sæculo. Et quia vt diximus magnus & verus Christianus erat, dum hilari distributione pauperibus opem præstat, magis ac magis ei Dominus subministrat. Nam deambulans per palatium, vidit in pauimento domus tabulam marmoream, in qua crux Dominica erat sculpta, & ait. Cruce tua Domine frontem nostram munimus, & pectora, & ecce crucem sub pedibus conculcamus. Et dicto citius,

Tyberius Cæsar liberalia in pauperes admodū fuit

*Magna re-
muneratio ꝑ
distributis e-
leemosynis.*

tius, iussit eam auferi. Qua amota reperiunt alteram & tertiam, iussuque eius & hanc auferunt, & ecce inueniunt magnum thesaurum habentem supra mille auri centenaria. Sublatumque aurum pauperibus adhuc abundantius, vt consueuerat subministrabat, nec ei Dominus aliquid deficere permittebat, probona voluntate sua. Quid ei Dominus in posterum trāsmiserit non omittam. Narses ille Dux Italiæ, cum in quadam ciuitate domum magnam haberet, in Italiam cum multis thesauris egressus, ad supra memoratam urbem aduenit: ibique in domo sua occultè cisternam magnam fodit, in qua multa millia centenariorum auri argentique reposuit, ibique interfectis consciis, vni tantummodo seni per iuramentum condita commendauit, defunctoque Narsete hæc sub terra latebant. Cumque supradictus senex huius eleemosynas assidue cerneret, pergit ad eum dicens, si inquit mihi aliquid prodest, magnam rem tibi Cæsar dicam. Cui, ille, dic, ait, quod volueris. Proderit enim tibi si quidquam profuturum nobis narraueris. Thesaurum inquit Narsetes reconditum habeo, quod in extremo vitæ positus cælare non possum. Tunc Cæsar Tyberius gauisus, mittit vsque ad locum pueros suos. Præcedente vero sene hi sequuntur attoniti. Peruenientesque ad cisternam de operam ingrediuntur, in qua tantum aurum argētumq; reperiunt, vt per multos dies vix euacuaretur à deportantibus. Huius igitur piissimi Cæsaris exemplo, facite largas eleemosynas, centuplum enim accipietis hic, & in futuro sæculo. Vbi Deus

trinus & vnus, sine fine viuit & regnat.

AMEN.

ORA-

ORATIO ECCLESIASTICA

In Dominica III. post Epiphaniam.

Domine puer meus iacet in domo paralyticus. Mat. 8.

MOrbum corporis esse medicinam salutarem a- *Summa Con-*
nimæ pulcherrimo discursu demonstratur. *cisionis.*

ADamas lapis Indicus, habens colorem & splendorem cristallinum præclarissimis quibusque gaudet proprietatibus, ac inprimis nulli cedit materiæ, nec ferro quidem nec igni, nec vnquam incalescit, vnde à Græcis vis indomita appellatur, sed cum sit inuictus ferro, ignisque contemptor, rumpitur sanguine hircino calido & recenti, cuius fragmentis sculptores in signandis gemmis & perforandis vtuntur. Dissidet in hoc à magnete, quia positus adamas iuxta ferrum, non patitur illud atrahi à Magnete. Adhæc adamas capiti mulieris dormientis suppositus, si fuerit casta dormiendo amplecti cogitur virum, si vero fuerit adultera & infidelis à marito subito resilit, & velut lapidis præsentia indigna de lecto cadit. Et hæc quidem adamantis proprietates rei nostræ illustrandæ accomodatum subministrat, auxilium, sicut enim adamas mulieres an in sua fidelitate permaneant, probat, sic tribulatio valetudinis peruersæ tentat hominem, ostenditque an verè timeat Deum, & recedat à malo. Sunt enim

Isid. li. 16.

Adamas mulierem infidelem deiecit à latere mariti in terrâ.

*Multi Deum
laudat, quia
bene habent
sed cum ten-
tatio proba-
uerit illos a-
gnosciunt e-
orum ficta et
simulata pie-
tas.*

*Propositio
morbos esse
medicinā a-
nimæ.*

multi qui Deum idcirco timere videntur, quia valla-
uit eos Dominus, ac domum eorum, vniuersamque
substantiam eorum per circuitum, operibus manu-
um eorum benedixit, & possessio eorum creuit in
terra, sed cum Deus extendit paululum manum su-
am, & tangit carnem eorum, & tunc videre licet
quod in faciem benedicant Deo: si vero quispiam
fuerit, fidelis seruus Dei, etiamsi à planta pedis vsq;
ad verticem capitis vlcere pessimo percussus fuerit,
ad Deum benedicendum & laudandum, humiliterq;
quærendum conuertitur. Est igitur morbus & o-
mnis alia tribulatio quibusdam venenum, quibus-
dam vero medicina, imo quam plurimos ad melio-
rem mentis sanitatem, & Christum amplectendum
quærendumq; inducit, vt patet in hoc centurione.

AUE MARIA.

MOrbum corporis afferre sanitatem animæ, ex
his verbis colligimus. Eccl. 38. *Qui delinquit in con-
spectu eius qui fecit eum, incidet in manus medici.* Quorum ver-
borum germanum sensum hunc esse intelligo. Pec-
casti, iniquitatem fecisti, incidet in manus Dei viuē-
tis, qui solus præstare potest, salutarem ad tollen-
dum peccati morbum medicinam: Incidere autem
in manus Domini, nihil aliud est, nisi vehementi mor-
borum dolore, & tribulationum amaritudine, Deo
sic permittente torqueri dicente S. Iob. aduersa va-
letudine affecto. *Manus Domini tetigit me.* Annuit sen-
tentia meæ lumen Ecclesiæ, S. Augustinus. docens
morbū corporis causam salutis animæ existere his
verbis. *Tussi laboras, pulmone deficis, cibum stomachus respuit,*
phrissi

phrasi decoqueris, vinum fastidis, dissenteria sauciariis, multi modo morborum genere afficeris? sed & hac si oculum habes, si cordatus es Dei tota sunt, disciplinam patris, ne abiicias fili. &c. Vis scire quia infirmitas corporis salutem animæ parturit? Audi Dominum Apolo respondentem Virtus in infirmitate perficitur, ac si dicat. Complescere quam pateris infirmitatem, quoniam ita proficies de virtute in virtutem. Non dissimilis ab Augustini S. Ambrosii sententia ad Bellicum ægrum ita scribentis. Iactatum te grandæ ægitudine significasti mihi, credidisse in Dominum IESVM, & iam cepisse reualescere. Ad salutem igitur ea infirmitas fuit, plus aculei: quam periculi ferens. &c. Hoc est quod ait, percutiam & sanabo percuti in infirmitate; & sanavi fide. Probatur idem pulcherrimis similitudinibus. quarum Prima hæc est. Ferrum longo tempore intactum rubigine coopertum breui videbis; similiter hominem in statu prosperitatis existentem ad omnia vitia, quæ sunt animæ morbi frequenter prolabi, facili negotio agnosces: & sicut ferrum igne purgatur, sic anima camino tribulationum & igne febrium, à morborum malitia euacuatur. Psal. 72. In labore hominum non sunt, & cum hominibus non flagellabuntur, ideo tenuit eos superbia, operi sunt iniquitate, & impietate sua. Altera similitudo hæc est. Quanto diluvii aquæ amplius crescebant, tanto magis in sublime cælum erigebatur arca Noe, sic quanto animæ maior tempestas, & fortiores tribulationum procellæ, tanto magis eam ad sublimia ducunt, tanto inquam & oratio feruentior, & humilitas profundior, & sanctus timor grauior, & feruor spiritualis vehementior. Notum est struthionem ferrum ipsam deuorare, dirigere, & in nutrimentum sibi conuertere, quod ex magnitudine & vigore caloris naturalis procedit, sic callidæ febres pertinaciam duram, ferream

S. Aug. li.
de visitatio
ne inferno-
rum cap. 3.

S. Ambrosi-
us lib. 2. E-
pist. 9.
Eccl. 31.
Infirmitas
gravis sobri-
am facit ani-
mam.

**Leo in mari
mansuetus
imo quæ ani-
malia in ter-
ra sunt ter-
ribilia ea in
mari man-
suetæ.**

malitiam frangunt, corque lapideum conuertunt in carneum. &c. *Tertia similitudo hæc est.* Eadem animalia sunt in mari, quæ & in terra, Leo terrestris, Leo marinus, fuscus terrena, & fuscus marina, coruus terrenus & coruus marinus, sed maximum est inter ista discrimen: nam Leo terrenus ferus & crudelis est, marinus mansuetus & clemens. Aqua euidentissimum tribulationis symbolum iuxta verba Davidis. *Saluæ me fac Deus, quoniam intrauerunt aquæ usque ad animam meam.* Videbis igitur hominem ut Leonem rugientem, quæ positum in infirmitate, & aquis tribulationum circumdatum, mansuetum & mitem aspicias. *Quarta similitudo hæc est.* Ut agricola fructum colligat terræ, oportet eam aratro & ligone proscindat, & colat, alioquin spinas & non segetes proferet. Ita & nos qui terra sumus, oportet, si fructus afferre dignos horreo cœlesti desideramus, aratro crucis & ligone pœnitentiæ scindamur. *Quinta similitudo hæc est.* Sicut vas prauo odore perfusum, eundem semper retinet, nisi fecibus eiectis aqua calida decoctum, vel etiam ambustum nouo liquore imbuatur, sic animus peccatis alluctus nouum saporem non ante induit, quam noua aliqua afflictione vexatus saniora consilia accipiet. *Sexta similitudo hæc est.* Imagines sanctorum dupliciter fiunt, vel delineando, & lineas lineis, coloribus colores addendo, vel truncum aptando, tollendo, ressecando. &c. Sic Deus supremus artifex Sanctos efficit, aliquando superaddendo dona donis, aliquando adimendo, formam, sanitatem, pulchritudinem. Attendite, Addomandam comprimendamque carnem, ne animæ ad bonum properanti sese impedimento obiciat, requiritur eius castigatio, macq-

maceratio, variaque afflictio S. Paulo teste 1. Cor. 9. *Castigo corpus meum, & in seruitutem redigo, ne cum aliis predicauero ipse re probus efficiar.* At grauis infirmitas nostræ carni molesta est, affertque varios cruciatus & afflictiones, quibus caro vehementer debilitata & languida, ad explendaque sua desideria omnino inhabilis efficitur, igitur morbus corporis salutaris medicina animæ, hostem deprimens, & animam ipsam erigens & eleuans. Præterea, cui displicent minora tormenta, multo magis displicebunt maiora, Infirmitas est tormentum corporis umbra quædam & figura futurorum in inferno tormentorum, igitur qui infirmitate circumdatus affligitur, subito cruciatuum infernalium recordatur, & cum durum esse temporalem, pati infirmitatem intelligat, vehementi pauore & metu, ob futura mala cōcatitur, ex templo ergo per pœnitentiam ad Deum conuertitur, & sic corporis morbus sit medicina animæ. Addo. Si quispiam multum diuque laborando, dies noctesque sudando in vinea alicuius Patrisfamilias occupetur, cum vero tempus mercedem accipiendi adueniat, in carcerem cōiciatur, fame affligatur, omni calamitate opprimatur, nonne Patremfamilias crudelitatis accusaret? nonne iuramento affirmaret, se nunquam in posterum ad eius vineam venturum? Infirmitas corporis frequenter in pœnam peccati, à Deo immititur. Ioan. 5. *Vade & amplius noli peccare, ne quid deterius tibi contingat.* Qui igitur mente perspexerit, se in sectandis voluptatibus multum sudasse, & loco præmii in angustias afflictæ valetudinis incidisse, profecto à simili labore abstinendum sibi censebit; & sic infirmitas corporis erit medicina animæ. Insuper Diues quispiam multorum bonorum possessione beatus,

totum

*Idem illustra-
turationibus
prima talis,
corpus casti-
gatum absti-
net à malo,
sed infirmi-
tas est corpo-
ris castigatio
ergo illud co-
hibet à pec-
cato.*

totum se domi suæ in pace donat, fruendis voluptatibus, conuiuium parat, iocos, cantus, hystrionum saltus, hisque similia adhibet, & dum omnes illis vanis oblectamentorum delectationibus attoniti incumbunt, ecce deimproviso domus ardere pronuntiatur. Corripitur ille terrore, domo egreditur, vociferatur, aquam quærit homines conuocat, auxilium ab omnibus poposcit. Hoc modo homo mortalis, cum nullis tribulationum procellis opprimitur, nullos ventos aduersos patitur, sed ad voluntatem eius & beneplacitum omnia fluunt, totus dissoluitur in vanam lætitiā, nullam admittens mentionem aduenientis lethi: sed cum febris in artus eius ardorem suum immiserit, vehementer compungitur, vocat presbyteros, peccata confitetur, quibus delendis fontes aperit lacrymarum. Refert Plinius Chelidoniam esse herbam, quam deferunt hirundines naturæ ductu, ut cæcucientium pullorum oculis medeantur, mirabilis herba, quæ oculos erutos renasci, & visum amissum restitui faciat. Et non huius sane solius herbæ Chelidoniæ vim ab irrationali animante edocti sunt homines, sed aliarum quoque: nam

Lib. 8. c. 27

*Plinius li. 8.
cap. 27.*

*Via impiorum
tenebrosa.*

cerui Dyctamnū herbam docuere esse homini salutarem, in ferro è vulnere extrahendo: ipsi enim sagitta percussi, pastu eius herbæ telum eiiciunt. Hoc modo infirmitas corporis aperit oculos mentis, cæcus enim homo est, qui peccat, quippe, *Ambulabunt ut cæci, quia Domino peccauerunt*, sanat & vulnera animæ, dum compellit homines per medicinam penitentiae, durum è conscientiae domo eiicere telum. In monte Arcadio flabia nascitur herba, cui inditum à natura est, ut si excidatur emanet, ab ea liquor sanguineus repescens

tepesceus, quo dum tepor durat, si quis ab illo contingatur, occulta quadam ratione trahitur in amorem eius, qui tetigerit, sic quem virga sua ferrea Deus omnipotens tetigerit, sine mora homo mira quadam virtute trahitur ad quærendum, & diligendum Deum. In Brasilia dicitur esse herba viua, vocatur etiam pudoris cognomento. Illi si quis accedat, protinus ipsa se sponte colligit, conglobataque cōstringitur, velut aut metuens, aut pudefiens, quod si is qui accēserit, longius ab ea abeat, libera metu pudoreue, iam se libere pādīt, simili ratione morbo adueniente colligit se homo, & pudore suffunditur eo abeunte aliquando sicut canis ad vomitum reuertitur. Est igitur morbus corporis, sanitas animæ, quam vobis donare dignetur, qui sine fine viuit & regnat, Deus vnus & Trinus.

AMEN.

SECVNDA ORATIO ECCLESIASTICA

In eadem Dominica.

Et male torquetur. Math. 8.

Peccatum mortale esse crudelissimum hominis
tortorem pulchre docetur.

*Summa Con-
cionis.*

A a

Quæro

*Queritur
quis nam sit
postrema re-
putationis.*

O Væro à vobis Auditores, quisnam ex hominibus sit maximè abiectus, & contemptus? Respondebitis fortassis homines mendicos, vlceribus, lepra, aliisque contagiosis morbis affectos, quos è domibus exclusos in stercore delitescere spectatis. Sed hoc responso non erit mihi satisfactum, quippe tales homines repræsentare Christi paupertatem docemini: & frequenter viros pios, religiosos, deuotos, illis seruire intuemini, factumque lob in eadem naui nauigasse recordamini. Iterum vos respondebitis nullum ex hominibus esse minoris æstimationis, & leuioris conditionis homine pessimæ famæ nota insignito. Huic responsioni non acquiesco, nam ætate nostra adeo vitia omnia extulerunt caput, vt quo quis audacior, & in vitiis fusior, ille quodam modo à plurimis gloriosior habeatur. Iterum vos subiicietis hominem ignotum, veste lacera indutum, nocturnis perambulationibus suspiciosum ab honestis domibus arceri. sed nondum rem acutetigistis, nam nihil refert, etsi artus tegat vestis lacera. Cum animo illis sit virtus semper clara. Poloni nostri vulgo vsurpant. *Nic to choé sũt niá sãra/ byle bylá enotá cãta.* Habete. nullus vilioris æstimationis apud homines esse quotidianis experimentis conuincitur, homine illo, qui per manus carnicis tormenta suorum criminum ergo sustinuit, ideo talis flagellis cæsus, naribus & auribus abscisis è ciuitate ignominiosissime eiicitur, tanquam indignissimus honesta conuersatione hominum. Peccatum mortale est, tortor crudelissimus, in cuius manus incidere, res apud Deum plena ignominia, atq;

ita

ita rem se habere docebo. Fauete mente & auribus.

AVE MARIA.

IN primis peccatum mortale esse carnificem crudelissimum, & maximis quæstionibus & tormentis, animam exagitare, sacrarum literarum testimonia, ad id illustrandum adhibenda esse decerno. Eccl. 21. *Quasi à facie colubri fuge peccatum. Dentes Leonis dentes eius interficientes animam hominum. Quasi romphæa bis acuta, omnis iniquitas, plage illius non est sanitas, & in fine peccantium inferi, & tenebræ, & pœnæ.* Carnificum illud munus est, nocentes suppliciis afficere, virgis cædere, capite plectere. Peccatum mortale interficit animam, plagas sine sanitate adhibet, cruciatibus sicut Leo ossa confringendo, & coluber veneno carnem inficiendo exagitat, quis illud carnificem crudelissimum & tortorem immanissimum appellare metuet? Recte S. Chrysostomus inquit. *Barbarum est peccatum tyrannidem exercens in animam, semel captam, sed in perniciem eorum qui ipsum suscipiunt.* Peccauit Saul contra Dominum, eius mandata perfecta executione implere recusans, & statim subiicitur: *Spiritus Domini recessit à Saul, & exagitabat eum spiritus nequam à Domino,* quæritur igitur homo sciens psallere cythara, vt psallat manu Regi, & Rex leuius ferat tormenta illa. Perquam optime in hoc Rege expressam omnium peccatorum sortem intueor, qui semper tormentis peccatorum exagitati quærunt delectationes mundanas, confluunt ad conuiuia, leniunt dolorem dulci musicorum concentu, recedit aliquantulum spiritus malus, sed subito redit, quippe vermis eorum non morietur in æternum. *Frequenter enim præoc-*

*In alteram
Epistolâ. S.
Pauli ad Co
rinth:*

1. Reg. 6. 16

*Conscientia
mala mille
testes.*

*Summa in
hominē pec-
cati crudeli-
tas.*

cupatur pessima redarguente conscientia, cum sit enim timida nequitia, dat testimonium condemnationis, semper enim præsumit saeva, perturbata conscientia. Notandum dum carnifex accipit potestatem, & plenariam facultatem, in nocentem excrucians, exemplo corripit eum, vestimentis denudat, tormenta adinuenit, manus ligat, pedes constringit, & in loco morti destinato, sententiam Iudicis seuerissime exequitur. Hoc modo ubi primum malitiæ peccati, sese sponte sua subiecerit homo, omnem in eum crudelitatis seueritatem exhibet. Aures abscindit, ne audiat verbum Dei, os obturat ne laudes proferat diuinas, pedes ligat, ne viam mandatorum Dei currat, manus constringit, ne ad subleuandos egenos eleemosynam præbeat, & sit homo sicut surdus non audiens, & non habens redargutiones in ore suo, & sic funibus peccatorum circumplexum seruum suum efficit, & quocunque locorum desiderat facili negotio trahit. 1. Ioan. 3. *Qui peccatum facit, ex diabolo est, quoniam ab initio diabolus peccat.* & 8. *Qui enim facit peccatum seruus est peccati.* 2. Pet. 2. *A quo enim quis superatus est eius & seruus est.* Consequens ergo est cum sit seruus, & mancipium peccati, plagas multas aliosque cruciatus sustineat necesse est. Tormenta vero & cruciatus quibus peccatum homines opprimit, sunt in duplici differentia, quibusdam enim corpus quibusdam autem animam exagitat, scriptura sacra clare docet peccata nostra plerumque morborum causam esse, vt annotauit B. Hieronymus, cap. 9. Mat. ubi cum paralyticus iacens in lecto, Christo oblatus esset sanandus, Christus respondit. *Confide fili remittuntur tibi peccata tua*, vt tanquam peritissimus medicus ostenderet, se causam & radicem paralytici tollere. Vnde cum.

cum apud Ioannem ægrum illum, qui per triginta octo annos ad piscinam iacuerat, curasset, ait illi. *Vade & noli amplius peccare, ne quid tibi deterius contingat.* Sic Apostolus in priore Epistola ad Corinthios indicat ob indignam Eucharistiæ sacræ perceptionem, quosdam morbis à Deo affligi. Propter hoc inquit, inter vos multi infirmi: & imbecilles, & dormiunt multi. Et mox antidotum subiiciens ait. Si nos ipsos diiudicemus per examen conscientiæ, & confessionem peccatorum, non utique iudicemur, id est, puniremur à Deo. Hoc ita firmum habuit Ecclesia Catholica, nempe peccata esse morborum causas, vt Innocentius III. Papa in Concilio Lateranensi, vt habetur in Decretalibus, titulo de pœnitentiis & remissionibus, legem tulerit, ne medicus ægro ante corporis medicamenta subministret, quam Sacerdoti medico spirituali peccata confessus fuerit. Exclamat S. David, & ait. *Non est sanitas in carne mea, à facie iræ tuæ, non est pax ossibus meis à facie peccatorum meorum.* Conscientiam quoque tanto dolore peccatum mortale exagitat, vt multi sustinere hunc cruciatum non valentes, sibi ipsi man⁹ iniecerint. Qui enim gladium in præcordiis infixum gestat, an non maximos cruciatus sentit, sed homo peccati labe infectus Prou. 12. *quasi gladio pungitur conscientia*, ô quantis tormentorum molestiis exeruciatur. Hinc peccatum assimilatur buresti, qui dicit Plinius, est animal paruum simile scarrabeo: inter herbas quas bos comedit se abscondit: quem bos accipit dum herbas carpit: qui deuoratus à boue iecur eius sic inflammat, vt eum cum cruciatu maximo tandem rumpat. Sic malitia peccati, sub delectationibus quas homo diligit, se abscondit: quam homo non aduertens, cum

Mat. 9.

Ioa. 5.

Morbos omnes propter peccata venire.

Psal. 37.

Libro de similit. rerum.

*Delphinus
Crocodilum
interimit.*

Lib. 4 c. 20

delectationem exterius accipit: intrinsecus inducit: quæ & appetitum inordinate incendit: & mentis soliditatem frangit, & ultimo cruciatum conscientia inducit. Feruntur esse in Nilo quidam Delphini dorso serrato, qui interna ventris secantes interimunt Crocodilum. Delphinus ergo qui non anteriori pectore, sed posteriori dorso serrato Crocodili lacerat ventrem, peccatum repræsentat mortale, quod in principio delectat, sed in cor admissum, hominem interficit, mentem lacerat, animam vehementer excruciat. Prou. 23. *Ingreditur blande, sed in nouissimo mordebit ut coluber.* Apud Indos inquit Aelianus nascitur immenso robore, præditum animal, cui Indicorum lingua Manticoræ nomen est, magnitudine maximi Leonis, colore rubrum, canis modo villosum, facie eadem prope quæ hominis, dentium triplici vndiq; ordine, auribus hominis similibus, oculis cæcis, & his non dissimilibus hominis, pedibus & vnguibus eisdem qui Leonis, summa cauda illi scorpionis modo tereti aculeo, plus quam cubitali armata, reliquum caudæ vtrinque aculeis cuspidatum existit. quos tãquã tela, si qui in sequantur eminus iaculatur, aculei si quem attingerint, lethales emissiones habent. Cum in anteriorem partem versus iaculatur, caudam intorquet, si retro versus aculeos emittit. Humanis vt idem affert carnibus maxime delectatur: quo circa complures homines interficit, nec duntaxat singulos homines inuadit, sed plures collectos, vel ipse solus interimit. O crudelem bestiam, sed profecto crudelior bestia peccatum mortale, quod corpore crudeliter occiso animam mittit in gehennam, nunquam, ab ea excrucienda cessaturum. Antequam autem si-

tem finem dicendi faciam, decem vulnera quæ peccatum mortale animæ nostræ crudeliter infert, commemorare statui. *Primum vulnus*, est seruitus peccati, & prauæ consuetudinis, qua velut quibusdam vinculis anima crudeliter ligata detinetur. 2. Est cæcitas, ignorantia, & inconsideratio salutarium, qua pericula sua, & quæ sunt vtilia, nec clarè dignoscere, nec satis aduertere anima potest. 3. Est malitia, seu affectus & delectatio peccati. 4. Concupiscentia & inordinata cupiditas terrenorum, & carnalium desideriorum. 5. Cordis duritia, & insensibilitas, qua fit: vt nec vero dolore compungi, nec amore Christi affici, nec quæ spiritualia sunt, sapere & gustare anima possit. 6. Impotentia agendi, aliquid Deo gratum, & meritorum vitæ æternæ. 7. Infirmitas ad resistendum temptationibus mundi, carnis & diaboli. 8. Ad tolerandum probra, penurias, & aduersa. 9. Ad inchoandum, prosequendum, & perficiendum ardua virtutum opera. 10. Pronitas atq; inclinatio ad alia vitia grauiora. O crudelissimum Tyrannum, & immanissimum carnificem peccatum mortale, quod tantis tamque grauibus animam nostram inficit vulneribus. Per sanguinem Christi, obtestor vos Auditores, animas vestras sponsas Christi non patiamini in manus crudelissimas huius Tyranni incidere. sed potius omni ope eius crudelitatem euitare nitimini, quod cum feceritis, conscientiæ salutarem lætitiā, pacemque internam post hæc requiem sempiternam obtinebitis. Vbi regnat Pater, & Filius, & Spiritus Sanctus, Vnus & Trinus Deus.

AMEN.

ORA-

ORATIO ECCLESIASTICA

In Dominica IIII. post Epiphaniam.

*Ecce motus magnus factus est in mari, ita ut navicula operiretur
fluctibus. Mat. 8.*

*Summa Con-
sionis.*

MElioresse conditionem eorum, qui variis
turbationum procellis iactantur, quam illo-
rum qui ventis dant sua vela secundis singulari di-
scursu ostenditur.

*Mare imi-
tatur natu-
ram lunæ.*

Dicit Philosophus, libro de proprietatibus e-
leméntorum, quod mare soleat imitari natu-
ram lunæ, nam sicut adamantem sequitur
ferum, sic mare sequitur lunæ cursum, unde semper
est mare in summo augmento & vigore, quando lu-
na est plena lumine: siue versus cælum, ut in noui-
lunio: siue versus terram, ut in plenilunio. Et sicut
luna in suo lumine proficit vel deficit: sic mare cre-
scit amplius vel decrescit: simili ratione, si fortuna
hominib⁹ favore & auxilio adest, mundus quoq; illis
applaudet, mutato prospero in aduersum statu, mun-
dus subito relictis illis aufugit, hinc merito dicitur.
Cum fueris sælix, multos numerabis amicos. Tem-
pora si fuerint nubila, solus eris. Omnes enim homi-
nem tribulationibus & infortuniis circumdatum a-
biiciunt, & quodammodo dum ille tumentibus affli-
ctionum vndis, huc illuc iactatur obdormiunt, dissi-
mulantes

mulantes se eorum afflictiones haud animaduertere. Ne autem aliquando tam turpi vitio seducti à via veritatis discedatis, & homines angustiis tribulationum oppressos despiciatis, demonstrabo in hodierna Concione meliorem esse eorum conditionem, quam illorum quos suis fortuna lactat vberibus, & consequenter non esse flocci æstimandos, sed potius ab omnibus debita reuerentia obseruandos, colendosque. &c.

AVE MARIA.

Sortem horum hominum meliorem esse, quorum vita amaritudine tribulationum, & felle afflictionum repleta est, quam illorum quorum status viuendi dulcedine voluptatum, & prosperitate bonorum temporalium decoratur, pulcherrimis rationibus, quæ tamen in sacra scriptura fundamentum habeant probatur. Quarum. *Prima hæc est.* Melior illius conditio est, qui via ad cælum ducente currit, quam illius qui via ad infernum dirigente proficiscitur, sed morborum molestiæ, tribulationum angustiæ, aduersitatum procellæ cæteraque vitæ incommoda, viam ad cælum aperiunt, deliciæ vero ad infernum, ergo 2. Acto. 14. *Quoniam per multas tribulationes oportet nos intrare in regnum Dei.* 2. Cor. 4. *Id enim quod in presenti est momentaneum, & leue tribulationis nostræ, supra modum in sublimitate æternæ gloriæ, pondus operatur in nobis.* Matth. 5. *Beati estis cum maledixerint vobis homines, quoniã merces vestra copiosa est in cælis.* Luc. 24. *Nonne hæc oportuit pati Christum, & ita intrare in regnum cælorum.* Igitur in aperto est tribulationes &c. in cælum proficiscentibus aditum aperire, deliciæ vero cultores suos in profundissimum inferni barhatrum

Melior conditio lugentium quam latantium.

Acto. 14.

Mat. 5.

Luc. 24.

Iob. 1.

Prou. 14.

Ester. 6.

Psal. 63.

17.

Tren. 1.

solere demergere eiusdem Sacrae scripturae verbis admodum egregie confirmatur. Iob. 21. *Tenant tympanum & cytharam, & gaudent ad sonitum organi, ducunt in bonis dies suos, & in puncto ad infernum descendunt.* Prou. 14. *Risus dolore miscebitur, & extrema gaudii occupat luctus.* Quemadmodum igitur melior est eius conditio, qui etsi per viam duris lapidibus plenam, & spinis refertam, sed ad obtinendum amplissimum regnum currat, quam illius qui via spatiosa, sed ad lacum Leonum, & foueam venenosis abundantem progreditur, ita felicior est, qui per multas tribulationes iter ad coelum arduum quidem & asperum arripit, sed ut possideat regnum aeternum, quam ille qui per molles & florentes delicias ad barhatrum inferni discedit, ut quantum glorificauit se in deliciis, tantum illo in carcere habeat luctum, & tormentum. *Altera ratio haec est.* Homo ille quem Rex honorare cupiens induit eum vestibibus regiis, & imponi iubet super equum, qui de sella regis est, & dat regium diadema super caput suum, & primus de regiis principibus & tyrannis ad mandatum regis, tenet equum eius, & per plateam ciuitatis incedens, clamat ab hominibus adorandum & honorandum, an non meliori gaudet sorte homine illo, qui veste lacera & vili indutus, ab honestis liminibus arcetur? Ita se rem habere absque dubio responderebunt. Et ego subiiciam. Qui tribulationum pondere grauissimo deprimitur, vestibibus Christi induitur, & per consequens optima ex omnibus conditione potitur. Vestis enim Christi non alia, nisi dolor, labor, tristitia, miseria, paupertas & calamitas. Ps. 63. *Ego sum pauper & dolens, & 17. Circumdederunt me dolores mortis.* Tren. 1. *Videte si est dolor sicut dolor meus.* & Psal. 114.

Dolorem.

Dolorem & tribulationem inueni. Verum intuemini illum in cruce pendentem, & videte indumenta eius qualia sint, liuor in facie, spinæ in capite, clauī in manibus, lancea in latere, vulnus tumens in corpore, dolor immensus in pectore. hæc eius fuere vestimenta. Crux lignea, corona spinea, clauī ferrei, hæc eius fuere monilia. hic solennis Regius apparatus. Si te igitur aliquando dolor aut tristitia vexauerit, Christi te vestimento indutum noueris, si capitis dolor oppresserit, diademate Christi te insignitum scito. Si in te paupertas, nuditas, calamitas, infirmitas, irruerint. age gratias Deo, qui te tunica filii sui Ioseph vestire dignatus est. &c. Magna certe fælicitas, & magni laboris, insignisque alicuius facti præmium fuit vestibus Regis indui. Dan: 5. *Tunc iubente Rege indutus est Daniel purpura, & circumdata est torques aurea collo eius, & prædicatum est de eo quod haberet potestatem ter-
tius in regno suo.* Magna tunc dignitatis prærogatiua exornatus fuit Daniel, sed clariori splendore decorantur illi, qui Christi indumentis Regis æterni in hoc mundo exornantur. Sexto die Alexander in sua aduersa valetudine vehementer afflictus, præclusa voce, exemptum digito annulum Perdicæ strenuo duci tradidit, & quamuis non voce nuncupatus hæ-
res, indicio tamen electus esse videbatur. Sicut igitur ab Alexandro datus Perdicæ annulus, spem illi regnum post eius mortem obtinendi attulit, hoc modo tribulationes quæ fuerunt vera Christi monilia, cui a Christo missæ fuerint, certam fiduciam possidendi regnum Dei concipiat. *Tertia ratio hæc est.* Melior eius conditio esse concluditur, cuius mensæ ad comedendum ea fercula apponuntur, quæ familia-

Justin. li. 12.

res Regis & solus Rex sumere solitus est, quam illius, qui quod comedentibus remansit raptim in angulo deuorat, ut vulgo Poloni nostri loquuntur. *Codru-giemu z wasa spada / to iennu puscizna przypada.* Fercula seruorum Christi non alia nisi fel tribulationum, & amaritudo afflictionum. Psal: 33. *Multa tribulationes iustorum.* Psal: 101. *Quia cinerem tanquam panem manducaham, & potum meum cum fletu miscebam.* 2. Tim: 3. *Omnes qui volunt pie vivere in Christo Iesu persecutionem patientur.* sed & ipse Dominus Iesus, non alia fercula sumere consueuerat teste Psalmista, Psalm: 68. *Et dederunt in escam meam fel, & in siti mea potauerunt me aceto.* Magnum certe, & omni gratitudine compensandum beneficium, hominem eos cibos manducare, (dum aduersa quæque patienti sustinet animo) quos ipse Christus cum suis Sanctis manducauit. 2. Reg, cap. 9. Ait David

2. Reg. 9. 9. *ad Miphiboseth. Ne timeas quia faciens faciam in te misericordiam. &c. comedes panem in mensa mea semper. Qui adorans eum dixit. Quis ego sum seruus tuus, quoniam respexisti super canem mortuum similem ei.* Non dispari ratione cum te aliqua tribulationis afflictio cruciauerit. lætare & exulta filia Christiana, quid ita? Exultandum in dolore? Letandum in tristitia? gaudendum in mœrore? triumphandum in paupertate, quis aliquando sana mente præditus suasit? Ita ego omnino faciendum esse doceo. Tunc enim ad mensam Dei sedes, vesceris pane Christi, & frueris saluberrimis cibis Sanctorum, & hoc an non magna lætitiæ causa? De illis verò qui in omni prosperitate deliciis affluunt dicitur. *Quantum glorificauit se, & in deliciis fuit, tantum date illi tormentum & luctum, quia in corde suo dicit. Sedeo Regina & vidua non sum, & luctum non videbo. Ideo in una die venient plaga eius, mors, luctus,*

Apocal.

luctus. & fames, & igne comburetur. Cum aliquando S. Ambrosius Romam proficisceretur, atque in Hetruria à prædiuite fuisset hospitio exceptus, iactabat *Res scitu di- gnissima.* ille diuitias, familiam, filios, ac prospera omnia, nihilque sibi vnquam accidisse infelicititer. Id animaduertens Ambrosius discessum accelerandum constituit, quod tanta prosperarum rerum affluentia exitum longè infelicissimum habitura foret. Hortatus igitur suos est, vt inde mox omnes secum abscederent, ne iræ Dei furorem experirentur. Abeuntibus omnibus, mox hospes cum reliqua familia, domoque omni hiatu patente absorpti sunt. Sane ingens argumentum gratiæ Dei trahitur, à rebus aduersis, sicut auersam esse Dei gratiam, ex rebus semper secundis rectè conicere licet, propterea Bonsignorius Cacciaguera Senen. Sanctissimæ vitæ Præsbyter, cum de tribulatione perferenda libellum conscriberet, vt persuadeat, hanc Diui Ambrosii hystoriam enarrat, semper igitur secundæ res infelices consueuerunt exitus experiri, quod nullo prorsus exemplo adeò perspicuè apertum est, quam memoria repetita de Policrate Samiorum Tyranno, cui nil cōcupitum, nil speratum vnquā fortuna negauit, adeò vt aliquando illi in mentē veniret, experiri velle aliquod incōmodum, si posset: eā ob rem gratum sibi annulum in profundum maris abiecit, sed inimica illi sors effecit, vt captus piscis qui cum deuorauerat, ad ipsius Polycratis culinam, in obsonium deferretur, ex quo inuentus est annulus, sed non diu post ille cruci affixus est, & morte turpissima interemptus. *Quarta ratio hæc est.* Melior est illius conditio, qui quāuis multa mala sustineat, sed tamen paucis post die-

*Finis vobis
ptatum cru-
ciatus.*

*Lazarus mo-
rtuus defer-
tur in sinum
Abraha.*

bus æternam consequitur mercedem, quàm eius, qui post breue tempus deliciarum & prosperitatis mundanæ, subit æternos cruciatus. Res tota ex allato exemplo patebit. Luc. 16. *Homo quidam erat diues qui induebatur purpura & bysso, & epulabatur quotidie splendide. Quis harum voluptatum finis? Mortuus est diues, & sepultus est in inferno, & ibi vitæ tormentorum vehementer cruciatus, guttam aquæ suppliciter petit, & denegatur illi, iubeturque meminisse, multa bona se recepisse in vita sua. Lazarus vero iacebat ad ianuam eius, plenus ulceribus, cupiens saturari de micis quæ cadebant de mensa diuitis, & nemo illi dabat. &c.* Appropinquauit terminus vitæ eius, & vbi primum vitam cum morte commutauit, portatus est ab Angelis in sinum Abraha. Quæro ex vobis, cuius melior conditio, Lazari ne, an diuitis? Sine dubio Lazari, qui modico temporis interuallo tribulationes sustinuit, sed postea inuenit animæ suæ requiem. Diues quidem floruit, sed post breue tempus æternis est addictus cruciatibus. Eccl. 11. *Si annis multis vixerit homo, & in his omnibus latus fuerit, meminisse debet tenebrosi temporis, & dierum malorum, qui cum venient vanitatis arguentur præterita.* Quinta ratio hæc est. Melior est eius conditio, qui potiore eligat partem, quam qui deteriore, sed qui tribulationes forti, & inuicto animo patitur eligit meliorem partem, quippe tribulationes pati melius est, quam prosperitate vti, nam tribulationes hominem in notitiam sui & Dei compellunt. 2. à peccatis præseruant, 3. Augent gratiam. 4. Similem Christo efficiunt qui dicitur vir dolorum. E contra res secundæ hominem in sui & Dei obliuionem inducunt, peccatis implicant, & similem iumentis insipientibus efficiunt. Recte S. Dauid

uid. *Bonum mihi Domine, quia humiliasti me.* Et quare bonum? Nam cum a filio proprio tribularetur clamavit ad Dominum, agnovit culpam propriam, & Dei erga se exhibitam gratiam, cum vero otiosus omni affluës rerum copia in palatio deambulare, ad adulterium cui postea iunxit homicidium prolapsus, venit in altitudinē maris, & tempestas demersit eum. Hinc. B. Petrus propriam filiam Petronillam semper peruersa valetudine affligi voluit. Cum enim quidam valde mirarentur, cur cum alios etiam sola vmbra curaret, non idem beneficium præstaret filiæ, curavit illam quidem ad tempus, iussitque discumbentibus ministrare, sed ministerio peracto, voluit eam ad lectum redire, vtiliorem illi morbi tribulationem quam prosperæ valetudinis fælicitatem insinuans. Beniamin Eremita cum sola oratione alios curaret, noluit tamen seipsum intercutis morbo laborantem curare. Legitur quoque in vita B. Thomæ Cantuarien. Episcopi, quendam scilicet valetudinis recuperandæ causa sepulchrum eius adiisse voti; compotem factum: deinde dubitare secum capisse, num sanitas æque ac prior morbus ad animæ salutē profutura foret, itaque ad sepulchrum Martyris rediisse, petiisseq; si sanitas non prodesset in morbum pristinum incideret, atque recidisse. Ergo colligitur ex præmissis tribulationem meliorem esse prosperitate, & consequenter eos feliciores prædicandos, qui tribulantur quam qui in voluptatibus gloriantur. *Sexta ratio hæc est.* Melior est eius conditio qui paruo pretio grande debitum soluit, quàm eius qui in dies plurima debita contrahit. Eccl. 2. *Pius & misericors est Deus, & remittet in die tribulationis peccata.* & 3. *In die tribu-* Eccl. 2. & 3. I. Cor. 13.

*Peccata sunt
grauissima
debita qua
soluere tene-*

mur.

tribulationis commemorabitur tui, & sicut in sereno glacies soluentur peccata tua. I. Cor. II. A Domino corripimur, vt non cum hoc mundo damnemur. Qui igitur pro amore Dei forti animo, aliquas tribulationum aduersitates sustinet, remissionem peccatorum (quæ sunt nostra grauissima debita) consequitur, qui vero gaudio indulget, quotidie peccata viuens in deliciis auget. Septima ratio hac est. Duo adolescentes intrusi sunt, in carcerem ea conditione, vt non pateat vlli eorum egressus nisi mœnibus corruptis, igitur si vnus mœnia ruant, & magna ex parte dissipentur, au non felicior illo est, cuius carcer integer adhuc manet. Dum sumus in hoc mundo, sumus sicut in carcere, in hoc turpissimo degentes corpore. Cum ergo corrumpitur caro morborum vi, & tribulationum procellis dissoluitur, lætandum nobis est, nam breui dissoluto carcere, habemus domum non manu factam æternam in cœlis. Ideo concluditur sortem afflictorum esse feliciorem, quam illorum quos nulla vexat calamitas. Nolite ergo conqueri de statu vestro, ô homines tribulati, nam profecto felicior est, omni prosperitate mundana. Melior est omni felicitate humana, & quod maximum est, regnum cœlorum vestra hæreditas, quam vobis donet, qui sine fine viuunt & regnat. AMEN.

SECVNDA ORATIO ECCLESIASTICA

In ca-

In eadem Dominica.

Vt nauis operiretur fustibus. Mat. 8.

CAUSÆ quarum ergo tribulationes in malos & in *Summa Con*
 honos immittuntur singulari conceptuum vari- *cionis.*
 etate aperiuntur.

EST Corallium frutex herbaue, imo mari na-
 scens, de ea ita Solinus capite septimo: Ligu-
 sticum, inquit, mare frutices procreat, qui,
 quantisper fuerint in aquarum profundis, fluxi sunt
 tactu prope carnulento: deinde vbi supra attollun-
 tur, germinis natalibus derogatis, lapides fiunt, nec
 solum qualitas illis tantum, sed & color vertitur:
 nam puniceo protinus erubescunt: ramusculi sunt,
 quales arborum visimus. &c. Hæc ille. Corallio hu-
 ic, non aberrabimus, si persimilem dixerimus, viri
 piam fortitudinem, qua tribulatione exemptus in
 splendentem quandam animi firmitatem transit: Iob *Tribulatio*
 enim fortior surrexit, splendidior ac longe felicior, *facit homi-*
 postquam deuictis aduersis successibus, velut e mari *nes fortiores*
 emerferat, quod & Tobie accidit; propterea & Pau- *et feliciores.*
 lus dicebat: *Cum infirmor, tum fortior sum.* Inuadente
 enim tribulatione, ipsis initiis homo mollior quidem
 est male insuetus, at vbi deuicerit, velut de cælo
 confirmatus, id experitur quod Apostoli Hierosoly-
 mis: ibant enim gaudentes a conspectu cōcilii, quo-
 niam digni habitū sunt pro nomine IESU contume-
 liam pati. Et hæc est causa, cur boni tribulationi-
 bus a Deo immixtis opprimuntur, vt videlicet fortio-
 res & feliciores euadant: sunt & aliæ causæ, quibus

enumerandis, vbi primum enarrauero quare mali tribulationibus diuexentur, occupabor. Fauete solito more.

AVE MARIA.

QVinq; esse causas oculis mentis meæ perspicio, propter quas, homines vitam in peccatis traducentes tribulationum vallo circumdantur, quarum *Prima hæc est.* Per quæ quis peccat, per eadem puniatur, lex ab omnibus lumine rationis illustratis approbata. Homines improbi peccant carnis desideria perficientes, puniuntur eiusdem carnis aduersam valetudinem sustinentes. Peccant diuitias per vsuram & rapinam congregantes, puniuntur earundem iacturam, per ignem, aquam, grandinem, furum & latronum fraudes factam, tolerantes, peccant carnem suam fœtidam oblectamenti deliciarum, & delectationibus voluptatum nutriendo, puniuntur eiusdem carnis tormenta, dolores, cruciatus sufferendo. Peccauit Zacharias lingua, vxorem suam senectute debilitatam, filium nō posse parere Angelo respondens, & se quodam modo verissimæ eius relationi fidem habere nolle demonstrans, & ecce condignam in lingua recepit pœnam, mutus quippe vi diuinæ virtutis effectus, loquelam ad tempus perdidit. Peccauit Achab iniquis Iezabel confortis suæ consiliis annuens, & in cædem viri innocentis Naboth consentiens, & subito eandem moriendi sortem subiturus à Propheta Domini pronuntiatur his verbis. *Hæc dicit Dominus, in loco hoc in quo lixerunt canes sanguinem Naboth, lambent quoque sanguinem tuum, ac si diceret: peccasti, innocentem per scelus effundendo*

Zacharias
Pater Ioānis
Baptistæ pec-
cauit lingua
in lingua pu-
nitus fuit.
3. Reg. 21.

dendo sanguinem, eandem & tu subibis pœnam, nam & tuus sanguis effusus spargetur in terram. Isa. 3. Pro eo quod elenatæ sunt filie Sion, & ambulauerunt extento collo & nutibus oculorum ibant, & plaudabant, & ambulabant, & pedibus suis composito gradu incedebant. Ecce peccata filiarum Sion enumerantur, quæ certè impunitæ non abierunt, sed conuenientem culpæ pœnam sustinere coactæ sunt, quam idem Propheta describit. Decalua-bit Dominus verticem filiarum Sion, & Dominus crinem earum denuda-bit, & erit pro suauis odore fœtor, pro zona funiculus, & pro fascia pectorali cilicium. Peccauerunt inquit Propheta carni obediētes, punitæ sunt, eiusdem carnis afflictiones & alia incommoda patientes. Altera causa hac est. Ostendit Dominus omnipotens iniquo peccatori, tribulationibus eum diuexando, in manibus suis esse ius vitæ & necis eius, posseque quocunque temporis interuallo sibi placuerit eum de medio tollere. Dan. 5. Balthasar Rex fecit grande conuiuium optimatibus mille &c. Præcepit ergo iam temulentus, ut afferrentur vasa aurea & argentea, quæ aspersionis causa: pater eius Nabuchodonosor de templo quod fuit in Hierusalem, ut biberent in eis, Rex, & optimates eius uxoresque eius & concubinae, &c. Præclare me dicturum existimo, si per hunc Regem, hominem peccatis seruientem intellexero. Quemadmodum enim ille Rex grege concubinarum cinctus mensa assidebat, genio indulgens & omni voluptatum dulcedini se totum tradens, vasaque Deo consecrata polluendo & profanando: Hoc modo iniquus peccator luxuriosis cogitationibus inhærens, tollit membra Christi, & facit membra meretricis, violans in se, templum Spiritus Sancti & profanans tabernaculum Dei viuentis. Et sicut Rex ille postposito vero & supremo Deo, auro & argento

Qui carne peccant carnis tribulationem sustinent.

Peccator sicut filius prodigus cum meretricibus luxuriosis viuens omnia bona perdit.

diuinum exhibebat honorem. *Bibebant vinum, & laudabant Deos suos, aureos, & argenteos, æreos, ferreosque, & lapideos.* Sic & peccatores à Deo per sua vitia auersi, quidam auro congregando, alii ventri obediendo, plerique corpori voluptatibus nutriendo se totos conferunt. Insuper quemadmodum Rex ille visa manu in superficie parietis scribente, subitaneo quodam terrore adeo correptus fuit, vt compages renum eius soluerentur, genua quoque ad se inuicem colliderentur. Non dissimilis euenit sors peccatoribus, qui dum de morte nullam cogitationem in corde retinent, sed potius in multos annos sese huius lucis vsura functuros confidunt, ex subito casu qui valere ruunt, aduolat mors de improviso, explodit morborum tormenta, sagittas dolorum infigit, corpus vulneribus excruciat, animam vehementer tribulat. Tunc facies iniquorum commutatur, & cogitationes eorum conturbant eos, vehementique cōcussi timore quid agere debeant, ignorant. Sed attendite quid ad Regem vocatus Daniel Propheta Domini loquatur. *Tu quoque filius eius Balibazar non humiliasti cor tuum. &c. sed aduersus dominatorem cæli elenatus es. &c. Deos quoque aureos & argenteos. &c. qui non vident, neque audiunt, neque sentiunt laudasti, porro Deum qui habet statum tuum in manu sua, & omnes vias tuas non glorificasti. id est, non agnoscis, nec debito venerationis cultu vnum verum Deum, ideo manus eius tetigit te, & hac vehemente tribulatione percussit, & virga ferrea in ira sua confregit, vt ostenderet regnum tuum, & omnia quæ tua sunt, à sua dextra pendere seque esse Regem Regum & Dominum dominatium. Vidistis aliquando subditum Domini sui præceptis contrauientem, quem cum Dominus eius*
funibus,

funibus aut baculis excipere iusserit, sine mora ille agnoscit eum Dominum suum, seque postremum seruum eius clara voce profitetur, Dominus vero eum increpando, & verbis durissimis obiurgando, se esse eius Dominum habereque potestatem, omnia in eum tormenta exhibendi manifestat, si in posterum simili contumacia eius mandatis contraire præsumpserit. Peccator dum post concupiscentias, earum vana dulcedine illectus currit, Deo rebellis & inobediens efficitur: sed cum a Domino corripitur, tribulationique vexandus committitur, agnoscit infelix culpam, veniam deprecatur, & ad Dominum toto corde conuertitur, eumque esse suum Dominum, creatorem, redemptorem, benefactorem supplici voce confitetur. At Dominus Deus cordi eius per inspirationem insinuat, si in posterum similibus vitiis se tradere tentauerit, maiora in eum tormenta ab ira sua exhibenda. Et hæc est altera causa, propter quam homines peruersi tribulationes patiuntur. *Tertia causa hæc est.* Ostendit Deus homini quam atrox eum in inferno pœna maneat ac si diceret. O peruerse peccator, si te bonorum temporalium repentina amissio vehementer affligit, ô quanta afflictione in inferno opprimeris, cum te bonorum cœlestium possessione priuatum recordaberis? O inique peccator nunc vide, & diligenter tecum considera quam ingenti tormentorum infernalium vi excruciaris: si enim tibi febris breui durans tempore adeò molesta & grauis est, vt eam quam primum omni medicamentorum leuamine expellere studeas: ô quam molesta flamma æterna inextinguibilis & in æternum durabilis erit? Si tibi lectulus floridus molliterque stratus:

Homo in tribulatione facile conuertitur ad Dominum Deum: quippe cum tribularer inquit Psalm. ad Dominum clamavi.

tus molestiam parit intolerabilem, & graue tibi videtur, quod decumbas infirmitate impeditus, nec ad homines egredi, & cum illis solitis occupationibus incumbere valeas: ô quanta in inferno molestia erit, cum subter te vermis, & super te tinea sternetur. Si tadio consumeris, aduersæ valetudinis longam afflictionem sustinens, etsi tibi amicorum ingens numerus astat varios consolationis modos suggerentium. O quale tadium erit in inferno, vbi nullus finis tormentorum, nullus terminus malorum, nulla requies, nulla consolatio, nulla congregatio amicorum. Site ingens vexat afflictio, etsi in cubiculo pulchre exornato ægrotes, ô quanta afflictio aderit, cum ingressus fueris terram tenebrosam, & opertam mortis caligine, vbi nullus ordo, sed semperiternus horror inhabitat? Si tibi molesta & ad tolerandum grauis paupertas, nuditas, calamitas, at in inferno tanta egestas, vt ne guttam aquæ impetrare poteris, tanta calamitas, vt nullum vnquam subsidium & auxilium habueris, tanta inopia, vt præter sulphur & ignem, vermes & bufones, ne herbam quidem ad manducandum inueneris. O quam molesta illa paupertas & tribulatio erit. *Quarta ratio hæc est.* Vt per hoc animus peccatoris ab amore temporalium bonorum auocaretur ad amanda æterna.

Chryso. Si enim inquit S. Chrysoſtomus, cum sunt tot trislia, tot pericula, & curæ, tam libenter presenti immoramur vitæ: si nihil horum bom. 6. ad esset, & omnis ærumnæ expers esset vita nostra, quando vnquam futura desideraremus? Sic Deus permisit Iudæos lateritio opere, & luto in Aegypto grauari, vt ærumnarum magnitudine cruciati ad Deum clamarent, & ad terram promissam aspirarent. Exclamabat S. Augustinus & inquit. Amarus est mundus, & diligenti-

diligitur mundus, puta si dulcis esset, qualiter amaretur? turbatur mundus, & amatur mundus, quid si tranquillus esset mundus? Flores eius quomodo colligeres, qui a spinis non reuocas manum? Quinta causa hæc est. Vt homo tribulatione oppressus agnoscat peccata sua, Prou. 29. *Vexatio dabit intellectum, virga atque correptio tribuit sapientiam.* Fratres Ioseph, non ante cognouerunt sceleris sui, in eum patrati atrocitatē, quum cum in afflictione dicerent. *Merito hæc patimur, quia peccauimus in fratrem nostrum.* Et Rex Nabuchodonosor beneficio tribulationum obtinuit, vt verum agnosceret Deum. Filius quoque prodigus cauterio earundem iniustus, agnouit miseriam suam, & ad domum paternam reuersus est. Afferam vobis rem auditu iucundissimam. Scribit Egnatius de Paleologo Secundo Constantino Imperatore, qui ægrotus nullis naturæ auxiliis conualescere potuit, sed contrariis. Tradit igitur in illius vita, ipsum exacto quadragesimo ætatis anno, adeo graui morbo laborasse, vt integrum ferme annum lecto decumberet, magno Reipublicæ incommodo, necquidquam medicorum arte illi valetudini præualente. A mulierculæ cuiusdam consilio Imperatrix didicit, virum conualescere non posse, nisi acribus ac importunis molestiis continue vexaretur, eo enim modo dilapsuros humores, vnde ægritudo manabat. Imperatrix cœpit Paleologum virum vexare incredibilem in modum, vix vlla re obsequens ei. Frequentibus igitur vexationibus discussis humoribus, caloris augmento, adeo Imperator conualuit, vt viginti quibus postea vixit annis semper incolumis extiterit. Non dispari ratione tribulationes, persecutiones, afflictiones homines facili negotio, ad sanitatem mentis.

*Augustinus
sermon. III.
de tempore,
c. 149.*

Gen. 24.

tis perducunt. Enumeratis causis, ob quas mali & peruersi homines tribulationibus variis affliguntur, restat vt aliquas in medium proferamus rationes, quare homines iusti & boni, diuinis semper obtemperantes præceptis, sæpe numero multis vitæ incōmodis opprimuntur. Et quidem. *Prima hæc est, vt sic*

Eccl. 27. probetur virtus iustorum. *Eccl. 27. Vasa figuli probat, fornax & homines iustos tentatio tribulationis. Prou. 17. Sicut*

Prou. 17. igne probatur argentum, & aurum camino, ita corda probat Dominus. & Tob. 12. *Quia acceptus eras Deo, necesse erat vt tentatio probaret te. Altera ratio hæc est. Iustos & probos idcirco*

Percutitur Dominus amaritudine tribulationum cibare concutitur *ut timeat Leo.* **canis ut timeat Leo.** *fuevit, vt id animaduertentes homines pessimis sceleribus dediti timore concutiantur, & tandem ad meliorem reducti mentem intra se loquantur. Si hi, quorum vita nullis scelerum maculis deturpata est, sed potius omni nitore sanctitatis & splendore virtutum illustrata, sicut candela supra candelabrum posita lucet, & tamen multa mala Deo sic permittente patiuntur, o quantopere nobis metuendum est, ne multorum peccatorum conscii breui multa incommoda, id diuina iustitia exigente experiamur, si hæc in viridi quid in arido? Offenderat olim David Deum omnipotentem, graui superbix peccato, & immisit Dominus pestilentiam in Israel, de mane vsque ad tempus constitutum, & mortui sunt ex populo septuaginta millia virorum. Dixitque*

David peccauit & populus eius puni- *David ad Dominum, cum vidisset Angelum cædentem populum. Ego sum qui peccavi, ego qui inique egi, isti qui oues sunt quid fecerunt? veretur obsecro manus tua contra me, & contra domum Patris mei.*
tur, vt David timore concutiat. *Percutiebatur ab Angelo, & moriebatur morte subitanea populus innocens, vt sibi metueret, & reat-*
tyum

tum suum agnosceret Rex nocens. Hoc modo cum iniquus animaduertit iustum, assiduis malorum molestiis vexari, pauore correptus in hæc aliquando, prorumpit verba. Iste quid mali fecit? quando legem altissimi violauit? & tamen multis plagis vapulat. Ego qui peccauit & inique egi, ô quam graues debeo sperare pœnas. *Tertia ratio hæc est.* Iustos homines, & quibus cordi virtus est, ideo Deus Omnipotens tribulationibus affligit, vt aliis qui iustissime pœnas dant, patientiæ exemplum præbeatur, ne à Deo in angustias afflictionum proiecti, in profundissimam desperationis foueam lapsi ruant, neue ad Deum blasphemandum, & de eius nimia seueritate conquerendum conuertantur, sed vt potius animaduertentes sanctos, etsi nulla mortalis peccati labe coinquinati sint, multa tamen mala patienter perferre, ipsi eorum patientia, & fortitudine ad sustinendas omnium calamitatum misérias instituantur. Tob. 2. *Contigit autem vt quidam die fatigatus à sepultura, veniens in domum suam, iacebat se iuxta parietem, & obdormiisset, & ex nido hirundinum dormienti illi calida stercore inciderent, super oculos eius, fueritque cæcus.* Hanc autem tentationem ideo permisit Deus euenire illi, vt posteris daretur exemplum patientiæ eius, sicut & S. Iob. Manifestum igitur est, sanctos & probos viros tribulationibus ideo affligi, vt cæteris exemplo patientiæ præluceant. *Quarta ratio hæc est.* Vt homo positus in tribulatione, reducat sibi in mentem Christi tribulationes, quas amore nostro flagrans, in cruce moriens sustinere non erubuit, & dicat. Ego quidem iusta factis recipio præmia, at Christus Dominus nulli vnquam obnoxius culpæ, multis afflictus malis, medius inter duos latrones moritur, opprobria, sitim, flagella,

Iusti puniuntur vt in iusti ad patientiam in suis plagis inducantur.

Tob. 2.

*August. cap.
7. meditati-
onum.*

gella, omniaque dolorum genera patitur, idcirco & ego hanc crucem tribulationum, quam meis humeris portandam imposuit, fortiter eum sequendo gestabo, vel potius si placet cum S. Augustino sic Christum alloquatur. Quid commisisti dulcissime puer, ut sic iudicareris? quid commisisti amatissime iuuenis, ut adeo tractareris? quod scelus tuum? quæ noxa tua? quæ causa mortis? quæ occasio tuæ damnationis? Ego enim sum tui plaga doloris: tuæ culpa occisionis. Ego tuæ mortis meritum: tuæ vindictæ flagitium. Ego tuæ passionis liuor: tui cruciatus labor. O mirabilis celsuræ conditio: & ineffabilis mysterii dispositio. Peccat iniquus, & punitur iustus, delinquit reus, & vapulat innocens, offendit impius, & damnatur pius, quod meretur malus, patitur bonus, quod perpetrat seruus, exoluit Dominus, quod committit homo sustinet Deus. Quo nate Dei, quo tua descendit humilitas? quo tua flagrauit charitas? quo processit pietas? quo excreuit benignitas? quo tuus attigit amor? quo peruenit compassio? Ego enim inique egi, tu pœna mulctaris, ego facinus admisi, tu ultione plecteris: ego crimen edidi, tu torture subiiceris: ego superbiui tu humiliaris, ego tumui tu attenuaris, ego inobediens exiti, tu obediens scelus inobedientiæ luis, ego gulæ parui, tu inedia afficeris, me ad illicitam rapuit concupiscentia arborem, te perfecta charitas ducit ad crucem, ego præsumpsi vetitum, tu subiisti aculeum, ego delector cibo, tu laboras patibulo, ego fruor deliciis, tu laniaris clauis, ego pomi dulcedinem, tu fellis gustas amaritudinem. &c. Quid ergo retribuam tibi pro omnibus quæ retribuisti mihi. Si enim aliquas tribula-

tribulationes tuo amore ductus patior, respectu dolorum tuorum nihil est, sed tamen quidquid mali euenerit super caput meum, id forti animo pro nomine tuo sustinebo, modo tu ad sis auxilio. Cui laus vna cum Patre, & S. Spiritu, sit in sæcula sæculorum. AMEN.

ORATIO ECCLESIASTICA

In Dominica V. post Epiphaniam.

Seminat bonum semen. Mat. 13.

OMnes qui verbum Dei non audiunt, sine dubio cælum non ingressuros, firmissimis rationibus comprobatur. *Summa Conclusionis.*

Bonum semen in cordibus hominum seminant Prædicatores, diuulgando verbo diuino inherentes, sed subito superfeminatur Zizania, quippe malus demon omnem mouet lapidem, & ad id omne suum studium, curam, & diligentiam adhibet, ne hoc semen in cordibus hominum, aliquos fructus producat, sed extemplo crescentibus, inutilibus Zizaniæ herbis suffocatum maneat. Efficit & hoc suis callidis consiliis, ne homines verbo diuino audiendo adsint, sed potius illo integro temporis interuallo, vanis fabulis, spectaculis, iocis aliisque his similibus occupationibus, in plateis detineantur, *Diabolus cõnatur auertere homines ab audiendo verbo diuino.*

*Surius in vi-
ta S. Anto-
nii de Padua*

tur, aut si iam ædes sacras ingressi fuerint, facile inde euocentur, vt in vita S. Antonii de Padua. Cap. 29. apud Surium legitur. Cum enim aliquando D. Antonius à Padua concionaretur, tum præsens Nobilis domina auide verbum Dei audiebat, quod cum non ferret impurus Sathan, vt fructum Concionis ab ea excluderet, cursoris speciem præferens ad eam cum literis venit, atque filium eius ab hostibus captum, & interfectum esse narrauit. Eas maligni hostis versutias spiritu cognoscens vir Dei, coram omnibus dixit: Nihil timeas domina, filius tuus viuit, & recte valet, cursor autem ille diabolus est, ad quas voces instar fumi ille egregius cursor euauit. Ne igitur facile ab audiendo verbo Diuino vos auocari, & auditum e cordibus vestris amoueri patiamini, decreui in hodierna concione manifestis demonstrare rationum argumentis, neminem qui verbum Dei non audiat, regnum Dei intraturum. Fauete.

AVE MARIA.

*Sine pluuia
nullus hortus
fertilis, nec
anima sine
rore diuini
eloquii.
Hortus con-
clusus soror
mea sponsa.*

Hortus etsi vndique septus, & excultus fuerit, si illum pluuiæ vberimæ, vel roris refrigerium non irrigauerit, nulla fertilitatis lætitia, Patrem familias recreabit, sed potius sterilitatis tristitia, eius præcordia vulnerabit. Hoc modo si homo variis naturæ, & animi donis insignitus, & in oculis hominum sanctitatis cuiusdam, & probitatis splendore conspicuus fulgeat, si rore diuini eloquii frequenter non irrigatur, talis dignos fructus pœnitentiæ nequaquam afferre poterit, & cōsequenter regnum cœlorum. obtinere non valebit, non enim vacuis manibus.

manibus quispiam in conspectu Dei apparebit, sed illi tantum, qui venientes venient, portantes manipulos suos cum exultatione. Quod autem verbum Dei sit, ros, & pluuia, audite S. Greg. ita loquentem. Si enim predicationis sermo pluuia non esset. *Moses minimè dixisset, expectetur sicut pluuia eloquium meum, & nequaquam per Isaiam veritas diceret. Mandabo nubibus meis, ne pluant super eam, imbrem.* Sicut enim pluuia, facit exire de terra, vermes, bufones, & herbas, sic verbum Dei peccata ex corde humano pellit, cogitationes carnales euellit, sancta proposita germinat. *Leu. 26. Dabo vobis pluuias temperibus suis, & agri gignent germen suum.* Anno D. 1137. Tanta fuisse siccitas perhibetur, vt fontes, & putei exsiccarentur, & quidam ignis subterraneus apparebat, omnia exurens, sic absente pluuia diuini eloqui omnia siccitas aridæ malitiæ depopulatur, nullæ virtutum viridantes herbæ, non lilia castitatis, non flores suauissimum sanctitatis odorem spirantes, in homine cernuntur, putei quoque diuinæ sapientiæ, & gratiæ exsiccantur. Omnium bonorum cœlestium dona amittuntur, solus homo aridus nullum retinens diuinæ gratiæ humorem remanet. *3. Reg. 18. Dixit Elias ad puerum suum Ascende. & prospice contra mare. &c. In septima autem vice. ecce nubecula parua, quasi vestigium hominis ascendebat de mari. &c. & ecce cœli contenebrati sunt, & nubes, & ventus, & facta est pluuia grandis. &c.* Sic audire verbum Dei, quibusdam res parui momenti esse videtur, sed profecto verbum Dei est pluuia grandis, produciens omnem herbam virtutis. Ager quoque omni arte agricolarum ad proferendos fructus dispositus, si semen illi iniectum non fuerit, nullas segetes lætas, sed gramina, tribulos, spinas, herbas in-

Dd 3.

utiles.

Lib 9. Moral. ca. 6. Dent. 32.

utiles, quæ postea pabulum fiunt bestiis, vel arefactæ in ignem mittuntur, procreat. Sic & homo sit compositis moribus grauis, modestia conspicuus, boni nominis gloria illustris: si semen verbi Dei in cor eius non cadit, talis sine fructu tempore messis inuenietur, & manipulis zizanix alligatus, igni æterno cremandus deputabitur. Recte autem verbum Dei assimilari semini, Magister Ioannes de S. Gemin. his verbis ostendit. Verbum Dei inquit, assi-

*Verbum Dei
recte dicitur
semen.*

Luc : 8.

Ioan : 8.

Heb : 1.

Ioan : 10.

L. Petr. 1.

milatur semini secundum illud. Luc. 8. *Semen est verbum Dei.* Primo, propter virtutem attractiuam: quia sicut semen ad se attrahit humorem terræ: ita verbum Dei attrahit affectionem animæ, & sic attrahebatur Dauid dicens. *Quam dulcia faucibus meis eloquia tua,* & Petrus dicens Ioan. 8. *Domine ad quem ibimus, verba vitæ æternæ habes.* Secundo, propter virtutem mundificatiuam, propter semen enim terra mundatur, & ipsum etiam terram mundat trahendo ad se humorem, qui alias in malas herbas conuerteretur. Similiter etiam verbum Dei mundat, & purificat animā. Heb. 1. *Verbo virtutis suæ purgationem faciens.* Ioan. 15. *Vos iam mundi estis propter sermonem.* Tertio, propter virtutem assimilatiuam, quia non ex quolibet semine quodlibet generatur; sed ex simili semine vt dicitur 1. Physicorum: sic ex tritico triticum, ex hordeo hordeum & sic de aliis. Vnde quia verbum Dei semen Dei est, ideo facit homines similes Deo. Ioan. 10. *Illos dixit Deos ad quos sermo Dei factus est.* Quarto, propter virtutem germinatiuam sicut hortus semen suum germinat, sic generatio & natiuitas spiritalis habet fieri per verbum Dei. 1. Petr. 1. *Renati non ex semine corruptibili: sed incorruptibili per verbum Dei.*

Dei. Quinto, propter virtutem promotiuam: quia illud quod ex semine gignitur paulatim: ex virtute quæ est in semine semper perficitur & augetur. Vltro enim terra fructificat primum herbam, deinde spicam, insuper plenum fructum in spica. Semen est verbum Dei, fructificat herbam in incipientibus, spicam in proficientibus, plenum fructum in perfectis, siue perseverantibus. Sexto, propter virtutem multiplicatiuam, quia ex vno grano seminis multa generantur. Et similiter verbum Dei secundum illud Matth: 13. *Audiunt verbum, & suscipiunt, & fructificant.* Cibus qui recusat non modo intra fauces sumere, sed ne gustare quidem, certum est cum hominem vitam cum morte commutaturum. Cibus animæ sermo Dei est, Deut: 16. *Quoniam non natiuitatis fructus pascunt homines, sed sermo tuus, hos qui in te crediderint, conseruat.* Luc: 14 Dixit diabolus ad Dominum: *Si Filius Dei es, dic ut hii: pides panes fiant.* Cui Dominus: *Scriptum est, quia non in solo pane vivit homo, sed in omni verbo Dei.* Igitur qui hunc cibum respuit, signum certum est, & evidens argumentum, cum hominem æternam appetiturum mortem. Olim dixerunt Iudæi: *Deest panis, non sunt aquæ, anima nostra nauseat super cibo isto leuissimo, noluerunt illi manducare manna suauissimum, signum erat mortis eorum futuræ. nam statim sequitur: Quamobrem misit Dominus in populum ignitos serpentes, ad quorum plagas & merces plurimorum venerunt ad Moysen, &c.* Sic qui hunc panem suauissimum despiciunt, ab ignitis sermonibus, qui sunt mali dæmones, variis tormentorum generibus, in vmbra mortis æternæ cruciabuntur. Euadere posse saluum & incolumem, inter hostes armatos, hominem inermem, incredibile esse nemo non videt.

Vita:

Ezech: 3.
Comedi vo-
lumen, & fa-
ctum est in
ore meo sicut
mel dulce.
Num: 21.

*Inermis mi-
les occumbat
in acie ne-
cesse est.*

Can : 4.

*Per Prædi-
catores Chri-
stus loqui-
tur.*

Vita nostra militia est super terram, obnoxia quoti-
dianis incurſionibus & inſidiis hoſtium, quibus ſu-
peratis, nemo victor in cœlum euadet, qui poſtpoſi-
tis huic bello peragendo idoneis armis in aciem
progreſſus fuerit. Arma noſtra ſunt. Verbum Dei,
hoc armatus Chriſtus Dominus dæmonem in eremo
proſtigauit, & eius omnia aduerſus ſe proiec-
ta tela illæſa mente reiecit, & confregit Cant : 4. *Sicut tur-
ris David collum tuum, quæ ædificata eſt cum propugnaculis, mille Cty-
pei pendent ex ea, omnis armatura fortium. Aëdificauerat Da-
uid turrim in monte Sion cum propugnaculis, & ar-
mis. Nunc Chriſtus Dominus illi comparat Eccleſi-
am ſuam, quem autem vocat Eccleſiæ collum! per
collum viri docti Concionatores interpretantur, ni-
mirum quia ſicut collum organum vocis eſt, ſic &
Concinator organum vocis Dei eſt. An experimentum
quæritis eius, qui in me loquitur Chriſtus. Arma igitur quæ ex
hac turri pendent, quid aliud ſunt, quam verba con-
cinatorum. Quibus homo armatus cum in aciem
deſcenderit, fortis & inuictus ſtabit, etſi contra eum
portæ inferi conſurrexerint non præualebunt. Ve-
niat ſuperbia, & iactabunde homini verbum Dei li-
benter audienti, vt ſe cæteris præferre velit, per-
ſuadeat. Confeſtim ille ſubiiciet Scriptum eſt &
toties in Eccleſia per Prædicatores proclamatum :
*Qui ſe exaltat humiliabitur, & qui ſe humiliat exaltabitur, & ſic
de aliis vitiis. Soli prædeſtinati intrabunt in regnum
cœlorum, iuxta illud. Rom: 8. Quos prædeſtinauit hos & vo-
cauit : & quos vocauit, hos & iuſtificauit : quos autem iuſtifica-
uit, illos & glorificauit. Qui nolunt audire verbum Dei
prædeſtinati non ſunt, ergo non intrabunt regnum
cœlorum, nam Qui ex Deo eſt, verbum Dei audit. vos pro-
pterea**

pterea non auditis, quia ex Deo non estis, id est, certum & eu-
dens signum est illos esse filios Dei, qui libenter audi-
unt verbum Dei, ergo contrarium verum erit, qui
non audiunt filios esse diaboli. Sanctus Chrysosto-
mus. Sicut esurire corporalis sanitatis indicium est, *Fames divi-*
ita studio magno audire verbum Dei, bonæ a- *ni verbi si-*
nimæ valetudinis certissimum est argumentum, *gnum gratiæ*
propter quod & Dominus noster IESVS Christus di- *& prædesti-*
cebat. *Beati qui esuriunt & sitiunt iustitiam, quoniam ipsi satu-*
rabuntur. Is enim Domini nostri mos est, vt quoties *nationis.*
videt animam aliquam multo desiderio, & prompti-
tudine intenta, spiritualibus inhiantem, liberaliter
eam gratia & opulentiis suis locupletat donis. Ita il-
le. Venit aliquis ex Polonia in Italiam: & ecce ma-
gna Polonorum multitudo ad eum confluit, quo in
statu patria sit, requirunt, amici, & propinqui, alii-
que cognati prosperone an aduerso flante vëto na-
uigent, interrogant, multaue alia, quæ in patria a-
gantur scire desiderant: illi ad omnia respondentem
aures attentissimas præbent, gratias agunt, conui-
uium excipiunt, & hi omnes de Patria cogitare, & de-
siderio eam videndi ardere conuincuntur, qui vero
nec interrogant venientem, neque audiunt referen-
tem, contemplisse eos patriam, nec eius fines velle
videre concluditur. Hoc modo qui concionatores
de futuro Christianorum in cœlis, de gloria cœlestis
Patriæ, de præmio bonorum, tractantes, & verba
facientes libenter audiunt, anhelare eos, ad super-
na gaudia in promptu est, si vero ab audienda con-
cione abstrahuntur, flocci eos facere, regnum cœ-
lorum liquido constat. Qui longam peregrinatio-
nem eamque obnoxiam multis latrociniis suscipit,
E c igno-

Matt. 5.

Simile.

*Peregrinanti
audiendi sūt
testes illius
itineris.*

*Magna com-
moda ex soci-
etate Angeli*

*Angelus Pra-
dicatores &
Doctores de-
signat.*

ignorans viarum difficultates & pericula, & tamen accingit se itineri sine comite, qui cum de periculis in illa peregrinatione frequenter occurrentibus instruat, nec etiam sibi consulentes, & varia discrimina manifestantes audit, sed sibi ipsi confidens viam captam ingreditur, talis sine dubio erit praeda latronum. Missurus olim Tobias filium in Rages, non patitur solum abire, sed ait illi. *Perge nunc, & inquire tibi aliquem fidelem virum, qui eat tecum salua mercede sua. &c.* Tunc egressus Tobias inuenit iuuenem splendidum stantem praecinctum & quasi paratum ad ambulandum. &c. Quoniam vero societati Angeli munitus peregrinationem illam, Tobias suscepit, & illius instructioni omnitépore sese obedientem praebuit, feliciter longissimi itineris molestias transiit, & optatis gaudiis rediit ad parentes, multisque verbis suam maximam felicitatem à Comite itineris in se profluentem demonstrans. *Mo inquit duxit & reduxit, pecuniam à Gabelo ipse recepit, uxorem ipse me habere fecit, me ipsum à denotatione piscis eripuit.* Optime Angelus Praedicatores & Doctores Ecclesiae denotare dicitur, ad quod demonstrandum reducenda nobis in memoriam est visio, S. Ioannis Apoc. 10. cap. *Vidi alium Angelum fortem descendentem de caelo, amictum nube, & iris in capite eius, &c. & habebat in manu sua libellum apertum, & posuit pedem dextrum super mare, sinistrum vero super terram.* Doctor & Praedicator debet esse eruditus, videlicet in Sacra scriptura: quod notatur per hoc quia ille Angelus habebat librum apertum. Item debet esse bonis intentus operibus, ut quod ore praedicat opere impleat: quod notatur per hoc, quia Angelus habebat librum in manu. Item debet esse discretus, quia aliter debet praedicare carnalibus & peccatoribus,

ribus qui significantur per mare: & aliter iustis, firmis, & fructuosis qui significantur per terram. Sed sicut Tobias nisi Angelicæ voci in omnibus obtemperasset, sine dubio multis periculis obnoxius remansisset, & a dæmonio interemptus fuisset. Sic omnes qui nolunt audire Prædicatores, verbum Dei disseminantes a malis dæmonibus perimendos, & æternæ seruituti adiudicandos sit necesse. Impossibile est aliquem transire multa itinera sine potu, potissimum maximo feruore solis, omnia exurente. Idque ita se rem habere vnicum probabit exemplum. Duo iuvenes per Lybiæ deserta perrexisse memorantur, alteri erat aquæ vasculum, quo in arenti solo refocillaretur, alter qui nihil sibi præpararat, velut de longissimo & arentissimo itinere nihil cogitans, maxima est siti correptus. Hic igitur cum plurimum auri possideret, longe scilicet vltra decem aureorum nummorum millia, inopem sese animaduertit, quod paululum aquæ sibi mortem allaturum esset: putauit autem consultius sibi esse, aquæ modicum possidere, quam auri tantam massam; obtulit igitur Comiti decem aureorum millia, si sibi aquæ vasculum exhiberetur: ille auri ductus cupiditate, se aqua qua plurimum ipse quoque egeret, auro accepto priuauit, eaque mercimonia vtrique exitium tulere, vt neque ementi aqua profuerit, defunctus enim est etiam siti, neque venditori aurum, quandoquidem etiam siti defunctus in ipsa arena memoratur cum emptore. Id accidisse in deserto Asaord, vbi extat marmoreum sepulchrum, vtrique extructum, literis exsculptis rem hanc significantibus Leonius tradit part. 1. Currendum homini Christiano est per ætus

Ec 2

libidi-

*Simon Maio
lus de Con-
ring.*

*Magnopon-
dere auri a-
qua emitur.*

libidinis, per ardores concupiscentiæ, per flammæ avaritiæ, per ignem iracundiæ, si ab aqua diuini eloquii refrigerium non hauserit, siti fatigatum perire necesse erit. Pro. 18. *Aqua profunda verba ex ore viri, & torrens redundans sapientia.* Duo fontes dicuntur esse, alter Lethi cuius aquam descensuri si haurirent, omnium daretur obliuio, Alter memoriæ ex cuius haustu omnium quæ vnquam vidisset recordatio subiret. Sic fons salutaris verbi diuini inducit obliuionem rerum mundanarum, & affert memoriam bonorum cœlestium. Perhibentur etiam fontes esse, qui accensos extinguant faces, extinctos vero accendant. Sic verbum Dei extinguit corda humana, libidinis ardore inflammata, accendit vero tenebrosis peccatorum maculis inuoluta. Igitur o Christiani: sitis veloces ad audiendum verbum Dei, quod facere si neglexeritis, animabus vestris fame pereundum est, verbum enim Dei cibus est, & salutare alimentum animæ. Verbum Dei lucerna pedibus vestris, & contra venenum peccatorum medicina saluberrima. Verbum Dei potentissima contra tentationes tela, contra malos dæmones fortissima propugnacula, contra omnes hostium incurfiones validissima arma. Accipite ergo gladium salutis, quod est verbum Dei, bibite aquam viam, omnes libidinis ardores extinguentem, fiet, vt in hac peregrinatione felicem successum, & post hæc regnum cœlorum habeatis.

A M E N.

SECVN-

SECUNDA ORATIO ECCLESIASTICA

In eadem Dominica.

Nonne bonum semen seminasti, unde ergo habet zizania. Mat. 13.

CAusæ aperiuntur, quare cum bonum semen in
cordibus hominis per Prædicatores seminetur, *Summa Con*
nulla adest fertilitas, sed herbæ inutiles & steriles. *cionis.*

Multas ego causas lumine rationis perspicio,
quarum beneficio Deus Omnipotens pec-
catores multum diuque in prosperitate vi-
uere patitur, nec eos pro mensura delictorum subi-
tanea morte correptos, æternæ adiudicat damnati-
oni. Empti enim sunt pretio magno, sanguine vide-
licet Christi Domini pretiosissimo; ne igitur tantum
pretium sine fructu maneat, Deus peccatoribus in-
dulgere consuevit. 2. Adhæc magna sanctis & piis
viris hinc oritur gloria, cum inter malos nulla pec-
cati labe sanctitatis nitorem maculant, & tangentes
picem non coinquinantur ab ea, vt dicitur de Tob. 1.
Denique cum irent omnes ad vitulos aureos, quos Ieroboam fecerat,
hic solus fugiebat consortia omnium, & pergebat in Hierusalem ad
templum Domini. &c. 3. præterea maior gloria medico
tribuitur, cum lethali vulnere affectum pristinae sa-

nitati restituit, quam cum leuiter ægrotanti ad recuperandam salutem adiumento est, sic maior hinc Deo oritur honor, cum eius beneficio ille qui mortuus erat, ad vitam reducitur. Tunc maius gaudium coram Angelis Dei supra vno peccatore pœnitentiam agente, quam supra nonaginta nouem iustis. Quod si etiam, vbi primum homo peccatis perpetrandis sese tradidit, diuino furori subiaceret, eradicaretur triticum, multi enim barathro damnationis absorpti fuissent, qui postea dolore peccatorum suorum puncti (qualis fuit Magdalena, Paulus, Petrus, & Matthæus) fideles in Dei seruitio permanserunt. Sed & hæc causa, quæ sequitur non est postrema. Vult insinuare Deus Omnipotens, se nolle mortem peccatoris iuxta verba Ezech. 18. *Nunquid voluntatis meæ est mors peccatoris, nolo mortem peccatoris, sed ut magis conuertatur & viuat.* Cæterum pro nunc hac materia dimissa, ostendam causas, quare cum bonum semen in cordibus humanis per Prædicatores seminetur, nulla tamen fertilitas adest, sed herbæ steriles & Zizania.

Propositio.

AVE MARIA.

Somnus mortis imago.

In primis semen verbi diuini, nullos fructus dignos horreo cœlesti proferre, in cordibus quorundam hominum, in promptu causa est. Quia dormiunt homines; quem enim somnus suauis & grauis complectitur, ille non audit loquentes, non videt sibi adhaerentes, nec alloquitur interrogantes, sed quasi semimortuus iacet. Homines Christiani, & quidem permulti dum seminetur verbum Dei, in vtrâque aurem dormiunt, quippe non vident, non loquuntur,

tur, nec audiunt. Psal. 113. *Os habent & non loquentur, oculos habent & non videbunt, aures habent & non audient, nares habent & non odorabunt, &c.* Non enim audiunt, vt ad meliorem mentis sanitatem reuocentur & ædificentur, sed vt aliquam subtilitatem conceptuum videant, discursum cognoscant, methodum intelligant. Isa. 30. *Nolentes audire legem, & Ezech. 33. Audiunt sermones, & non faciunt, & Acto. 28. Aures audietis, & non intelligetis.* Non etiam vident, nam oculos mentis & contemplationis, non conuertunt ad verba, per Prædicatores prolata, & ad perscrutanda latitantia in illis mysteria. Isa. 33. *Clandit oculos suos ne videat.* Dan. 13. *Declinauerunt oculos suos, & non viderent cælum.* Non etiam loquuntur, nam absoluta Concione domum redeunt, nullam mentionem Concionis auditæ faciunt, sed ad iocos, & fabulas conuertuntur. Pro. 24. *Fraudes labia eorum loquuntur.* Ad hæc audita Concione feruenti, inimico venienti, absque omni mora facilem in corda sua præbent aditum, vt dicitur in Euangelio. *Venit inimicus, & superseminauit Zizania.* Vbi per hoc verbum venit, insinuat eum sine difficultate susceptum fuisse, non vi irrupisse, nec longa obsidone cepisse, nec vigiliis, & custodia deterritum abcessisse. Luc. 2. *Qui autem secus viam, hi sunt qui audiunt verbum Dei, deinde venit diabolus, & tollit verbum de corde eorum, ne credentes salui fiant.* Adsunt quidem Concioni, compunguntur salutari dolore, gemunt, & iam se ad vitam meliorem conuersuros pollicentur, sed ecce exoritur tempestas, contegit nebula phœbum, venit titillatio carnis, & ecce subito recipitur, consentitur fornicationi, libidini ianua aperitur. O nimiam Christianorum in depellendis tentationibus negligē-

Coacervant sibi Magistros prurientes auribus, & ad fabulas conuertuntur auditum à veritate auercentes.

Mat. 13.

Luc. 8.

Facile consentium præbent homines tentationibus.

negligentiam. Cur non potius fortiter resistitis circumcipienti diabolo? quare capitali inimico tam facile manus ligandas exhibetis? Cur vltro faucibus terrimi draconis, vosmetipsos tradere non erubescitis. O extremam quorundam Christianorum demerentiam. Deuictō Pompeio Cæsar Iulius, Magno Alexandro rerum gestarum magnitudine non dissimilis, ad ostendendam suam fortitudinem, & militum suorum promptitudinem, & pusillanimitatem exercitus Pompeiani, huiusmodi ad Senatum perferri literas curauit. *Veni, vidi, vici.* Non dispari ratione terribissimus dæmon elatos assumit spiritus, & se iactabundè extollit & ait. *Veni, vidi, vici;* suggesti, consensum præbuit, subiiecit scintillam, & creuit in magnum incendium, suasi, & omnia fecit. O me egregium victorem. Et quod maius est, hoc ipso die Concioni audiendæ, ille quem vici adfuit. Væ vobis pessimi homines. Et siccitas sterilitatem affert, nec semen ab ea impeditum fructus aliquos generat, vt est nobis exemplo triennium, quo in Galad Palæstinæ nunquam pluit. 3. Reg. c. 17. Sed nunquam tanta fuisse traditur, quanta in Gallia, quandoquidem & fontes, & putei exsiccati sunt, vt Robertus de monte tradit. Anno D. 1137. In Prouincia quoque Astralium Saxonum, toto nunquam pluit triennio, dum in infidelitatis tenebris obuoluerentur, mox suscepta Christi fide, ac diuino baptismo & pluuiæ in tantam copiam ingruerunt, vt campi fecunditate vbique exuberarint. Siccitas denotat, ardores libidinis, flammæ concupiscentiæ, æstus iracundiæ, quæ omnia exsiccant in homine, fontem pietatis, pluuiæ vero rectè denotat diuinæ gratiæ humorem.

Ezech.

*Robertus
tradit.*

*Beda Angl.
Histo. li. 4.
cap. 10.*

Ezech. 34. *Et ponam in eis incircuitu collis mei benedictionem, & dicam & deducam imbrem in tempore suo, & pluuia benedictionis erunt, & dabit lignum agri fructum suum, & terra dabit germen suum.* Sicut igitur absque pluuia semen grani nullum profert fructum, sic in corde humano, non habente humorem diuinæ gratiæ, semen verbi diuini aridum manet, nam *Gratia Dei sum id quod sum.* Venti etiam vehementer flantes impediunt, ne semen dignos proferat fructus. Ezech. 19. *Et euulsa est in ira, in terramque proiecta, & ventus vrens siccauit fructum eius, marcuerunt & arefacta sunt, virgæ roboris eius.* De ventis multa scitu dignissima referunt Naturalistæ. Ventus Circius, vertiginosus natura est, armatum hominem, plaustrum oneratum propellit, impedit omnem plantam ne crescat, murorum atque Ecclesiarum tecta, etiâ plumbea, ingentes quoque trabes, extractas longissime transfert: quin & ipsa molendina, cum molari ipso lapide, totoque tecto, inclusis etiam hominibus, & ipsis illæsis procul asportat: sicut & vrbanas domos integras in agros effert, oppida destruit, & quod videtur incredibile, in mari sub nauibus aquam, quadam ratione commouet, atque ab aquis ipsis nauem extrahit, & in sublime attolit, & deinde remittit, animalia obuia & saxa in sublime eleuat, & ad casum auersum demittit. Ventus iste inconstantia certissimum indicium. Iac. 1. *Qui enim hæsitat similis est fluctui maris, qui à vento mouetur & circumfertur, & Sapient. Non ventiles te in omnem ventum, & non eas in omnem viam, eslo firmus in via Domini.* & Hebr. 12. *Non simus paruuli fluctuantes, & circumferamur omni vento doctrinæ.* Matt. 11. *Quid existis in desertum videre, arundinem vento agitatam.* Multi enim sunt qui audiunt verbum Dei, & cum gaudio suscipiunt illud,

I. Cor. 15.

Aul. Gel. li.
2. ca. 22.

Eccl. 5.

*Inconstantie
indiciū vñ
est.*

illud, sed radices non habent, quia ad tempus credunt, & in tempore tentationis recedunt, sancta proposita ædificant in cordibus suis, sed flauerunt venti inconstantiæ, venerunt flumina & tulerunt domum illam. Et tantæ quidem virtutis, ventus iste inconstantiæ esse quotidiano usu cognoscitur, ut potis sit omnium virtutum fundamenta eradicare, euellere, & disicere in cordibus eorum, qui se flatu eius agitari patiuntur. Sed & tempestatum ingentium procellæ maxima sunt seminis impedimenta. Memorat Priscus tam ingentem pluuiam Constanti-nopoli, & in Bythinia extitisse, ut ad tres aut quatuor dies aquæ instar fluuiorum de coelo præcipita-rent, & montes illarum violentia in planitiem de-primerentur, quin etiam sic obruerentur pagi, ut in exitii discrimen venirent, inque Boana lacu, qui non longe abest Nicomedia, ob crebram, sordidam cuiuscunque generis materiam in eum congestam, nonnullæ fierent insulæ. atque hæc quidem sub Leo-ne Imperatore: quæ totidem fere verbis recenset Nicephorus lib. 15. c. 20. Illa ipsa Constantinopoli-tana vrbs, posterioribus quoque sæculis sua ob cri-mina, eandem cladem experta, rursus memoratur.

*Tempestates
maximæ enu-
merantur.*

*Neukerus
gen. 50.
Crantzii li.
11. ca. 27.*

Anno enim Christi. 1490. quando Turcicum iu-gum iam diu ferebat, auctis magnum in modum cul-pis duodecima Iulii mensis, tanta procella imbrium exorta est, ut hominum tria millia, & octingentas domos absumpserit. Eadem etiam in Germania non semel contigisse memorantur, nam etiam in Bohe-mia Albis fluius nimis imbribus excrefcens, Anno D. 1432. Multas cum plebe villas consumpsit, & iuxta urbem Hallensem Sulæ muros superauit: atq;

in Thu-

in Thuringia supra quadraginta villæ demersæ perierunt, plebibus armentisque absumptis. Quod si tempestates ingruentes, montes, & villas possunt depri-
mere, multo magis semina cuiuslibet grani valent
eradicare. Job. 37. *Ab interioribus egredietur tempestas*, quippe
à corde prodeunt turpes cogitationes, quæ sunt si-
cut densissimæ nebulæ splendorem rationis obscu-
rantes. & 36. *Moriatur in tempestate anima eorum.* Psal. 68.

Non me demergat tempestas aquæ. Insuper semen si in terræ
visceribus sepultum non fuerit, sed desuper iacue-
rit volucres cœli comedent illud, & nullus ex illo
agricolæ promanabit fructus. Multi sunt qui audi-
unt verbum Dei, & custodiunt illud, sed quoniam in
hoc ipso ab hominibus videri desiderant, nullum
fructum referunt, quia occulta superbia & inanis
gloriæ appetitus, seminis diuini vtilitatem tollunt.

Recte S. Basil: *Fugiamus inanem gloriam, dulcem spiritualium operum spoliatricem, incundum animarum nostrarum hostem, tineam virtutum blandissimam bonorum nostrorum depradatricem.* &c. S. Monasticis.

quoque Gregorius hom. 11. in Euangelia. *Studium cœlestis desiderii à malignis spiritibus custodire non sufficit, qui hoc & ab humanis laudibus non abscondit, &c. Depradari desiderat, qui thesaurum publice pertat in via.* Sicut enim thesaurus absconditus tutior est, & virgo domi clausa, facilius
castitatem seruat, quam quæ per vias vagatur, ita
virtus occultata a vana gloria, & diaboli laqueis se-
curior est. Et sicut vestem pretiosam cum in publi-
co ponimus plurimos ad insidias prouocamus, si ve-
ro domi recondamus, in tuto cuncta seruabimus. Sic
si opes virtutum palam quasi venales assidue porte-
mus in mente, inimicum irritamus ad furtum, sin
vero nemo alter id sciuerit, nisi quem nulla occulta
latent,

latent, tutissimo in loco consistent. Sed iam sit laus
DEO Trino & vno Patri, & Filio, & Spiritui San-
cto in sæcula sæculorum.

A M E N.

ORATIO ECCLESIASTICA

In Dominica VI. post Epiphaniam.

*Simile est regnum cælorum fermento, quod acceptum mulier abscon-
dit, in farina satis tribus donec fermentatum est totum. Mat. 13.*

*Summa Con-
cionis.*

Sicut modicum fermentum totam massam cor-
rumpit, sic vnum peccatum mortale, omnia bo-
na opera, omnes spirituales diuitias, omnes virtutes,
omnia cælestia bona, destruit & prorsus in nihilum
redigit.

Multi viri doctrinæ excellentia & vitæ san-
ctimonia præstantissimi, malitiam peccati a-
liqua ex parte exprimere desiderantes va-
riis rebus illud comparare soliti sunt. Qui-
dam enim peccatum assimilant absinthio, quia ab-
sinthium sua amaritudine lædit gustum. Gustus ani-
mæ est appetitus spiritualis, qui ita ex peccato infi-
citur: vt ei dulcia & suauia, scilicet spirituales de-
licia, quæ de se sunt dulcissimæ, amaræ videantur &
aspera; sicut gustui carnis absinthii amaritudine in-
fecto, etiam dulcia, amara esse videntur. Isa. 5. *Vs
qui dicitis bonum malum ponentes dulce in amarum.* Adhæc ab-
sinthium.

sinthium in amaritudinem redigit lac, & vinum, & omne dulce cui fuerit admixtum, vnde apes quæ frequentant absinthium faciunt mel amarum. Similiter peccatum rem delectabilem cui admiscetur, vertit tandem in amaritudinem conscientia remordentis, vel pœnæ affligentis, sicut patet in luxuria, & voluptate carnis: quæ maxime videntur delectabiles. Prouer: 5. *Fauus distillans labia meretricis, & nitidius oleo guttur eius. Nouissima autem eius amara, quasi absinthium.* Sunt & aliæ per quam plurimæ virorum illustrium similitudines, sed illis omnino supersedendum est, ne tædioso exordii longitudo protrahatur. Hoc vnum nostra concio tractabit, sicut fermentum totam massam corrumpit, ita peccatum omnes virtutes, omnia bona merita tollit.

AVE MARIA.

Sacrarum literarum monumenta manifeste clamant, vnicum peccatum mortale omnia bona opera perdere, & in nihilum redigere. Eccl: 9. *Et qui in uno peccauerit, multa bona perdet.* & Ezech: 18. *Si autem auerterit se iustus à iustitia sua, omnes iustitiae eius quas fecit non recordabuntur.* Prou: 14. *Iustitia eleuat gentem, miseros autem facit peccatum populos.* Placet hoc loco bonorum, quibus peccatum homines priuat mentionem facere. Ac in primis: Exturbat è gratia & amicitia Dei. Psal: 34. *Vultus Domini super facientes mala.* Sap: 14. *Similiter enim odio sunt Deo impius & impietas eius.* 2. Exiit paterna prouidentia: Deus enim suorum curam agit, malos vero famem vt canes pati permittit. *Vesiri inquit capilli capitis omnes numerati sunt, nolite timere.* Olim filiis israel Exo: 16.

40. annis in deserto coturnices, & manna ad manducandum misit Dens, & aquam de petra abundantem ad bibendum eduxit. Eorundem vestimenta toto illo tempore non sunt attrita, neque calceamenta vetustate consumpta. Elias in magna fame, cum cœlum ad eius orationem tribus annis & mensibus sic clausum esset, vt ne gutta quidem aquæ decideret, à coruis Dei iussu pastus fuit. Eidem postea Angelus Domini panem & aquam ostendit. Paucis rem absoluo, *oculi Domini super iustos*, aperit manum suam, & implet eos omni benedictione, impiis verò loco benedictionis maledictionem, loco prouidentia, negligentiam & seueritatem exhibet. Esa: 1. *Va genti peccatrici, populo graui iniquitate, semini nequam, filiis sceleratis, dereliquerunt Dominum, blasphemauerunt sanctum Israël, super quo percutiam vos, &c.* Terra vestra deserta, ciuitates vestre succensa igni, regionem vestram coram vobis alii deuorant. 3. Exiit participatione meritorum Christi, & mortis eius, nullum peccatoribus emolumentum è morte Christi, nulla utilitas ex meritis eius, sed potius maior causa damnationis oritur. 4. Exiit donis Spiritus sancti, & virtutibus infusis, succedente enim frigore discedit calor, sic veniente malitia, fugit sanctimonia, non enim in maleuolam animam descendit Spiritus Domini, nec duo sibi inuicem contraria in vno loco simul & semel esse possunt. 5. Exiit pace & serenitate conscientia & consolatione sancti Spiritus. Isa: 66. *Vermis eorum non morietur.* Prou: 12. *quasi gladio pungitur conscientia.* 6. Priuat communione bonorum Ecclesiae: quippe Orationes & sacrificia Ecclesiae peccatoribus, in peccato sponne permanentibus, nullo adsunt adiumento & auxilio. Multos vt
arbitror

*Ambulans
in timore Do-
mini, & cō-
solatione Spi-
ritus sancti.
Act: 3.*

arbitror vestrum. auditores charissimi, contigit nos-
se hoc, quod volo ad memoriam vestram narrando
reuocare. Non longè a nostris (inquit S. Greg: lib:
4. Dial.) fertur temporibus factum, quod quidam ab
hostibus captus, longo transductus est: cumque diu
teneretur in vinculis, cum vxor sua, cum ex eadem
captiuitate non reciperet, extinctum putauit. Pro
quo iam velut mortuo hostias hebdomadibus singu-
lis curabat offerri. Cuius toties vincula solueban-
tur in captiuitate, quoties ab eius coniuge oblata
fuissent hostiæ, pro animæ eius absolutione. Non
longo post tempore reuersus admirans valde, suæ
indicaui vxori, quod diebus certis, hebdomadibus
singulis eius vincula soluebantur. Quos videlicet
dies eius vxor discutiens, tunc eum recognouit ab-
solutum, cum pro eo sacrificium meminit oblatum,
sed profectò facilius est, vt omnes credimus, ad sa-
crificii diuini vim, vincula decidere corporea,
quam hominē peccatorum funibus circumplexum,
eorundem sacrificiorum virtute adiuuari. Fructus
enim diuinorum sacrificiorum, aliorumque bono-
rum Ecclesiæ, est gratia Dei, at hæc non datur pec-
cātibus, quippe longè a peccatoribus salus: ergo &c.
insuper minimus gratiæ gradus omnia tollit pecca-
ta, quo si irradiati essent peccatores, ratione Diui-
norum sacrificiorum, quomodo dies noctesque per-
manerent, in fœcibus nequitiae & malitiæ? 7. Spo-
liat hominem merito & fructu, bonorum operum.
Loquatur homo linguis hominum & Angelorum:
distribuat omnes facultates suas in cibos pauperum:
tradat corpus suum ita vt ardeat &c. charitatem
autem non habeat nihil illi prodest, teste S. Paulo
Apostolo. 8. Vita æterna Sap. 15. *Malorum amatores di-
gni sunt*

*Dialog. li. 4.
cap. 57.*

*Vi sacrificii
diuini deci-
dunt vincu-
la corporea
non autem
vincula pec-
catorum.*

gni sunt morte. 9. Custodia Angelorum, sicut enim à cadauere fætido homines auertunt se, ita Angeli à peccatoribus S. Ambro: lib 1. Off. cap. 12. *Interroga conscientiam peccatoris nonne grauius omnibus fætet sepulchris?* O vere modicum fermentum totam massam corrumpit vnicum peccatum omnes virtutes, omnia bona, omnia merita tollit. Hinc à quibusdam non abs re hederæ comparatur. Primo ratione frigiditatis: quia hederæ cum frigidæ sit naturæ, terram vbi crescit frigidam esse indicat, similiter peccatum frigidæ naturæ est, ita, vt calorem diuini amoris excludat: & vbi peccatum crescit, certissimum indicium est, quod ibi calor diuinæ charitatis non sit, sed quod talis anima sit frigida, & diuino amore penitus destituta. Secundo ratione contrarietatis: quia vmbra eius est noxia, & tamen serpenti est gratissima, sic peccatum quamuis homini sit summè noxium, & damnosum: tamen serpenti infernali id est diabolo est gratissimum, & ideo vbitalis est vmbra peccati, libenter requiescit. Tertio quod nostræ rei maximè conuenit hederæ separat vinum ab aqua sicut dicit Plinius. Mira est hederæ natura frigida ad expiandum vina, nam vinum ex vase fluere, & aquam si quæ vino mixta fuerit, remanere certum est. Similiter peccatum trahit de vase cordis vinum diuinæ consolationis promanans ex operibus bonæ actionis, & relinquit ibi aquam tribulationis, & ideo de peccatoribus verè potest dici illud. Ioa. 2. *Vinum non habent.* Præclarè peccatum in sacris literis mors animæ nuncupatur, quia gratia Dei, est in anima quod anima in corpore. Sicut enim corpus per animā viuit, vitam naturalem, sic anima per gratiam Dei vitam

*Peccatum
cuidam her-
bæ quæ hede-
ræ dicitur cō-
paratur.*

*Vinum ab a-
qua separa-
tur.*

vitam viuit supernaturalem. Olim B. Zuzanna cum à Iudicibus sollicitaretur Dan. 13. sic respondit. Si hoc egero mors mihi est, si autem non egero, non effugiam manus vestras. quid ais? imo si adulterium non commiseris effugies mortem. Nouerat illa aliam mortem superiorem, in cuius comparatione non merebatur nomen mortis occisio corporalis, sed tantum non effugere manus hominum, mortem autem plenis buccis peccatum appellat. Hoc nomine illud etiam nuncupandum Propheta Domini Ezech. censet 18. *Anima quæ peccauerit ipsa morietur.* & 33. *Impius in iniquitate sua moritur.* & Apostolus Rom: 8. *Stipendium peccati mors.* Sicut igitur mors corporis, omnia bona temporalia, omnes diuitias, omnem supellectilem ab homine aufert, & nudum sicut natus est à verminibus corroendum terræ mandat, iuxta verba sacræ scripturæ. 10. Eccl. *Cum mortuus fuerit homo, hæreditabit serpentes, & bestias, & vermes.* Iob 21. *Simul in puluere dormient, & vermes operient eos,* ita & mors animæ omnia dona S. Spiritus, omnes diuinarum consolationum facultates, omnes cœlestes diuitias ab anima eripit, & nudam, carentemque veste nuptiali, ligatis manibus & pedibus, proicit in tenebras exteriores: vbi fletus & stridor dentium, detrudit inquam animam in barhatrum inferni à vermibus excruciamdā, & dilaniendā. Mar: 9. *Bonum est tibi clauem introire in vitam æternam, quā duos pedes habentem mitti in gehennam ignis inextinguibilis, ubi vermes eorum non moritur, & ignis non exstinguitur.* Isa: 14. *Operimentum tuum erunt vermes, &c. Detracta est ad inferos superbia tua, subter te sternetur tinea & operimentum tuum erunt vermes.* Mors corporis eripit Regibus regna, Cæsaribus imperia, diuitibus opulenta prædia, &c. Idem efficit & mors animæ, eripit animabus regnum cœlo-

Peccatum animæ mortem infert.

Cum interis diues, non sumet secum omnia, neque descendet cum eo gloria eius.

Eccl. 10.
Iob 21.

Mar: 9.

Isa: 14.

rum, regionem omnium ditissimam, & opulentissimam, omni bonorum copia abundantissimā. Apo. 22.

Apo: 22. *Beati qui lauant stolas suas in sanguine agni, ut sit potestas eorum in ligno vitæ, per portas intrent in civitatem. Foris autem canes, & venefici, & impudici, & homicidæ, & idolis servientes, & omnis qui amat & facit mendacium. Mors corporis cum dolore maximo & ingenti tristitia, separat homines ab amicis, propinquis, familiaribus, aliisque cognatis, ut quondam dixit Rex Agag: Sicine separat amara mors?*

Amara est mortis memoria (quid eius aduentus) homini bene habenti in substantia sua. Sic & mors animæ, multos homines, a conspectu Dei altissimi, a Societate Angelorum, a cætu Sanctorum, cum maximo eiulatu, fletu, & lamentationibus, in æternum segregabit, & in sinistra omnis maledictionis & aduersitatis collocabit.

Tob: 10.

Flebat olim mater Tobix irremediabilibus lacrymis atque dicebat: Heu heu me fili mi, ut quid te misimus peregrinari, lumen oculorum nostrorum, baculum senectutis nostræ, solatium vitæ nostræ, pæm posteritatis nostræ. Flebunt & animæ maledictæ & dicent, cheu nobis, quia amisimus Dominum Iesum lumen oculorum nostrorum, solatium & gaudium nostrum, &c. Per peccatum admittitur in animam humanam hostis capitalis eius, draco inquam infernalis, nam a quo quis superatus est eius & servus est, & trahitur ab hoste victore in

Hostis irruens in urbem: nemini parcat.

servitutem, Hostis verò cum vi irruit in civitatem, omnia rapit, domos inuadit, occurrentes trucidat, fiunt præda omnia, violantur virgines, captiuantur matronæ, & in conspectu earum, mariti earum trucidantur, oritur ingens clamor, omnia loca cæde, ruina, rapina implentur, &c. 1. Reg. 30. Amaleciti impetum fecerant ex parte australi, & percusserant Siceleg, & succenderant eam igni. Et captivas duxerunt mulieres, ex ea a minimo usque

1. Reg: 30.

usque

usque ad magnum. Sic & teterrimus demon postquam peccatorum vi, introductus in animam irruerit, eam crudelem in modum dilaniat, omnia bona, omnes virtutes surripit, omniaque donorum cœlestium monilia auferit, eam ipsam deturpat, vestimentis denu-
dat, turpium cogitationum sordibus maculat, luxu-
ria violat, peste superbiæ inficit, igne fornicationis succendit, & sic igne concepto omnia bona pereunt.
Iſa: 42. *Quis dedit in direptionem Iacob & Iſrâel & astantibus? Nonne Dominus ipse est cui peccauimus? Et noluerunt in viis eius ambulare, & effudit super eum furorem indignationis suæ, & forte bellum. Qui incidit in latrones, nonne ab illis spolia-
tur? nonne omnia bona sibi per illos eripiuntur? nonne multis vulneribus saucius relinquitur? Qui peccatum mortale committit, incidit in latrones, quod patet ex hac historia quam Dominus IESVS, Luc: 10. protulit. Homo quidam descendebat à Ierusalem in Hiericho, & incidit in latrones, qui etiam despoliauerunt eum, & plagis impostis abierunt seminiuo relicto. Quem alium homo ille nisi peccatorem denotat? qui a cœlesti Hierusa-
lem per peccatum elongatus, incidit in demones, à quibus multis plagis, & vulneribus affectus interficitur. Omnia igitur bona animæ vnicum mortale peccatum tollit. Notum est de serpente, tali esse præditum prudentia, vt corpus ictibus exponat, quo caput melius seruet. Minare ense aut baculo colu-
brum, in orbem se ille circumuoluet, vt inter sinus corporis sui caput abscondat & seruet, & ratio est, quia ex capitis incolumitate vita eius pendet. Vos Christiani serpentis hanc prudentiam conuenit imi-
tari, si enim serpens hic contemptibilis, cuius vitam omnes adimere curamus, tantam in seruanda vita prudentiam adhibet, quid nos facere oportebit, vt*

*Serpentis mi-
ra prudētia.*

*Estote pru-
dentes sicut
serpentes.*

vitam animæ nostræ, quæ est gratia Dei, seruemus,
 quæ nos capaces vitæ æternæ, & diuinæ confortes
 facit esse naturæ? quod nobis donet
 Dominus IESVS. AMEN.

SECUNDA ORATIO ECCLESIASTICA

In eadem Dominica.

Simile est regnum cælorum fermento. Matt: 13.

*Summa Con-
 cionis.*

VNicum peccatum totam vitare legem pulchre
 docetur.

NON abs re peccatum assimilatur rhanno, quæ
 est herba à principio mollis: sed quantò plus
 crescit, tantò durior fit, & in acutiorem acu-
 leum indurescit. Sic peccatum à principio
 videtur suaue, sed postea quantò plus crescit, plus
 in eo induratur, & in fine per illud aculeus æternæ
 punitionis inducitur. Item rhannus proprium ha-
 bet ignem ex se proferre, nam eius folia postquam
 cadunt & desiccantur, multæ siccitatis, & cuiusdam
 vntuositatis esse dicuntur. Ideo quando adest for-
 tis impressio caloris solaris, rhannus facile inflam-
 matur, cuius occasione vicina sæpe nemora incen-
 duntur. Similiter peccatum profert ex se ignem,
 id est, inordinatum ardorem: ita vt folia eius, intel-
 lige cogitationes vel delectationes peccati, post-
 quam ceciderunt in consensum operis, tunc desic-
 cantur

cantur ab humore gratiæ: & efficiuntur vinctuosæ, id est, lubricæ, quia vinctuosa sunt lubrica, ita vt ad fortem impressionem siue feruorem tentationis facile appetitus hominis inflammetur, & omnes animæ vires incendantur, omnes virtutes flammis carnalitatatis absumantur, omnia bona & dona cœlestia corrumpantur, vt in concione præmissa satis luculente ostensum est. In hac vero demonstrare placet, vnicum peccatum vitiare totam legem Dei.

A V E M A R I A.

IAc. 2. *Quicumque totam legem seruauerit, offendat autem in v-*
no, factus est omnium reus. Inquit S. Thomas Doctor An- Iacob. 2.
 gelicus. Factus est omnium reus, quia pro vno ac si
 pro omnibus peribit. Ita ille. Licet enim maiores pæ-
 nas subeat ille, qui plura cōmiserit peccata, hoc tamē
 quod est cœlo priuari, & damnari in æternum, ita dā-
 nabitur in æternum, & Dei visione carebit, qui vnum,
 sicut qui multa peccata cōmisit, licet cruciat⁹ inferni
 sint inæquales pro mēsurā delictorum. Vnde. Eccl. 9. Eccl. 9.
Qui in vno peccauit, multa bona perdit. Nec hoc mirandum
 esse animaduerto, dicit enim Apostol⁹. *Qui diligit proximū*
legem impleuit, quemadmodum igitur, qui hoc vnum
 præceptum implet, omnia impleuisse dicitur, ita qui
 vnum mandatum Dei violat, omnia violasse conuin-
 citur. Adhæc, qui vnicum peccatum mortale ad-
 misit, tot bona perdidit, quot & ille, qui multorum
 scelerum pondus sustinet, quia sic amittit charita-
 tem omnino & gratiam, sicut qui in multis offendit.
 Præterea qui vnum peccatum mortale fecit, ita fa-
 ctus est mancipium diaboli & seruus peccati, sicut &
 ille qui multa. Tertul. de fug: pecc. *Peccator traditur* Tertul. de fu
diabolo quasi carnifici in penam, vt Saul & S. August, Vnusquisq; ga peccati.
peccando

Ioa. 8.

peccando animam suam Diabolo vendit, accepto tanquam pretio dulcedine corporalis voluptatis. Ioa. 8. Qui fecit peccatum seruus est peccati. Insuper sicut seruus infidelis dicitur, qui vnam arcem Domini sui per scelus prodidit hostibus, quam qui multas, vterque vno infidelitatis nomine appellantur, et sic capiuntur, vno mortis genere mulctantur: sic qui vnum Dei præceptum contumaci transgressionem violauit, infidelitatis notam subiit, nam in baptismo promiserat se à Diuinis præceptis ne transuersum vnguem discessurum. idem de illo qui contra omnia peccare non erubuit iudicium esto, vterque enim datam fidem violauit. Deu. 32. Generatio enim peruersa est, & infideles filii immolauerunt demonis & non Deo. Eccl. 5. Si quid vouisti Deo ne moreris reddere, displicet enim illi stulta & infidelis promissio. Vbi infideles nuncupantur, qui Deo per vota obligati ad seruiendum, retro respiciunt, quales sunt omnes peccatores siue vno siue multis sceleribus Deum offendentes. sunt enim omnes infideles filii, non adimplentes ea quæ Deo promiserunt. S. Bas. hom. in 40. Marty. Vnum erat omnium votum. Quadringenta instadium intrinimus, totidem Domine coronas tribue, non desit numero ne vnus quidem. Verum vnus repertus est, ea animi mollicie atque inconstantia, vt statim frigoris tolerantiam desperans, ad hostes transfugeret, miserabile prorsus spectaculum, miles transfuga, vir ferocissimus captus, Christi ouis à lupo direpta. &c. Hic miles Christum confessus fuit, tormenta subiit, & magna ex parte perpeffus est, tandem victus cessit hosti, dedit locum diabolo, vnum commisit scelus, factus est omnium reus, & ex fidei milite, infidelis proditor mutatus. Notandum. Occisor dicitur sororis suæ qui eam vno vulnere interfecit, sicut & ille, qui multis vulneribus affectam trucidauit, vterque enim sorori necem intulit, & vterque

Basil. homil.
in 40. Mar.

Peccatum a-
nimam occi-
dit.

terque eodem mortis genere de medio tolluntur. At qui vnus peccati mortalis labe pollutus est, animam ita interficit, sicut & ille qui multorum scelerum sordibus maculatus fætet, ergo &c. Rom. 6. *Stipendia peccati mors.* Bas. hom. 5. *Peccatum est mors animæ alio-* Rom. 6.
qui immortalis. Ezech. 33. *Etiamsi dixerio iusto quod vita viuat* Ezech. 33.
& confusus in sua iniquitate fecerit iniquitatem, omnes iustitiæ eius o-
blitioni tradentur, & in iniquitate sua quam operatus est in ipsa mo-
rietur. Exemplis res illustretur. 1. Reg: 15. Sauli re-
 seruanti aliquam partem bonorum. Amalec abiectus
 a Domino fuit, præceperat enim illi, vt nihil prorsus
 ex bonis Amalec reseruaret, sed omnia prorsus
 perderet, ille aliqua reseruauit, accessit igitur, ad
 illum Samuel in nomine Domini & ait; Pro eo quod
 abiicisti sermonem Domini, abiicit te Dominus ne
 sis Rex. Sic a Regno cœlesti ne ibi regnet, abiicit Do-
 minus quemlibet peccatorem, quamuis in vno tan-
 tum fuerit peccato comprehensus. Iudæorum egres-
 sa ex Ægypto 20000 millia, & tantum duo venere
 in terram promissionis, quia multis peccatis Dei irā
 in se prouocauerant, &c. non est ingressus & Moy- Num. 10.
 ses sine terræ promissæ, propter vnicum increduli-
 tatis, ad aquas contradictionis, peccatum. Multi de
 Christianorum numero cœlestis gloriæ beatitudi-
 nem suorum scelerum ergo non gustabunt, ex qui-
 bus plurimos videre licebit: propter vnicum mor-
 tale peccatum eandem sustinentes pœnam. Hinc
 Leu. 13. Absolutē leprosus & ab hominibus separa- Leu. 13.
 tus iudicatur ille, qui quamuis partes corporis plu-
 res sanas haberet, aliquam tamen partem lepræ ma-
 cula habuerit infectam: leprosus autem peccato-
 rum figuram gerit, sicut ergo propter illam solum-
 modo maculam lepræ ab hominum Ecclesia lepro-
 sus elici-


fus eiicitur sic peccator, propter vnus tantummodo peccati labem à consortio Sanctorum eiicitur. Placet in medium ad illustrandam rem nostram aliquas afferre similitudines. Consuetudinem hanc pro sacrosancta lege receptam & seruata, quotidianis experimentis cognoscimus, vt apud quem vnare per furtum sublata reperiatur, author reliquarum perditarum habeatur. hinc talis capitur, carceri mandatur, quæstionibus exagitur, vt reliqua bona per se sublata quonam locorum sint confiteatur. dicitur enim illi. Ausus es vnã rem alienam accipere, accepisti & alteram. Hoc modo iniquo peccatori obiicitur. Ausus es vnum præceptum Dei transgredi omnia eadem audacia ductus transgredi paratus es &c. Sicut enim non sufficit nouem latrones è domo eiicere, si decimus remanet domi absconditus, ille quippe dominum domus occidet, & bona eius diripiet: sic non satis est nouè peccata, quæ contra nouè præcepta sunt reuocare, si vel vnicum contra decimum præceptum in anima fuerit relictum, id enim & animam occidet, & omnium bonorum operum merita diripiet. Sicut stultè faceret qui in nouem cubiculis ignè extingueret, & in decimo ardentè flammam relinqueret, illa enim sufficiens est totam domum solo æquare. Cauete ergo vobis ò Christiani à peccato mortali, etiã vnicò, quod sua vi omnia bona tollit, merita destruit, & vos omnium diuinorum mandatorum prauaricatores constituit; sed potius diligite eum, qui omni dilectione dignus est I E S V S Christus Dominus noster,

regnans cum Deo Patre & Sancto Spiritu, sine fine. AMEN.

m
te
fi-
e-
r-
de
a-
t,
es
nt
na
i-
r-
i-
in
ni
i-
o-

A

In
the





Biblioteka Jagiellońska



std/0023645

